

هانی ، بر عمره بدلدرد شو کچن هر کونکیز ؛
 بر کون اول کیدیکیز ، بر ساعت اول دونوکیز .
 شرقك آغوشی آچیقدر او زمان ایشته سزه ؛
 اوزمان وارمه نك امکانی اولور غایه کوزه ؛
 او زمان دیکلرم آرتیق سنی ، عاصم ، بول بول ..
 — یارین آقشام کیده رز .
 — اویله می ؟ برخوردار اول .

۲۲ ذی الحجه ۱۳۳۷ ، ۱۸ ایلول ۱۳۳۵

صوک

« ماده نك قدرت ذريه سی ، اوغراشدینی ایش .
 او یامان قدرته حاکم اولایلسه م دیه رك ،
 صرف ایدوب طورماده برچوق قفا بیکلرجه امك .
 اونی بربولدیمی ، آرتیق بوزمین : باشقه زمین .
 چونكه بردامله كوموردن ایده جكلر تأمین ،
 اوله میلیونله دكل . نامتناهی قدرت ! ... »

عبرت آل کندی سوزکدن ، آمان اوغلم ، غیرت !
 بریيلك وار داها ظنمجه ؟

— اوت .

— باق ، نه قولای ؟

لکن اخوان کرامك ؟

— چوغنك آلتیشر آی .

— هب کیدرلریا ، برابرجه ؟

— کیدرلر ، معلوم .

— هپسنك مسلکی صاغلانی ؟

— اوت ، مثبت علوم .

— انقلابك یولی مادام که بویولدر یالکیز ،

« زرده سین هی کیدی برلین ؟ » دیه رك یوللانیکیز .

آلی آی ، برسنه غیرت سزه اکلنجه دیك ..

سز که ییللرجه نه لر چکمدیکیز ، هم کوله رك !

واقعا اورتهده يوزلرجه مساوی يوزويور ؛
 سن بو کابوسی بوتون شره دکل ، خیرهده يور .
 چونکه يوقدر برينک قلب جماعتهده يری ؛
 آراسهك : هپسی بش اون مسخره فردك هنری !
 بوجهتدن ، هانی ، هيچ ييلماسين ، اوغلم ، کوزيکز ؛
 ساده غربك ، يالکيز علمنه دونسون يوزيکز .
 او چوجوقلرله برابر ، کيجه کوندوز ، ديدينک ؛
 کيدن اوچ يوز سنهك علمی صيق الدن ايدينک .
 فن ديارنده صيزان نامتناهی پيکاری ،
 هم ايچک ، هم کتيرک يورده او نافع صولری .
 عيني منبعلری احيا ايچون آرتيق بوراده ،
 قفا گز ايشلهسين ، اوغلم ، قانال اولسون آراده .
 سن کچنلرده ديمشدك که :

« يازيق حالا بز ،

دونکی علمک بيله بيکانهسی يز ، جاهلی يز .
 ايشته فقدانی بو اهمال ايديلن معرفتك ،
 نسلی برعجزه دوشورمش که ، بوکون ، مملکتک ،
 برينفين قوتی وار ، هم نه طبعیده ، هنوز ،
 بز او قوتلره ايللر کي حاکم دکلز !
 يارينک علمی نهدر ، حالبوکه ؟ غایت مدهش :

بى نىيىزدە اويوزدن بوشىر قىلىن خىران .
 سوكرە ، اعصارە سورن خىيى چىكىمكە ، بوكون ،
 او فضىلت بىلە خىس سىز ، حر كىتىز ، اولكون .
 شىمدى ، عاصم ، بىكا مفرطدى ، نە اىستىرسەككەدى ،
 معرفتىدەن دە جدا ، شىرق او فضىلتىدەن دە .
 لىكن اىستىرمىسىن ، اوغلىم ، مىسلى اولق :
 اجتماعى بوتون عامللەر ، قدرتلىر باق .
 بونلر كى ھەر بىرىنىڭ قوتى ، ماضىيە اينى ،
 كوكنى مىقدارى اولور ؛ چونكى بو عامللردىن ،
 اك دىرىن كوكلىسى اك صاغلانى ، اك حاكىمدىر .
 شىمدى ، سىن بىزدەكى قدرتلىرى اشسەك بىر ،
 كورە جىكسىن كە : بولمىدە فضىلت اك اوزون ،
 اك دىرىن كوكلەر ياقلا نىمادە ؛ ھىم سوكرە اونك ،
 بىمبارك سويى وار ، ھىپچ قوروماز : دىن مېنى .
 حادثات ايتىمىن اوغلىم ، سىنى اصلا بىدىن ..
 ايكنى اوچ بالىلار آيىرماز بىزى ماضىمىزدىن .
 آغاچك كوكلىرى مادامكە دىرىندىر جىدا ،
 دالى قويمىش ، نە اولور ؛ كوككەسى كىتىش ، نە ضرر ؟
 او ، باقارسىن ، يەنە اوستىدەكى ادواری يارار ،
 يوكسەلىر ، فېشقىروب ، آفاق پرىشانمىز ؛
 يەنە بىك واحە سىرر قاۋرولان ايمانمىز .

معرفت ، ایلکین ، اهالی به سعادت ویره جک
 بوتون اسبابی طاشیر ؛ صوکره فضیلت کله رک ،
 او بیریکمش طوران اسبابی آلبر ، مملکتک
 خیر اعلاسنه تخصیص ایله صرف ایتک ایچین .
 معرفت قدرتی اولمازسه بر امتده اکر ،
 تک فضیلتله تعالی ایده مز ، ضعفه دوشر .
 ابتدائیلکه مخصوص اولان آواره سکون ،
 چوکر اعصابنه . آرتیق اوده بوندن نمون !
 معرفت ، فرض ایده لم ، وارده ، فضیلت مفقود ..
 بر فلاکت که جماعتلر ایچین ، نا محدود .
 بشرک روحنی تسمیم ایده جک قرحه بودر ؛
 نه مصیبتدر او : طاعونلره رحمت اوقودور !
 بزلر ادوار فضیلتلری جداً پارلاق ،
 بر بویوک ملتک اولادی بز ، اوغلم ، آنجاق ،
 او فضیلت صوک اوچ عصرک یوروین علمیه ،
 برلشوب کیتمدی ؛ باتدقیقه امت جهله ،
 بنیه وی قدرتی کوندن کونه مفلوج اوله رق ،
 بردوشوش دوشدی که : طاورانسه ده ، صارصاق صارصاق ..
 غربک امریله یاتوب قالقمايه آرتیق محکوم ؛
 چونکه حاکم یاشاقان شوکت فندن محروم .
 بز ، اوت ، خصمیزک قدرت عرفاندن ،

نسلی تہذیب ایلہ ، اعلا ایلہ مشغول اولام .
 چیقاروب کوندروم ، حاصلی ، شیخم ، یر یر ،
 اورادن عالم اسلامہ جمال الدینئر .
 — « بو ، فقط ، یکر می ییل ایستر کہ قولای کور میورم ...
 یکر می کونلک ایشہ باق سن !
 — « قولکنز معذورم . »

قصہ دن حصہ چیقار سہ قی ، نہ دیر سین عاصم !
 آ کلایور سین یا ، ضرر یوق ، داہا ای آ کلاشہلم :
 انقلاب ایستہ یورم بن دہ ، فقط ، عبدہ کبی ..
 یوقسہ ، اللردہ کور آلت افہلر ترتیبی ،
 باب عالیلری باصمق ، آدام آصمقلہ دکل .
 چک بوایشدن بوتون اخوانکی ، کندکدہ چکیل .
 کزمیک اورتہدہ ، اوغلم ، صوقولک بر صاپایہ ،
 وارسہ امکافی ، یارین عودت ایدک آوروپایہ .
 — عمجہ بک !

— نافلہ عاصم ، سنی ہیچ دیکلہ میز ..
 چونکہ سن بر کیشی سین ، بز باقلم اویلہ می یز ؟
 بن .. باباک .. صوگرہ ملک .. طوتدورہ ماز سین نہ دیسہک ..
 ہادی تحصیلکی اکالہ تزالدن ، ہادی سن !
 چونکہ ملتئرک اقبالی ایچون ، اولادم ،
 معرفت ، بردہ فضیلت .. ایکی قدرت لازم .

بابا گیک یوقی داوولدن بتر ایقازلی ، هانی ،
 طبقی روئادن آیللمشلره بگنزدی !
 — یوق افندی ، بوقادار شدتی ایتیم یا امید ،
 مع مافیله بدرك حق دکلدر تنقید .

— شیمدی عاصم ، ادبیاتی بیراق ، برطرفه ؛
 داها جدی ایشمز وار ، کچه لم باشقه لافه .
 غالبا سویلیدیکم یوقدی ؟ اوت ، هیچ یوقدی :
 مصرک اک محتشم استادی محمد عبده ،
 قونوشورکن نهیه دائرسه جمال الدینله ؛
 دیرکه تلیذینه افغانلی :

« محمد ، دیکله !

انقلاب ایسته یورم ، باشقه دکل ، هم چابوجاق .
 اوکه بزلر دوشوب اسلامی ده قالدیرمازسه ق ،
 نظریات ایله برشیلر اولور ظن ایتمه ..
 او بر اهینی ده آرتیق یتیشیر دیکلتمه !
 چونکه محتاج تظاهر دکل استعدادک ... »
 — « شبهه یوق ، حق سموحیلری وار استادک ..
 کیده لم بریره ، حتی شو بزم سودانه ؛
 یکی برمدرسه تأسیس ایده لم عربانه .
 داها اوچ بش ده فضیلتلی مجاهد بولالم .

ادبی صحبت اولورمش بویوجک بریرده .
 نه دن آثاریمزك هپسی چلیمسز ؟ دیرلر ؛
 بوزمین اوستنه هر کس ایکی اوچ سوز سویلر .
 بولونور ، نه یسه ، نهایت بالیفک بل کمیکی :
 شرقک اوچ بیک سنه در ، کون صایه رق بکله دیکی ،
 اومعظم ، اویامان شاعر داهی بی زمن ،
 چیقاروب ویرمه مش آغوشنه یوردك الان .
 روح ملیمزی قطمین ایده مزمش برادیب ،
 کمه دن صحنه ایامه اوداهی مهیب .
 کیجه لر حامله ، مادم ، چوجوق ارکیچ طوغه جق .
 آما سن شیمدی ایشک کیردیکی صوڭ صفحه یه باق :
 هانکی ساز شاعری ، بیلیم ، بونی آلمش ده خبر ؛
 « نه جیم بن ؟ » دییه ، کونلرجه تینمش ترتر !
 صوکره طور مشسه ده ، حالا ، دیدیلر ، غیظی یامان ؛
 دوت یمش بلبله دونمش ، کیدرک ، قهرندن .

بوکا کولمشدم ، اوت ، کولیه جکدم اوغلم ،
 چارچابوق عدل السهی دیدی : « طور شیمدی قولم ،
 سن که ، واه واه دییه جک یرده ، کولرسین قاه قاه ؛
 ایشته فعل ، ایشته جزا ، چک باقالم ! » ایوالله .

— وارسه ده اوچ درت ائرم ،

ذات ساميکـزى خوشنود ايدە مـز ظن ايدرم :

دموى ذوقکـز البت دموى شعر ايستر !

— عصبي اولسه ده راضى يز ، افنديم ، بزلر ..

بر مزاج ايسته ميورسـق اوده : لنفائيلك ؟

چونكه ملتـر ايچون ، طوغـروسى ، غايت مهـلك .

— ادبـيانمـز اللهـه امانت ديسـه گـه !

باباـكـك اوغـليسـين ، عاصـم ، نه قدر اولـسه ينـه .

— پـك طرفـدارى دـكلـدر پـدرم ..

— صورمه ، فنا !

ادبا نامنه کيم وارسه ، بلا استثنا ،

هپسـنـك روحنـى شاد ايـتـدى بو کون ..

— ايتـمـکـز !

— ديدم : آرتيق بوقادار سوکمه يه لائق دکلز .

سـنـده کيمـسـين ؟ ديـيوـيرمـزى ، نه اولدم ، بياسـهـك ؟

بنسـه شاعـر کـچـينـردم ، هله بـراق شوکا سن !

قوشونـك حالـنه كولـمـك نه فنا شى !

— البت :

يوق که دنيا ده جزاسـز قالـهـجـق برحرکت .

— اوت ، اوغـلم ، يالـکـز عبـرت آلانـر زـده ؟

— سنى چوقدن بريدەر ، كوردىكمز يوق ، عاصم ،
زده سين ؟ يرده سين ؟ كوكده ميسين ؟ كل ، باقالم
يالگز سين ؟

— يالگز كلدم ، افنديم ، بوسفر .

— كتيره يدك ، آجانم ، شونلرى ..

— بيلسه يدم اكر ..

— آفرين ، طوغروسى ، جوهرلى چوجوقلر ، بللى !
افتخار ايتلى كوردكجه بوكور بوز نسللى .

— بنده شكرانمى عرض ايتلى يم شيمدى سزه ،
بويله اك سوكللى يارانمى تقديريكلزه .

عمجه بك ، كوردىكمز ، الله ايجون انسان شيلر ..
اما بر تورلو ايصينماز ، نه سبيدنسه ، پدر .

— عقللى ايرمز باباكل ، سن نه كه لازم ، بكا باق !

— يكي يازدقلريكز زرده ، افنديم ، او قوسه ق ؟

آرادم كيমে ده يوق ..

کورویورسین یا : تېجدله صاوولماز بر آجی !
 بابا کک جانی ایچون مرحمت ایت ، اولادم ،
 پک خرابم ، بکا بریارچه جق اولسون یاردیم .
 یالکیز سنسین ائلدن طوته جق ، یاش یتیم ..
 آه او وقتیه اولندر نه ده طالعی ایتمش !
 ربمک جلوه سی بونلر یا ، فقط حیرانم ..
 کبروب کیتمدیکم ، باشقه نه در عصیانم ؟
 آمان او غلم ، « هادی تحصیلگی اکال ایدیور . »
 دی ده ، مجنونی زمان کچه دن اول کوندر .
 چونکه ..

— طور طور !... نه خبر ؟ یوقسه مسافر می ، امین ؟
 عاصم آغا بکمی کتیردم ...
 — ابی ایتدک ، کاسین .
 — بزه کیتمک دوشویور شیمدی .
 — سلامتله ، خواجه م ...
 هیچ مراق ایتمه .. نو آقشام قله بیلسه ک ؟
 — قالمام .

...

کوندر رکن ده « کیدر ، برداها کلز » دیردم ؛
 اونوتولش کبی آرتیق بیراقیردم پشنی ،
 آوتورددم ، اوطورور ، اوده قالان قارده شنی .
 خانمانلر چوکویور ، زلزله یالکز بکامی ؟
 اورته لق جان چکیشیرکن آچه مام بن یارمی .
 آ کلامام او غلم ایچون چکمه یی ذاتاً خلجان ؛
 ایلک اولادی نه در ؟ هپسی جوان ، هپسی ده جان .
 « پارچه لانتش سنک عاصم . » دیدیلر بالدفعات ،
 بابایم ، البت ایچم پارچالانیرکن ، هییات ،
 هر زمان سینیه چکدم ، بیلورسین یا ؟
 — اوت .

— چو نکه غایتله طبیعیدر او مشکل غیرت :
 قاپلامش یوردیمک آفاقی ، مادام ، شهدا ..
 وارسین اولسون قالانک اوغرینه عاصم ده فدا .
 « هم غزا ، همده شهادت ، نه سعادت بو ! » دیرم ؛
 جکرم یانسه ده سوندورمک ایچون جهد ایدرم .
 آما « قاتل » دیسه لر او غلمی ، یاخود « مقتول »
 او زمان ایشته بنم عاقبتیم پک مجهول .
 وارمی بر چاره که دنیا ده ، کیدوب باش اوریم ؟
 هانکی خسرانمی « سن طور ! » دیه رک صوصدوریم ؟
 کندی وجدانم اولور او گجه کلیر دعوا جی ..

لکن ، او غلم ، کورویورسین : قورولان پرده یامان ؛
 هانی ، باشند باشه قان ، طیش یوزی قان ، ایچ یوزی قان ؛
 برطامار پاتلاماسین ، سل کوتورور مملکتی ؛
 یوقسه کوسترمه یه ربم او الیم عاقبتی .
 — ینه افراطه قاپیلدک صانیرم ..

— هیچ ده دکل ،

سن شو وضعیتیه بر باقسه کا : جداً مشکل .

— هادی مشکل دیه لم ، چاره سی هیچ یوقی که ؟
 — وار .

— نهدر اویله یسه تلاشک ، هیجانک بوقادار ؟

— هیجان یوق ، یالکیز ، مسئله نک اهمالی ،

بنجه پک طوغرو دکدر . اوت ، انسان حالی ،

یا نهایت قیزی صایمازده بو معتوه اوغلان ،

یکیدن قامته قالقارسه ، نه اولماز او زمان ؟

قوپاجق فتنه یی ، او غلم ، هله بر کره دوشون ؛

صانیرم عین خطادر بنی مفرط کوروشک .

خاییر ، افراطمه حکم ایتمه گه راضی دکلم ؛

بنده اولدجه متینم ، هله پک معتدلم .

نه یاقین دیر ، نه اوزاق دیر ، نه صوغوق دیر ، نه صیجاق ،

بوچوجوق حربه کیدر ، قاچ سنهدر ، زیپلایه رق .

نه زمان « کیتمه ! » دیدم ؟ « قوش ! » دیه رک کوندردم ؟

— دیکله م آرتیق ، هادی کیت !

..

خواجه زاده م ، سن اصل دردی بزم قیزدن ایشیت :
سنگ آبدال داها بر خیلی ده چیلغین بوله رق ،
باب عالی بی ..

— آمان ؟

— باصمه بی قورمش ..

— هله باق !

عجبا کیم که آیارتان ؟ ... آما ظن ایتیم پک ..
— دیمه ، اوغلم ، بکا تکمیلنی آکلاتدی ملک .
قیز بیراز عزمنه انکل حریفک ، یوقسه فنا ..
هم باصار ، همده آصار ، چوق دلی شی ، آما !
— سویله ، پک قانلی اویوندور ، یا گیلوب اویناماسین .
— بنی هیچ صایدینی یوق نافله .. برسن وارسین ،
برده همشیره سی وار ضبط ایده جک شیمدی اونی .
آمان اوغلم ، بکا ترک ایتیمکز مجنونی .
— یوق جانم ، واز کچر البته ، بوکر چکمی دلی ؟
— بیله م ، قورقویورم قیز بنی ایقاظ ایده لی .
ایش او اولکی وقایع کبی اولسه یدی ، اوت ،
بلکه برپارچه تسلی یه بولوردم جرأت .

صوڭ سوزمدر سزه ... يهوده فقط ، زده طويان ؟
 طاشدى قوصوق كې هر پنجره دن بىك هذيان .
 بك طبيعى كه طورولمازدى ...

— طور اوغلم ، يتيشير !

— لطف ايدك ، يتىمدى ...

— بر ديكله ده ، اولمازسه ، يتير .

بكا آكلات باقايىم شيمدى : شو يىچاره اوجاق ،
 زوربالر سلطنتندن نه زمان قورتولاچق ؟
 هيچ بو منطقه ، آديوانه ، حكومت مى يورور ؟
 بر جماعت كه ارنر ايشى يومروقله كورور ،
 قفا يتمش ديمك آرتيق ، چكيوير قويروغنى !
 قوتك حق ميدر اكسه له مك بولديغنى ؟
 بزه ، عاصم ، نه شونك يومروغنى لازم ، نه بونك ؟
 برينك نچه سى ايستر يالكىز : قانونك .
 وير بوتون قدرتى قانونه كه وحدت يوروسون ..
 يوقسه ملت دكل آنجاچ داغينيق برسوروسين ..
 مملكت ذاتاً آيول باقسه كا : آلاق بوللاق ،
 سن ده حسكه يوروسه ڭ باتيررسين مطلق .
 يا قوزوم ، ضبطيه روحيله حكومت سورهنك ،
 ىرى آلتنده در ، اوستنده دكلدر كرهنك !
 — باباجغم اويله دكل ..

بر اوفاق اولچو ، دیدم .. بولدی نهایت بقال ؛
 آلدی هر کس غازی ، کول یاغی کبی ، مثقال مثقال ؛
 نه دونانمشدی سوقق ، طوغروسی شهر آیندی ؛
 صورماییک پارچه لانان ظلمتی : اوچ کون سیندی ؛
 باباجنم ، ایشته قومار بازله ظلم بوقادار ،
 برده اوکسوزلر ایچون بیک لیرا آلدیم زور زار .

کلهم جنبشه انصاف ایدیکز وقتی میدر ؟
 یاخود انسان کبی اکلنسه حریفلر نه دینیر ؟
 محتکر قافله سیمش ، نه ادب وار ، نه حیا .
 آج ، سفیل ایکله یه رک جان ویره طورسون دنیا ،
 ینه سز دیکله میک ، آ کلاماییک ماتمنی ،
 سوروک آرتیق سریلن یوردیکزک صوک دمنی ؛
 صاغده یوزلرجه اولن ، صولده حسابسز سورون ،
 قارشیدن بونلره کولمک نه دیمکدر علناً ؟
 طورماییک ، دردیمه اورتاق کورونوک قالقیکه ده ،
 دیمش اولسه م ، بیلیرم ، وسعکزک فوقنده .
 آغلامق چوق کیشینک ذوقی دکش ، لکن ،
 کوله مک هر کس ایچون ، ظن ایدرم ، پک ممکن .
 قومشولردن صیقیلیک ، پسدن آتیک نعره لری ؛
 بوس بوتون صوصدورورم صوکره ، چیقارسه م یوقاری ؛

هر کس آج بکله شیور قالدیریمک صیرتنده ..
 سز کیدک ، پرده لرك هپسنی قالدیرتیک ده ،
 علنی عشرت ایدک عالمه کوسترمک ایچون !
 به آداملر ! آزیجق صایغی صاییک : کیزلی ایچیک .
 عزه طوفاننه طامش ، قولاج آتمقده سکمز ؛
 یوتقونان خلقه باقیک ، پنجره لردن ، صاییسز .
 پاره کز یوقیا ، شو بن وار دییهیم ، بول کیسه دن ؛
 حقکمز زرده سفیه اولمایه دنیا آچکن ؟
 هادی یاهو ، یتیشیر .. چوق بيله ایچدکلریکمز ؛
 طورمق اولمار ، طاغیلک ، بلکه اوزاقدیر یریکمز ...
 هانی آلدیرماسه لر باری ، « دفع اول کیت ! » دیدیلر ..
 دیدم : « آرتیق کپمه عائدسه دفع اولمق ، او کیدر . »
 قوللرندن طوته رق هپسنی آتدم بر بر ؛
 سویله ییک وارسه قباحه ، عجبا بنده میدر ؟

کله لم شیمدی قومار بازلی تهیدیه . اوت ،
 بوتون اولرده ایشیقسز بو کالیر کن ملت ،
 او قلوپدن صیریتان شنلکه انسان طوره ماز :
 یانیورمش ، دیدیلر ، هفته ده بر صاندیق غاز !
 بن بو اسرافنی طبعی چکه مزدم آرتیق ؛
 طاشیدم سویله نیلن پترولی صاندیق صاندیق .

قوشويورسين ، به چوجوق ، چارپه جق آلئك ديواره ؛
 داغيلير صوكره قفاك ، ائمه ، چكىل بر كناره .
 نه دمير لبلې مسلك بو ، ابوذر وارى ؟
 عمرڪ ضابطه مامورى كله يدك بارى !
 سن اوميخانه يي باصمقله مكلفميدك ؟
 يا قومار بازلى معناسى نه در تهديدك ؟
 طوپلانوب جنبش ايدر كن ايلك اولادى ، كيجه ،
 هانكى بر حقله كيدوب هپسنى دوكدك دليجه ؟
 نعره آتمش ديه سرخوشلى ، طوت سن ، قووالا ..
 بارى كيت بكجى يازيل ، آيلق آليرسين بودالا !
 نه به جبرآ آيريرسين قوجه سندن قادينى ؟
 قومشولر ، باقسه كا ، « كل كهيا » قومشولر آديكى !
 باليق آلمش ، نه اولور ؟ صوكره يديرمش ، نه چيقار ؟
 صانكه هيچ بسله مه مش كنديسى وقتيله زاغار .
 سكا بر شى ديمه مش ، قيصمش اوطورمش ديلنى ؛
 ئىچون ، اوغلم ، سرييورسين حريفك پسديلنى ؟ ... »

سويله ين بن دكلم شيمدى ، بزم عاصم بك :
 « حرڪاتم سزى بيزار ايديورمش .. چوق شى !
 باباجغم ، اويله دكل ، ديكه ميك راست كلنى ؛
 ديكه ييك صوجل مى يم ، حقل مى يم ، برده بن . »

کیمک امدادینه قوشسون ؟ او قادار چوق که سفیل !...
 هانکی ماتملی اوڭ دردینه چیقسین اورتاق ؟
 بر ییغین کول کسین ، باقسه کا ، بیکلرله اوجاق !
 هانکی یاردیم دیله نن عجزی طوتوب قالدیرسین ؟
 هانکی ملعون چته نک بوینی ایلکین قیرسین ؟
 بزم او محکمه ؛ حاکم ، برکت ویرسین ، آجار ؛
 کیجه دن حکمی ویرر ، کوندوزین اجرایه قوشار !
 نه مه لازم ، حریفک پک عملی شی بیلاهکی !
 — اما هیچ صورمه بزم چکدیکمز غائله یی :
 آقشام اولمازمی ، قیزک بکزی اوچوقدر مطلق ..
 آغابکم کلدی حالا .. دیه قورقاق قورقاق ،
 دیکیلیر قارشیمه .. لاحول دیرم ، صبر ایدهرم ؛
 بنی کیم تسلیه ایتسین که بن اوندن بترم !
 چوللانیر بینه یوزلرجه مهیب اندیشه ؛
 بوتون اعصابی صارصار ، باقه مام هیچ بر ایشه .
 ساعت آرتیق بیله مم آلتی می ، یاخود یدی می ؛
 هیجان ، کلدی می اوغلان ؛ خلجان ، کلدی می .

چله دن چیقمشم آقشام ، دیدم :

« عاصم ، بکا باق !

یول یاقینکن کری دون ، نافله چیقماز بوسوقاق .

هانی ، انسان سہی چاغلاردی شو وادبلرده ..

صورکہ آفاقہ ، او عالمی ، اودملر نرہ ؟

یم یشیل یورده چوکن قاپ قارہ طوپراق رنکی ؛
دیندی بیکلرجه حیاتک ازلی آھنکی .

یوق جوارمده بوکون آج یاتانک پایانی ؛

ھرپریشان یووا برعائلہ قبرستانی ؛

بنی اولدورمده ، اوغلم ، بوخراب ایصسزلق ؛

هانکی ویرانہی اشہک قوپویور بیک چیغلیق ؛

خستہ بیکلرلہ ، باقن یوق ؛ دیریلر چیر چییلاق ؛

اولولر قاص قاتی اولمش ، هانی کیم قالدیرہ جق ؛

برطرفدن بو فجایع کمیریرکن یوردی ،

برطرفدن ده ایلک برسورو طویماز قوردی ،

دیشلہ یور نعشنی صیرتلان کبی بیچارہ لک ؛

یولی اومام کہ بو اولسون قوشولان صوک ظفرک ؛

کیردیکز حربہ حریفلرلہ « ضروری ! » دیہرک ؛

بو رذالتده ضروری می ، قوزوم ، بریلسہک ؟

— آما سن پک اوزون ایتدک خواجہم ، آرتیق صده ؛

بحشمز نرہ ، سنک سویلدیکک شی نرہده ؟

— ایشتہ ، اوغلم ، چوجوغک روحنی صارصان اسباب ؛

متصل قیورانیور ، قلبی یقیق ، بینی خراب .

هانکی بیچارہنک آلامنی ایتسین تعدیل ؛

شو بنم در دیمه بر چاره بولایدق ایلکین .
 رمضان وقعہ سی هر کون ، خواجہ زادم ، هر کون ،
 ہلہ کونلر برکتلیسہ ہان اوچ بش او کون !
 عادتا چیلغینہ دونمش .. بوجنونک دہ باشی :
 یانہرق کومدیکی بیکلر جہ شہید آرقاداشی .
 صانیرم صوک یارہ سندن دہ بیراز خویلا نیور ..
 صوکرہ ، احوالہ تحمل می دیدک ، غایت زور .
 نہ دولابلر دونویور ، بینکی صارصار طویسہک !
 بنجہ بیہودہ در ، او غلم ، بونہر لر کی قان .
 او ، دمین « حرب عمومی » دیدیکک مسخرہ لق ،
 قارہ کوزدن دہ بتر ، قیمتی یوق بش بازہ لق .
 پردہ صیریلدی ، ایشک قالمادی ہیچ برہنری ،
 ہرباقان سزدی قارا کلقدہ سینن چہرہ لری .
 یوتولور ہرزہ می پیر عشقنہ محرومیت ؟
 چکدی ییالمر جہ ، فقط ، چکمیور آرتیق ملت .
 ہلہ سن کل دہ « حمیت ! » دیہ آبدال قاندر ؛
 جانی یانمش ددہنک صوک سوزی « الا اللہ ! » در .
 بن سفالتدن اولور کن سنی صیقماز سہ رفاہ ،
 حق ارنلر بوکا اومام کہ دیسین : ایواللہ !
 شویلہ بزباق : نہ خراب اورتہ لیغک منظرہ سی ..
 آما ہیچ دشمنہ صاقین ، چونکہ یورکلر یارہ سی .

بل نصابنده ، اوموزلر کی طاشقین چاتیلر ؛
 عضلی بالديرینک قطری هان بونی قدار .
 ایکی چام بولمسی قول ، کیم طوته جق ، کیم بوکه جک ؟
 اوبیلکلرله او اللرسه دمیردن داها پک .
 یاره لر باشقه جه اندامنه هیبت ویریور ،
 برشهامتلی تماشا که وجود اوریریور .
 واقعا خصمی ده کوربوز دلیقانلیدی آما ،
 عاصمک صولتی قوت می صورار هیچ آداه ؟
 سیلکیور دوت کبی بیچاره بی صاغدن ، صولدن .
 نه او ؟ چارازی ؟ هان کیرکه سنکدر میدان .
 آی ! حریف صیریلیور ، هم نه قولایلقاه ، باقیک !
 آمان عاصم ، بوکولش اولماسین اویدورما صاقین ؟
 هله آکلات شوایشک نه یسه حقیقی رنکی ؟
 « یکه مزمش اونی : بر کره دکلمش دنکی ،
 برده بیچاره آدام پک متعظم شیمش ،
 قهر اولورمش کدرندن طوتارق یگسه یمش .
 صوکره ، لایقیمی ایش یرلره سرمک شیمدی ،
 بویله دوشمانله بوتون کون دوکوشن بریکیدی ؟ »

*
**

— آکلادق ، هپسی ده اعلا ، دییه جک یوق ... لکن ،

عسکر ایتمشدی کولشدرله یاریشدر ترتیب .

« هادی عاصم ! » دیدک ، « اولماز . » دیدی ، بزديکله مدک ؛

بولارق برده قالین ، پیرپته بکیزر دیزلک ، [۱]

یاره لیش دیمدک ، اوچ کیشی طوندق صویدق ؛

چیقدی میدانده کیزن خصمنه بیچاره چوجوق .

نهدی اوغلانده کی اندامک او آهنکی فقط !

بللی هرعضوی ایچون آیری چالیشمش خلقت .

یا کمیکلر نه صلابتلی ، یا اتلر نه قاتی :

ثپه دن طیرناغه ، کویا ، دولامشدر خالاطی ،

ایکی اوچ قاتلی بوکوب برچنارک کؤکده سنه .

هله طاشمش دوکولورکن اومعظم سینه ،

اویله بارز عضلاتک ابدی دالغهری ،

که یورار عارضه لر سیرینه طامش نظری .

چوق کنیش دیرسهک اوموزلر ، بوی اونسبتده اوزون ،

اونه موزون قفادر ، صوکره ، نه صاغلام اوبویون !

اوفاراق برقاپی صیرتک قاباران ابعادی ،

چارپیشوب طورماده ناچار ایکی مدهش قانادی .

اکسه دن تابله صارقان او درین خط ، اویاریق ،

عرضی عمقنده نهان طول مجرد آرتیق !

[۱] پهلوانلرک کولشده دیزلرینه چکدکلی ، تامیله مشین ایسه آدینه

« قیسپت » ، یاری یانکن بزی ، یاری مشین ایسه « پیرپت » دیرلر .

دو کولن حسلری کور : ایخیلرک اک تمیزی .
 گوکده یالچین قیادن آبدە ، لاقید اجل ؛
 صانکه هیچ دویغوسی یوق .. برده فقط روحنه کل ؛
 او نه افراط ایله رقت ! هانی ، ایتسهک تعمیق ،
 برقادین روحی دکدر او قدار بلکه رقیق .
 صوگره ، عرفانی ایچون سویله جک سوز بولامام ؛
 اوغلانک بیلدیکی ، او کرندیکی هرشی صاغلام .
 بویی دهشتلی ، اوت ، یینی ده لکن زنده ؛
 قفا اگسه یله برابر کیدیور سیرنده .
 چوله بن خیلی کوروشدم بوسفر عاصمه ؛
 خواجه ، تأمین ایدرک سویلرم ایمانله ؛
 اغتنام ایتیه باقدم چوجوغلک صحبتی ؛
 بک یاقیندن طانیدم چونکه خصوصیتی .
 نه کولشدرمدیکم قالدی ، نه قوشدورمادیغم ؛
 نده « هر شیده صفرسین ! » دییه چوشدورمادیغم .
 چولک آسوده محیطنده کچن کونلریمز ،
 بکا کوستردی تمامیه که : اوغلک اشسز .
 بی تناهی صفحاتیه حریف آیری جهان ؛
 بی تناهی صفحاتنده ، لکن ، انسان .

هیچ اونوتمام ، بویوجک برظفر اولمشده نصیب ،

قوتك صيرتنى كيممش ، كورديم ، اوقشاماين ؟
 نه زمان آلتده قاليرسهك ، اوزمان درديكه يان !
 « بشرك عدلى ماصال ، حق ظيپر كدر يالكرز ؛
 دوگونلن محكمه لردن قوغولور ، چونكه : جيايز ! »
 بزم اوغلان بونى ورد ايتمش ، اوقور هريرده ..
 — طوغرو سوز ، صوكره ، طبيعى ، افهلاكار سرده !
 — افهلاكار ، چوق كوزل اما ، صوكنى چيقماز بويولك ؟
 ايتمه ، اوغلم ، شوكا برپارچه نصيحتده بولون .
 چونكه بن قورقويورم ، سويله مش اولسه تكرار ،
 يوز كوز اولدق ، ايدجك مسئله عصيانده قرار .
 — نه ديمك ! هيچ سكا عصيانمى ايدرمش عاصم ؟
 — بنجه هر ممكنى وقتيله دوشونمك لازم .
 — خواجهم ، اولاديكه بكزر بولامازسين آراسهك ،
 كورمدم بن بو قدار درت باشى معمور انسان .
 نه بويوك خلقت او عاصم ، نه معظم هيكل !
 اونى ، بر شعر حماسه كى ، الهام ازل ،
 سكا صونديسه ، آچوب روحنى تشرېحه چاليش ..
 غالبا اوغلانى يا كلش كورويورسين ، يا كلش !
 يالكرز كو كسنك ابعادى مى صاندك يوكسك ؟
 اينده اعماقه برباق ، نه درينش او يورك !
 دالغه لاندجه ايچندن طاشان ايمان دگيزى ،

او ناصیل جهد ایدی قورتولمق ایچون آ کلامالی :
 سیلکینوب آتدی بلندن آویلان درت چووالی !
 دیدم : آرتیق سزى حقلار بوظیر شیمدی ، طوروک ،
 نه آغیز قالدی ییکیتلرده ، حقیقت ، نه بورون ؛
 کیمه ایندیهه ، نزول اینشه بگزتدی اونى !
 بوسویمسز شاقه نك خیلی فراقلیدی صوکی :
 هانی ، سلخخانه جوارنده طوروب سیره باقان ،
 قاره باشلر کورولور : یوزلری قان ، کوزلری قان ؛
 بوچومارلرده او وضعیته ککشلردی .

هپسنک حقنى الله ایچون اوغلان ویردی !
 هله بردانه سنك بینى داغیلمشدی ، اکر ،
 ایشی صلح ایتمه مش اولسه یدى کلن درت عسکر .
 — آ کلاسه یدق ، ، شو نه دن صوکره گنك فضله پایی؟
 — یا طابانجه یله هجوم ایتدی اوزاقدن بودایی .
 برکت ویرسین او عسکرلره دعوی بیتدی ؛
 سدیله لر کلدی ، پولیسرله حریفلر کیتدی .
 — سزى حقسز چیقاران یوقدی یا ؟

— اولسون می ؟ توخاف !

عفو ایدرسین ، خواجه زاده م ، نه قادار صاحجه بولاف !
 حقلی ، حقسز دییه تقسیمى کیم ایتش که قبول ؟
 بوجهان ، باقسه کا ، باشند باشه : آ کل ، ما کول .

بو ، ظپير ؛ عالمك اولاديني ديرسهك ، خاشاري ؛
 كوره جك خيلي مرّوت داها وار ؛ بن ياپه مام ..
 — رمضان وقعه سي ، ياهو ؛ شوني آكلات ، به آدام ؛
 — اسكداردن كليوردق ، ايكي مژ : عاصم ، بن . .
 ساعت اون بر صولر نده يدى .. واپور بكلر كن ،
 يولچيلر بافره يني تلنديريوي ر مزمى سكا ؟
 قاجيوير ، بللى كه چينغار چيقه جق ، طور ماسه كا ؛
 خاير اوغلم ، ناصيل اولديسه ، آيشدم قالد م .
 چوجو غنك طورى دكيشم شدى . ديدم : « باق ، عاصم ،
 دالاشيرسهك بو حريف لرله اوزرسين بابا كي . »
 ايچلر ندن برى ، هم شهبه سز ، اك قالتاباني ،
 اوچ نفس پوفله يه رك بورمه : « سن سويله ، خواجه ؛
 نه يه باغلانمالي حيوان كي حالا اوروجه ؟ »
 ديدويور مزمى ، طبعي سنك اوغلان توقادى ،
 حريفك ييرتيلاجق آغزينه قالقوب يامادى .
 غالبا بك جاني يوقش كه يووارلاندى لشي ...
 اصل ايتلر كريد يمش ، قوشه رق دردى ، بشى ،
 آكسزين سرديلر اولاديمي قارشيمده يره .
 بن شاشيرمش ، « آمان اوغلم ؛ » ديمشم بر كره .
 هله يارتي شكر ، طوپلانونب اوغلان بردن ،
 كومور آلمش دوه قلقار كي طوغرولدى همان .

— بیراق اللهی سورسهڭ ، ینه برباد اولدم !

او یانیق دفتری آرتیق قاپا ، زیر ا طولدم ..
طیقانوب طورمادهیم . باقسه کا ، نوبت نوبت ..
ذاتاً اعصابه حاکم دکل ، مرحمت ایت .

— باقایم شیمدی ، سنک نهیدی او مشکل دردک ،
که صباحدن بریدر سویلهمدک ، سویلهمدک ؟

— عاصمک حالی فنا : پک متهور ، آما ، پک !
نه نصیحتدن آلیرشی ، نه آزار دیکلیهجک .

— آتاق اوغلاندر اساساً ... دیمک آزدیردی اینی ...

— بیلیم آزدیردیمی ، لیکن خوشه کیتمز کیدیشی .
— رمضان وقعہسی وارمش ، او نهدر ؟

— آ کلاتهیم ..

او زماندن بری ذاتاً نه صویم وار ، نه صاییم !

— نه دیمک ؟

— چیقمیورم ، صانکه ، برابر طیشاری .

ينه برشی يابه بيلدم ديهه مم خاطره كه .

سن كه ، صوك اهل صلياك قيردرق صولتنی ،
 شرقك اك سو كيلى سلطانى صلاح الدينی ،
 قليج آرسلان كى اجلالكه ايتدك حيران ..
 سن كه ، اسلامى قوشاتمش ، بوغيوركن خسران ،
 او دمير چنبرى كوكسكده قيروب پارچالادك ؛
 سن كه ، روحكه برابر كزر اجرامى آدك ؛
 سن كه ، اعصاره كومولسهك طاشه جقسين ... هيها ،
 سكا كلز بوافقلى ، سنى آلاز بوجها ، ..
 اى شهيد اوغلى شهيد ، ايسته مه بندن مقبر ،
 سكا آغوشنى آچمش طورويور پيغمبر .

ای ، بو طوپراقلر ایچون طوپراغه دوشمش ، عسکر !
 کو کدن اجداد اینه رک اوپسه اوپاک آلنی دکر .
 نه بویوکسین که قانک قورتاریور توحیدی ..
 بدرک آرسلا نلری آنجاق ، بوقادار شانلی ایدی .
 سکا طار کلیه جک مقبری کیملر قازسین ؟
 « کومه لم کل سنی تاریخه . » دیسه م ، صیغمازسین .
 هرج و مرج ایتدی کک ادوارده یتمز او کتاب ..
 سنی آنجاق ابدیتلر ایدر استیعاب .
 « بو ، طاشکدر . » دیه رک کعبه یی دیکسه م باشکه ؛
 روحک وحینی طویسه مده کچیرسه م طاشکه ؛
 صوکره کوک قبه یی آلسه مده ، ردا نامیله ،
 قانایان لحدینه چکسه م بوتون اجر امیله ؛
 مور بولوطلرله آچیق تر به که چاتسه مده طاوان ،
 یدی قان دیللی ثریایی اوزاتسه م اورادن ؛
 سن بو آویزه نک آلتنده ، بورونمش قانکه ،
 اوزانیر کن ، کیجه مهتابی کتیرسه م یانکه ،
 تر به دارک کبی تا فجره قادار بکلتسه م ؛
 کوندوزین فجر ایله آویزه کی لبریز ایتسه م ؛
 تولله نن مغربی ، آقشاملری صارسه م یاره که ...

سورو حالندہ کزر کن صایسنز طیارہ .
 طوب توفکدن داها صیق ، کوالہ یاغان مرمیلر ...
 قهرمان اوردوی سیر ایت کہ بوتهدیدہ کولر !
 نہ چلیک طابیه لر ایستر ، نہ سینر خصمندن ؛
 آلینیر قلعه می کو کسندہ کی قات قات ایمان ؟
 هانکی قوت اونی ، حاشا ، ایدہ جک قهرینه رام ؟
 چونکہ تأسیس الی اومتین استحکام .

صاریلیر ، ایندیریلیر موقع مستحکملر ،
 بشرک عزمنی توقیف ایدہ مز صنع بشر ؛
 بو کو کسلر سه خدانک ابدی سرحدی ؛
 « اوبنم صنع بدیم ، اونی چیکستمہ . » دیدی .
 عاصمک نسلی ... دیورددم یا .. نسل مش کرچک :
 ایشته چیکستمدی ناموسنی ، چیکستمیه جک .
 شهدا کو کده سی ، بر باقسہ کا ، طاغلر ، طاشلر ..
 او ، رکوع اولماسہ ، دنیاہ اکیلمز باشلر ،
 یارہ لانمش تمیز آلندن ، اوزانمش یاتیور ،
 بر هلال اوغرینه ، یارب ، نہ کونشلر باتیور !

دو کدی قارنده کی اسراری حیا سز جه سته .
 ماسکه بیر تیل ماسه حالا بزه آفتدی او یوز ..
 مدینت دینلن قعجه ، حقیقت ، یوز سز .
 صو کره ملعونده کی تخریبه موکل اسباب ،
 او یله مد هس که : ایدر هر بری بر ملک کی خراب .

اوتهدن صاعقه لر پارچه لایور آفاقی ؛
 بریدن زلزله لر قالدیور اعماقی ؛
 بومبا شیمشکری بینندن اینوب هر سپرک ؛
 سونیور کو کسنگ اوستنده او آرسلان نفرک .
 یرک آلتنده جهنم کبی بیکلرجه لغم ،
 آتیلان هر لغمک یا قدینی : یوزلرجه آدام .
 اولوم ایندیرمه ده کوکله ، اولو پوسکورمه ده یر ؛
 او نه مد هس تیپی در : صاورولور انقاض بشر ..
 قضا، کوز، گوگده، باجاق، قول، چکه، پارماق، ال، آیاق،
 بوشانیر صیرتله ، وادیلره ، صاغناق صاغناق .
 صاچور زرهه بورونمشده او نامرد اللر ،
 ییلدیریم یایلمی طوفانلر ، آلودن سلار .
 ویریور یانغینی ، طور مشده آچیق سینه لره ،

شو بوغاز حربی نہ در ؟ وارمی کہ دنیاہ اش ؟
 اک کشف اوردولرک یوکلہ نیور دردی بشی ،
 — تپدن یول بولہرق کچمک ایچون مرمریہ -
 قاج دونانمایلہ صاریلش اوفاجق بر قرہ یہ .

نہ حیاسر جہ تحشد کہ افقار قابالی !
 زردہ - گوستردیکی وحشتلہ « بو : بر آوروپالی »
 دیدیرر - یرتیجی ، حس یوقسولی ، صیرتلان کومہ سی ،
 وارسہ کلش ، آچیلوب محبسی ، یاخود بقسی !
 اسکی دنیا ، یکی دنیا ، بوتون اقوام بشر ،
 قاینایور قوم کی ، طوفان کی ، محشر محشر .
 یدی اقلیمی جهانک طورویور قارشیکہدہ ،
 اوسترالیالہ برابر باقیورسین : قانادا !

چہرہ لر باشقہ ، لسانلر ، دریلر رنکارنک ؛
 سادہ بر حادثہ وار اورتہدہ : وحشتلر دنک .
 کیمی ہندو ، کیمی یامیام ، کیمی بیلیم نہ بلا ..
 ہانی ، طاعونہدہ ذلدر بورذیل استیلا !

آہ او یکرمنجی عصر یوقی ، او مخلوق اصیل ،
 نہ قادر کوزدہ سی موجود ایسہ ، حقیلہ سفیل ،
 قوصدی محمدجکک آیلر جہ طوروب قرشیسنہ ؛

— بيليرسين كه دكل معتادم .

— كوزل آما ، نه فضيلتلى وار اولادم ؟

— نه فضيلتمى ؟ چوجوqlر قوشويور ، آچ چيلاق ،

جههدن جههيه آرسلان كې هيچ طورمايه رق .

ينه واردر بر اولوم قورقوسى آرسلانده بيله ؛

يوز كوز اولمش بوچوجوqlر اولومك شخصيله !

جههك هربرى بر قطعه ده ، اطرافى دكيز ؛

قاره ديرسهك داها دهشتلى : نه يول وار ، نه ده ايز .

حركانك كورويورسين يا ، خواجهم ، اك قولايى ،

يالين آياق قافقاسى طوتمق ، باش آچيق سينايى !

ياپيلير ظن ايديورسهك ، باقالم ، سنده صويون ..

قطعه قائمق ، كوشه قائمق دكل آرتق بوويون .

اما خالق بیلور ، بيلمسين ايسترسه باليق . ۱۰
 ای ولی النعم ، آرتیق سزه بزله کوله یز ؛
 یالکیز امر ایدیکنز سز ، یالکیز امر ایدیکنز . »

— شیمدی ، اوغلم ، قیزه جقسین یا ، فقط ، بوش نه دیسه ؟
 بورذالت بنی مایوس ایدیور آتیدن .
 حاله باقدجه آدام قهر اولیور الله دکل ؛
 بزى کیم قورتاره جق ، وارمی که برباشقه نسل ؟
 — عاصمک نسلی ، خواجه م ،
 — زده !

— خاییر ، حقسر سین ؟
 غالباً اوغلانہ پک فضلہ بوکونلر حرصک ؟
 — عاصمک نسلی ... دیور سین . نه اوزون بویلو خیال !
 — عاصمک نسلنه منقاد اولاجق استقبال .
 سکا وجدانمی آچدم اوقودم ، دیکله سه گه ؛
 سویله ثن باشقه سیدر ، باقه ، خواجه م ، سویله ینه .
 — نه کهانت بو ؟

[۱] « ایلاکی ایت ، دکیزه آت ، بالیق بيلمزسه خالق بیلیر . »
 دییه برمئلنز واردر .

چكیلیر میمش ، افندیم ، کیجه کوندوز بوبلا ؟
 ذوقی حقمش آدامک ، باشقه سی هپ باطلمش ..
 چوق توخامش بونی انسانلر ایچون آکلایمیش !
 آم ، افندیم ، داها سویلنمیه جک ایشلر وار ..
 چونکه ناموسه مسلطدی او آزرغین جانوار .
 — ای آمانیه صارمشدیکنز اطرافنی هپ ؟
 — حق دولتری وار ، عرض ایدلم نیدی سبب :
 تپه دن طیرناغه هر کون دونانوب صیر صیقلام ،
 هانی ، یوتدقسه او توکروکلری ، فاصلام فاصلام ،
 وطن اوغرنده افندیم ، وطن اوغرنده بوتون .
 بز او ذلتلره قاتلانماش اولسه ییق دون ،
 مملکت یوقدی بوکون ، یوقدی ، عیاذآلله ...
 او یله اوچ بالغام ایچون ملته قییمقده کنه .
 حریف آنجاق بزى بر پارچه جق اولسون صایدی ؛
 باشی بوش قالمایه کلزدی ، اکر قالسه ییدی ،
 ملکی صاتمشدی یا دوشمانلره ، اوندن ده کچیک ،
 ییقمادق عائله قوممازدی خدا حق ایچین .
 بولونور پک چوق آدام جنکه قوشوب جان ویره جک ؛
 حربک اڭ مشکلی حیثیتی قربان ایتک .
 بوفدائیلکی بر بز کوزه آلدیرمشدق .

ذات علیاری حقل بزہ انعامیسیگنز ،
 کیسیگنز ، سویلہ ییگنز ، حضرت موسامیسیگنز ؟
 ھلہ فرعونك اَلندن یاقہ من قور تولدی ؟
 ھلہ محو اولمادن اول سزى ملت بولدی .
 آم افندیم ، او حریف یوقى ، قیزیل کافر دی ؟
 چونکہ برشى طانیاز ، ھر نہ دیسهك منکر دی .
 نہ ادب دیر ، نہ حیادیر ، نہ فضیلت ، نہ وقار ؟
 گیریر لش کبی ، معتادی دکل استغفار .
 آقصیریر صوکرہ ، فتور ایتیهرك ، بورنمزه ..
 یوتارز ، چاره نہ ، ممکنمی ایلشیمك طوموزه ؟
 صاوورر بالغامی تا آلمزك اورتاسنه ،
 توکورورمش کبی طاشلقده کی توکروك طاسنه !
 ھذیان ، سورسہ کز ، الله ؛ ھذیان ، پیغمبر ؛
 دین ، وطن ، عائله ، ملت کبی یوکسك حسلر ،
 احمق آلداتمق ایچون سوبلہ نیلیر شیلرمش ..
 بو خرافاتی حقیقت دیہہ کیم دیگشیرمش ؟
 عاقل اویمش کہ : حیاتك بوتون اذواقندن ،
 طورمایوب حرصنی تطمینہ ایدرمش ایمان .
 آخرت فکری یولارمش ، یاقیشیرمش اشکہ ؟
 ہیچ قناریمیش آدام بویله بینسزجه شیئہ ؟
 ھلہ اخلاقہ صاریلق نہ دیگمش حالا ؟

بیلمز آبدال که دکل هیچ بری ذاتاً موجود .
 دین ، وطن ، عاقله ، ملت ، ابدیت ، وجدان ،
 صوکره حیثیت ذاتیه ، شرف ، شهرت ، شان ،
 داها برخیلی خرافاته حریف اولمش اسیر .
 صارمیساق بیننه ایتمز که حقائق تأثیر .
 بویله عنقا کبی مدلولی یوق اسمایه قنار ؛
 آدامک صبری توکنمک دکل ، اسماسی یانار .
 قیز ، قالدین هپسی حرملرده بوتون کون محبوس ،
 شو تلقییه باقیک ، اک کوتو وحشت : ناموس !
 حریفک سوفرده شامپانیاسی حالا : ایران ،
 باری ، یکرمنجی عصردن صیقیل آرتیق ، حیوان !
 ایچہلم صحت سامیکمز ... های های ایچرز !
 بز ، افندیم ، سنک اوغرکده بوجاندن کچرز .
 ایچہلم ... طورمایالم ... عافیت اولسون ... شرفه ! .. ،
 صوکره نوبتله ، اوزون بویلو ، سوکرلر سلفه .

خلفک فرض ایدہلم شیمدی او برمکتبدن .
 دالقاووقلر یگی برماسکه طاقارلرده همان ،
 قوشاتیرلرینه اطرافنی :

« سبحان الله ! »

بونه فطرت ، بونه وجدان معالی آگاه !

دالقاوولقلر بوتون انسان کسلیر لاتشیه !

طیلسان ، جبه ، قاووق ، حرقه ، هپ اسباب ریا ،
طیش یوزندن عمرک دوری محیطک کویا .

کیمی صائم ، کیمی قائم ، اوطاوانلر ، یرلر ،
« قل هو اللہ احد » زمزمه سندن ایکلر .

سن بوجوشقونلغه ایسترسهک اینان ، هپسی یالان ،
« هو » نک مرجی آرتیق ، نه « احد » در ، نه فلان .

چونکه مادام یورون سادہ سنک سلطنتک ،

شیمدیلک هیکلی سنسین طاپیلان منفعتک . ۱

قائمہ ، هی قوقلا قیافتلی آدام ، هی سرسم ،

حریفک آغزی « صمد » ، معدہ سی یوزلرجه « صنم ! »

سنده بر تکمه ده بولدکمی ، نہایت ، یریگی ،

نه قیلیقده یسه کلن ، هپسی هویتلرینی ،

عینی ماهیته آقطارمه ایدرلر چابوجاق .

سکا هر کون سکز اون کره سو کرلر مطلق .

هانی دیلرده کزن نامک ، او هیچدن شرفک ؟

نده صاعلاشمس ، اوت ، آ کلا سین آبدال خلفک :

« آه افندیم ، اونه حیوان ، اونا صیل مرکبدی !

اک خیر خواهی ایدک ، بزلی حق تپدی .

بوحیا دیر ، بوادب دیر ، ویرر اوهامه وجود :

نەپارسىن ؟ عمر اولسەڭ ، يەنە خالەك مشكەل .
 اوغراماز طوغرى آدم سىمىگە ، لىكن ، ھىيات ،
 كىچە كوندوز سىنى اضلالە موكل حشرات !
 قولاغك حق سوزە آرتىق ابدىاً حسرت ؛
 قوسدىغك ھرزە : يا حكمت ، يا بويوك برنعمت !
 يوتان اولمازسە دىدك ، اويلەمى ؟ يېھودە مراق ؛
 دالقاووقلر اونی ھضم اتمەيە جاندىن مشتاق !
 كىيرىرسىن حريفك بورنە ، اوخ ، دىر ، نە نفيس !
 آقصرىرسىن ، واى افندىم ، بو نە آھنك سىلىس !
 توكورورسىن اولوث يوزە « ھاق تو ! » دىيەرك ؛
 صىرىتير : « سورما ، صمىمىتمىز پك يوكسك . »
 ايچييورسەڭ ، صوفى ، سرخوش سكا ھر كس ساقى ..
 « عشرتك حرمتى حالامى ؟ او سىزلر باقى ! »
 عرضە دوشمانسەڭ اكر ، عائلەلر ھې محرم ..
 « نە بويوك وحشت اساساً بوسلاملقلە حرم ! »
 برخالف هوا يوق ، دىكلە دىكلە عىنى صدا :
 « ذات سامىكزە ملتەدە ، حكومتدە فدا . »
 منفعتدر سىنى تھدىد ايدەجك تك موجود ،
 چونكە چىقسەڭدە نىيم دىيە ، خصمك مەبود ! ۱]

صوفىسىن فرض ايدەلم ، شىمدىدە بوى بوى تسىيىح ..

[۱] خصمك يعنى منفعت

— عمرک خطبہ سی عقل کدہ می بیلیم ؟

— بیلیم ..

— « ایہا الناس ، ایدرم طاہدیغم اللہم قسم ،
یوقدر اصلا شو جماعتده کہ ہیچ بر عاجز ،
بنم عندمده سزک اولمایہ اک قادریکمز ،
برقویکمزده اولان حقنی قورتارمام ایچین .
برقوی کیمسده یوقدر کہ بوامتده ، بیلیک ،
اک ضعیف اولمایہ نزدمده ، طوتوب کندندن ،
عاجزک حقنی اصرار ایله ایسترن بن . »

عمرک ایشته ، خواجہم ، چیزدیکی مسلک بویدی .
— لکن اقوالنه افعالی بحق اویدی .
— ساللانان چونکہ قلیجیلردی ؛ نه قویروق ، نه قاووق !
اویله بردور شہامتده قولایدر اولولق .
سنک اطرافکی آلسین کہ ییغینلرجه سفیل ،
کیمی ادمانلی ادبسنز ، کیمی تعلیمی رذیل .
کیمنک فطرتی آزاده حیا قیدندن ؛
کیمنک عفتی اقبالنه اُتدن قالقان .
او قومار باز ، بو حرامی ، شونی دیرسهک ، عیاش ،
صوکره مجموعی مزور ، متبصبص ، قلاش ..
بو محیطک باقالم شیمدی ایچندن چیقه بیل ؛

سوکره حق ، سوکره نبات . ایسته قوزوم انسانلق .
 دردی برلشدیمی یوقدر سکا خسران آرتیق .
 مسلمان حقه ظهیر اولمایه هرآن مجبور ،
 صارصیلیر وارلقی ، کوسترمه یه باشلارسه فتور .
 هله ظلمک غلیاننده بوجبوریت ،
 داها شدتلی اولور باشقه لرندن البت .
 چونکه حق او یله زمانلرده قالیر تهله کده ،
 چاره سزدر اونی قورتارمایه باقمق ساده .
 برآدام طور سه ده بر ظالم امامک یوزینه ،
 عدلی امر ایتسه ، بو ظالم ده اونک حق سوزینه ،
 انقیاد ایله یه جک یرده طوتوب قیسه اوکا ،
 اومجاهد یازیلیر تا شهدانک باشه .
 حمزه دن سوکره کلن شانلی شهید آنجق اودر .
 حق ایچون جان ویره نک پایه سی البت بو اولور .
 حقی بر ظالمه اخطار ، اونه شاهانه جهاد !
 « اک بویو کدر » دیدی پیغمبر پا کیزه نهاد .
 حق ذلیل اولدیمی ملت ده ، حکومت ده ذلیل .
 « هانکی امت ده که مشکدر ایدیلک تحصیل ،
 عاجزک حقی قویلدردن .. او ، قوتله نه مز . » [۱]
 — نه کوزل سوزبو ! شمولیله برابر موجز .
 [۱] امام علی دن روایت اولونان بر حدیث شریفک مآلیدر .

دیری طوغمش ، طوره جق دیپ دیری ، طوردجّه زمین .

نه یه اسراف ایدم برسورو اقناعیات ؟

خواجه ، مادام که بودین : دین بشر ، دین حیات ،

بشرک حقه رفیق اولمق ایچون وجدانی ،

بشریتله برابر یورو مکدر شانی .

یورو مز دیرسه ک اکر ، روحی کیدر اسلامک ؛

اویورور ، سن یورو مزسه ک ، نه اولور انجامک ؟

اوفلینک علمی ده اولسه یدی اوایمانه کوره ،

شیمدی باشند باشه توحید ایله طولمشدی کره .

اوناصیل قلب ، اوناصیل عزم ، اوناصیل اطمینان ؟ .

ایشته توفیق الهی یه یور کدن اینانان ؟

ایشته « لاخوف علیهم » ۱ [دییه قرآن حکیم ،

بو ولی زمهری ایتمکده در آنجاق تکریم .

خالقک نامتناهی آدی وار ، اڭ باشی : حق .

نه بویوک شی قول ایچون حقک الدن طوتمق !

هانی ، اصحاب کرام ، آریلام ، دیرلر کن ،

مطلقا سوره العصری اوقورمش ، بونه دن ؟

چونکه مکنون اوبویوک سورده اسرار فلاح ؛

باشده ایمان حقیقی کلیور ، صوکره صلاح ،

۱ | نظم جلیله کی (لاخوف) فانک فتحیله - یعقوب قرائنه کوره -

اوقونمالیدر .

مدرسهك وارمی سنك ؟ بجه اوچوقدن یورودی .
 هادی کوستر باقایم شیمدی ده ابن الرشیدی ؟
 ابن سینانه یه یوق ؟ زرده غزالی کورم ؟
 هانی سید کبی ، رازی کبی اوچ بش عالم ؟
 اڭ بویوڭ فاضلکز : بونلرک آئارندن ،
 بلکه اون شرحه باقوب ، برقورو معنا چیقاران .
 یدی یوز ییلق اثرلرله بودینک حالا ،
 احتیاجاتی قابلی تلافی ؟ اصلا .
 طوغرودن طوغرویه قرآندن آلوب الهامی ،
 عصرک ادرا کنه سویلتملی یز اسلامی .
 قورو دعوا ایله اولماز بو ، فقط علم ایستر ؟
 بن او قدرتمه آدام کورمیورم ، سن کوستر ؟
 قوجه علمیه یی آقطارده ، بول اوچ دانه فقیه :
 ذوق فقهیسی بوتون ، فکری آچیق ، روحی نزیه ؟
 صایسز حادثه وار اورتمه تطبیق ایده جک ؟
 هانی بردانه « اصول » عالمی ، یاهو ، برتک ؟
 بویله آواره دوشونجه یله یاشانماز ، هیهات ،
 « ملتی » فقهکزک نامی ، اصولک « مرآت » .
 یاشانیر ، ظن ایدیورسهڭ ، بابا جعفر لکسین ،
 نفس ایتدیر ، چابوجاق ، کندیکه ، اولسون بیتسین !
 اولولر دینی دکل ، سن ده بیلیرسین که بودین ،

بنی کوردکڙیا، شو بن قاچ پاره لق شاعر سه م ،
سنگ علمک ده اودر ، نافله اوغراشمه کوسه م .

« بکچی خیرسینز یاقه لار باغده ، قوشار دیر که بکه ،
باغلام هایدودی ، زور زار ، آياغندن دیره که .
— آياغندن می دیدک ؟ قوللری میدانده دیمک !
اوغلان ، آبدالمی نه سین ؟ شیمدی چوزر ..
— کیم چوزه جک ؟
— هله باق ! کندی چوزر اللری بوشده یسه ..
— پاشام ،

هیچ تلاش ایتمه !

— نهدن ؟

— چونکه بزم کویلو آدام ..
— نه چیقار ؟ کیتدی کیدر ..
— کیتمه سنگ وارمی یولی ؟
طوت که ، بن بيلمه مشم باغلانه جقمشده قولى ؛
آياغندن ايي گوشه تمه يي عقل ايتمز اوده . »

بزده بر کویلیلرز ، یانلامشز بریورده .
اويله هیچ کسندینی آلدایمايه قالقیشمالی ،
هانکیمز ، باشقه متاعز ؛ هپمز تیرخاللی !

— ایسته کوردکڭیا، خواجهم، ملت ایچون لازم اولان،
 خواجه ماندالده کی ایمان کی صاعلام ایمان .
 تیره تیرسین ینه دنیایی ، امین اول ، تیر تیر ؛
 هله سن شرقه او ایمانده بش اون سینه کتیر .
 زوبه والی یه چاتان هانکی مدرسه ، اوکا ،
 صورارم بن که : آجیق کوردیکی برحق یولنه ،
 کله سندن کچه جک ملا یتیشدیر مشمی ؟
 اوطوروب ساده جه ، مکتبیری تنقید ایشمی ؟
 قورو لافدن نه چیقار ؟ طینغیر الک ، طینغیر ساج ..
 مکتبک آجسه اکر ، مدرسه ک اوندن دها آج !
 بوده محتاج ، اوده ییللرجه مغدی یمکه .
 « نه یه بوینک بوقدر اگری دیمشیر ، دوه یه ،
 آقوزوم ، هانکی یرم طوغرو ، دیمش . » سوزده بودر .
 سن ایشک یوقسه ، فلان مسله که ویر پایه یی ، طور .
 اوفلان مسلك ، اوت ، بزده فلانن یوکسک ؛
 بریچاق صیرتی قادار فرقی ، فقط اولچرسه ک .

سر دیلر هر طرفندن دلینن پوستکی می .

/ — سوکره ؟ ..

— بن جسمی غیب ایتشم آرتیق ..

— واه ! واه !

— صانکه بر قورقولی رؤیا ایدی .. فرداسی صباح ،

دکیز اوستنده بولوب کندیمی شاشدم بوایشه ،

دیدم که : « آ کلاتیرم بن ، حمید او بر کلیشه .

آدام آلدیجه لازستان قیسندن طاقار ،

قور تولوش یوق ، سنی ماندالینه بر کون یاقالار ! »

قدری بك هم بنی ، هم واعظی تطیب ایتدی ؛

عبا کیدیردی که بزرجه برر خلعتدی .

صوکره بر چوق پاره لر ویردی ..

— جیند نمی ؟

— اوت .

اوفلی رد ایتدی ، بن آلام ..

— ایی اولش ..

— البت .

کیده‌یم ، ظالمی ایقاظ ایدیم ، ایستردم .
 او ، بزم جامع اوزاقدرد ، کله‌مز ، مانع نه ؟
 کیدرم بن ، دیبه‌رک ، واردم اونک جامعنه .
 قفس آردنده خانملر کی صاقلیدی حمید ،
 قوجه شوکتلی ! حقیقت بونی ایتزدم امید .
 بلکه قرق اللی بیک عسکرله صاریلش ییلدیز ؛
 او سلاحشورلر ، او آل فسلی حریفلر صایبسن .
 نه‌یه مال اولماده سیر ایت ، حریفک بر نمازی :
 ساده آلتش بیک آدام قالدی نمازسنر اُک آزی !
 هله تپذیری آشان مصرفی ، دیرسه‌ک ، صورمه .
 کوردیکم مسخره‌لق کیتدی ده آرتیق زوریمه ،
 دیدم که : « بونجه زماندر نه‌در بوکیزلنک ؟
 بیرآزده میدانه چیقسه‌کده حسب‌حال ایتسه‌ک .
 آدامی ، جنمی نه‌سین ؟ یوق نه‌بر کورن ، نه‌ایدن ؛
 یا چونکه صاقلانیورسین بوجاق بوجاق بزدن .
 دکلی صاقلانیورسین ، دیمک که : قورقوده‌سین ؛
 یا چونکه قورقان آداملر کرک که صاقلانسین .
 دکلی قورقوده‌سین وار قباحتک مطلق !... »

برده باقدم ، جاناوارلر پوصولردن چیه‌رق ،
 قوش‌دیلر ، تکه‌یه قوت کیمی ، دیحیکله کیمی ،

«اوفلی» خائشره لغت! «طاغیتیر کن بول بول،
 کیمه بکزتدی که، بیلم، بنی» برخوردار اول،
 «تیه رکه اوقشادی؛ آرتیق نه قدر خوشلاندم،
 بیله مزسین... صیجاقق بر عبا کیدم صاندم.
 — باقالم شیمدی مقامنده کوروک قدری بکی؛
 زورلو والیدی حریف..

— علمه ده وارد ر امکی.

اوت، اوغلم، خواجه مادلله طوتوندق آل آله،
 اولاکاظمی کوردک؛ بزی حرمتلره،
 آله رق طورمادی والیه خبر کوندردی؛
 کلیکیز، امرینی والیده سریعاً ویردی.
 کاظم اوکدن، هادی بزدرده پشندن طالدق.
 — وای امام، سن ینه دوشدکمی بوقیشلرده؛ یازبق!
 بیا خواجهم، سن نه یه تاییلدیزه چیققدک بوسفر؟
 اوطور آکلات، باقالم، چونکه فنا سویلدیلر؟
 — کیم فنا سویلدی؟

— استانبوله صورمشقدده..

«اوفلی» تدریج ایله باغداش قوره رق قولتوقده،
 دیدی:

چوقدن بریدر واردی بنم بر دردم:

چوق اوطورمش باقیور!؛ ماوی بش اون قات ایپلیک،
 صاپی یوق پوسکولی طوتمش ده، طیشندن ایپیکه،
 باغلامش صیم صیقی « آرتیق بوده قوپمازیا! » دییه .
 اوکئی کوچش صارینگک ، آرقه طرف ویرمش بل ؛
 چاغلیور پوسکوله باقدم ، اوزرندن تل تل .
 صاچاق آلتنده او کوزلر اوزانان قاشلردن ؛
 ایکی شیمشک طولو کوك صانکه ، یانارسین باقسهك!
 صوکره، خندقلر آچیلمش کبی قات قات بر آلین؛
 هانی، بیک پارچه اولور ، دوشمه یه کورسون، نظرک!
 ایری بورنندن اینوب صاورولور چیفته دومان ،
 آل آیاق باغلی ، صولورکن بوقیلماز آرسلان .
 قاره یل ایندیره طورسون تپی ، یاغموور ، قار ، قیش؛
 خواجه چیپلاق ، یالکیز چوق سنه لردن قالمش ،
 یانی یرتماجلی بر انتاریسی وار صیر صیقلام ،
 آقیور دورت اتکندن هانی بیچاره آدام .
 لکن آلدیردینی یوق : هم سوکویور ، هم یوروویور ؛
 کوکسنگ قیللری طوتمش ، او آتش پوسکورویور!

۱۱ | چوق اوطورمق ، آشیق اویننده آشیق کیکنک آیاقدده
 طورماسیدر . آشیننی چوق اوطورمق ، ایشی یولنده کیتمکدن کنایه
 اولور .

تیترودم بش کیجه، دورت کون..

— نه ده چوق! بش کیجه می؟

— خواجه زاده م، هله بیک تورلو مشقته کمی،
بزی بر ساحله آقطاردی « طربزون » دیهرک.
هنوز اینمش باقینیرکن « بونی والی کوره جک،
کوتورک شیمدی او بر لازله برابر قوناغه ؛
طورماییک! » امرینی ویرمزمی بر اولدجه آغا؟
یکیدن طوغمشه دوندم . آرادن کچدی پیراز،
سوگدی ماندال خواجه در کورله یهرک ..

— آی، اومی لاز؟

— یکی جامعه کی واعظ، بيله جکسین بلکه؟
— بيله جکسین نه دیمک؟ ماندالی کیم بيلمز که؟
تاجی یوق، تختی ده یوق، کندینه مالک سلطان.
غالبا اولدی که هیچ کوردیکمز یوق؟

— چوقدن!

نه کوزل سویلدک، اوغلم، خواجه سلطاندی اوت،
یوقدی دنیاده اسیر اولدینی هیچ بر قوت.
هله سن یولداشمک حالی کورسیدک او کون،
اسکيسندن ده پریشاندی ...

— طبعی، سورکون -

— باشده بر دالغلی فس، قاتپه سندن او ایبیک،

زیان اولوب کیده جک ، هم بویو بجه بر قسعی .
 افندیلر ، بیلیرم بنده چوق بوایشده زیان ؛
 شو وار که : صاورولان افکاری طویلایوب اوقویان ،
 ولو پک آز کیشی اولسون ظهور ایدر مطلق .
 بزمده غایه من آنجاق اونسلی قورتارمق .

— حقیقه دییه جک یوق به ! آفرین کاظم !
 — زاوللی اکرم او کون « حقه سرفرو لازم »
 دیوب رجوع ایدیورمشدی .

— آفرین ، اکرم !
 — شیمدی ، اوغلم ، سکا بروقهده بن سویلر سه م ؟
 — دیکلرم ، سویله خواجهم ،
 — آفرین اولاد سکا ده !
 — هله بر آفرین اولسون دییه بیلدک بکا ده !

— قدری پک صاغدی ، طربزونده هنوز والیدی .
 ینه بر طولدوران اولمشدی که عبدالحمیدی ،
 قاراقولدن دیدیلر : « شیمدی ، امام ، ارضرومه ! »
 برده قیش ، برده قیامتدی که آرتیق صورما !
 طیقیدیلر ، چال یاقه ، برتکینه یه ؛ صیرتم کوشک ،
 عیام آرقه مده دکل ، صوکره نه یورغان ، نه دوشک .

مرا می غایه سنک بویله لکله تأمین .
یا او گجه دن بیلور ، بیکده کیم بیلیر نه قدار
زیانه اوغرایه جق صوگره دن بومیلار لر ؟
قولای دکل ، کیمی ، انتاش ایچون زمین بولاماز ؛
زمین بولور کیمی ، لکن نه دنسه طوغرولاماز .
بوچیکنه نیر ، اونی قورت یر ، او برزاواللی یی قوش ؛
باقارسکیز : چوغی بیتمش صوکنده ، محو اولمش ،
ثبات ایدوب ده ، فقط ، قورتولان تخم پک آزی .
دیمک ، صاچارکن اتکلرله صاحبه دن غرضی ،
شو چیمله نن بر آووج تخمی دیوشیروب ، آنجاق ،
یقای نسله واران غایه سنده قوللانمق .
دیمک ، طبیعت ایدرمش زمان زمان اسراف ..
خاییر . طبیعت مسرف دیمک بلا انصاف ،
خطا دکل ده نه در ؟ چونکه خیر ایچون ویریور .

افندیلر ، بزه فطرت نمونه کوستریور ،
دیورکه : غایه کز اوغرنده بذل ایدک امکی ؛
دوشونمه ییک هله هیچ برزمان اسیر که مه یی .
افندیلر ، بواثرلرده شیمدی باصدیریلیر ،
بیکر بیکر صاچیلر یورده ، چونکه لازمدر .
بویور دیلر که : فقط باصدیروب طاغیتدقی ،

— سوز آلدی ، باشلادی کاظم :

— « افندیلر ، بککیر ،

شو بختی کچمش اثرلر نهدر ؟ زراعیدر .

مدافعاتی اویله یسه پک طبیعیدر ،

آلوبده نقل ایدیویرمک بوتون طبیعتدن ،

بوتون طبیعتیه حاکم شتون قدرتدن .

بیلیرسکیزکه : خدای بیتن اڭ اینجه نبات ،

دو کرده هر سینه میلونله جانلی تخم حیات ،

کوچر سه اویله کوچر خلقتک بهارندن .

یابانی خردله نمکیمی اولماق حیران ؟

یا بر پاپاتییه قابلمی ایتمه مک حرمت ؟

نه ویرکی ویرمه لردر ؟ چیچک باشندن ، اوت ،

زمینک آلدیغی تخمک یکونی : ملیارلر !

دیمک ، طبیعتی اجبار ایدن عوامل وار ،

بواحتشامه ، بوواسع ، بومدهش اسرافه ؛

او ، اقتصادی بیر اقمازدی یوقسه بر طرفه .

ایشک حقیقتی : خلقت نه کار آرار ، نه ضرر ؛

بقای نسله باقار هپ ، بقای نسلی صورار .

نهدن می ؟ چونکه حیاتک یکانه غایه سیدر ؛

او غایه اولماسه دنیا بر آخرت کسلیلر .

صاحبوب صاوور ماده فطرت بوتون خزائنی ؛

— لې ؟

— قدری بك زاده جانم ؟

— ها ! شو بزم كاظم بك .

— او ، زراعتله چوق اوغراشدى ، بيلير چفتجىلىكى ..

— كوردم : آثارى ده وار كويلو ايچون .. هم بك ابي ..

— برزمانلر ، هانى ، تنوير ايدم لم خلقى ديه ،

طوبلانيردق يا ..

— اوت ، « هيت ارشاديه . »

— اوسنك سويلديكك جانلى اثرلر ، صانيرم ،

يكي يتيمشدى كه ، كوستردى ده بركون كاظم ،

ديدى : « مجلسجه مناسبه باصيلسين ده هان ،

اوقوسون طشره ليلر ، كوندره لم مجاناً .

بز بو تكليفى بكنديك ، آره مزدن ساده ،

اعتراض ايتدى شو صورتله رجائى زاده :

« كوزل يازيلش اثرلر وشبهه سز كه مفيد ؟

فقط ، باصيلسه اوقورلر مى ؟ بنجه آذر اميد ،

اوت ، بش اون كيشى آنجاق اوقور تنور ايدر ؟

بزم مصارف طبعيه اولمايه يدى هدر . »

ديدك : « جوانى ورسين مؤلفك كندى . »

قبول ايديلدى بو تكليفمز ، بك ابي ، ديندى .

— نه سويله مش ، باقالم ، چونكه بك كوزل سويلر ؟

— نه قولای : سى مدید ایستر آبول ، سى مدید !

— اکلرم بنده مساعى نى طوتار بر برینه ،

آل قوزوم ، ایسته دیکک سى مدید اولدی ینه .

وارمى بر باشقه سوزك سويله جك ؟

— 'البت وار :

هانى ، توفیق حساب ایتدك ، اونسز نه چپقار ؟

— آما قول نه یله مکلفدی که ، توفیق ایله مى ؟

هیچ دکل ، سى ایله ؛ توفیق ، او : خدانك کرمى .

صاریل اسبابه ده چیق ، ایسته طریق ، ایسته رفیق ؛

نموظیفه ك سنك ، اولمازمش ، اولورمش توفیق ؟

اوطوروب دیل دوکه جك یرده کیدوب دوکسه گه ترا !

بیك چالیش غایه ك ایچون ، بر قازان عمر كده یتر .

مباقى او طوقوز یوز امكك یوقى ، خواجهم ؟

— داها طقسان طوقوز ایستر ، نه دیمك ، ایتسه گه ضم :

— هادی ایتدك .. برى اولماز ، برى حقى ، ضایع ؛

یا اونك غایه ده تك حصه سى وار ، هم شایع .

دیكله اوچ بش سنه اول کچن اولدجه مهم ،

بر اوافق حادثه دن بحث ایده یم ..

— دیكله یم .

— حسین کاظمی البته بیلیرسین ؟

آم او دین نرده ، او عزمك ، او ثباتك دینی؟
 او یرك كوكدن اینن دینی ، حیاتك دینی ؟
 یوناصیل طار ، نه قدار باصمه قالب بر كورهك ؟
 مسلمانلق می دیدك؟ .. توبه لر اولسون ، نه دیمك !
 هانی قرآنده کی روحك شو هیولاده ایزی ،
 ناصیل اسلام ایله برلشدریرز کندیلمزی ،
 یاسی تدریج ایله زرق ایتمش ایدنلر دینه ..
 او نه ملعون آشی ، هیچ بکزه میور ، هیچ برینه !
 دقت ایت : ۱۰۰۰ سنه سندن بری ، اعصابی خراب ،
 یاتیور قوس قوجه بر عالم ایمان ، بی تاب .
 یختی حالده یوركلر ، جولانسز قانلر ؛
 چویروب یاصدینی تکرار او یویور قالقانلر !
 کوزینك کوردیکی یوق بیننه چارپان کونشی !...

— انی امیا ناصیل ایقاظ ایده جکسین بولشی؟

— لش دكل .

— لش می دكل؟

— دیب دیری .. دالغین ، یالگیز ..

شیمدی قورتارمق ایچون عزم ایده لم ، قورتاریرز :

ویره لم کلدده شونك قلبه بر جانلی امید .

کوره یم کل ده بویوک بیلدیکلک الاهی قایر ..
 هانی ، توفیق الاهی یه قانان وارمی ؟ خایر .
 یاسنک عالم اسلامک اینانمش یاسه ؛

دین رسمیمی اودر ، واز کجه مز کیم نه دیسه !
 اوکجه درت قطعیمی آلت اوست ایدن ایمان متین ؛
 صوکره ، درت یوز بوقادار میلیون آدام ، هپسی جبین ؟
 شرقه این ، مغربه یوکسل ، کوره مزسین غلیان ..
 فاصیل اولمش ده اویوشمش بوتون امتده کی قان ؟
 نه یه طوتمش ده بوشوکت ، بوشهات دینی ،
 بندن امساک ایدیور جدیمه بذل ایتدیکنی ؟
 یاشامق حق صریحیم می ؟ اوت . برمنطق ،
 بونی انکار ایده مز ، چونکه بدیهی آرتیق .
 بردهاقت ده بو اوپله یسه : « چالیشمق بورجم . »
 یوق اراده م که ، فقط ، دیپ دیری برمفلوجم !
 — یاقباحث ینه ماضیده می ؟ ...

— بیلیم ، کیمده ..

بر چیفیت سیلله سی قاج ییلدیر اوتر بینمده :
 دیدی : « فرض ایت سنک آسیاک یدی یوز میلیونمش :
 نه چیقار ؟ طاورانا ما ز هیچ که ، سراپا طوتمش .
 واقعا بز بر آووج عنصرز اما بو غارز ،
 کیمی دنیاده کورورسه ک حرکتسز ، جانسز . »

اويلە قورقونچ اولاماز خورتلاسه ديولر بلەكە !
 بكا دنيايە چيقاركن « باتەجقسين ! » ديديلر ..
 چيقەمدان باتمەيى اوكرەن ، نەقادار صاحپە ھنر !
 يأسى از بر بيليرم ، غزمى يوزندن طانيم ؟
 اوقتۇن بويلە اوقتۇمشدى ، بكندىگمى امام ؟
 — چاندى ، لىكن ، اويالان بللە دىكك استەقبال .
 — ھادى چاتمىش دىيەلم ، كىملەر عائدكە وبال ؟
 برايشىق كوسترن اولسەيدى اكر ، تك برايشىق ،
 بز اوظامتلرى بيك پارچە ايدوب چيقەمشدىق .
 ايكى اوچ يوز سەنەدر سىرپەميور بزده شىباب ؟
 چونكە بىچارەك آتيسنە ايمانى خراب .
 حىسى يوق ، فەكرى بوزوق ، غزمى دىرسەك : مفلوج ..
 ھانى روحنە اوحقسنزلفە عصيان ، اوخروج ؟
 قارشيدن زندە كورورسين ، صوقولورسين كە : ياريم ..
 ياندى اجدادىمىزك نارىنە ، حالا يانارم !
 يأسى تەكفير ايدن ايمانمە اولسون كە يمىن ،
 بزە تەلقين اميد ايتمديلر ، يوقسە بودىن ،
 يەنە دنياىلرە يايەمشدى يشىل كۈلكەسنى ؛
 يەنە حەقك سىسى بوغمىشى ضاللاك سىنى .
 مسلمانلق بودكل ، بز يولمىزدن صابدىق ،
 طاىھەقق برپۇتمىز يوقدى ، اوزندك ، ياپدىق !

نہ چور و کس او مکر سن شو بنم بختہ باق :
 طوتالیم شیمدی او کوز طور دی ، بالیق طور مایہ جق ؛
 دیہلم ہایدی بالیق طور دی بیراز بولدی دہ یم
 یاد کیز ؟ ... ہیچ دی یوقش بوایشک .. اورت کہ اولہم !

..

نہ دیدک فقرہ مہ ؟

۔ غایتلہ فنا .

۔ وای ؟

۔ دیکہ :

مملکت محو اولوینور ، باقسہ کا ، بدینلکہ .
 بن کہ اجدادہ سو کن مسخرہ لردن دکم ،
 آ کارم ہپسنی رحمتلہ .. فقط منفعل .
 ۔ نہیہ ؟

۔ زرق ایتہ دیلر قلبہ برطاملہ امید .

خواجہ ، دنیادہ یاشامز ، یاشامقدن نومید .
 داہا مکتبہ چو جوقدق ، بزى ییلدیردی حیات ؛
 اویسہ ہیچ قورقو نہدر ، بیلیمہ جکدک ، ہیہات !
 نسلم اور ککمش ، اوت ، یوقدی کہ اور کوتمہ یہنی ؛
 « یورو او غلم ! » دیہ تشجیع ایدہ جک یردہ بنی ،
 دیکدیلر قارشیمہ برقاب قارہ مستقبل کہ ،

صای دولمشدی ، فقط بنده توکنمشدی صفر ؛
 دون ایشك یوقسه فیریلداق کبی آرتیق فیر فیر .
 بویله بر قورقو کچیرمش دکل عمر مده ؛
 بکزه دم کیتدی او کون نشووه سی قاقچس کرده .
 — ینه بر فقرمی یرلشدیره جکسین آره یه ؟

— هانی واعظ کچین مسخره شیلر واریا ،
 دیر که بردانه سی پش تخته یی یومروقلایه رق :
 دیکله دنیا نه نك اوستنده طورور ، هی آواناق !
 یرك آلتنده او کوز وار ، اونك آلتنده بالیق ؛
 اونك آلتنده ده بر زورلو دکیز وار قایالیق .
 اوتهدن کرد آتیلیر :

— طوغرومی دیرسین به خواجه ؟
 — نه دیمك طوغرومی دیرسین ؟ کیدی جاهل عمجه !
 سوزلرم باصمه دکل ، یازمه کتابدن تکمیل ؛
 کیم اینانمازسه قیزیل کافر اولور بویله جه بیل .
 — راحت یوق بنم او یله یسه بو کوندن صوکره ؛
 کومولوب قورتولاییم باری همان بر چوقوره .
 — نه زورك وار به آدام ؟

— آ کلاته یم طور که خواجه م
 بن بودنیایی کورورد مده صانیردم صاغلام .

جوق كوك اوغلىمش!

— اوت ، پك ده اوتانماز شیدی .

— بارصه جوقیدی ؟

— بیراق ، طوپلا سین ، اوغلم ، دکی .

قاجیرانلر بيله اولمش ، او قادار كولمشك .

ایشته یاوروم ، بو اوموزلرده کزن دیللی دودوك ،

خالایان ، زیل طاقینان ، صوكره ظهوری یه طالان ،

او بزم صویتارینك كندی دکلیدی ؟

— یالان !

— قاره باش كل ! دییه جكدم .

— دیه مشك یا ، صاقین ؟

— نه دیدم ، بيلمیورم ، تا اوتهدن بر چاقین ،

غالبا سزدی كه ، یكدن دیدی : « خلط ایتمه صوفی !

كوردیكك فسلی : سنك ملتكك فیلسوفی .

بو وامثالی دهالر طوتوبور مملکتی .

سن بوشنككلی كوردكسه ، كیمك معرفتی ؟ »

دیدم : « از برلیه لم ، صایسه گا ، اوغلم ، بر بر ،

شو دهالر دیدیكك قاج كیشیدر ، كیملردر ؟

— « اجتماعی بری ، دهشتلی سیاسی او بری :

هله مالیه جیمز یوقی ، بو علمك پیری . »

— هادی اوپله یسه، خواجه م، سل عصا ایتده یاناش!
 — صالدران یوقدی که .. دیرکن قوجامان برقراره باش،
 قارشیدن باشلادی سس ویرمه یه ..

— لکن بویامان،

قوناغک بکجیسی بسبلی ..

— دکش، طور آمان!

او ایچردن، بویکیتلرده طیشاردن اورودی؛
 بر آغیز قاوغاسیدر آلدی، طبیعی، یورودی.
 قاره باش صوصدی نه دن صو کره، کوپکلر یاتدی؛
 شیمدی آفاقی کوموش قهقهه لر چینلاندی .
 قاپیدن بر کوره یم شوپله، دیدم، وای جاننه:
 آدام اولمش قاره باش، کجدی بکک تایاننه .
 بن شاشیرمش باقیوردم که صدار دیندی؛
 قاره باش صالطه طورورکن دونه رک سیلکیندی،
 اولدی بر زیللی کوچک، اوینادی هوپ هوپ کوبکی؛
 هانی وارمش کبی قارنده بش آیلق بکی !
 قاره باش صو کره ظهوری یه ده چیقسین می سکا؟
 هم ناصیل، طاش چیقاریر، بلکه، بورونسز حسنه .
 نه عرب قالدی، نه لاز قالدی، نه چرکس، نه پوماق،
 اوپله بر کسدی که تقلیدلری، بیتدم ..

— هله باق!

بار عالی یوقوشدن حیووردم ، باقدم :
یولی بویدن بویه طوئیس الی بایراقلی طاقیم .
کزییور باشلرک اوستده ککیزدن برسس .
چومه لوب ، صالیه سوموک ، آغلایه طورسون هر کس
ین کورور کورمز اوتن زورنایی بر ایر کیلده ..
ای ، ظهوری یه چیقان مسخره ! بیلدم .. بیلدم ...
دکیشن بر یری یوق ، دیکله یه مم کیم نه دیسه .
ینه بر قیل چکه آلتنده قپانمش اگسه ؛
ینه ییللرجه حمامسز که بویون موس موردار ؛
ینه پارماق کی ، آفاقه باتان ، طیرناقلر ؛
ینه مردانه کچیرمش کی یاتقین بر یوز ،
که حیا نامه تک عارضه بیلمز ، دوم دوز !
ینه بر طائسز آلین ، یاصصی بورون ، باصمه چکه ...
هب او ، هیچ باشقه دکل ، کوردیکم اولکی سنه .
— کیمدی ، آکلات شونی ؟

— قوزغونجغه کچدم بر کون ،

ملائک کوشکنه یاقلاشمان ایتزمی سو کون ،
بلکه قیرق الی کوپک ، خولایه رق ، زردنسه ..
— اما هیچ صاقلامه : قورقوبده او طور دکمی کوسه ؟
— کوسه دنیاده سنک سویلیدیک خلطی یمز ؛
پارچه لار ، بلکه ، فقط اوستمه ایتار سیده مز .

باتمادق بر یریکز قالدیمی ، بیلسم ، جیجی بک؟
 « دور سابق » می دیدک شیمدی؟.. الکنده یسه ، چویر،
 ا کسه سندن طوتوب ایامی ده کلسین او دور .
 ملتک بش پاره سز اونده ، امین اول ، یدیسی!
 کوندوزین آچ طولاشیر ، آقشامه قیرق او کدیسی!
 یاتیرک عالمی چاودار قاریشیق مزبله یه :
 نه بو ؟ ا کمک ! دیه دنیای ویرک ولوله یه .
 خسته لق ، کهله ، سفالت صاره طورسون ، قول قول ،
 ساده سیز سیره باقیک !

— حرب عمومی بو ، آیول!

— دور سابقده کبرمزدی آدام بویله ذلیل ،
 دیری بریانده اوزانمش ، اولو بریانده سفیل .
 — نه یه حریت ایچون سور کونه کیتد کدی ؟
 — اوت ،

کیتدم امّا بودکل بکله دیکم حریت .
 ذاتاً اعلان ایدیلیر کن ایشی چاقشدم یا ...
 چاتلاسه ک خیره یورولمازدی او مسکین رؤیا !
 نه حریفلر ، نه قلیقلر ، نه نطقلردی ، دوشون!
 — دوشونور ، عرض ایده رم صوکره !

— اونو تمام ، بر کون ،

تەكنە كور قاندىل اولور، يولچىلر آلاق بوللاق.
 شىمدى بىچارە سوارى يە نە طور وار ، نە اوطور ؛
 دىكلەنر فرض ايدرك برچوق امرلر صاوورور :
 « كىترىڭ خرىطەنى ! » دىر ؛ باقسە گە ماشاء الله :
 شىلە ، بارطىن ، قىزىل ايرماق . . كوزلم ، بىحرىيام !
 « آق دىكز يوقى ؟ - خاير يوق - بوناصىل قاپداناق ؟
 - حقلىسىن بك بابا ، كوندرمىلر ، چوق يازدق »
 ا كىلر صوكرە باقار : ابرەسى يوق بر پوصولە ..
 يورومز ازبرە ، ياهو ، كىمى ، ايواھلر اولال !
 بورا اسدىكە اسر ، طالغەلر آزدىقە آزار ..
 « كىترىڭ ابرەنى ! » دىر ، بولمانك امكانى مى وار ؟
 « ابرە يوق ، بك بابا ، بىلىم نە كىترسەك ؟ » دىرلر ..
 اودە « اويلەيسە شەادت كىترىڭ ! » دىر بوسفر .

*
* *

ويردىكك تك سىلىك اونلقدى ، بەھى عكسى امام ،
 اولاجق سوزمى طوقوز قەلى ، چىن چىنلى حمام ؟
 بزمە دولت دىيە تسلىم اولونان شى نەيدى ؟
 چارپەجق ساحل آرار ، قوپ قورو بر تەكنەيدى !
 اون سىكز مىل مى كىدەيدك ؟ باتىرىردق ..
 — لىي ؟

صاريلير بر قاينك بويىنه بىچاره كى .
 « بونهدر ، بك بابا ، بىتدكى ، نه اولدق ؟ » ديرلر ؛
 كىمى اوراد اوقور اوفلر ، كىمى لاهول چكر .
 « يوق جانم ! دير ، حاجى قاپدان ، بىرىكن يولجىلره :
 صو توكنمش ، خبرم يوق ، بويوروك ايشته قاره ! »

سزده ، اوغلام ، بومهارتده ، بوجراتده سكر :
 كىمى يوزدورمك ايجون قلمادى ميدانده دگيز !

— دىكله بر فقره ده بندن باقلم شىمدى .

— اولور .

— « دور سابهده ، قضا تكنه سى ، بر كهنه واپور ،
 آق دگيز خطنه تخصيصوص ايديلير بول كيسه دن .
 اسكى قاپدان » كىده مم ، دير ، كىتىرك وارسه كىدن .
 يىكى قاپدان كلهرك ، طوغرو چىقار موقعه .
 ادامك طالعى اولدجه كوزلمش كه ينه ،
 يل اوفورسون ، صو كوتورسون ديه بكتتمز بك ،
 كىجه قلقار بوعدم پوسته سى ازميز ديه رك .
 كو كصوده مش كى فیش فیش يوزه طورسون مسكين ..
 دكزك نشئه سى اعلا ، هوا انفس .. لكى ،
 بر طرفدن وىر يور مزى نهايت باطلاق ،

— سن ایشك یوقسه دویر جاملری پالایر کولدور ؛
 نسلمك شویله دونوب باقماسی حتی ذلدر .
 کوزم اگسه مده دكل ، کورملی یم بن او گهی ؛
 کسك آتدق هله ماضی دینیان کور دو کومی !
 نه زماندن بریدر باغلی یز آرتیق بیقدق ؛
 دمیر آلدق او سزك عنغه لکدن چیققدق .
 — یوپا یلکدن آچیلک شاید اوطورمازسه کمی !
 بوتنزه ، جیچی بك ، طوغروجه کاغدخانه یه می ؛
 — خایر ، انکینلری بر بر کچهرک ، غایه مزده .
 — هله بر کرد چیقک مرمره دن آق دگنزه !
 فقره کلسین می ؛

ایشك فقره جیلق ذاتاً امام !

قورقارم جام دویر رسین یه ..

— بیلیم چام مام !

« بوجالار کن باقر اوستندده کی قایدان عجمی ،

نصيحتم سکا : هرزه يله اشتغالی بیراق ؛
 آداملغك يولى نردنسه ، بولده کيرمه يه باق .
 آداميسين : ابدیاً جهانده حرسين ، کيز ؛
 يولار طاقوب سنی برکيمسه جك سوروکليه مز .
 آدام دکليسين اوغلم : کوکليسين سمره ؛
 کفر صاوورمه بويون کسدیکک سمرجيلره .

« او غلام ، بوتمنى نهيە بکزر ، بکا باق :

اشکلرک جانی یو کدن یانار ، آمان ، دیرلر ،
 ندر بوچکدیکمز درد ، اوچیفته چیفته سمر !
 بريله اوغراشیورکن کلیر چاتار او بری ؟
 کلیرکه طاش کبی خائن ، هم اسکیسندن ایری .
 سمرجی اوسته کبرسهیدی .. دکمیک کیفه !
 اوت ، کبرملیدرانکسار ایدک حریفه .
 زاواللی اوسته کوچر برکون عاقبت ، آنجاق ،
 مقامی اویله اوزون بویلو نرده بوش قاله جق ؟
 چیراقی ، قالفه می ، کیم وارسه یاصلانیر کوشه یه ؛
 طاقیم بیچر طورور آرتیق کلن کیدن اشکه .
 آدام مکر عجمیش ، سمرسه خیلی هنر ؛
 صیره یله بیطری بویلاز زاواللی مرکبلر .
 بوتون او بللر ، اوموزلر چورور چورور اویولور ؛
 صوکنده هر برینک صیرتی یم یشیل ات اولور .
 « کیدن سمرجی بی ، دیرلر ، بولورمی یز شیمدی ؟
 یا بویله قالفه دکل ، باس بایاغی معلمدی .
 ناصیلده قدرینی وقتیه بیلمدک ، توخاف ایش :
 سمر دککش او رحمتلینک کی دولتمش ! »

— بیام ، وارمش ..

پادشاه دیندی ، چوقلق دیل اوزاتمازلرمش !

— هیچ اونو تمام ، خواجه زاده که ، صیجاق برکوندی ،
باغچه دینک ، بکا رپارچه باباک کوسکوندی .

— سکا دوشکوندی بابام ، کوسدیکي اولمازدی آما ..

— بوش بوغازسین دییه قیزمشدی .

— کرامت !

— صورما !

بوس بوتون قیزدیره باری ، دیدم ..

— یا ؟ چوق ایی :

چیوی ، برغننه در بزده ، سوکرمش چیوی بی .

— « اورتلق شویله فنا ، بویله مذبذب ایشلر ،

آه او ییلدیزده کی بايقوش اولویرمزه اکر ،

عاقبت چوق کوتو ... » دیباجه معلومیه ،

سوزه کیردم .

— قیزیورمیدی ؟

— خایر .

— تکمیلله !

— بیراقان وارمی که ؟ رحمتی خواجه طوغرولارق ،

دیدي :

— نه تو خاڤين ! بكا دو كورمه يه جكسين ايچمى ..

— يوق پاشام ، سزده تو خافاق ، اوبسم خدمى ؟

— مستبد كده كم آماز سويي چيقدك ، كيت كيت ،

سن كه حررت ايچون نفي اولونوردك ، آتيريت !

يشى يوق ، شيمدى مخالفاكه صارمى دردى ..

— خواجه رحمتلى كرامت كې سور سويلردى ..

— بازى طوتدگمى ؟

— نه ممكن ؟ اوزمان زده عقل ؟

— سو كرده دن كلديكى ثابت مى افنديمجه ، ناصيل ؟

— دو گرم ها !

— هادى دو كمش قادار اول !

— طور به آدام

ديككه ، زوز كلكى ترك ايت !

— سكا ترك ايتدم ، امام !

— نه ديوردم به ؟ ..

— يا كوردگمى قفاك عيني قفا !

« خواجه رحمتلى ، ديدك ، اويله كيريشدگدى لافه .

— اوت ، اوغلم ، خواجه سومزدى ، بيليردم ، سراي ؛

آما سو كمزدى ده خوشلانمديغندن طولاي .

واردى بردويغوسى بسبلى كه ...

— سو کره ؟.

— هيچ !

— هيچمي ؟

— سونوب کيتدی اوقیزغین پیاسه .

— همده بر پوفله !

— اوت ، شیمدی نه خاقان ، نه یاسا !

— کیمسه معقول کفره یمش ، او حریف .

— صورما کوسهم ..

— چوق شکر سزدهده پک یوق ، دکل اما سرسم !

— ایکنه لرسین شویم نسلمی یوز بولدجه ،

سکا الماس کبی حریتی کیم ویردی ، خواجه ؟

نهیامان شیدی اونوتدگمی او استبدادی ؟

هپ فجایعدی ، حیاتک هله هیچ یوقدی طادی .

ملتک بگیزی صارارمش ، ایشیدیلزدی رفاه ؛

هر نفس درت الفک صیرتنه بینمش بر « آه ! »

اونه کونلر ...

— بی قیزدیرمایه سویلر مخصوص ،

بتر آرتیق !

— نهیه ؟

— ازبر بیلیرم هپسینی ، صوص !

— يوق ديمه !

— افراط ايديورسين كوسه ..

— يا ؟

ايشته بن مرتجعم ، كلسين ايشيتسين دنيا !
همده باش مرتجعم ، پاتلاسه كز چاتلاسه كز !
هادى قانونكز آصسين بنى ، ياخود ياسا كز !
— ياسا يوق شيمدى .

— نه دن ، يتديمى ؟

— چوقدن يتدى .

— دده جنكيزيا ؟

— پيراق ، دردىمى دشدك : كيتدى !

— كتير لر ينه لازمسه ..

— خاير ، كيتدى كيدر ..

— ديمه اوغلم !

— يا بزم دوشمانزمش اومكر ..

دده كزدر ديه برقيجه چيفيت مش ياماين ..

— سزه ها ؟

— اويله يا ، چوق كچمدى ، لكن ، آرادن ،

كلدى برباشته كاوورجق ، ديدى « جنكيزله ، آبول ،

بوخيصيملىق نره دن چيقدى كه ، سز تورك ، اوموغل ! .. »

آغلا سین ملٹک اولادی ده بانغیر بانغیر ،
 طورما حریتی آلدق دییه ، سن تور کو چاغیر !
 ظلمی آلقیشلایه مام ، ظلمی اصلا سوهم ؛
 کلنک کیفی ایچون کچمشه قالقوب سوکه .
 بری اجدادیمه صالدریمی ، حق ، بوغارم ..
 --- بوغامازسین که !

--- هیچ اولمازسه یانمدن قوغارم .
 اوچ بوچوق صویسزک آردنده زاغارلق یاپه مام ؛
 هاه حق نامنه حقسنزلغه اولسه م طاپه مام .
 طوغدینمدن بریدر عاشقم استقلاله ،
 بکا هیچ طاسمه لق ایتمش دکل آلتون لاله . [۱]
 یوموشاق باشلی ایسه م ، کیم دیدی اویصال قویونم ؟
 کسلیلر ، بلسکه ، فقط چکمه یه کلز بویونم .
 قانایان بریاره کورددم می یانار تا جکرم ،
 اونو دیندیرمک ایچون قامچی یرم ، چیفته یرم .
 آدام آلدیرماده کبج کیت ، دییه م ، آلدیریرم .
 چیکنه یرم ، چیکنه نیرم ، حق طوتار قالدیریرم .
 ظالمک خصمی یم اما سورم مظلومی ...
 ارتجاعک شوسزک لهجه ده معناسی بومی ؟
 --- یوق جانم !

[۱] لاله : بویونه اورولان زنجیر

هم بزم معجونى بك خير پالامق طوغرومى يا ؟
 — طور جانم ! بن قىزارم بويله وقتىز شاقهيه ..
 سوزى تكميل ايدىم ..

— سوكره بىتىر ، دىكله بىراز :

بر يوتار ، بش يوتار ، آفونكىشى آفون طوتماز ؛
 ديركه : طورراقى ، نه زىقىم بو ، واروب آكلامالى .
 آچىلىر قورنه باشندن ، صىيرىر پىشمالى ،
 نعلينك صيرتنه آتلار ، سوره رك طوغرو كيدر ،
 هانكى عطارسه ، بولور : « طوتمادى ياهو ، ينه ! » دير .
 گولمه دن جاتلايه طورسون بىرىكن چارشى ، بازار ؛
 « بو قدر طوتدىنى يىتمى قوزوم ؟ » دير عطار .

سزده آرتىق اوزون ايتمكده سكر ، هم بك اوزون ؛
 اوچ ساعت اسنه مه دن دىكله دىكم نطقكزك ،
 « ياشاسين ! » معجونى پىمانه الهامى بوتون ،
 هانى ، سرخوش قوشه دوندك ، متمادى اوتدك !
 — بىراق اوغلم ، يتر آرتىق ، شاقه نك وقتى دكل .
 — سنده ، اويله سه ، بزم معجونه باش كسمه يى بىل !
 — ساده بر « بال » دىيويرمكله آغىز طاتلانسه ،
 آرى اوچش ديه ، قاقچش ديه هيچ چكمه طاسه .

— حمد ایدیورسەم ، یریدر :

شافعینک می ، کیمگدر اوشەر ؟

— هانکی شعر ؟

— هانی « پیغمبرک اولادینی جاندن سومک ،

رافضیلکسە ..

— اوت ،

— « یرده بشر ، کوکده ملک ،

رافضیدر بو ، دیسین هپسیده حقمده بنم ،

بن اویم ، ایشته .. « دییور ..

— بیلدم ، اوت .

— قائلی کیم ؟

— شافعی ظن ایدرم ، نهیسه ، فقط مقصدیکز ؟

شونی لطفاً بکا تشریح ایدیکز ، آکلادیکز .

— یقیلان یوردیمه جنت دیهیم ، معذورم ؟

هانی معموره ؟ خرابه یله بنم نهیدی زورم ؟

هکبه صیرتنده « عدالت » دیله نیرکن ملت ،

مستریح اولمانک امکانی می وار ، انصاف ایت ؟

« یاشاسین ! » معجونى اعلا ایدی ، یوت ، کیفکه باق ؟

طوتیمور شیمدی ، فقط ، بیك یالا پارماق پارماق .

— نهیه تیریا کیسی اولدک بوقادار سنده آیول ؟

طوتیمور ، چونکه آلیشدک .. یمه یه یدک بول بول .

بزمی تر ، سز میسکیز ؟ سز سکیز البت ..

— البت !

— یقیدیکز قازمه یه قوت ، نهده سر عتله :

— اوت .

— برهنرمش کبی اقرار ای دیور آغزیله ..

— چونکه مکتب یاپه جقدق اونک انقاضیله .

— چونکه مکتب یاپه جقمش !... نه قولای سویله می !

بر کومس یاپدیفکیز وارمی که ، بر قاز کومسی ؟

— انقلاب امتنک شانی یاقوب یققدق .

— سزه چیلغین دیمه یین وارسه ، قوزوم ، احقدق .

یققدق انسانلره یاققدق کبی قیمت می ویرر ؟

اونی اک چولپا حریفلرده ، امین اول ، بحریر .

ساده سن کوستریور « ایشته بودرقبه ! » دیه ؛

ایکی ایرغادله اینر شیمدی سلیمانیه .

آما کل قالدیرلم دیندی می ، هیات ، اوزمان ،

برسلیمان داها لازم یکیدن ، برده سان .

بونلرک وارمی سزک لیسته ده هیچ بگزری ، یوق .

یانه وار ؟ بر قورو دیل ، سز بویوروک ، قارنم طوق !

اوتمه ییک نافله بایقوش کبی قارشیمده ، صوصک !

— مرتجعسین به امام ؟

— مرتجعم ، حمد اولسون .

— هله باق حمد ای دیور !

۱۰ دېيىم دىنلرى باطلسى ، حريفلىرى انسان .
 ۱۱ ھېچ ايتىق كزديكى اولماز يا بزم فارماصونك ..
 ۱۲ ايچكى يوزلر صوينى ، اخلاقنى بربىلىسەك اونك !
 ۱۳ شىمدى ايستر بنى سن حقلى كور ، ايستر حقمنز ،
 ۱۴ اويله دولت كې ، نعمت كې لافلىر بكا ويز !
 ۱۵ علمى يوتدورسه خير يوق بومصيتلردن ..
 ۱۶ بيراقك اوغلى ، جاهل لكه راضى يم بن .

— حقى وار .

۱۷ — پك كوزل اتما ، بوايشك يوق كه صوكى .
 ۱۸ قاپادق مكتى ، قوغدق ديهلم فارماصونى ،
 ۱۹ باشى بوش كويلونك اولادىنى كيملر يده جك ؟
 ۲۰ ادام ايستر اوكا انسانلغى تلقين ايدە جك .
 ۲۱ بونى نردن بولالم ؟ كيملره ايصمارلايهلم ؟
 ۲۲ او كجه قاچ تز كاھمز وار ، باقالم ، برصايەلم ..
 ۲۳ — پك اوزون بويلى حساب ايتە ، نەدر مسئلە كه ؟
 ۲۴ ھر كسك بيلديكى شى : مدرسه ، بر ، مكتب ، ايكي .
 ۲۵ ايشته عرض ايليورم ذات فضيلانه كزه :
 ۲۶ ايكي سندن ده خير يوق بوشرائطلە بزم .
 ۲۷ — غالبا سن يكي دن قيزديرە جقسين كوسە يى ؛
 ۲۸ سويلە ، ميراث يدي بك ، كيمدى يقان مدرسه يى ؟

باری بر پارچه آلیشسیدی یا صوک صوک، آرامه!
یوله کلز شهرک صویسزی، یوقدر قولایی.

کیلوب خوش بش ایدن اولدیمی، طینازده آیی،
برباقر انسانه یان یان که، یوز اولش ماندا،

جانی یاندقجه، دوزر اویله باقر نعلبنده.

بر سلام ویر به حریف! آغزک آشینازی.. خاییر،

نهبیلیر ویرمه یی حیوان، نه ده سن ویرسهک آلیر.

یاغلی یر، چشمه یه کیتمز؛ صو دوکر، ال ییقاماز؛

هله طیرناقلری بر قازمه که انسان باقاماز.

قفا اورمان کبی، لکن، او بیق هپ بودانیر؛

نهبیدر دیسهک آکلار، نه توکورسهک اوطانیر.

ترتمیز یرلره کیپ کیرلی فوطینرله طالار؛

قالدیریمدن داها برباد اولور آرتیق اوطه لر؛

اورتو، میندر بولانیر هپسی، باقارسین، چاموره.

صو مهندسلری کلشیدی.. حریفلر کاوورآ،

نمه لازم بزى اینجیتمدیلر ذره قادار؛

اینان اوغلم، ده اانصافلی ایمش چورباچیلر!

طاتلی یوز، بال کبی سوز.. باشقه نه ایستر کویلو؟

آدام آلداتما یی اعلا بیلور قعجه دولی!

نه ایچن واردی، نه سجاده یه چیزمه یله باصان؛

کویلو جاهلسه ده حیوان می دیمکدر؟ نه دیمک!
 کیم تپر نعمتی؟ انسان مکر اولسون اشک .
 قوجه بر ناحیه تیره شدک ، اودونسز یاتدق ؛
 او بویوک مکتبی کوردکڭیا ، قیشین بز چاتدق .
 کیمسه اولادینی جاهل قومق ایسترمی آیول ؟
 بزه لازم ایکی شی وار : بری مکتب ، بری یول .
 نهیه تورکک جانی یانغین ، نهیه ملت کریدر ؛
 آکلادق بز بونی ، آزچوق ، سنه لردن بریدر .
 صوکره باقدق که حکومتدن اوموب طوردجه ،
 نه مهندس ویره جککیر بزه ، آرتیق ، نه خواجه .
 پاره بزدن ، خواجه سزدن دیویوردک .. او زمان ،
 چیقہ کلزمی بوصویسز ، آمان اللهم آمان !
 سن ، اوغول ، ازبره چالدک بزه آقشام ، قاره یی ..
 کورملیدک او معلم دینیلن مسخره یی .
 کبیرر ، جامعہ کیرمز ، نه اوروج وار ، نه نماز ؛
 غسل آبدستنی الله بیلیر اما طائماز .
 یلده ایزلر بیراقیر کزدیمی برچیش قوقوسی ؛
 ابهنک تمکنه سی عمرنده پیسک کوردیکی صو !
 قاینایوب چیفته قازان ، آقسه ده چامچاق چامچاق ،
 بونی بیلمم که یارین هانکی امام پاقلایه جق ؟
 خویی دیرسه ک ، بر آدامجیل که صوقولماز آدامه ..

يانه جغمز او طه نك صاحی مستانی دای ،
 كتیریر كن بنی ، صاغ الله فتر ، مسجودن ؛
 « كورول كورول او قویور هپ ، كورول كورول او قویور ؛
 یا کیل ده بر ، دلی او غلان ، باباك مزارده می ، صورا !
 دیویر مزمی ، نه دیر سین ؟

— آما پك خوش جدا .

— بونی طویدم زهر ایچمش کبی سر سملشدم .
 اوه کلدك ، حریفك قلبی آرتیق دشدم .
 نه ده چوق شی بیلیورمش ، به خواجهم ، کویلومكر !
 — اویله در .

— سن ده شاشارسین ، هانی ، سویلر سه ام اکر .
 آکلادم : بیلیمه جك تیلکی اونك بیلدیکنی .
 — هادی نقل ایت باقالم شیمدی شو بیلکی جلكنی ؟
 — دیدی :

« فتوایی ویرن محکمه ، یا کلیش ، کرچك ،
 ایکی دعواچی نه سویلر سه بوتون دیکلیه جك .
 اوزماق کسدیکی پارماق آجیماز ، آما . .
 آما هپ بر طرفك آغزینه باقق ، او فنا .
 بنم آرقه مده کی دوشمان بکا مولدی اوقور ؟
 طور که بن سویلیه یم برده ، قوزوم ، سن هله طور !

سیزی میزانه چکر کن بونی صورمازلمی ؟
 مسلمان ، الدہ عصا ، بلدہ دیویت ، باشدہ صاریق ؛
 صوکرہ ، صیرتندہ ، یدک ، شاپلی بش اون دستہ چاریق ؛
 آلتی آیلق یولی ، طاغ طاش دیموب ، چیکنہ یہرک ،
 چین ماچیندہ کی بر علمی کیدوب اوکرہ نہجک .
 هیچ دوشونمک دہ می یوقدر ، بہ آداملر ، بونہ ایش ؟
 اک بویوک طالعی مولی سزہ احسان ایتمش ،
 ہم دہ تا اولدینگز موقعہ کوندرمشکن ؛
 تپدیکنز کندی کلن نعمتی سرسملکدن !
 چوق زمان کچمہ جکدرکہ بونانکورلککنز ،
 نہ فلا کتله میدان ویرہ جکدر کوروکنز !
 کویلرک یوزدہ بوکون سکسانی ، حتی ، خواجہ سز ؛
 سزدہ اونلر کبی جاہل قالہرق آ کلایکنز !
 بر خطا اولدی ، دیوب شیمدی پشیانسکنز ...
 نہ چیقار ؟ کیتدی کیدن ، قیدیکنز اولادیکنزہ ...

بوکا بکزر داہا بر خیلی صاووردم ، اسدم ،
 سس ، نفس ہپسی توکنمشدی ، نہایت کسدم .
 صانیوردم کہ دعادن قوجہ مسجد ایکلر ..
 اومدیغم چیقما دی هیچ : پک یاواش آمین دیدیلر .
 چکیویردم او زمان بندہ همان فاتحہ بی .

كیده جك يولجی ده وار ، آقشامه ایندك اورایه .
 یاتسودن صوگره اهالی « بزه وعظ ایت . » دیدیلر ؛
 چکدیلر آلمه بر جیللیفی چیقمش میندر .
 تخته سوردم ، سیلینوب چوره قادار یگدرله ،
 کلدی ، تا کوکسمه یاصلادی سقط بر رحله .
 اولا حمدله دن ، صلوه دن باشلایه رق ،
 کیرمه دن مقصده دیباجه بی سر دم چابوجاق .
 علمه قیمت ویرن آیاتی ، احادیثی بوتون ،
 او قودم ، حاصلی بلبل کبی اوتدم بن او کون .
 صوگره ، تأیید الهی اولاجق بسبلی ،
 او یله بر مسخره ایتدم که او خائن جهلی ،
 هانی کندم ده بکندم .

— آدام ، آ کلات ، نه دیدک ؟

— بری عقلمده دکل .

— او یله می ؟

— باقدم ، صدک ،

تام زمانیدی ، اهالی یه چویردم یوزیمی ؛
 آچدم آرتیق بوسفر آغزیمی ، یومدم کوزیمی ؛
 هیچ معلم قوغولورمیش ، آبول ، سویله ییگنز ؟
 او سزک دولتگنز ، نعمتگنز ، هرشیکنز .
 خواجه حقیله برابر کله جک حق وارمی ؟

بۇ بو آھنىكى خراب ايتمه جكدك ، ايتدك ؛
 قاپانير تورلو دكل اچديغمز قانلى گديك .
 نه قادار بگزيورز شيمدى سقط بر ديواره ..
 وحدتك تر تمیز آلنده نه چير كين بوياره !
 هادى ايش كور باقالم ، وارمى كه امكان ؟ زرده !
 ايكيكك عزمكه حائل كسيلير هريرده .
 نه ديسهك ، ديگله ميور ، نافله ، بر كيمسه بزي .
 — اويدوروڭ سزده ، بكم ، خلقه بيراز كنديگزي .
 — حقليسين .
 — آقيري كيتمكه بو يول هيچ چيقماز .

— قونيه ده يدم ...

— خبرم يوق ، نه زمان ؟

— بيلدير ياز .

شهرى آز چوق بيلير ، اطرافنى پك بيلمزدم ؟
 بارى بر كويلرى كورسهم ، ديهه چيقدم ، كزدم .
 يولده طويدم كه : فلان ناحيه نك اعيانى ،
 اوچ كون اول قوغيويرمش خواجه بيلمم فلانى ؛
 هر كس اولادىنى آلمش ، قاپاديلش مكتب .
 چوق فنا شى ! هله بر آڭلايهلم ، نه يدى سبب .
 هيچ ايشم يوق ، بوده اولدقجه مهم طوغروسى يا ،

هادی مالیہ کلین باقلم موسیو لوران .
 هانی تز کاھلریکنز زردہ ؟ صنایع زردہ ؟
 یا بروکسلدہ ، یا برلیندہ ، یا مانچسٹر دہ !
 بز نہ مفتی ، نہ امام ایستہ مشنز آورو پادن ؟
 نہدہ عقبادہ شفاعت دیلرز ریما پادن .
 سنز کیدک بونلری اصلاحہ باقیک پیدرپی ؟
 خواجہ دن ، مدرسہ دن واز کچیکنز ، والی بک ! ،

*
* *

نہ دیدک فقرہ مہ ؟

— اعلا ! بنی خبط ایتدک ، امام !
 — یولہ کل شویلہ بیراز ، نہیدی اوسوزلر ؟
 — بہ خواجہ م ،

سکا بز مدرسہ نک خدمتی هیچ یوق دیمدک ؟
 بر بدهت بوکہ انکارہ چالیشمق دلیلک .
 خلقی ارشاد ایدہ جک وارمی یا سزدن باشقہ ؟
 اونی انسان بیلہ صایماز متفکر طبقہ !
 کویلودن ملتک اولادی قاچار کن یان یان ،
 سیزدینگز کویده کی عنصرلہ برابر یاشایان .
 روحکنز خلقمزنک ، کویلومزنک روحنہ دنک ؟
 سوزینگز بر ، اوزینگز بر ، او نہ مسعود آھنک !

خالقك ارشادی میدر مقصد تأسیسی ؟ تمام :
 شهره مفتی ویریوز ، منبره ، محرابه امام .
 خطبا کنز اورادندر ، اورادن واعظکنز ؛
 اورادن در خواجه کنز ، قیمکنز ، حافظکنز .
 عدلی توزیع ایده جک حاکمه فقه او کرده دن او ؛
 هله کوی کوی دولاشوب کویلوبی انسان ایدن او .
 شیمایی بر مسئله وار عرض ایده جک ، چونکه دکر :
 بونلرک هپسنه آز چوق یتیشن مدرسه لر ،
 بر زمان مفتقر اولش می عجب خارجه ؟ یوق .
 ایی آما ، آبکم ، شوبله باقینسوق ، بر چوق ،
 بر آلائی مکتب عالی دینیلن یرلر وار ؛
 صورتو کنز بونلره ملت نه ویریر ؟ میلیونلر .
 شو نه ؟ ملکیه . بو ؟ طویه . بو ؟ بحریه . اونه ؟
 اومی ؟ بیطر . بو ؟ زراعت . شو ؟ مهندسخانه .
 چوق کوزل ، هیچ بری حقنده سوزم یوق ؛ یالکنز ،
 نه یتیشدیردی که شونلر عجبای ؟ آکلاتیکنز .
 ایشمز دوشدی می ترسانه یه ، یاخود دکیزه ،
 مطلقا ، عادتمزدر ، قوشارز انکلیره .
 بر یقیق کوپرو ایچون بلایققدان قالفه کلیر ؛
 هکیمک حاذقی بیلیم نرودن جلب ایدیلیر .
 مثلا بودجه حساباتی یوقدر چیقاران ..

بویله بردن بره مسوده ده فیرلار بعضی !
نه یسه کچ فقره یه .

— رده یدک ؟ اوت ، شیمدی ، نطق

بیتر آما یاییلیر مجلسه بر طور غونلق .

چونکه املایه کلیر هرزه دکل طویدیغی شی !

صوکره قلقار خواجه لردن بری ، دیر :

« والی بك ،

شو خطابه یله طاوانلردن اوچان افکاری ،

طوتامازلرسه کوچوک کورمیکز حضاری .

سز که یکرمنجی عصر لرده سکز ، باقسه کز آ ،

بزم اون دردینه دون باصمش اولان عصریمزه !

آلتی یوز ییل می ، اوت ، تام اوقادار لازم که ،

قابل اولسون او بویوک نطقکزک ادراکی .

ساده « اصلاح مدارس » می نه ، بر شی دیدیکز ..

اونی آکلار کبی اولدقسه ده ایضاح ایدیکز :

عجبا هانکی ضرورت سزی سوق ایتدی بوکا ؟

یا فساد اولمالی میدانده که اصلاح اولونه .

بونی بر کره قبول ایله میز ، رد ایدرز .

صوکره ، بیچاره مدارس اوقادار صاحبسز ،

لوقادار باشند آتیلمشده اوحالیه یه ،

دوشویور ، قالقیور آما کیدیور خدمته .

واقعا حالت روحیه سی وار اقوامك ؟
 پورنسیپله ، فقط ، معشری پك اعظامك ،
 بلکه فردیتی صارصار بیراز عكس العملی ..
 ساده شأنیت اعصاری طوروب دیکه ملی .
 اجتهدی غلیانلرده مهمدر یا ، اصل ،
 اقتصادی جریانلردر اولان مستحصل .
 بونی تأمین ایده مزلرسه نهایت خواجهلر ،
 اسقولاستیکله صنایع یوله کلمز ، پوجالار .
 ایلک آدیمدر آتہ جقدر بونی البتہ علم ؟
 پار پرنسیپ ، کلک ، اصلاح مدارس دیبہلم .
 — پار پرنسیپ می ؟ بایلدیم به !

— فرانمنزجه می ؟

یا حریفدن ده می آشك صانیوردك امامی ؟
 — بردن آشك دیبه ، بیچاره هنوز مسوده ..
 نه یتیشکینلری وار ، طورسون او صاغلام شدہ .
 — هانکی مسوده ؟ نه مسوده سی ؟ بریلیمجه که ..
 — مرکبک ..

— ای ؟

— متکامل صوبی اولمازمی ؟

— پکی ؟

— ایشته خلقتدن او صورتده چیقارکن بیاضی ؟

— فقره کلسین می نه دیر سین ؟

— هادی ، کلسین باقلم.

— صوك زمانلرده حكومت شماريق بر دلی بی ،

كوتورور بر یره والی دییه باغلار.

— نه ای ؟

— حریفك ایلک ایشی « تكمیل خواجه لر کلسین ! » دیر.

که طبعی بو آداملرده اجابتله کیدر.

او کجه تبریک ایله تقدیم ایچون آز چوق طورولور ؟

صوکره « مجلس » دینیلیر ، بر قوجه دیوان قورولور .

شیمدی کرسی یه آبانسین ده سنك والی بك ،

نطقه کلسین می آدام ظن ایدرك کندینی ؟...

— آی ی ؟

نه دیمش ؟

— یوق ، نه گیرمش دییه صور ! معناسز

بر ییغین رابطه مشتاقی پرا کنده لفظ ،

براتك یاوه صاچار ، بر سورو جنت صاوورور ؟

بوده یتمز کبی پش تخته یه اوچ کره اورور ،

دیر که :

« یکرمنجی عصر ، فنلره ذهنیتلر

ویره بيلمکه تیلر و تفاخرلر ایدر .

نه او قیزد کی ؟

— خایر ، آ کلارم اما گه نه بی ،

صاغدیکنز سزده عصر لرجه او صاعمال اینکی .

— حقمزدر صاغارز : قهرینی چکدک او قادار ،

بسلدک ..

— یا ؟

— نه دیمک ؟

بسلدیکنز ، حقک وار !

هانکیکنز بر طوتام اوت ویردی ، بیراق بسلمه می ؟

— یوقمیدر مدرسه نك کویلوده اولسون امکی ؟

— مکتبک ، بلکه .. فقط مدرسه نك ، هیچ اومام .

— قیزارم ها !

— او سنک حق صریحکدر امام .

— خلقه یول کوستره جک بر قیلاغوز وار : علما .

قالانک هپسی ده بوش .

— بوشدر ، افندیم ، اما ...

— نه یمش اما سی بکم ؟

— یوق ، شو سزک مدرسه لر ،

عصرک ایجابنه اویمقده عناد ایتسه لر ..

— کیدک اصلاح ایدک اویله یسه !

— حقیقت ، لازم .

— نه قدار طوغرو! خواجه م، خيره يورولماز بوكيديش.
 — سن او رۇيايه حقيقت دىيوير، تام بزم ايش.
 حريفك حالنى كوردكيا، بوكون ملت ده،
 عىنى مسلكدە، او فطرتده، او ماهيتده.
 طانماز بىنديكى مخلوق، سورر كور كورينه؛
 طانماز كيتدىكى ير هانكى طرف، كوردىكى نه؟
 فكرى يوق، دويغوسى يوق، صانكه يورور بر كوتوروم؛
 بوده صاغليقسە ا كر بنجه مرجحدر اولوم.
 اوچ بىنسز قفانك سوقنه شاشقين كې رام؛
 قىرباج آلتندە بوتون كون، نه تظلم، نه قىام.
 طوتدك، او غلم، بكا ماضيلرى تصوير ايتدك؛
 كويلونك حالنى بىلمز، ديهرك ديكلتدك.
 خسته ميدانده، تداوى يەده جداً محتاج؛
 يالكىز كورملى يم نرده هكىم؟ نرده علاج؟
 نسل حاضر كه صاريق كوردىمى، تىزىل ايدىيور،
 دفع اول اسقاطىجى دىيور، جرجى دىيور، لشجى دىيور..
 خواجه زاده م، نه سولوكش او مكر واى جانە!
 ديش بىلرمش سنە لردن برى توركك قانە.
 اميور فرصتى بولمش ياپيشوب، هم نه اميش!
 گە نه برشىمى عجب، آه او نه طويماز شىمش!

آغاچی دیسه م ؟ کو تو کمی دیسه م ؟

دیوار می دیسه م ؟ هویو کمی دیسه م ؟

آغیل می دیسه م ؟ حمانی دیسه م ؟

ییقیمی دیسه م ؟ تمام می دیسه م ؟...

— یا صو کره ؟

— قارشیمه ، باقدم ، دیکیلدی ..

— کیم ؟

— بر آدام ..

— طانیشدیکز می ؟

— او ، بیلیم طانیر می ، بن طانیم ..

بابامی دیسه م ؟ قیز می دیسه م ؟

خضم می دیسه م ؟ خیصیم می دیسه م ؟

چیفیت می دیسه م ؟ کاوور می دیسه م ؟

شودر می دیسه م ؟ بودر می دیسه م ؟...

— اوزاتما ، سن بولویور سین بلا کئی اللهدن ..

بو: الله بر؛ یالکز پک سچیلیمور نه زمان ..

بو کون می دیسه م ؟ یارین می دیسه م ؟

اوزاق می دیسه م ؟ یاقین می دیسه م ؟

یازین می دیسه م ؟ کوزین می دیسه م ؟

کوزین می دیسه م ؟ یازین می دیسه م ؟..

— يىڭ يىۈب ياتىۋىردىم ، تمام يارىدى كىچە ،
 بر اۋىلە حيوانە بىندىم كە سىچەمدەم ايىچە .
 — پىكى ، اۋىندىكىڭ آتىمدى ، آ كلاسەق ، نەيدى ؟
 — بىلىرمىم ؟ يالگىز دىرت آياقلى بر شىدى ..
 قاتىرمى دىسەم ؟ اشكى دىسەم ؟
 اۋ كوزى دىسەم ؟ اينكى دىسەم ؟
 آل آتمى دىسەم ؟ ايدىچى دىسەم ؟
 قوبونى دىسەم ؟ چىچى دىسەم ؟
 — كوزل !

— بىراز يورودىك ..

— كچدىكىڭ فاصىل ىردى ؟
 — فاصىل مى ىردى ؟ ... اۋنوتىدىم ، كورورمىسەن دىردى ؟
 يوقوشى دىسەم ؟ اينىشى دىسەم ؟
 اوزومى دىسەم ؟ كنىشى دىسەم ؟
 چوراقى دىسەم ؟ چايرى دىسەم ؟
 صولاقتى دىسەم ؟ خايرى دىسەم ؟
 — تمام ! ايلردە نە كوردىڭ ؟

— ايلردە بر قوجامان ،

قارالتى واردى ..

— پىكى ، اسمى يوقى ؟

— بىلىم آمان !

ایکنجی دفعه کلیرلر: — اوجاغکه دوشدک، آمان،
حریف لاف آ کلامیور، کل ده صوکره یات، هایدی!
— صباح صباح بونه دوشدر به؟ کورمن اولسهیدی!
هنوز یاتاغمه اوزاندم باقیگدی عکسیدکه..
کبرمدیدی یا!

— سن کیتده سوز کچیر دلی به!
نه سویلسهک قیزیور.. حق شاشیر تماسین قولنی.
آدامجغز چیقار اودن، طوتار کویک یولنی،
که اویقو سر رسمی طاق دیر زاوالینک جاننه؛
دوشر کلنجه نهایت قیر آغاسنک یاننه.
— آمان به عمی!
— نه وار؟

— دوش یورار میسین؟
— به آدام،
بیزاز نفسلنهیم، طورکه، یورغونم..
— طوره مام.

— نه دن؟
— فنامه کیدر بکله مک ده..
— واه! واه! واه!
— بیلیر میسین که نه کوردم..
— خیردر انشاء الله؟

صباحلر آقشام اولور شی دکل ، بو ، تیریاکی ؛
 بوتون کون اُسْنه مەدن ، حدّت ایتْمه دن بیقْمش ؛
 آل آتله باغداشەرق « یاسفر ! » دیمش چیقْمش .
 طاقیم راحت ، پالا اویغون ، غزا مبارک اولو ؛
 طاووقلی ، ھندیلی کویلرده ھفته لرجه مولا .
 رفیقی آرپه نی بولْمش ، کسر ، فریح وفخور ؛
 بو درت اوگون ییوب ایستر صوکنده برده سحور !
 بادھوا سوفره یه دوشد کُمی ، خوش کچر رمضان ؛ ۱]
 مسافرْم دییه انسان مقیم اولور بعضاً .
 ناصیلسه برکیجه بردوش کورور بزم یولجی ؛
 سباخی بکلیه مز ، یوق یا خائْنک اوروجی ؛
 او یان دیریر نه قادار کویلو وارسه ، دیر : چابوجاق ،
 کیدک بولوک بکا برشویله زورلو دوش یوره جق . ۲]
 چاریقجی عمی یی صاغلیق ویرر جماعت ده ،
 — فقط سحورده یاتار ، قالقه ماز بوساعتده .
 یئراز صبرلی اولیک ..

— شیمدی ایسترم ، کله جک :

بن او یله بکله یه م ، قالقه ماز دیمک نه دیمک ؟
 چاریقجی عمی کلن خلْقی اوغراتیر قاپیدن .

۱] « بادھوا » کله سنی سویلندیکی کبی اوقویه جقز : به داوا .

۲] « دوش یورمق » رؤیا تعبیر ایتک .

کیمی آلمش پاچا قاصناق ، او آچار ، خصمی دوزر ؛
 کیمی کونده یله کیدر کن طوبوق اللرده یگر .
 کیمی جرأتلی اولور چیفته طالار ، همده قاپار ؛
 کیمی باصقین چیقهرق قاز قاناندن چارپار .
 سیر ایدن خلقی ده برگور : اونه جاندن خدمت ؛
 اونه رقتلی آداملر ، اونه معصوم امت !
 یاریلان باشلری چوره یله بوغانلرمی دیدک ..
 کوز سیلنلرمی دیدک ، اینجیک اوغانلرمی دیدک ..
 یاغ سورن باشقه ، صاران باشقه ، چوزنلر باشقه ؛
 صو ویرن باشقه ، کو کوملرله کزنلر باشقه .
 شان ، شرف دویغوسی ملتده ناصیل یوکسکسه ،
 مرحمت حسیده اویله ییدی ، دکلبدی کوسه ؟
 نه او ؟ برشی دیمدک ...

— کچمسه ماضی دیرلر !

— طوغرو ، لکن ..

— بیراق ، او غلم ، کله جکدن نه خبر ؟

— اونی الله بیلیر آنجا .

— آزیحق قولده بیلیر .

— بيله مز ، چونکه کورونمز .

— ای اما سز یلیر :

اوروج صیجاقلره کلش ، قیر آغاسی باقش که :

نہ تماشادر او ، تیرتر طورور انسان تیر تیر .
 بر بردن داها موزون ایکی اوچ چیفت اندام ،
 آتیلوب صحنه شاهین کی ایتزمی خرام ؛
 سس ، صولوق چیقماز اولور ، هر کسی اور پر مه آلیر ؛
 او کنیش یرده نفسله برابر طارالیر .
 چونکه میدانده دکل ، سیره باقاندردہ بیله ،
 حاصمک دنکی هیا کل سچیلیر یوزلرله .
 شیمدی ، صاغ قولده ، کوموش قابلی برر بازوبند ،
 بونی میصقه یله دونامش ، او یاریم دسته لوند ،
 او کجه پشرو یاپه رق ، صوکره طوتوشماز لرمی ،
 کولش آرتیق قیزیشیر ، خصمنی طارتار خصمی .
 اوزانیر شیمدی کوکسلر ، قاووشور ؛ شیمدی ، ینه
 طالغه چاربار کبی چاربار کریلوب بربرینه .
 کیمی تک چارازه کیرمش ، متمادی سورویور ؛
 کیمی شیرازه بی طارتوب آلیورمش ، یورویور .
 کیمی صارمه یله چور سه م دیبه صاردجه صارار ؛
 کیمی قیلچیق دوشونور ، آتق ایچون فرصت آرار .
 عضلی گوگده لر آلتندہ اویچاره چاییر ،
 سریلیر طوپراغه ، هم برداها قالقارمی ؟ خاییر !
 بوال اکسه یله دوشورمشده همان جولانیور ؛
 اوده قورتولق ایچون تورلو اویون قوللانیور .

تازە شربت صونولور تازە كسىلمش قارلە ؛
بوزلو آرانسە دونر اورتەدە باقراجلرلە .

اوكلە اولمازى ، جماعتلە قىلارلر نمازى .
كولشك گوملر اوئانادە مەيب اينجە سازى :
اوطورور بسلى داووللر يره ، شيشمان شيشمان ،
پردە كوسترمە يە باشلار قابالردن ، اوزمان ،
اويلە ايكلكر كە زمين : قلب فضا « كوت ! كوت ! » آتار ؛
زور نانك تيزلرى ، دىرسەك ، يدى اقليمى طوتار !
شىمدى ، حيوانلى ، يايان ، قىز ، قادىن ، اوغلان ، ارلك ؛
قوشاتير ايپ چكىلن ميدانى يوزلرجه اوبك .
برطرفدن دە اينر نامتناهى آرابە ..
اينر اما اوقادار سوسلوكة ، دىرسين : « عجباً ،
شوبياض تنه لرتنەلر آلتندە برر حجلە مى وار ؟ »
چكىلير ديركن اودوللر : سكز اون سچمە داوار :
ايكى باش ماندا ، برر طاي ، طانا ، طوپ طوپ طوقوما ..
هله پشكير كى پشكشلىرى آرتىق صورما .
ياغ قازانلرلە طورور ، طارتيسى يوق ، اولچوسى هيچ ؛
هانى ايستر سورون ، ايستر دوكون ، ايستر سەك ايچ !

بونلرئك هېسى بىتر ، برهيجاندر بليرير ؛

اسكيدن زورنالر اوتدجكه فضا ايكلردى ؛
اونه دهشتلى دوكونلر ، اونه درنكلردى !
قورولور ميدانه خرمن كې قيرق اللى سىنى ،
طابلارلر يىغمايه باشلار قويونك بسليسى .
اكسه قات قات طاشوب اطرافه دوكولمش ياقه دن ؛
كوكسك ابعادى قاباردجقه كريلش جامادان ؛
باشده آبانى صاريق ، تنده حلالى كوملك ؛
بلده لاهور شالى ، اوستنده او صوم صيرمه يلك ؛
دیزده قايطان چويرلمش چوخه دن صيقمه پوطور ؛
عمجه لر ، لوك كى ، باغداش قوره رق حلقه اولور .
سوفره نك هاله سى شكلنده طوران ، قطرى كنیش ،
بويى چپ چوره قىلاپدانله ظريف ايشلنمش ،
اگنى آز پشكیری هر كس كوتورور ديزلرینه .
چوربادن صوكره ائك تورلوسى قالقوب ، يرینه ،
خمورك تورلوسى دولت كې قوندجقه قونار .
سكنز اون یرده كوكوملر متمادى قاينار .

صوگره سويلنميه جك شكلى ده وار خسته لغك .
 بر طرفدن بولانير لوته حسابسز ناموس ؛
 برطرفدن سرييلير طوپراغه ميلونله نفوس .
 هادى آلديرمايه لم يوكسه له طورسون وفيات ،
 زرده نقصانى تلافى ايدى جك تازه حيات ؟
 اوله نوب عائله تشكيلى بوكون زوركليور ؛
 كوروپورسين يا نكاحلر نه قادار سيره ليور !

* * *

کویلوک بر شینی یوق ، صحقی ، اخلاقی بیتیک ؛
 باق او صیرتنده کی مینتان بیله تیفتیک تیفتیک .
 برکمیک ، بردریدر اولمدی قالدیسه دیری ؛
 زده اولکی رفاهک عجبا اونده بری ؟
 طام چوکوک ، عرصه رهن ، بانجه بی « اجرا » ایستر ؛
 بر قلم بورجه بدل فائضی دفتر دفتر !
 هیچ باقیم کورم دیکندن می نه دندر ، طوپراق ،
 ویریلن تخمی ده انکار ایده جک ، اویله چوراق .
 بره درت آلدینی ییل کویلو ، امین اول ، قودورور :
 خار اورور بیتیمه جگمش کبی ، خرمن صاوورور .
 اوغراماز ، کون قاووشور ، چیفتنه یاخود اوینه ؛
 صباح اسقامیل آثار قهوه ده ، آقشام دومینه .
 مختصر ، غیر مفید علمی قادارد دینی ؛
 نه اوامر ، نه نواهی ، سچه مز هیچ برینی .
 نمازک سمتنه بایراملری اوغرار ساده ؛
 هیچ صوکورمز یوزینک دوشمانیدر سجاده .
 هانی ، اوچ بش کیشیدن فضله مصلی آرامه ؛
 مسجد آنبارلق ایدر ، باشقه نه یاپسین ، امامه
 وقومق بحثی کچ .. چونکه اودفتر قابالی ،
 بردیف ضابطی مکتبلی دبوی یاپه لی .
 صیتمه ، فحش ، ایچکی ، قومار دورلو فجایع صالحین ..

تپەدن قویروغی دیکمیش ، اینە طورسون طانالر ،
 طالار اطرافە کویک دامغالی یوزلرجه طایی ؛
 ایکلەدیر آت سسی ، قیصراق سسی گوم گوک اووایی .

کوندوزین کیمسە کورونمز : قادین ، ارکک چالیشیر ؛
 وارسە میداندە کزن طوس طوپاچ اوغلانلردر .
 آقشام اولمازمی ، فقط ، طوپلار اھالی بی اذان ،
 صوڭ جماعت یری ، حتی ، آدام آلامز بعضاً .
 کونش آفاقە هنوز عرض وداع ایتمشکن ،
 یوکسەلیر کعبە یە طوغرولمش آلینلر یردن .
 اوڭجە بردالغە لانیر ، صوڭرە ایدر ھېسی قرار ؛
 اورولور اڭکی اوموزلرلە برر جانلی حصار .
 بویامان صفارک آھنکی حقیقت مدھش :
 صانکە یالچین قایالر یان یانە پرچینلنمش ،
 اویلە برجھە کسيلمش کە : مسلسل ایمان ؛
 ھانکی ایمانە طوقونسەڭ طاشەجق اطمینان .
 آھ او یکپارەلک ایامی خیال اولدی بوکون ؛
 ملتک حالنی کور ، صوڭرەدە ماضی بی دوشون .
 کیم بویالچین قایالر صارصیلە جقدر دیردی ؟
 اویلە صارصیلدی کە ادوارە تزلزل ویردی !

طاغىر اورمان ، تېلر باغ ، اووالر ھې تارلا ؛
 قوجە مرعى طولو باشدن باشە صاعماللرلە .
 ايكنە آتسەك يره دوشمىز : او اكين برطوفان ؛
 آتلى كيرسەك كومولور بوغدايك آلتندە قفاك .
 كويلونك قيرلرى طوتمش ، ياييليركن داوارى ،
 سوكه مزسين ، صارار آفاقكى يوڭ دالغەلرى !
 طولاشير سال كې كوللردە حسابسىز ماندا ،
 فيل صانيرسين ، ھانى ، برچىقسەدە كورسەك قارەدە .
 كنىش آلئىلە يارار اوتلرى بىكلرجە او كوز ،
 بسيدن ھېرىنك صيرتى ، باقارسين ، دوم دوز .
 نەدە ايضلاق پاتى بورىندەكى موس مور منوئش ! [۱]
 ھادى كلسين باقالم طاملرك آلتندە كويش .
 ديز چوكر بولدىمى ياصلانمايە كافى ميدان ؛
 سورونور طوپراغك اوستندە اوقات قات كردان .
 چيفتە كوزلر سوزولور ، تىك چكە طورماز چيكنر ؛
 ايكي ياندن يره شفاف ايكي ايليكدراينر .
 بونلرك آغدەلانير ، ماچ ماچ اوتركن ساقىزى ،
 اوتەدن برسورو كوربوز ، دموى كويلى قىزى ،
 طارايوب ھېسنى اولاد كې ، بربرقىنلار .

[۱] صيغىرلرك بورونلرى اوستندەكى ايضلاق نشانە صحتدر . كويش
 كتىرملرى دە اويلەدر .

برتکر لکری آچاق ، یانه یاتمش آرابه ؛
 یرلیدن آز قابا ، مالطیز کچیسندن چوق اوفاق ،
 ایکی محزون او کوزک سیرینه منقاد اوله رق ؛
 نه یانیق مرثیه لر سویله دیور دینکیلنه !
 بونی کوردم ، آجیمق کلدی ایچمدن کلینه :
 سکا باقسین ده قیزم ، بختک اوتانسین .. نه دییم ؟
 او ، سنک ، کیمدی ، بوکون زده یاتار ، بیلمدیکم ،
 نینه کک روحنه آغوش آچور کن ملکوت ،
 ترمیز نعشی غفران کبی اورتن تابوت ،
 شو کلینک آرابا کدن داها شاهانه یدی .
 کچدی رۆیا کبی ، اللهم ، اوکونلر نه یدی !
 شو بایر لرده — که وقتيله بوتون باغلردی —
 سسی دنیایی طوتان بربرکت چاغلاردی .
 یاشوادی که چیریل چیپلاق اوزانمش ، بی تاب ،
 هیچ یازین بویله فضا سنده تو ترمیدی سراب ؟
 شیمدی آفاقه آلو پوسکوریور هر چاتلاق ،
 یاریلوب خسته دوداقلر کبی ، یر یر ، طوپراق .
 — دشمه ، اوغلم ، یاره در ، همده یورکلر یارمسی ...

— نه یدی ، یاربی ، اوتوز قیرق سنه اول بوراسی ؟

برکت ویرسین اونك معدنی وارمش درده ده :
 صاغ اوموزلرده رر ، باشلری کرتیکلی ، آغاچ ،
 قادین ، ارکک ، صوی آقطارمه ده باقراج باقراج .
 صوکره ، زردنسه کلوب « یاغلانیکز هایدی ! » سسی ،
 چو کدی میدانده طوران قابله آرتیق هپسی .
 پالاز اوردک کبی ، باندجه آووجلر باندی ؛
 مشین ایصلار کبی ، قاوروق دریلر ایصلاندی .
 بومراسمده بیتوب ، باشلایه جق دیندی کولش ،
 چارپینوب چیرپینه رق چیقدی نهایت ایکی اش .
 داها ایلک الده بوشانسین می آلنلردن تر ،
 اوگو گسلر سکا اوتسون می کورو کدنده بتر ؟
 باقدم : آلتدن او بر چیفته پریشان باغرك ،
 صولوغانلر کبی قالقوب اینور چیفته قارین !
 صوکره دن دیزلره برتیره مه در چو کمشدی ؛
 هله چوق سورمیه رك دردی ده جانسز دوشدی .
 ایکی بیچاره سریش ، یاتیورکن یرده ،
 « قالقیك آرتیق ! » دیدیلر ، لکن اودرمان نرده !
 کولشک بویله سی هیچ کورمدیکم برشیدی ؛
 اورته ، باش ، هپسی ده بونلر کبی آوارهیدی .

*

* *

قارشیدن تنه سنك نصفی حصیر ، نصفی عبا ،

بری طیسیردی تا اگسه مده ... عجائب ، بوده کیم ؟
 نه کوره یدم : کله بک تارلاسی اولمش ده ایچی ،
 صولویوب سومکورویور صیرتمه بریاشلی کچی !
 « آما باق ، عقلمه کلزسه ده حرمت طلبی ؛
 اوقادار فضله صمیمیق سوم ، چلبی ؛

صاقلکدن چکرم ، صوکره ، قاریشمام .. هادی کیت !
 نرده ! آلدیرمادی .. صوردم ، باش اودولش بوییکیت ! [۱]
 هله سن کچ ییکیدم ، کچ باقالیم ، باشقه نه وار ؟
 بر چلیمسز صوپا ، بوینده اوچ آرشون آستار .

پهلوانلر هانی ؟ دیرکن ، سوکویرمزمی ، خواجه م ،
 بربرندن داها بیچاره سکز چیپلاق آدام ؟
 آه او صویغونلغی رؤیاده کورن قورقاردی :
 چونکه کوملک کبی ائندن ده صیونمشلردی !
 بردلیک طوربایه کیرمش کیمی ، قیسپت یرینه ؛
 چکیویرمش کیمی ، برلیمه چووال دیزلرینه .
 کیمنک ، کیدیکی چاقشیر ، کیمنک بز شالوار ؛
 کیمنک ، اوچقوری بوینندن آصیلمش ، طونی وار .
 عجبا یاغ سورونورلرمی دیسه م ، یاغ نرده ده ؟

[۱] « اودول » کولشلرده ، یاریشلرده غالب طرفه ویریلن مکافات .
 املائی قدیمی : اوکدول .

صیتمەدن بویى بو کولمىش دە اودیم دیک تورکک ،
 دوشونوب طورماده اوکسوز کی کوسکون کوسکون .
 گوگده تشریحلره دونمش ، اوباجاقلر دکنک ؛
 دها یاش یکر می ایکن اللر ، آیاقلر تیتړه .
 اویله سکسانلک آداملر آرامق پک یا کلیش ؛
 قیرق اونک عمرینه صوک مرحله اولمش قالمش .
 دکیشیک صانکه او آرسلان کی عرقک طورونی !
 بنسه اسلامک او کوربوز ، اوجوان غصیرینی ،
 قوجاماز ، دیردم ، عصرلرجه ، سورولسهیدی اکر ،
 نه چابوق الدن ، آیاقدن دوشه جکمش اومکر ...

نه یسه ، دکنکچی کلوب : « میدان آچیلسین ، صاوولک ! »
 دیر دیمز ، باشلادی قلبی سسی یرتیق داوولک .
 گوم گوم اوتمک نه کزر ! طیق نفس اولمش قاصناق :
 گوکسی طوقاق کی کوت ! کوت ! اورویورخیشلایه رق .
 زورنا خیم خیم می نه در ، سویله میور برتورلو ؛
 اوفله ین چنکانه نک رنکی مزار ، کندى اولو .
 کونش اولدجه قیزیشمش ، بنی یورمشدی صیجاق ؛
 هله برکولکه بولوب آلمه چکدم چابوجاق .
 تام دیمشدم : آزیحق یا صلانیم ، دیگله نیم ...

هانی آی پارچه سی قیزلر که قوشار اویناردی ؟
 هانی طاغ پارچه سی میلونله بهادر واردی ؟
 بوکون آرتیق بری یوق.. هپسی ماسال، هپسی یالان !
 بر اوکولماز یارمه در ، وارسه یورکلرده قالان .

*

* *

— صورمه ، قارتالده ایدم بنده بوچارشنبه کونی .
 دیدیلر : « قورنده دوندن بری وار کوی دوکونی ،
 خوشلانیرسهک، هادی، اولمازمی ؟... » « پکاعلا، کیدرز؛
 هم بیراز قیر کوروروز ، همده کولش سیر ایدرز . »
 کشکه ، کیتمم دیمش اولسه ایدم ... الهی ، اونه حال ،
 او ناصیل مسخره درنکدی که تعریفی محال .
 طوپی قیرق اللی قادار کویلو سریش بایره ،
 باقیور خرمنک آلتنده کی اوتسز چایره .
 بت بگنر صاپ صاری بیچاره لک هپسنده ؛
 نه اولور برکیشی اولسون کوره بیلسم زنده !
 شیش قارن صیصقه چوجوقلر کی ، قوللر صارقیق ؛
 آرقه یوس یومرو ، کوکس چوکمش ، اوموزلر قالقیق .
 کوزلرک بوس بولانیق رنکی ، قاقاقلر شیش شیش ؛
 یوز بوروشمش ، اوزامش ، جبهه طارامش ، کیتمش .
 کزه جک یرده او آواره نظرلر طالیور ؛
 سریلوب دوشدیمی بر نقطه یه ، قالدیرماسی زور !

صارار آفاقي بيڪرله صيڄاق كول ييغي .
 نه او كوم گوك دره لر وار ، نه اوزمرد طاغله ؛
 نه او چيلديرمش اكينلر ، نه او جوشقون باغله .
 شيمدي قيزغين كونك آلتنده پينكلر ، بكلر ،
 ساده يالچين قايلر ، ساده ايپ ايصسر چوللر .
 يوردي باشدن باشه ويرانه يه دونمش توركل ؛
 دونكي شن ، شاطر اوجاقلر ياتيور يرده بوكون .
 كوندوز انسان سسي طويماز ، كيجه كورمز برايشيق ،
 يولجي هايقيرسه ده بايقوش كبي ، چيغليق چيغليق .
 « بوديارك هاني صاحبلي ؟ » ديرسين ؛ جنلر ،
 « هاني صاحبلي ؟ » دير ، قارشيك طاغدن بوسفر !
 زرده ارطغرلي قويننده بويوتمش اوبالر ؟
 هاني عثمان كبي ، اورخان كبي كوربوز بابالر ؟
 هاني برشانلي سليمان پاشا ؟ برقانلي سليم ؟
 آم ، بريديريم اولسون كوره مزسين ، نه اليم !
 هاني جنديلري ، شاهين كبي ، جيلان قووالار ،
 كوپورور ، دالغه لانير ، يم يشيل انكين اووالر ؟
 هاني تاريخي صورولدجه ، مفاخر سويلر ،
 قهرمانلر يتيشن طوپراغي زنكين كويلر ؟
 هاني اورمان كبي آفاقي ده شن مزراقلر ؟
 هاني آتله كبي صحراي اشن قيصراقلر ؟

نه گبرمز ، نه کوتوك بنيه كه هيچ قاغشامامش !
 يونى ربم بكا صاغلاق ديه نردن يامامش ؟
 ايسته م ، كندينك اولسون !

— نه ديورسين ؟ هله باق !

— بيراق اوغلم ، آزيحق دردينى دو كسون شو بوناق .
 بكا دنياده نه يرقالدى ، امين اول ، نه ده يار ؛
 آرادم كوچك ايچون باشقه زمين ، باشقه ديار .
 بو كالان روحه ايستر براوزون بويلو سفر ؛
 ياشامقدن نه چيقار كونلرم اولدجه هدر ؟
 بر گولر چهره سزوب گولديكى يوقدر يوزيمك ؛
 كيجه دن فرقنى كورمش دكلم گوندوزيمك .
 سنه لر وار كه خراب اولما ديغم كون بيلمم ؛
 كزرم آبداله چيقمش كبي سرسم سرسم [۱۰]
 ديكيلىر قارشيمه هپ كورمديكم ، بيلمديكم ؛
 صورارم كنديمه : غربته مى ، خيترده مى يم ؟
 يوقلارم طاشلرى ، توپراقلىرى : ايزلر قان ايزى ؛
 يورديمك قان قوصويور موس مور اوزانمش ده گيزى !
 توتر اوچ بش باجا قالمش .. اوده سيرك سيرك ..
 آشنا بر يووا اولسون سچه بيلسم ، ديه رك ..
 باقينر كن طويارم كوزلريمك يانديغنى :

— « موسى البرهك »

— ايسته بوچوق !

— نه چاره ! « شرع شريف هاننمه » اولديمي ؟

— يوق ..

بیراز یاواشجه .

— پکی .. هايدي ، شيمدي باغلايوير :

« لزوم مجربہ دائر » ياز .. « اشبو علم و خبر »

« محله مزاجه » مي ديرسين ؟ ديدكسه « بالتنظيم »

مضور هاکم شرعی به « سجعی باص : » تقديم

قيلندی .

— آفرين ، اوغلم ، امامده بويله يازار .

— اونی بيلم ، شوييتيردك يا نهايت زور زار .

— عجبا حجری موافق كوره جكلرمي كه ؟

— ای ی ..

حاکمك رأينه ، وجدانه قالمش برشی .

سنده گور کندینی بر کره .

— پکی ، اولادم ،

كورهم .. باشقه نه ياپسه م كه ، شاشيردم قالدیم .

ييتدم آرتيق ، بيله مزسين نه قادار بيتديكمي ؟

آه كورهم شو جهاندن ييقيلوب كيتديكمي !

نه اعتنا بو ! یساری میسین ، نه سین ؟

— طبق !

— یازیگدی : « کسربنه مخصوص و مخصوص بولنامه »

آدام ، جیزیقدیریویر ، باقه حسن خطه ، فلان .

« کو هوک ، بو بوک بونوره اولاد لریله زوجه سنی »

یازیلدی بیتدی یا ؟

— صبر ایت دوزلتهیم شو سینی ..

دوزلدی .

— یاز باقالم : « هر مهرجه يك محروم »

« احتیاج »

— اوت ، اوغلم ، یازیلدی ، بکلیورم .

— « ایچنده اُردلیه محکوم »

— ایدرمی ؟

— یوق « ببرا قیر »

— یازیلدی .

— « ارفیق »

— اعلا !

— فنا می یوقسه ؟

— خاییر ،

فنا اولورمی یا ؟

— اوت .

— « افیرا آلدیغی ... ، یازدگمی ؟ .. طورمه شیمدی .

— فقط ..

— نه وارکه ؟

— « آلدیغی » کافی می ؟ ایسته مز می نکاح ؟

— اوحالده شویله یازار سین : « افیرا استنطاح »

— بو اولدی .

— « ایتدیگی » ... قیز نهیدی ؟

— سویلدك یا قوزوم ،

— ایشیتمدك می دمین ؟

— حقلیسین ، دوام ایت : « روم

جماعتندره » اقدم « فهوره نك » یازیویر .

— یازیلدی .

— « اوسته ایتك »

— ایدهیدی کشکه !

— « دیلر

دوبوده مالنی بیرهوده بولده احمایه

قیام ایدر »

— یاواش اول ! قوش دینده اولمادی یا !

— « وعرصه ایدلدیگی وجه اوزره امر اتفاقی »

— اولدی ، سویله سن ...

— « مفتوه »

— پکی .

— « دکلرده »

— لکن ، قلم قیریلدی به ، توه !

— او بر قلمله یاز آرتیق ، نه ماقته وار ، نه چاقی .

« اعاشه سیده » بیتیردکمی ؟

— سویله .

— « انفائی »

تماماً اوسته عاشر ... « هایدی ! » افرادی

« کثیر .. »

— اوت ، آزیحق طور ...

— « عبال وارلادی »

— پکی .

— « بولوندیغی .. »

— طور طور !

— یورولدك آکلا شیلان ؟

— یورولمادم هادی سن ..

— « مالدیه عهرده سنده اولاده »

یازیلدی بیتدیمی ؟ « بالجمده مال وملکی »

— باقارز طورده براز ..

داها اعلاسی می : بن سویلیهیم ، کندیک یاز ..

امام اسلوبنه اویدورماسی آرتیق سندن !

هادی بر بسمله چک ، باشلایهلم ایسترسهك .

هله ایلکین طاقیور کوزلکی .

— های های طاقهیم ؟

یالکز ، سن بکا بر پارچه کاغد ویر باقهیم .

— حقه ایسترمی ؟

— دیویت واریا .

— پکی ، ایشته کاغد .

اولا اورتیه بر « هر » می آتارلر ؟ هادی آت ،

باشلا : « بادی »

— اوت ، « علم و خبر اولدرکه »

— « محمد مزده » چابوق یاز !

— شاشیرماییم ، طورکه !

— « فمونه سواقده »

— یاواش سویله ، اولدی .

— « لائس اولده »

فمونه خانه ده ... ساکن ... فمونه ارغلی ... فمونه ...

دوشونمه ! « هر نه فادار »

شیمدی ، اوغلم ، حریفك حجرینه برچاره !
— قولای .

— سفهادن صایه بیلمهك ؟

— صایه جقسین ، های های .

برآدام مالی اسراف ایله ایتمشه هدر ،
اوکا حکام شریعت « سفهادن » در دیر .
ساده دل ، ابله اولوب ، کار ایدرم ، وهمیله ،
اخذ واعطایه چیقوب آلدانان اشخاصه بیله ،
« سفها » نامنی ویرمکده ، اوت ، شرع شریف .
کله لم مسئله نك حلنه : مادام بو حریف ،
کندی انفاقنه محتاج اولان اولادلرینك ،
جمله سندن کچهرك ، دردینه برپیس قارینك ،
هدر ایتمکده بوتون مالی .. البت یابوناق ؛
یاخود آلدانمایه غایتله مساعد آواناق .
ایکی صورتدهده حاکم بونی حجر ایتسه ، ایدر .
شیمدی لازم کلن آنجاق سزه بر علم و خبر .
اختیار هیئت ، مختار ، هپکز طوبلانیکز .
یازیکز چارچابوق .. اطرافلیجه اولسون یالکز ؛
صوکره ، هیچ بکله مه دن کوندریکز محکمه یه .
— ایش مهم .. قورقارم اطرافلی یازیلازسه دییه ،
شونی سن یازسه کا اوغلم ؟

— اوت .

بوکا بر چاره دوشون ، کیتسین اولر ، کرم ایت .
او چو جوقلر نه اولور صوکره ؟

— بریشان . یاخانم ؟

— اوده رحمتلی آنامدن داها صافش بهجانم ؟
سویلدم سویلدم آلدیرمادی « اوردم طویماز »
صوکره ملعون قاری قورنازمی ، حقیقت قورناز ؛
حریف آشک می دیدک ، اشهد بالله آشک ؛
آغزی قارنده کی اوچقور دوکومندن گوشک !
بر قیریتسین ، ایکی دیل دوکسون او فتان قجه !
چاره یوق ، صالیه سی صارقوب دییه جک : ویردم به :

خانم آقسام ، بزه کلمشدی نمازدن صوکره ..
یولده بیچاره شاشیرمش ، هادی کیرمش چاموره .
نه قیافت ، نه حزین منظره ، کورسه ک یاوروم !
کندی آغلار ، قیزی آغلار .. نه دیمیم ، بیلیمورم .
جکرم صیزلادی باقدم ده ، فقط فائده نه ؟
قدرک جلوه سی ، قربان اولایم حل ایدنه !
غمسز انسانلره اکلنجه کلیرمش یاشامق ؛
یورکک حسلی می ، اشکنجه ده سین ، طالعه باق !

اويناسين قومده چوجوقلر !

— نه وظيفهك به آدام؟

آووقاتدن ده بتر ، آي نه قادار هرزه و كيل !

— دفع اول اورادن !

— هادي ياز كاغديمي !

— يازمام به ، چكيل !

— يازه چقسين !

— بيقييل اورادن ، سكا يوق. علم وخبر ؛

مكر امر ايتملي رؤيامه كيروب پيغمبر .

— يازمه ستين سنه ، پامپين ، ياپ الكدن كلني ؛

يدي كون صوكره طويارسين : خانم اولمش آلهني !

*
* *

— خواجه زادهم ، سوزي چيقسين ده نهايت حريفك ،

بكا قاه قاه ديهه كولسون مي ؟ ناصيلمش كيفك !

— عقدى كيم ياپدي ؟

— آچيق كوزمي آراسين كه ؟ طولو...

يالكز كوسترن اولسون : پارهك نرده يولى .

او دكل ، شيمدى اصل چاندى بلانك بويوكي :

خبر آلام ، قارى قانديرمش او سرسم هودوكي ،

آليورمش بوتون املا كني .

— كرچكمي ؟

اويله سنت دینه مز ، هر زمان ، اولمک ایچین ؛
 وقت اولور ، سنتی کچ ، واجب اولور ارکک ایچین ؛
 وقت اولور ، سنت اولور ..

— سويلديکم چيقدی ، تمام !

— وقت اولور ، برده باقارسین که ، اولور بويله : حرام .
 — کیمسه دن دیکله مه مشدم بوسنک فتوای ..
 نه توخاف !

— سنده توخافلق ، قیسه کس دعوایی .

چولوغک وار ، چوجوغک وار ، حرمک ناموسلو ؛
 یاشک آلتش بشی بولش ، اوطور آرتیق اوصلو .
 نره ا کسک ، به آدام ، بويله نه وار چیلدیره جق ؟
 قاری درديله ییقلماز بوقادار ییلاق اوجاق .

— او ناصیل سوز ؟ بن اوجاق ییقمايه اوله نميورم .

— هیچ او سکسان قاپی کزمش ، اوقاشارلانش روم ،
 سوفره جیکن سنی قویمش ده بوجانم قیلغه ،
 خانم دیرسه ، دو کولزمی که فیندیکجیاغه ؟

قاری قیوراق ، پاشا حضرتلری ، شاللاق ماللاق ؛
 بری حقیله ادبسنز ، بری شرطنجه صالاق ؛
 اول الله دونه جکسین چابوجاق مسخره یه ؟

اوره جقسین ایکی اوچ دالغه ده باشند قاره یه !
 آرتیق اولر کیدیور جلوه یی قیردجه مادام ..

— خایر ، کەندک باق ؟

نجه بر کلهک آچیق ، برده صاقال دیبلرک آق .

— آما سن خلط ایدیورسین ! صاقالمدن سزه نه ؟

— نه می ؟ اوندن بلش اکلنجه می وار سیر ایده نه ؟

کولویور قهوه ده ایل ، چارشیده بقال ، چاققال ؛

اوله بیهوده ، آغیزلرده کی بر پارماق بال ؛

چاتلاسهک سوفره چی رومدن قاری اولماز آداهه .

— کیم خبر ویردی بیله یدم .. ؟

— نه بوناق شیسین آما !

کیم خبر ویردی ، نه در ؟ صورمايه وارمیدی لزوم ؟

یدیکک هرزه یی کور کوردی ، صاغیر دویدی قوزوم .

سویله تیر چار چابوق انسان ، مکر اولسون پک آلیق ،

بوش بوغاز شی ، اوسنک یوصمه صاقال ، خاصه قیلیق !

— آرتیق الویردی امام ، کله می قیزدیرمه ده یاز .

— بکا باق : هیچ بر امام بویله رذالت یازمه ماز .

— آی ، رذالت ده دیور سنته !

— سنت می ؟

— یانه .

— اوپله شی یوق ..

— نه دیمک !

— دیکله ، بهی دیوانه :

بنی سویلتمه قیزم ، کیتده همان صاو قاری بی .



چوق زمان کچمدی ، کوردم که بزم صویتاری بی ،
کلیور « علم و خبر یاز . » دیبه ، نه یمش باقالم ؟
— بر اذنامه .

— اذنامه می ؟ های های ، لازم ..
اوله نن هانکیسی ؟ بکلرمی ، کریمه گمی ، پاشا ؟
— اونلرک وقتی دکل .
— کیم یا ؟

— بن ایم .

— سمنی ؟ یاشا !
تامده وقتک ، هانی کون کچمه یه کلز ، طاوران !
— خواجه اکلنمه همان یازمه گه باق ، ایشته پاره ک !
— آی اومردار کاغدک پک می بویوک خاطری که ،
بنی اورکر دیبه طوتمش صایورسین بر .. ایکی ؟ ..
قاچ پاره ک وارسه بوکوب قاتلاده ایندیر جبگه ،
یازمه مام نافله .

— البت یازمه جقسین ، سکا نه ؟
— هیچ آدام حالنه باقازمی به ؟ انصاف آزیحق !
— چوق شکر حاله .. نهم وار ؟ یوزم آق ، آلم آچیق ..
ای باق سن بکا بر کره !

فس یقیق ، کله چیقی ، قاش ییلیشیق ، کوز سوز کون؛
ایکسه ، بونجوق ، یاقهلق ، تاصمه ، یولار ... هپسی تمام؛
قوچ ییکیت صانکه بوناق !

— سن ده می شاعردک امام ؟

— قوشقولاندم پاشادن ، کیزلیجه کیتدم خانمه ؛
دیدم : اورتونده قیزم ، کل باقلم ، کل یانمه .
زوجکک طوری عجائبله شیور ظن ایدرم ،
سن نه دیر سین بوکا بیلیم ، بکا صور ، باق نه دیرم :
ایشیجیکیز ، سوفره چیگز وارمی ؟

— اوت .

— کیم ؟
— الهنی .

— شیمدی صاو .

— هیپ می سببیز ؟

— آقیزم ، دیکله بنی :

بویله شیلرده سبب ، حکمت آرانماز .. چابوجاق
صاو بیلیمکده در ایش .. یوقسه رذالت چیه جق :
پاشا آزمش !

— عجبا اوستمه کول قوقلارمی ؟

— اونی بیلیم ، کولی قوقلارمی قوجهک ، یوقلارمی ؟

سکا خدمت ، بابامك روخه رحمتدر ، آیول .
 — خواجه زادم ، بیلیرم هپسنی ، برخوردار اول .
 اوغلانك حالنی اولجه می آچسهم ؟.. لکن .
 قومشونك دردی طورورکن بونی آچق چیرکین .
 — اوغلانك حالی نهدر ، سویله ؟ مراق ایتهدیم ..
 — هله طورسونده او ، ایلکین شونی برنقل ایدیم :

مقاعد پاشالردن بری ، اوچ بش سنه وار ،
 دوشدی بیلیم نه طرفدنسه بزم سمته قادار .
 کیمده آز چوق کتیرر برصاتیلق مال وارسه ،
 قاباتوب یابدی بلشدن سکنر او ، درت عرصه .
 حریفك حالی بدایتده ضررسزجه یدی ؛
 صوك زمانلرده ، نه اولدیسه ، نمازدن جایدی .
 نه جماعتده ، نه مسجدده ، بوکون قومشو پاشا .
 — اولانغان شی ، صوفیلق چیقمادی ، بسبیلی باشه .
 — دیرکن اینجلمه یه ، کنجلمه یه قالقیشدی ..
 — آمان !

— نه آمان دیکله دی ، کیتدکجه ، خوواردام ، نه زمان .
 صاچ صاقال طوتدی نه حکمتسه عجائب بر رنك ؛
 قالاتلانندی بیققر ، ایکی بظمان ، بردنك !
 چهره آلیقلی صابونلرله مجلا هرکون ؛

— خواجه، کشف‌ایت باقائیم، شیمدی بو حربك صوکنی؟
— اونی الله بیلیر اما، عجبا وارمی صوکی؟
— نه دیمك! نامتناهی می بو؟ البته بتر؟
طرفینك بری آنجاق دیویرسین که: یتر .
— عقلم ایرمزسه ده اولاد، بوایشك بیتمنه،
ایکی شیدن بری لازم ..
— اونه در؟

— دیکه سه که :

انکلیر یوقی، اوخائن، یاطویوب پاطلامالی؛
یاخود آج قالمالیدر .. یوقسه بزم قال قاپلی .
آچه سن شیمدی او یاپراقلری، او غلم بی صور :
باشمك دردی بویوك، چاره سی یوق .. اولسه ده زور .
— چاره سز درد اولاماز، سویله خواجهم، دیکه یورم؟
— بر دکل ..
— طوت که بیک اولمش، نه دیمك، مجبورم .

— کیتمه ، سسان ، یالکیز ، رده امین یوقی ؟

— امین !

— رده سین ؟ باقسه گه ، چای دملیه جکار دی دمین ..

— دمله مشلر ، بابا ..

— سن کلسه گه ، اوغلم ، بورایه ..

— ال اوپرلردی ، اونوتد گمی ؟

— خاییر .

— اولدیمی یا ؟

— دمین اوپدم ، بابا ..

— اوپد گمی ، کیت اوپله یسه هادی .

— هله یاربی شکر ، چای ده نهایت کلدی .

— شکر ایسترسه ک اکر بولدورم ؟

— دوت یوزمی ؟

— آلدیغم یوق ، یاشاسین از میرک اعلا اوزومی ؟

— هم اوجوز ، هم داها لذتلی .

— چکرد کسزده .

— بویورک .

— باشلا جانم ، وارمی مراسم بزده ؟

— خواجهم ، اولجه اوزوم چیکنه نه جک ، اوستنه چای ..

— ایچم عشقنه رندان خدانک !

— های های !

هم سنك شعره مدافع چيقيشك معاسز :
 سكا شاعر دين ، اوغلم ، سنى كوردوم يالكز :
 كيمي مولدجي دييور ..

— آه اولاييلسم ، نرده !

يتيشيلمز كه : سليمان دده يوكسكلرده .

— كيمي بدعتجي دييور .. طويديغم اڭ جوق بونلر .

— داها وارمىدى ، امام ؟

— وار يا ، اونوتدم : بيطر .

— كشه بيطرلق ايدهيدم ..

— ينه ايت ممكسه .

— ياپه مام .

— بلكه ياباردك به ..

— اونوتدم ، به كوسه !

— كشه ذهنكده قاليمش ، نه قدر لازمئس ؛

بنى ديكريميسين اولاد ؟ ينه قابلسه چاليش :

چونكه برتجربه ايتسهڭ سنك عقلكده ياتار ،

بزه انسان هكىمندن داها لازم بيطر .

— هله برچك باقالم !

— سنده بزمكندن چك .

— هانى چاي كلدى ياهو ؟

— آي ، اونوتدق ، كرچك .

اونلر آزديردی ، اوت ، باشليجه پسپايه لری .
 بو صيقلمازلره « مدح ايت ! » ديه ، مانغير سونه رق ،
 نه اراذل آدام اولمش ، اوقو تاريخي ده باق !
 ادبياته ادبسنزلكي اونلر صوقدی ،
 يوقسه ، دين پرده سي آلتنده بو عصيان يوقدی :
 سوردیلر تورکه « تصوف » ديه اولغون شيرايي :
 متصل شيمدی « حقيقت » قوصويور صدقي دايي !
 بوجهان بوش ، يالكز پر راقی حق ، برده شراب ؛
 قبله : تزکاه باشی ، ميخانه جي اوغلان : محراب .
 کيت او « ديوان » می نه قارن آغريسيدر ، آچده اونی ،
 قوقلا برکړه ، قوقار ميس کي « سانديق بوري ! » [۱]
 بني سويلتمه نه لر وار داها !

— تکميله يويور ..

ساده پك سوکمه که ، پيغمبريمز شعري سور .
 — واقعا « ان من الشعر ... » بويوک برنعمت ؛
 دقت ايتسه ک : ينه سودکلري ، لکن ، حکمت . [۲]
 بن که عطار ايله سعدی بي اوقور ، هم سورم ؛
 باشقه واديلري طوتمشلره آنجاقي سوکرم .

[۱] يکي قاپيده کي تاريخي ميخانه لرك اولديني ير .

[۲] « ان من الشعر لحکمة وان من البيان لسحراً » = اويله شعر واردرکه حکمتدر ؛ اويله بيان واردرکه سحر در . حديث شريف

هانكى برفندە تعالى ايدە بىلدك ، اولاد ؟
 هانكى صنعتدە رسوخك كوزە چارپار ؟ آكلات !
 علمادنى صايىلدك ؟ فقهادنى ؟

— خاير .

— يا سياسى مى نەسپن ؟ كندىگە برمىلىك آير .
 — شاعرم .

— اولماز اولادىك : اونه يوزلر قارەسى !
 نىجە دنيادەكى ايشىزلرك اك مىسخرەسى .
 — غفو ايدرسپن اونى !

— امكانى يوق ايتىم ، نە دىمك !
 شىعرە مىلىك دىيە ، اوغلم ، وىرىلىرمىدى امك ؟
 آه ، وىقىيە كلوب بردانىشەيدىك كوسەگە ،
 سىنك اولمشدى بوكون باىكە اوقىرق آلتى سنە .
 — آما بك خىرپالادىك شىعرى ..

— اوت ، خىرپالادم :
 چونىكە مركب دىكلم ، بىندە مركب يالادم ،
 نەدە تارىخ اوقودم ؛ عالمى آز چوق بىلىرم .
 « شىعرا » دىندىمى ، بردن برە اوينار سىكىرم .
 اىي كون دوستى حريفلىر ، اونه يارداجىي كروه ،
 اونه مىستكرە آداملىر ! هانى باقىق مكروه .
 دالقاووقلىقەدەكى ادمانلىرى سرمايەلىرى ..

نە ئاراملىق ، بونون ، كىشى وائىس ، كىشى .

ذات دولتىرى ، لىكن آرىجو بولدى .

سەن دىئايت بابان طوبلايغك مىراثە ،

ھې اونك نىمىتىدر اوچ سىطر علمك وارسە .

— اوچ سىطر ھەمدە ، سەھى ، نە توكنىمىز عىرفان !

— ھادى اوچ يوز سىطر اولسون مەتھەلىسە قىلغى .

خواجەنك كەبەنە يوكسامەك ايچون طاعنر وار .

— طيرمانىرسەم ؟

— ھادى طيرمان ، باغلم ، ايشتەديوار .

— كورەجكسىن .

— بو باجاقدرلەمى ؟

— ھاي ھاي !

— بللى !

ياشىكىز قچدى پاشام ، اللى مى ؟

— يوقدر اللى .

— آشدىكىز قىرقى يا ؟

— قىرق آئىنى بولدىق .

— اعلا ..

يوزى بولسەك ، يەنە « حلامى بومكتوب ، حالا ! »

عرضى اونمازسە حياتك نە چىتار طولندن ؟

ھانى قىرق آلتى يىلك الدەكى محصولندن ؟

— نه يه ؟

— هم بکزه مدك مرحومه ؟

هم نه دن بکزه مدك ، دیرسه ك ، افندیم ، صورمه ،
اونه حدت ، اونه شدت ! چالیشوب بکزه سه كه !
علمه وقف ایتدیكى دیرسك باباكك : اللى سنه .
— بزده آز چوق پالا سورتدك ..

— سكا جاهل دیمدك ،

يالکز زوببه دیدك .. باقینه باقدك ديك ديك .
خواجه رحمتلى يتشمشدى ، دوشون هم ، نرهدن ؟
کیمك اوغلیدى باباك ؟ کیمدى اونوتدکمی ددهك ؟
ایپكك کویلو سی ، امی ، یاری وحشی برآدام ..
— بارى یام یام دى ! نه مانع كه ، اوت ، آق یام یام !
— دیکله اوغلم ..

— نه نزاھت بو خواجه م ؟ حیرانم !

— لافى آغزمدہ بیراقدك به قوزوم ، طور به جانم ..
— جمله بیتسیدی ، امینم كه ، ددهم کیتشمشدى ..
طاریتیشدم !

— نه او ، صیرتلانده می اولدق شیمدی ؟

— نه یسه بخشکده دوام ایت باقالم ..

— ایشته باباك ،

برشى او کرئمہ دى البنه او امی بابادن .

يوق ، اكر موم كى طوس طوغرو جواب ايسترسەك :
باباكت كسدېكى ظېرناق بىلە اولمازسىن سن .

— نەزا كىتلى بيان : ھاي كىدى موم ، طبقى اودون !

— بويلە خەتلەنەجىكەك ، نەيە راضى اولدەك ؟

— اولدم اما بوقدار طوغرولك اولمازكە طادى ..

« سلام عليكم بەھى كور قىزى ! »

سنى چوق سوزلو دىدەك ، تىمدى ؛ تەكدىر ايتدەك ،

يەنە آز كەلدى ..

— خاير ، سويلەمدەم ، سويلتەك .

— باشلادەك شىمدى دە تەخىر .. قىزىلماز مى خواجە ؟

— زوبەلك يوق !

— اونە ؟ بىن زوبەمىم ؟

— اولدەك .

— واقعا چوق سورم ، ھەنەدىسەك آلدېرمام ؟

بو ، فقط ھضم اولونور پارچە دېكل .. پىر اول امام !

— سەندە پىر اول .

— اما قىزدەم .

— نە تەخىف شىسىن بە :

بىر سوزمدىن قىزىيورسىن .

— كىمە دىرلر زوبە ؟

— سكا دىرلر .

— حاشا، رحمت.

— انفيك واریا؟

— طبعی.

چکیایر بویدمی؟

— بورون آلتامایه کافی.

— بونهدر؟ جرمانمی؟

— قاریشیق.

— نهیسه، ضرورتده پک اعلا کیده چک.

خواجه زاده‌م، باقلم، برده نرمکنندن چک.

— یرلی محصولنه بگزرمی دیسه‌م؟...

— کندیسیدر.

— سنده تیریا کی دکلسین‌یا، پک اعلا یتیشیر.

— باباڭ اولسه‌یدی ده کورسه‌یدی، ایشک واردی.

— نه‌بی؟

— چکدیکک مرداری.

— سومزدی، اوت، بویله شیئی.

— نه‌یدی رحمتیده، لیکن، اوتیمیزلک، وای وای!

— آزیحق بکزه‌مش اولسه‌یدی یا خندومی ده..

— آی؟

شو بابامدن نرم اکیسک، هادی، کوستر باقایم؟

— اما حدتلمنه جکسه‌ڭ نه‌صویم وار، نه‌صایم؟

خواجہ رحمتی بہ باق، اوغلنہ باق، ہی کیدی ہی!...
 — اما تکدیر ایدیورسین، جانم ایلمکین آدمی..
 بر سلام ویر باقلم، بویله سلامسزدنمی؟
 — سلام علیکم.

— علیکم سلام..
 باریشدق، یوزک کولسون آرتیق، امام.
 — ہاہ طور، اوفکہ می تکمیللہ یہیم..
 — تکمیللہ!

ذاتاً اکیسک بر او فالمشدی: خدای سیلہ.
 — سانکہ دوکسہم نہ یاپارسین؟ خواجہ یزبز، دوکرز..
 کول بیتر عشق ایلہ اوردقی..

— ایناندم، جائز.
 — بک جیلیر چیقدی بو «جائز»، دیمک ایمانک یوق؟
 — دایاق «آمنت» یہ کیردیسہ، نیم قارنم طوق.
 کول دکل، قیل بیلہ بیتمز صوپا آلتندہ!

— ہاہ!
 — اویلہ اولسیدی، شو قارشیکدہ کی یالچین کلہ،
 فرق اولونمازدی قیزانلقدہ کی کولکلردن!
 بودایاق فصلی ده آچ قارننہ بیلیم نردن؟
 طورکہ چای دملہ یہلم، نارکیلہ کلسین، کرم ایت.
 — سویلہ کلسین، ہادی، زحمتسہدہ..

— وای خواجهم! وای کوزیمک نوری افندیم، بویوروک!
هانکی روزکارددر آمان سزلی ... لطفاً اوطوروک .
متحسردک افندیم ، نه عنایت ! نه کرم !
اوپمدک عفو ایدیکز..

— جوق یاشا: . لکن .. ویردم .
— بوتون استانبولک آغزنده کزن اللریگز ،
بزه ناز ایتسه اولماز می افندیم؟ ویریگز .
— دو کدیگک دیلله بیتدم ، سنی چوق سوزلو سنی!
آیده ، عالمده بر اولسون آرمه مازسین کوسه گئی .
بو حریف اولدی می ، صاغ قالدی می ، دیرلرده ، آیول ،
بابا دوستیسه م اکر قالقوب آرارلر بر یول .
یوقسه یاشلانمایه کورسون ، آدامک حالی یامان...
نه فسا کونلره قالدق ، آمان اللهم آمان!
« نسل حاضر » دینلن شی پک عجائب برشی :

بہ اثر برعاورہ دن عبارت در کہ حرب عمومی ایچندہ ، و فاتح یاغیندن
اول ، خواجہ زادہ نک صاری کوزلدہ کی اوندہ کچر. اشخاص محاورہ
شونلر در :

مرحوم خواجہ طاہر افندینک اوغلی	خواجہ زادہ
مرحوم خواجہ طاہر افندینک شا کردلرندن	کوسہ امام
کوسہ امامک اوغلی	عاصم
خواجہ زادہ نک اوغلی	امین

فادر اشم فواد شمسیہ

محمد عاكف

صَفَائَات

التبى كتاب

عاصم

التبى طبعى

استانبول

«كون دوغدى» مطبعهسى

١٣٤٧ هـ - ١٩٢٨ م

بوتون هيا كل خلقته حسب حال ايتدم ؛
 لياله درديمي دو كدم ، جبالی سويلتدم !
 يانوب طوتوشمان آيلرجه يومامد كوزيمي ..
 نجومه صوركه بوكيرپيكلر اويقو كورمشمي ؟
 عذاب هجريكه قاتلاندم اللی اوچ سنه در ..
 صوكنده آلمه چاربان بوظالم اورتو نه در ؟
 بش آلتی سینه يي هجران ايچنده ايگله ده رك ،
 چيقان يوركلره خسرا نمي ، مرحتمی كرك ؟
 دمير نقابكي قالدیر مزار پا ككندن ؛
 بوخسته روحی آرتیق آيرمه خا ككندن !
 نه در او مشعله ؟ ... نور كمي ؟ ... يارسول الله ! ...

.....

سكون ايچنده بر آن كچدی ، صوكره بر قيصه « آه ! » ..
 نه كوردم ، اوح ! سريئلس زمينه سودانلی ..
 باشنده ، آغلایه رق بر زواللی سیلانلی ،
 اوپوب اوپوب قاپایور اللریله كوزلرینی .

بیتنجه خارجه نقليله غسلی ، تيكفینی ،
 « بقیع » ه [۱] كیتدی شهیدك وجود فانسی ؛
 « حرم » ده قالدی ، فقط ، روح جاودانیسی .

صوكت

دوشنبه روضه پيغمبرك آياقلىرىنه ؛
 صاريلدى كوكسنى چارپان دمير قوشاقلىرىنه .
 ديكيلدى جبهه ديدار او كنده ، مستغرق .
 ديسوردى ايگىلهرك :

— يا نبي ، شو حاله باق !

ناصيل كه باغرى يانار ، كون قىزىجه ، حيرانك ؛
 بنمده روحى ياقدغه ياقدى هجرانك !
 حريم پا ككه جان آتمق ايستهم طوردم ؛
 كريلدى قارشيمه يىللارجه عائلهم ، يوردم .
 « تحمل ايت ! » ديديلر ... هانكى بر زمانه قدر ؟
 نه بيتمز اولسه تحمل ، اونكده بر صوكى وار !
 كوزمده توتدى بو آ كدغه يانديغم طوبراق ؛
 او كنده طورمادى آرتيق ، نه خانمان ، نه اوجاق ..
 ييقيلدى هپسى .. بن آشدم ديار سودانى ،
 اوج آي « تهامه ! » ديووب چيكنهدم بيابانى .
 كمىكلرم بيله يانمشدى بلكه صحراده ؛
 يتيشمسه يدك اكر ، يا محمد ، امداده :
 اسردى قومده يوزر كن سرين سرين نفسك ؛
 آقار صولر كچي چاغلاردى هر طرفده سسك !
 ارادهم اولديغى كوندلر سنك اراده كه رام ،
 ر آن ايچون بگا يوللرده طورمق اولدى حرام .

عواملکده کی آیات بی حسابک ایچون ؛
 نصیب دائمی خسران کیلشمش امت ایچون ؛
 شو خاک پا که بورونمش سمای رحمت ایچون ؛
 براز افقری کولسون جهان اسلامک !
 حدودی یوقی بویتمز ، توکنمز آلامک ؟
 او، چونکه ، عالمه حاکم یکانه قدرت ایکن ،
 بر انقلاب ایله محروم اولنجه عزمندن ،
 اسارتک نه قدر شکلی وارسه قاتلاندى...
 وطنلرنده غریب اولدی کندی اولادی !
 او عزمی سن ویره جکسین که ایلسین سریان ،
 صولوق بکزله قان ، ایکلین کوکسلره جان .
 او روحی ویرکه ، الهی ، قیام ایدوب دینک ،
 زمینه فیضنی یایسین حیات ماضینک

هنوز دعا ایدیوردم که ، « یارسول الله ! »
 نداسی کوکره یرک ، بر قانادلی طیف سیاه ،
 باصوب اشیکلری طوتمش ییغینله کولکه لره ،
 سوزولدی اوجده کی « باب السلام » اوکنده یره .
 مهیب صیحه سی حالا فضا ده چینلاردی ،
 که یوکسهلوب یکیدن ، یاردی کچدی ابعادی .

بوباشقه باشقه لسانلر ، بومرج و مرج آواز ،
 برر نیاز ایدی مولایه .. همده عینی نیاز !
 اوت ، شو اوگده طوران اختیار سرنیدیلی ،
 یا آرقه صفله دوشمش زواللی مغربلی ؛
 طالب طالب کیدیورکن سمای مرجمه ،
 کرک بوعالمه عائد ، کرکسه آخرته ،
 نه ایسته سین که ، برابرجه بنده ایسته میم ؟
 شو بن که .. هر برینک آیری آیری قارداشی یم .
 ازده قاینانشان ارواحه آریلق واری ؟
 جهان ییقیلسه بو وحدت یرندن اوینارمی ؟
 اولنجه نبریمز ، عرشمز ، خدامز بر ؛
 بنمده بکله دیکم نور اونکده غایه سیدر .

او نوری کوندر ، الهی ، عصرلر اولدی ، یتر !
 بونالیدی ملتک آفاقی ، برصباح ایستر .
 عنایتکله خلاص ایت که ، طالع طالع ظلام
 ایچنده قایناماسین چارپینوب طوران اسلام !
 بوسجده کاهه قپانمش یانان یورکلر ایچون ؛
 بوتون صولوقلری فریاد اولان شو محشر ایچون ؛
 حریم کعبه ک ایچون ؛ سرمدی کتابک ایچون ؛

کوروندى یرده کی صفر حضور مولاده ؛
 یایلدی ولوله سز برایکیلتی ابعاده .
 او کده امت مظلومه سیله پیغمبر ؛
 کوزمده سل کبی یاشلر ، ایچمه تیره مه لر ؛
 نه اختیاریمه صاحب ، نه اعتیادیمه رام ،
 بو کردباد عباد اورته سنده بی آرام ؛
 صولرله انکینه دوشمش سفینه پاره کبی ،
 - که شیمدی اوسته چیقار ، شیمدی بولق اوزره دیی ،
 اینر اینر سیلینیر ، شیمدی تا اوزاقلرده ،
 یاواش یاواش قاباران طالغهلرله قالقارده ،
 عیان اولور یگیدن - اویله چالقانوب طوره رق ؛
 زمین عجزه قاپاندم صوکنده مستغرق !
 آیلشم که : او دهشتلی کردباد ، او خروش ،
 سکونه منقلب اولشده بکلور ، مدهوش .
 اینتجه یرلره محفلدن عاقبت برانین ،
 بوشاندی کتدی اوبیکلرجه سینه دن « آمین ! »
 بویون بوکوک ، قول آچیق آسمانه ، کوز قاپانیق ؛
 نه ایکلیور او جماعت ، نه ایکلیور آرتیق !
 فضایی طولدوران اللر که حقه یالواریور ؛
 یاروبده لوشلنی بر متکای نور آریور !

طویلولی مرقد پاکده ، عینی اقراری ،
 درین درین کلان آوازه لرله تکراری .
 بوتون اومعکسه دونمشدی جبهه لر شیمدی ؛
 اونک صدالری آرتیق محیطه حاکمیدی .
 ایکنجی موج شهادتله عینی عکس مدید ،
 خدایی ایتدی زمیندن ایچین ایچین توحید .
 اوچنجی اولدی شهادت که : طوتدی ابعادی ،
 محمدک ابدیت کزین اولان یادی .
 نه غلغله یدی او یادک پینده طالعهلانان !
 ناصیل اویانمادی بیلمم که اویقودن جانان ؟
 محیطی بونجه زماندرکه ایکلیور ، آزمی ؟
 قیام حشره قدر یوقسه هیچ اویانمازمی ؟
 ناصیل صیغارکه ، الهی ، خیاله ، ادراکه :
 شو خوابگاهی در آغوش ایدن دمیر شبکه ،
 - یرندن اوینامایان طاغ قدر وجودنده -
 بوتون بوجوششی اوربرمه لرله طویسونده ؛
 اومهربان ازل ، روح نازنینیه ،
 اویانماسین قوجه برمحشرک اینینیه ؟

مناره لر یکیدن « لاله الاالله »

ترانه سیله جوشارکن ، آیاقلا نوب ناکاه ،

او که ده سینه به چکش خشوعی تیزردی ،
 زمین زمین قباران صفریله کونا کون
 ظلال جامده حالنده ، بر جهان سکون !
 اوت ، اوقوس قوجه عالم ... تونسلی ، افغانلی ،
 ترانسواللی ، بخارالی ، چینلی ، سودانلی ،
 حبشلی ، خیوهلی ، کاشغری ، یرلی ، هرسکلی ،
 سرندیك ، جاونك ، مغربك بوتون شكلی ؛
 خلاصه ، آندیغی قوللر ، محیط غربیدن ،
 جهان جهان دولاشوب ، منتهای شرقه کیدن ،
 اودودمان کریمک صایلماز اولادی ،
 حضور ایچنده بر اقمش بو محشر آبادی !

نه منظرهیدی ، الهی ، او هرج و مرج صوت !
 که وجده کلدی تماشادن آ کسزین ملکوت :
 خروش ایدوب بشی بردن یانیق مناره لرك ،
 خدای باغرینه باصمش ییغین ییغین بشرک
 کومولش اولدیغی عمانی طالغه لاندیردی ؛
 دمنیکی محشری ایکلتدی ، صوری آ کدیردی !
 برنجی « اشهدان لاله الا الله »
 ندالریله دوزرکن سمایه طوغرو جباه ،

اویله بر طور که : هرلحه استغراق ،
 اولمادن چاک تجلی ، سوزویور خلاق !
 ابدی فجرینی کوردجکه پریشان لاهوت ؛
 ظل ممدودینه دوشدجکه کونشله مہوت !
 صانکه فیضای تحریده یانان ارواحه ،
 سایه لر دوکمک ایچون سدره دن اینس واحه .
 او جہنم کبی وادیده بوجنت نہ کوزل !
 اک بویوک شعر تضادکمیدر ، ای حسن ازل ؟
 سکا بر مصرع بر جستہ در ایتش کہ سنوح :
 طویار اما وارہ ماز یوکسہ لن آہنکسہ روح .

« مناخہ » [۱] دن کچوردق ، ایکندی اولمشدی .
 چیقنجه قارشیمہ جاما ملک یشیل یوردی ،
 کوزم قراردی ، آتیلدم حریم جاذبنہ ؛
 یاروب جماعتی ، دوشدم دیرکلرک دینہ .
 صوکنده بر یرہ ، لکن ، کومنجہ وارلغی ،
 ردای خشیتہ حس ایلدم صاریلدیغی ،
 یاواش یاواش او دمین طویدیغم درین ہیجان
 ایچمده طوندی ده بر رعشہ قوپدی روحمن ؛
 کہ خلقتمدہ کی ہرزدرہ آیری اورپردی !

[۱] مدینہ نک اورتہ سندہ بر میداندہ ؛ قافلہ لردوہ لرینی اورایہ چو کدوررلر .

ا کړيلوب بوکړوله رڼ ، يانښه دوشمش اژدر
 اضطرابيله ، نه مزعج اوزانوب قيورانپور !
 اينپور کن يانپور ، طيرمانپور کن يانپور .
 يا او صيرتنده کي يوزلرجه هيولای بشر ،
 آتښين طالغله او ستنده يوزن بر محشر ،
 که بوانکينلری طی ایتک ایچون چالقانه رق ،
 کیدیور بولایه ، هیات ، یشیل برطوپراق !
 یوقی ، ای باغری یانیق چول ! ابدی پایانک ؟
 زده در واحه سی ، یارب ، بوسر ابستانک ؟
 نجدک اعماقنه طالمش ، ایکی آیدی بریدر ،
 قوجه بر قافله مجنون کبی خائب ، خاسر ،
 قوشویور ، مرحمت ایت ، بادیه دن بادیه یه ،
 کورورم ، بر کون اولور « خیمه لیل » یی دیه !
 نه دوام اتمیه طاقت ، نه قرار اتمیه یر ؛
 بر ایلیق کولکه ، السی ... اوده اولمازسه اکر ،
 قالمپور ساحل مقصوده وصول امکانی .

یکیدن جوشه کلیر کن بر آلو طوفانی ،
 قارشیدن « قبه خضرا » [۱] ایدیور مزمی ظهور ؟
 او ناصیل هیکل دیدار ، او ناصیل جهه نور !

[۱] مرقد نبوتک اوزرنده کی قبه

شیمدی برواحه چیزن ؛ شیمدی بوتون الوانی ،
 طوبلایوب ماوی الکدن کچیریرکن ، عریان
 قوملرک اوستنه بیک درلو بدائع طوویان ،
 او کوزل سینه ، اوچول ، شیمدی نه قورقونج اولیور :
 برجهنم که اوزانمش ، دیلی چیقمتش ، صولیور !
 نهزمینده سزرسین ، نه فضا سنده حیات ؛
 آم بر رنگ حیات اولسده کورسهم ... هیهات !
 بکزی کولندنده اوچوق .. زرده اوماس ماوی .
 ینه یچاره نك اوستنده اومزمن حما !
 یورولوب تیزمه دن ، صانکه ، طالارکن محوم ،
 کیزلی نوبت کبی زردنسه چیقوب شیمدی سموم ،
 ده شیور باغرینی جوک ، اشیور ، آقطاریور ؛
 او زمان ایشته محیطاتی آلور طاریور ؛
 بر آووج کولکه بی منته ویرن قویتولرک ،
 یالایور ، پارچه لایور کوکسنی بیکلرجه فرون !
 نه صولوق وار ، نه ده سس .. بادیه نك حالی خراب !
 چاغلیور ساده افقلرده کی آواره سراب ؛
 برده چاک سسلرینک طالغه لانان تکراری .

کیجه دن کیردیکی دهشتلی مغیلا نزاری ،
 کوندوزین کچمک ایچون قافله اولمش دوملر ،

نجد چوللر دن مدینه په

شریف علی حیدر پاشا حضرتلرینه

ناریضامی نادر ، اوکله زماننده کوئش ؟
تپه سندن دو کویور بیننه آفاقک آتش !
ییلدیریم یاغموری شکننده اینن حزمه سنه ،
سپر اولش یانیور چولده کی چیپلاق سینه .
صنعتک سَرینی رسام ازلدن اوقویان ؟
روح معصومی بوتون خلقی کندنده طویان ؟
شیمدی یرلرده شفق ، شیمدی بولو طلرده بهار ،
شیمدی طوفان ضیا ، شیمدی کوپوک ، شیمدی بخار ،
شیمدی ، خمور تفکر ، اوزانان انکینلر ،
شیمدی یالچین قایالر ، شیمدی اویولش اینلر ،
شیمدی طالغین دره لر ، شیمدی ظلال عثمّانی ،

یا قینده قورتوله جقدر بوجهه ...

— قورتوله جق ؟ ..

دیمك ییقلما یه جق قبله کاه آمالم ..

دیمك که اولیورز ...

هایدی آرقداش کیده لم !

برلین : ۵ مارت ۳۳۱

خدا رضای ایچون رجعت ایتیک !..

— قورقه !

جهنم اولسه کلن ، کوکسمزده سوندوررز ؛
 بویول که حق یولیدر ، دونمه بیلیمیز ، یورورز !
 دوشرمی تک طاشی ، صاندک ، حریم ناموسک ؟
 مکرکه حربه کیرن صوڭ نفر شهید اولسون .
 شو قارشیمزده کی محشر قودورسه ، چیلدیرسه ؛
 دکزلر اردو ، بولوطلر دونانما یاغدیرسه ؛
 بو آلتمزده کی یردن بوتون یانار طاغلر ،
 طاشوبده قابلاسه آفاقی بر قیزیل صرصر ؛
 دکلی جبهه مزک سینه سنده ایمان بر ؛
 سوینمه بر ، آجی بر ، غایه عینی ، وجدان بر ؛
 دکلی سینه ده بر در اوران یورک ... ییلماز !
 جهان ییقیلسه ، امین اول ، بوجیهه صارصیلماز !
 ناصیل که یارمه دن آفاقی پاره پاره دوشر ،
 خدای بوعشق ایچون صالدیران جنون بشر ؛
 ناصیل که نور حقیقتله چارپیشان اوهام ؛
 اولور شراره غیرتله عاقبت کمنام ،
 شو قارشیمزده کی محشرده اویله حشر اوله جق .

قالير صحائفی یرلرده راست کلن چیکئر!
 مناره لر سوکولور سینه سندن آفاقک؛
 فضايه سویله مز آرتیق لسانی خلاقک !
 اون اوچ ، اون اوچ بوچوق عصرک نه وارسه قلبنده ،
 حیات ماضیه مزدن ، شو آن ایچون ، زنده؛
 بوغارده هپسینی بر بر طوتوب طوتوب نسیان،
 بوتون مفاخرمز بر سراب اولور او زمان !
 کوچر حظیره تارینجه بیتی مولانک ؛
 چورور کیدر آیات آلتنده کوکسی قرآنک !
 بیلیرسکزرکه ، همان ، یوز یوز اللی ییلدیر ، بز ،
 نه وارسه الله ویزوب متصل چکیلیمده یز !
 عمرلرک ، یاووزک بز وفاسز اولادی ،
 صیانت ایله مدک یادکار اجدادی .
 نه یار جاندی او ، لکن بز اولماق اوکا یار؛
 صوکنده پارچه لانونب یوردیمز ، دیار دیار ،
 کوچولدی او یله که : یوقدر یاشاتمق امکانی ،
 دونوبده آرقیه ناموسی ، دینی ، وجدانی !
 اوت ، بو حسلر ایچون بر مزار اولور آنجق ،
 قالیرسه الله نهایت بش اون قاریش طوپراق !
 انین ایچنده وطن .. قیاییک شو مظلومه ،

خدا رضایی ایچون، سچمیور کوزم، بیلدیر.
 نه طاش، نه کولکه، نه عسکر.. سراب، قورقیورم،
 ییغینله کول کسین سیرتئر کده منظورم!
 طاش اولسه، چونکه، اریر؛ کولکه اولسه پارچه لانیر؛
 طاشار کلیرده نوطوفان، اوکنده سدمی طانیر!
 طوروک؟... قیملدانیور کوردیکم خیالتئر...
 باقیك: ایلرله دی... عسکر! خدا بیلیر، عسکر!
 اوت، کوزم سچمیور شیمدی بر بر افرادی:
 معظم اردومزك اك معظم اولادی،
 كه پاك آلینری اسلام ایچون صوك استحکام.

خدا رضایی ایچون ای مجاهدین کرام!
 ثباتی کسمه ییکمز، چونکه، ساده سزده امید؛
 دوزسه کز ابدیاً سوزر کیدر توحید،
 حریم حق ییقیلیر صولتیه اوهامک.
 او الله طوتدیغکز یر حیات اسلامک
 یکانه عقده سیدر. یاد آیاق باصارسه اکر،
 اولور معالی دینک بر آنده زیر وزبر!
 امیدی سزده قالان اوچ یوز اللی میلیون جان
 — که خسته کوکسنی ییقمقده شمیدن خلجان —
 قویوب طامارلری شیرازه سز کتابة دوزر؛

شو بینی قورتارم لم دیر ، قوشار کن امداده ؛
 بش آلتی پنجه بر اولمش بوغازلامقده بزی !
 سیلیندی بکتدی هلالک شو آنده بلکه ایزی ،
 زواللی مرمره نك شرحه شرحه باغرندن !
 بر انکلین بزیدر ، بلکه ، شیمدی دالغهلانان
 بزم چناق قلعه آفاق تارمارنده ،
 او دار سلطنتک باب شرمسارنده !

سن ای بوغازکه ، اوزاتدکده آهین قولکی ،
 زواللی یوردیمی تهدید ایدن دکز یولنی ،
 جهانه قارشى عصرلرجه باغلادک طوردک ؛
 آچیق دکل یا هنوز رهگذار مسدودک ؛
 یرنده قالدی یا قبلهم ، حریم ایمانم ؟
 خدا رضاسی ایچون سویله ، پک پریشانم !
 اوزاقده اولمامه رغماً جوار زار کدن ،
 جوارم ایکلیور آواز احتضار کدن !
 شو آنده جبهه کی کورمکدهیم : آتش یاغیور ؛
 بولو طرک بری بیکلرجه ییلدیریم صاغیور !
 نکاهی بیك بوقدر میل مسافه دن قاووران ،
 آلورلیله برابر ، اوسيله قارشى طوران ،
 قارالتیلر نه در ، عسکرمی ، طاشمی ، کولکه میدر ؟

« بیلیر سکر که: معسر، کائنات اسلامک
 « او صیصقه کو کده سی اوستنده عادتاً قفاسی؛
 « دیار هند ایسه، کو کسندہ قلب حساسی؛
 « سز ککیلرده، قییلدا تمق ایسته یین قولیدر.
 « که بوش بر اقایه کلز، نه اولسه قور قولیدر!
 « بز انکلیزلر اولوب حالی او کجه دن مدرک؛
 « او بینہ پنجه یی طاقیق، او کو کسه یرلشدک.
 « او حالده بر قوی قالمش که بزجه چوللانہ جق،
 « یولنده در ایشمز باغلادقی قیص قیوراق!
 « هم اویله زورله دکل، چونکه « فکر قومیت
 « ایدر بوغایه یی تسهیلہ پک بویوک خدمت.
 « او تخم لغتی باشند صاحبوبده اورته یره،
 « عربله تورکی آیردقی شویله بر کره،
 « نه چارپنیر قوی آرتیق، نه چیرپنیر قنادی؛
 « خلیفه مکده قالیر ساده بر سویملی آدی!
 « دوئنامزله ووروب، صوکره، شرقی ولوله یه،
 « برنجی حمله ده بایراق دیگر چناق قلعه یه؛
 « ایکنجی حمله یه دارالحلافه! دیر چکرز! »

ایشیتده آغلا! فقط بز نه مظهریتسز،
 نه بنجی قاب قاره ملت مشر که دنیاده؛

بونك ده حكمتى : ملتده بر دكل وجدان.
 وطن كولنجه ، بزم محترم وطنداشملر
 تحمل ايتمز اولور ، اكشى چهره لر باشلار!
 مصائب ائمه يه كورسون زواللى ملكى زبون ؛
 آصيق صورتليرك هپسى منبسط ، ممنون!
 فاصيل بومملكت آتيدن اولماسين نوميد؟
 افقرلنده سونوك بر ضيا ، جيليز بر اميد
 بليرمسيله ، باقارسين ، دمينكى بايقوشلر ،
 مشيمه سنده فضانك او نورى بوغوشلر !
 قوشاركن آروپا تعجيله احتضاريمزى ؛
 ايجرده بر سورو خان قازار مزاريمزى !
 « كبرمك ايسته ميز بز ! » ديسه كده كيم ديكلر ؟
 قيميلداسه ك ، « آرزو ، محو اولورسكز ! » ديرلر !
 قيميلدمازده طورورسه ك ، ايشتيكك نقرات :
 « چاليشمايانلر ايجون يوق جهانده حق حيات . »
 سوزك خلاصه سى : يهوده در بوغوشديغمز ؛
 چاليشماسه قده ، چاليشسه قده موته محكومز !
 نه سويلوب طورويور ، كورمدگمى انكليزى :

« اوزولمه ييك ، ياشامقدين كسيك اميديكزى !
 « حقيقت اورته ده ، معناسى وارمى اوهامك ؟

سور و کلوب قاره قیشلرده وارنه ساحلنه ،
سفينه لرله طاشينمقده روسيه داخلنه !

بو، يانمادق يري قلمش سه ، قاغشامش يورده ،
مکرسه آوروپا قونداق صوقار طورورمشد ،
« اويان شو اويقودن ، اطرافي يانفين آلدی، يتيش ! »
ديمک لزومنی هيچ بر بين دوشونمزمش .
اوبوتشم ، بونی اولمشدی حس ايدن کرچک ..
چيقوبده : « اورتهده فول يوق ، يومورطه يوق . » ديه رک !

سزکده وارسهده پک قانلی بر هزيمتکيز ؛
بزمکيلر اوکا بکزر می ؛ زرده ! نسبتسز .
فرانسز اردوسی غالبدی واقعا « يهنا » ده ؛
فقط ينيلمديکيز ، بنجه ، سز ناپوليونهده :
ظفر دکلد نه در اويله بر پريشانلق ،
که بولدی ويرديکی غيرتله وحدت آلمانلق ؟
« سهدان » ده خارقه لر کوسترن بوو وحدتدر ؛
ديمک ، او قانلی هزيمتده بر سعادقدر .
بزم فلا کتمز بويله اوليور اصلا :
محيطی يأس ايدرک هر طرفدن استيلا ،
نه اتبهاهه ، نه اقدامه ويرميور ميدان .

كېڭىلى كىزمەدە موتىك خىيال عىريانى !
 باغىرىمىق اىستەدى لىكن طويولىوردى سىسى .
 بونالدى ... چونكى طيقامشىدى بوس بوتون نفسى .
 نھايت اولدى بورۇيادىن اويلە بربىدار :
 كە ھېسى كىتمىش الندن ، نەيار وار ، نەديار !
 چاتىردامقەدە بوتون خانمانىڭ تىملى ؛
 آلو صاچاقلارە صارمىش .. ىرنەدە يوق روم ايلي !
 شقى چارىقلىك آلتىندە خورەدەخاش ايمان ؛
 خدایى تىترەدىيور ايلدىكە استىمان !
 طوموز چوبانلىرى « بالقان » دە خاندان وقور !
 او خاندانلر ، او بىكلر بوتون بوتون مقهور .
 رېئىس عائەلر كاملا شھيد اولمش ؛
 قاپانمش اولرە طوللر ، يتىملر طولمش .
 زمين جامدى سىيال بر آلو بورويور :
 بوتون صولر طورەرق پىختى پىختى قان يورويور ،
 دكل كە محرمى اولسون يابانچى انظارك ،
 بواحتمالى تصورەدن اوركن ابكارك ،
 آچىلماق ىرى يوق شىمدى ، ھېسى ميدانە ؛
 ردای عصمتى بر يانەدە ، كندى بر يانەدە .
 حرىمنىك اشىكىندن اوزانماش باشلر ،
 — اوزرلرنەدە محافظ بولوك بولوك جانماوار —

سیکیر بر اقامدی عثمانیلرده کوشه مدك !

محیطك اوستنه میخانه لر قوسان بوكدیک ،
 قاپانق اوزره ایکن باشقه رخنه لر چیقدی ؛
 آیاقده قالماسی لازم نه وارسه هپ ییقدی .
 « دكلی برتو کوروك آلنه چاربه حق تأدیب ،
 نه حکمی وار ؟ » دیه اوچ بش حیا زو کوردی ادیب ،
 بیتیرمك ایسته دی اخلاقی ، عاری ، ناموسی ؛
 جیقاردی اورته یه ، کزدیردی ، صاقسیلر طولوسی ،
 هوای فحشی قودورتان زهرلی « زنبق » لر !

.....

[۱]

« او قور یازار » دینیلن اسکی باش بلاسندن ،
 اولنجه اُمت مرحومه بوس بوتون مایوس ؛
 محیط فکرینه چوللانندی قانلی برکابوس .
 چکیلسه : آرقه ده ماضی دینن لیل عذاب ؛
 آتیلسه : او کده بر آتی که طالغه طالغه سراب !
 نه کو کده ییلدیزه بکزر اوافق بر آیدینلق ؛
 نه یرده کوز قدر اولسون ایشیلدایان برایشیق ،
 عدم بولو طلری دو کدجه کولکه طوفانی ،

[۱] بورادن یوز سطر اکیسکدر .

بشیکده طویدینی سسلر کلیر ، بویاورولرک
 طوقور افقلری اوستنده برسراب کشف ،
 که یرتہرق چیقہ بیلماک امیدى خیلئ ضعیف !
 کچر شبا بمزک اک کزیده ایامی
 حیاتی آ کلا یہرق آتمان بو اوہامی !
 حیاتی آ کلامیور .. چونکہ کورمیور ، اوقویور ؛
 زواللی قرقنہ کلشردہ آغزی سوت قوقویور !
 اوقوتما : بیتدی ؛ اوقوت : سرسری شعر وخیال !
 اوقوتماسہ کدہ ، اوقوتسہ کدہ عینی استقبال !
 حساب ایدیلسہ : جہالت قدر چیقار مہلک ،
 معارف اولدیمی بریرده سادہ مستہلک .
 علوم حاضرہ دن بکلہ نن منافعیدر .
 دیمک ، برنجیسی علمک : حیاتہ نافعیدر .
 اوحالہ بزده کیلر صدرہ هیچ دکل شافی .
 فنون مثبتہ دن استفادہ مز منفی ؛
 نہ قالدی ، برادیاتمزمی ؟ وا اسفا !
 براق کہ ایتدیکی یوقدر براحتیاجہ وفا ؛
 یا روح ملتی افسونلیور ، اویوشدوریور ؛
 یا سینہ لردہ کی حسلرلہ چارپیشوب طورییور !
 شراب قوقار اسلافک اک تمیز غزلی ..
 بش آلتی یوز سنہ « ساقی » هوای مبتدلی ،

اونك لسان سماویسی روحه سویلرسه ؛
 بوننگکی روح معالی بی نفخ ایدر حسه .
 کلوب ده کورملی صنعتده غایه وارمی ایتمش ؟
 « خاییر » دینیرمی که : هر غایه کزده اک مدهش ،
 اک اینجه صنعتک اسراری یوکسلوب طورویور ؟
 سزککی یوکسله طورسون بر آزده کل بزی صور !

بشیکده هر بریمز برترانه در ایشیدیر ،
 که بسته کاری طبیعت دکل ده عنغه در .
 اوت ، بو عنغه نك تلر نده ماضیمز
 ترنم ایتسه اوپارلاق سسیله راضی یز .
 فقط مفاخر اجدادی نقل ایدن « آنا » تل ،
 باقیلما یوب ده عصر لرجه قالمادن مهمل ،
 یا بوسبتون صاغیر اولمش ، یا او یله پا صلا نمش :
 که هانکی پرده یه اورسه ک ، چیقان صدا یا کلیش .
 بوتل که « ییلدیریم » ک داستان سطوتی
 باشنده بسته لیوب ، جدمک صباوتی
 ظفر هوا سنه طویقمسزین او یوتمازدی ؛
 بو کون او یوشدیر یور « تنی » لرله احفادی !
 اشکیدن آتلامق ایسترسه لر حیاته یارین ،

اصل کمالی ملت او ایشده کوستردی :
 دوشوندی هانکی سمان حیاتک ایندیکنی ؛
 دوشوندی روح عمومی امزیرن دینی .
 صوکنده کوردی که : امتده مشترک وجدان
 تحساستی آلمقده عینی منبعدن ؛

قورورسه بر کون او منبع نه حس قالیر ، نه حیات ؛
 بقای دین ایله قائم حیات جمعیات ؛

مقدسالت تشیته اوغراشوب طوردی ..

مجردات کشفیه یله بر جهان قوردی .

آلنجه شکل تعین وطن هیولاسی ،

بودر روابط ملیه نك اك اعلاسی ،

دیوب صاریلماده اصلا تردد ایتدیکز .

ناصیلسه مکتبکیز طبقی او یله معبدیکز .

نه چاک صدای بوغار صنعتک ترانه سنی ،

نه صوصدورر مدنیت بو آخرت سسنی .

محیطکیز نه عجائب محیط ولوله دار :

که هر کورولتوسی برباشقه انتباهه مدار !

صنایعک نه وار آفاقی طوتسه دمدمه سی ؟

بدایعک ده منوم دکل که زمزمه سی .

نه موسیقیکزه کیرمش او یوشدورر نغمات ؛

نه شعریکزدن اولور تارمار فکر حیات .

فقط عمومہ بر نقطہ منہای حدود .
 نہ اتحاد معظم کہ : بونجہ میلیونلر
 ایچندن الک صیقی نسبتله بیکده آلتی چیقار
 او غایه دن بیلهرک انحراف ایدن حسلر ،
 زیاده اولسده حتی ، تلاشه یوقدر یر .
 بزم دوشونجه لر اما سزگکنک عکسی !
 دمین برابر ایکن شیمدی آریلیر هپسی !
 بواعتبار ایله باقدجہ : عینی مرکز دن ،
 چیقوبده نامتناهی محیطه طوغرو کیدن
 کومه یله خطرله بکزرکه متصل آچیلیر ...
 بزمده ایشته بودر انحلالزده کی سر .
 او رابطه یله کیدرکن سزک تعالیکز ؛
 بوتفرقه یله پریشان بزم اہالیمز .

سزک ایشتدیککنز بر ترانہ ، بر پردہ ؛
 بشیکده ، صوکرہ اشیکلرده ، صوکرہ مکتبده .
 خلاصہ هرچاتینک آلتی عینی سسلہ طولو .
 بوتون شئون بر آہنکہ ربط ایدن بویولی
 طوتنجہ ، کیت کیده مکتبلہ ، قیشلہ ، فابریقہ ، فن
 سچیلمز اولدی ، حقیقت حریم عائلہ دن .
 بو اتحادی طبعی یاشاتمق ایستردی ..

خواصكز يازيوركن عوامكز اوقودی ،
 يازانلركده اوقوتمقدی ، چونكه ، مقصودی .
 اونوتمیوردی بینلر سوزركن آفاقی ،
 نصیب نورینی طوپراقدن ایستهین خلقی .
 سمایه چیقماق ایچون یوكسك اولمالیدی زمین ..
 بواعقلایی سز اولجه ایتدیكنز تأمین .
 بلیردی یوردیكنزك سینهسنده شاهقه لر .
 أوت ، بوشاهقه لر ، بلکه ، باشقهسندهده وار ؛
 فقط ، سزكکیلرك آرقهسنده یوق یر یر ،
 درین درین اوچوروملر ، جهنمی دره لر .
 نهدن می ؟ کندی دكل سیوریلوب چیقان یالکز ،
 زمینله بر کیدیور دائماً شواحقكز .
 « بین » له « قلب » ی هم آهنگ ایدوبده ایشلهده لی ،
 آتیلدی وحدت ملیه سقفتك تملی .
 او وحدت ایشته بوتون احتشامكزده کی سر ،
 جهانه رعشه ویرن سس اونك صدالیدر .
 تشتت ایلیرك غایه کز ، بزمنکی کبی ،
 تحلیل ایتیه قویورمیور بوتورکیبی .
 دوشونجه لرده کی مبدأ بر اولماسین وارسین ..
 دکلای غایه سی بر هپسنگ ، نه قورقارسین ؟
 باقیلسه دائره نك نصف قطری نامعدود ؛

نادر بو آ کلاشه مازلق ؟ کلیک ده آ کلاشیکنز ؛
 لسان مشترک اولمازمی کندی کوز یاشکنز ؟
 نصیب زاریکه دوشمنز بوایشده فضله کدر ؛
 او بر طرف سنی حتی کدرلر کدن ایدر .
 اینانمور میسین ؟ اوله یسه بر حساب ایدیکنز :

سز اللی ییل اولیور ، بلکه ده ، حربه کیرمدیکنز .
 کچن محاربه دن شانلی بر جلاد تله
 چیقنجه ویردیکنز اولاد مملکت ال اله ؛
 چالیشدیکنز کیجه کوندوز ، دیدیندیکنز او قدر ،
 که های وهوی تکاملله جنکه دوندی حضر !
 سکون مطلق اولان صلحه ویردیکنز حرکت ؛
 زمانی ، طیّ وقایعه ، کچدیکنز ، حیرت !
 بوسیری آلماسی قابلی دیگر اقوامک ؟
 قوشارسه ده کیدرلر ایزندن ایامک .
 نفوسکنز ایکی قات آرتدی ، علمکنز اون قات ؛
 اوچوردیکنز یوروین فنه طاقدیکزده قانات .
 زمینی سطوتکنز طوتدی ، جوی صنعتکنز ؛
 یارین مسخریکزدر ، بوکون دکلسه ، دکز .
 ترقیاتکنز آرتیق یتیشدی بریره که :
 معارف اولدی عمومک غدای مشترکی .

سنك الكده يوق آنجق بوآلقيشك لونی .
 او ناصیهك - كه پوروز بيلمه ين بر آينه
 برأئيلاه ، بوتون قومكك برأئنه ،
 شهادت ائتمده در - شرقه طوغرو دونملى كه :
 سزكده غربكزك خاطرات ناپاكي ،
 برآز سيلينسين اونك هيچ دكيلسه يادندن .
 خانم ، محيطكزك آلچق اعتيادندن ،
 - كه زور كورنجه ييليشمق ، زبونی ازمكدی -
 بنات جنسكى بيلسهك نه لر نه لر چكدی !
 اونك نتیجه ايقاظيدر كه : « اوروپالی »
 دينتجه روحی صاغير ، قلبی حس ايچون قابالی ،
 مؤبدآ بزه دشمن برأمت آكلاردق .
 خاير ، بوغنه نك حقى يوق ، ديوب آرتيق ،
 بنات جنسكه كوسترمك ايسترم سنى بن . . .
 يابانجی طورما كه بك آشناسكز قلباً .
 او آنه جكلر ايچون طويديفك خرافه يی آت !
 دوشونمه دست مصافاتی شرقه طوغرو اوزات .
 نه حسلی والده لردر بزم قادينلر مرز !
 يازيق كه آكلاته حق يوقده ياكليش آكلاديكز .
 يازيق كه اونلری تصوير ايدر برر اوماجی ،
 بش اون رومانجی ، صيقياماز بش اونده مقصدجی .

يا «پايشلديمی آرتار طورور سرور بشر؛
 کدرسه، عکسنه: اورتاقله ا کسلیر.» دیرلر.
 بیلیرمیسین که سنک شرقه میل ایدن نظرک،
 برنجی دفعه طوغان فجریدر زوالیلرک؟
 خدای بر طانیق تهمتله صوچلو اولان،
 شو خانمانی یقیق اوچ یوز اللی میلیون جان،
 نه دنسه، موته اولورکن بیکر بیکر محکوم،
 جیقوبده ایتدی بر سس بو حکمه قارشی هجوم!
 نه دنسه، طویمادی غربک او حسلی وجدانی،
 خروشی سینۀ اعصاری ایکله دن بوقانی!
 نه دنسه، عرشه قدر یوکسه لن اینن بشر
 سزک سماره عکس ایلدکجه اولدی هدر!
 نه دنسه، وحدت اسلامی تارمار ایدلی،
 بویوک طانیلدی، مقدس بیلیندی ظلمک الی!
 زمین شرقی مظالم قاصوب قووردجه؛
 او قیپ قیزیل یوزی خاکک فضايه اوردجه؛
 غروب سیر ایدن آواره بر تماشا کر
 قدرده اولمادی دنیا نصیبه دار کدر!
 کدرده سوزمی یا؟ آلقیشلا یوردی جلادی،
 اوتانمه دن قوجه یکرمنجی عصرک اولادی!
 اوت، شناخته ال چیرپیوردیلر هپسی...

« أولورسه خدمت ايدر، أولدورسه خدمت ايدر! »
ياچونكه هرايكي صورت لهنده جانينك .

شماله طوغرو چيقارسهك وصى ثانينك ،
زون رذيلنى محجوب ايدن ، شناغتنى
كورورده ضبط ايده مزسين صداى لغتنكى .
نه طول براقدى ، نه اوكسوز او خانمان يقيجى ..
ناصيلده كسكين اهالى به قارشى كور قيليجى!
شئون جاريه دن كوى باصوب ، شهر ياقمق ..
سفينك اردوسى قاتل ، حكومتيسه ياقاق!
حضرده صلحى تحسرله ياد ايدن تبعه
سورولدى سونكولر آلتنده حربه صوك دفعه ؛
ييقيلدى آرقهده ميلونله بيكناهلك اوى .
يتم ايكيلتيسيدر شيمدى ايكله دن جوى !

دكلى بر آناسين سن؟ دكلى آلمانسين؟
او حالده فكر ايله وجدانه صاحب انسانسين .
او حالده « آسياليدر » عرقى باشقه در .. « ديه رك ،
بنات جنسك اولان امهاتى اينجيده جك
يابانجى طورى ياقيشماز سنك فضيلتكه ...
كل اشتراك ايدويور شونلرك فلا كتنه .

ياناردى حوصلەك امكان اولادى تحليله .

برازده كچمەيى اىسترميسين بزم ياقەيە ؟
 آل ايشته بر كوني مائىسىز اولميان آسيا !
 او اسكى معبد عرفان ، او مهد ابراهيم ؛
 او شيمدى ، بويى بوكولش زواللى خاك يقيم !
 زمان رشدينى آكدچە آغلاسين طورسون ،
 ايكيز وصايتى التنده انكليزله روسك .
 سولوك بكنزلى وصيلر نه امديلر قانى ،
 بحالى قالمادى آرتيق چيقارديلر جاني !
 بوتون خزانى هندك ، او محتشم يوردك ،
 كيدرده حرصنى تسكىنه اوچ شقى لوردك ؛
 زواللى يرلى يى قيتلق زمان زمان كميرر ؛
 بو ، قان تو كورمەيە باقسين .. او ، متصل سميرر !
 حقوق ملتە حاكم دنى بر استبداد .

حياتى ، روحى صويولش يىغين يىغين اجساد
 ويررده هپسنى قالمازسە هپچ مى هپچ پارەسى ؛
 طامارلرنده كى صوك طاملەنك كلير صيرەسى ..
 كه صاقلى طورمايە حق ، اىستر ايشته مز آقە حق ،
 كيدوب افنديسك دشمنيله چارپيشەرق .
 او ، جان آلوب ويره طورسون ، بيليرميسين بونەدير ؟

نه ابتلا ! نه مصیبت ! جهان جهان اولالی ،
 بواضطرابی امینم که چکمش اولماملی .
 حسابنه قاتمیورم شیمیدیلک بزم یاقهده
 سونن اوجاقلری ؛ لکن زواللی آفریقاده ،
 یوز اللی بیك قادینک توتمیور بو کون باجاسی .
 نه کورپه اوغلی دینلمش ، نه اختیار قوجهسی ،
 طوتوب طوتوب کتیریش - فرانسر عسکرینه
 سپرلک ایتک ایچون - صف حربک اوکلرینه .
 او امهاتی ، او زوجاتی بر دوشونملیسین :
 کیمک حسابنه اولمش ، دیسینده ایکه مسین ،
 آکارکن اوغلی ، بیچاره ، یاخود ارککینی ؟
 « کیمک حسابنه ؟ .. » بر سوزکه : پارچه لار بینی !
 باقنجه قصد اولنان غایه نك شناعتنه ،
 نه اولسه چیلدیرر انسان ایشک فجاعتنه .
 نه ملتک شرفیچون ، نه کندی شانک ایچون !
 فدای جان ایده جکسین عدوی جانک ایچون !
 کبرکه سن : بابا یوردک ، حریم ناموسک
 یابانچی اوکچهلر التنده چیکنه نوب طورسون !
 کبرمک ایسته میورسین دکلی ؟ باق نه اولور :
 رهن براقدیغک افراد عائله ک طوتولور ،
 برر برر ازیلیر . هم ناصیل وسائطله :

او حالده آ كلاشەرق پايلاشيك ملالەكزى .
ايشيتەك ايسە يورم ، چونەكە ، حسب حالەكزى

سەنەك نەدر باقەلم كىزلى كىزلى فریادەك ؟
أوت ؛ بويەكجە برابر يتشمش اولادەك ،
هنوز بهار حياتەندە پايمال اولەرق ،
فدان وجودىنى يوتمش يابانچى برطوپراق ؛
كەزەدە بللى دكل .. بيلمەك ايسە سەكەدە محال .
اولانچە يادى بوكون برچامورلو ، قانلى خيال !
اويادى روحەكە كومدەكە بروظيفە كدر .
« اونوت ! » ديمەك آچيلان قبرى كورمە مەكەندەر .
خاير ، ديمەم ... بيليرم پەك وفاليدەر اومزار .
فقط ، دوشون ، نەيە ايتمش حياتى استحقار ؟
دوشون ، نەدن بوچوجوق ياقدى كيتدى آنەسنى ؟
أوت ، ياشاتمق ايچون امهاتەك اقدسنى ،
« فدای جان ایدەجکسین ! » دیمش « وطن » حسی ..
ديمەك : هدر دكل اوغلەك ، وطن فدائيسى .
بيليرميسين نەقدر آنە وار بوكون ، ياسدە ،
تونسدە ، صوكرە جزائرەدە ، صوكرە قفقاسدە ؟
كوتورەدە قلبەكە بركرە اى قادین الكى ؛
دوشون زواليليرك سرنوشت اردلنى !

صاغنده يا وروسنك انشراح فطريسي ،
 او كنده نامتناهي نظر ربا صفحات ،
 انين روحنى بردرلو ايتيور اسكات .
 كورونمش اولمالى برشى كه ، صوكرادن ، كوزينه ؛
 كوتوردى مندىلى بچاره آكسزىن يوزينه .
 — نه وار حجاب ايدى جك بونده اى زواللى قادين !
 دكلى بر آناسين سن ، اولنده اولادك ؟
 او حقلى كرىه هجرانى حبسه قالقيشمق ،
 خدا بيليركه ، خطادر .. كناهه كيرمه ، براق !
 براق مرارت روحك بورام بورام اينسين ...
 بوشانمى دن دینه جك بر بلاميدر يأسك ؟
 سيرجى فرض ایدیورسه ك حیطى ماتمكه ؛
 يابانجى هانكى نظردر بكای محرمكه ؟
 نهایت آرقداشم وار ، دكلى ، صوكرده بن ؟
 وبالى بوينكه اولسون اكر بوطنده ايسه ك
 مصائبك ازلى آشناسى وارسه ، بز :
 جهانده بر كونمز كچمه مش فلاكتسز !
 سروره قالسه ده بيكانه مسلمان يوركى ؛
 بيلير تاثر معصوم او كنده ايكلمه مېي .
 اونكه سويله شيلير اك آجىقلى هجرانلر ،
 كه هر فغانى آجىق برلسان قدر آكلار .

نه اولسه « پات ! » ديه بر کره ... هاي آليق کله بک !
چو لوق ، چو جوق ، قادين ، ارکک ... خلاصه ، بولديغنه ،
صاتاشمه دن کري طورماز بايکدي مجنونه !

• •

او گمده يوکسليور بي نهايه جيپلاق آلين ،
که هر برنده يازيلش کوروکده عبرت آليک ،
جهانه قارشى جدالک مال غالبى .
او اعتماد ايله ملت بوتون مطالبنى ،
بوکون دکلسه ، يارين چاره يوق خلاص ايدم جک .
مجاهديه توكل ... نه قهرمان مسلك !
بوشالسه سيلاه او ائنده اوچ بش اسکمله ،
اوطوردى قارشيمه برقيز صاقللى آدمله ،
رداي ماتمه کيرمش فلاکت آرقداشى ؛
سويملى برده کوچوک قيز .. يا بش ، يا آلتى ياشى .
رئيس عائله نك پک وقور اولان حزننى ،
بيرازده رنک تجلدله قاپليور يوزينى .
قادين ده اويله جه کوسترمک ايسته يور تمکين ؛
سونوک نظرلرى لکن بکا قدر غمکين !
زهرلى بردوکوم اولمش دوداقلرنده کدر ،
چوزولميور ، اونى آنجاق چوزرسه کريه چوزر !
صولنده ارککنک ايتسام جبريسى ،

اوزاق ، یاقین نرەدن چاقسە ... ھەم معاذاللہ ،
 زمینە صارقە ماسە یمش .. طوتوب دە پوسکولمی ؛
 تپەمدە قیشلا یە جقمش .. کورورمیسین اولومی !
 دیمک کە : ھیچ دەھافس کیرمەمش بومملکتە ..
 بزمکیلر نە کیرمەش ، کلاھمی ؟ البتە !
 چکەملە کوملکمک ارتباطی برآراق ،
 چوزولمسیلە ، قفام شویلە طوغرولوب آزیجق ،
 نەوار نە یوق دییە اطرافى ایتدی استکشاف .
 جوارى یوقلایە طورسون بزم آلیق کشاف ؛
 ایلردە برماصە کوردەم ، دیدم کە آرقداشە :
 — براز سپردە او طورسەق .. کچرمی یز اوباشە ؟
 — نەدن ؟

— کورولەیی سوممەدە ...
 — پک کوزل ، کیدەلم ..
 بئەدە وحدتە کثرتدن آز دکل میلە .

اوت ، کورونمە رک خلقە پک دمیئکی قدر .
 قولایدی شیمدیکی یردن محیطە مدّ نظر .
 ناصیل ، ضیادە اوچارکن ، شووارکە ، بریاراسە ،
 کلن قارالتی یە طاغ طاش دیمزدە چارپارسە ؛
 بئە سیکیرلی نکاھمدە چارپوب ایرکیلە جک ،

نه سلسبيل ضيا قارشيمزده جوشه كلن ،
 ضيا دكل ، سحرڪ روحيدر طاشوب دو كولن .
 لياله قارشى او طوفان فجرى كورمليسين :
 خدا بيلير شاشير رسين ، طونار قالير حسك !
 نه دن بوبورله نه يم ، بنده اويله اولدمدى ؛
 ضيانك اولچوسى عقلمده ، چونكه ، برمومدى .
 بزم حساب ايله ميليونلر اوينايور آرادده ..
 اره قنديل مقياسى پك كودوك بوراده !
 كوزم قاماشدى بدائتده ، دوندى طوردى باشم ؛
 رذيل اولوردم اكر اولماسه يدى آرقداشم .
 نه باصديغم ىرى كوردم ، نه كيتديكم طرفى ؟
 ناصيل ييقيلمايه بيلدم ، بو ايسته اك تحفى !
 تحف دكل . دوشويوركن يتيشدى اسكمله ؛
 كنيشجه برنفس آلدن چكوب ايليشمه مله .
 باقينمق ايسته دم اطرافه ، آ كلادم پك زور :
 آصيلمش اكسه مه خائن ققام ، قيميلداميور !
 خاير ! عنادينك اسبابى يوق دكل ، وارمش ؛
 بن آ كلامازمشم اما اوچوق شى آ كلارمش :
 مكرسه دعوت ايدرمش بزم فسك ايبكى ،
 اوييلديرىم گي نظارى برسپردن ابي !
 قرارى بنده قيلارمش ييغينه برق نگاه ،

— کوزو کدی ایشه !

— امان نرده ؟ کورمدم حالا..

— کورورسکز ، هله بر پارچه یاقلاشیک یانه..

— بو ، قهوه... اويله می ؟ یا هو ! نه دربو ؟ وای جاننه !

بزم « دیون عمومیه » دنده هیبتلی !

نه وارکه ، اويله سویمسز دکل بونک شکلی .

— براق شو هیکل افلاسی ! یوقمی باشقه مثال ؟

— برامادقمی ؟ فقط آ کلایورمی استقال ؟

دیمش چوجوق : « بابا ، آرتیق عته کتیرمشسین ! »

حیاسز اوغلنه بیچاره اختیار نه دیسین :

« او کندی کلدی آیول ، بن کتیرمدم یوقسه ! »

بواشده طبقی او.. کیم « کل » دیمشدی منجوسه ؟

براقق ایسته یه طور ، سن ، براقیورکه سنی...

ناصیل ! اودونج آله رق بول طوتارمیسین کیسه گئی ؟

— طالبوده ملتک آلام بی نه یاهه سنه ،

چویرمه بحثی ، برادر ، ییلان حکایه سنه !

تنزه ایتمه یه چیققدق ، اونوتمه ..

— طوغرو ، اوت !

بو قهوه .. اويله می ؟ لکن حقیقه حیرت !

فضا ایچنده فضا .. بر حریم نورا نور ،

که آسمان کریمنده بیک کونش منظور !

باقوب ده بر تیتیز انسان دیمش که :

— قهر اوله سی !

نه در او کوملککک حالی ، یوقی بر ییقامق ؟

— دکلی کیرانه جکدر صوکنده ؟ کیفکه باق !

— صو قیتلغنده دکلسین یا .. هی مسیب آدام ،

ایکسجی دفعه ییقارسین ..

— فقیریکز یاپه مام :

جناب حق بزى دنیا به متصل کوملک

صابونلاییک ، دیه کوندرمه مش بولونسه کرک !

حکایه بزلی تأییده اڭ کوزل دستور .

سوپور که صحبتی بیتمز که : بحث دورا دور .

سوقاق سوپورمک ایچون کلدک یا بزلرده !

*
* *

— بر آاز قهوهیه چیقسهق ... دیمشدیکز ، زرده ؟

— دولاشدیروب سزی بر پارچه ، غالبا یوردم .

اوزاق دکل مع مافیه ..

— یورولمازم ، صوردم .

— شو درت یول آغزینی طوتدق می ، قورقمايیک ..

— اعلا !

بوامتدادی نظر شویله طورسون استیعاب ،
 او بر گناره کچرکن دوشر قالیر بی تاب !
 شو وار که : دوشدیک یردن چامور لایوب قالماز ..
 چامور بوبلده ده عادت دکل نه قیش ، نه ده یاز .
 کچنده خیلجه قار یاغدی برلینک ایچنه ؛
 یحیی یحیی اوله جقکن طاقیر طاقیردی ینه !
 مراق ایدوب صوریویردم ، « برامایز » دیدیلر !
 — برامایک ، کوزل اما یاغار طورورسه اکر ؟
 « برامایز ! » سوزی عیناً تکرر ایتزمی !
 اوت ، بوسوزده نمایان حریفلرک عزمی .

بزم دیاره بر آز قار دوشنجه زور قالقار .
 محله خلقی نهایت پک مضطر ،
 « لودوس دعاسنه چیقماق کرک .. » دینیر ، جیقیلیر .
 جناب حق ده لودوس کوندیریر ، فقط بیقیلیر :
 چامور ییغینلری پیدا اولور که مهلکدر ..
 « امان طون اولسه .. » دیرز .. شبهه یوق ، تمیزلکدر ،
 طونک قیریلماسی وارمش ، دوشونمه آرتیق اونی :
 یاغار ، اریر ، بوز اولور .. نه یسه ، یاز دکللی صوکی ؟
 قلندرک زیفیر اولمش صو کورمدک یاقه سی ..

دوشرياء طيق ، ديه هر حالده موقوفك دامنه ؛
يا شهرک اسمی اولان لوحه نك كلير جامنه !
دودوك صدا سنه حسرت قالير ايشيتمز سين...
بزمکی طور دینی یردن اوتر طورور ، مسکین !
قاوورمه زنیلی یوکلنمك اعتیادی ده یوق ..
نهر کاغده کی ، پنیرمی ؟ آچه قوینکه صوق ..
لوقانطه کیفکه آماده ، ایسته دجه یاناش ..
لسانده ایسته میور : بر اشارت ایت ، آ کلاش ..
یوق اویله هکبه یه دیرسك و یروب ایمیزغانق ؛
یاتاقسه امره مهیا ایچرده .. هم نه یاتاق !
اوزانديغك کبی دنیادن انسالخ ایدرك ؛
دولاش سمالری آرتیق دوشکده یل یه لك !

سوقاق دیدکلری نه یمش ؟ فضای بی پایان ،
که طی ایدیلسنك یوقدر احتمالی یایان .
دیمك ، وسائط نقلیه نامی تحتنده ،
هواده ، یرده ، یرك چوق زمانلر آلتنده
اوچوپ طوران او خوارق بر احتیاج شدید .
پیاده خرجی می ، حاشا ، بوامتداد مدید !
باقیك فاصیلده مجتلاکه : فرش نواری ،
زمینه ایندیریور كوك یوزندن انواری !

کورول کورول آقیور چشمه لر ، تمیزی تمیز ؛
 صوغوق ده ایسته سه کز وار ، صیجاق ده ایسته سه کز .
 غیجیر غیجیر اوتیور اورته لق تیتیزلکدن ،
 صانیرسکز که زمینده اولماش کزینن .
 نه کهله وار او مبارک دوشکده هیچ ، نه پیره ؛
 قاشینه حسی معطل بواعتباره کوره ! .
 اونو تدم اسمنی .. بر صیرناشیق بوجک واردی ..
 چیقار دیوارلره ، یاصدیق بودر ، دیر آتلاردی .
 ازینجه بر قوقو پیدا اولوردی چو قجه ایتی ..
 بیلیرسکز آجانم .. نهیدی ؟ نهیدی ؟ تخته بتی !
 او همشهریم ، صانیرم ، چوقدن اینمه مش بورایه ،
 بوجاق بوجاق آرادم ، اولسه راست کلیردم یا !

شمندو فردده مکر باشقه درلو برشیمش :
 همان بنوب اوچیورسین .. امان بایلدیغم ایش !
 مسافه قیدی ، مکان قیدی بیلمیور انسان ؛
 دقیقه نك بوی : ساعت . نه اختصار زمان !
 اوت ، قوجا قلا یور ابعادی برق اولوب ناکاه ،
 خریطه نك اوزرندن ناصیل کچرسه نگاه !
 شهرلرک یاپیشیق صانکه هپسی بر برینه :
 طوتوب ده پنجره دن فیلاتیسه بر ایکنه ،

شو كنبك اوزرندن بش آلتی طاش سوكرم ،
 باتاقسه آل ، بوده باتماز ، دیوب دیوب اكرم .
 ديمك ؛ خزينه اوقافه بر متين كوپرو
 بناسی ترك ایده جكسين .. اوزاتمه ، هايدی يوروا
 وصيتم سزه : ای زيبلایوب كچن اخلاف ،
 صاقين شو كنبد فياضی ايتمك اسراف ،
 كونك برنده باتاقلق آشارسه كوپرومدن ،
 امين اولك سزه لازمدر اويله بر معدن .

اوتل مكر او دكلش ، شمندوفرده كذا ..
 سوقاق می بکزه ين آز چوق؟ آمان جانم ، حاشا!
 مكر اوتلر اولورمش سرای قدر معمور ،
 آدام کيررده يشارمش ايچنده مست حضور .
 بش آلتی يوز اوطه نك هر برنده پوفلا ياتاق .
 نصيب اولورسه اكر ، هيچ دوشونمه ياتمه كه باق!
 سوقاقده قار ياغه طورسون ، اوطه كده فصل بهار ،
 طيشارده ليله يلدا ، ايچرده نصف نهار !
 خياط نوريني تمديد ايدوب هر آویزه ،
 فضاذه نسج ایدیور بر صباح پا کیزه ،
 هوایي قیزدیره رق حس اولونمايان بر اوجاق ؛
 ايليق ايليق کزیور هر طرفده عینی صیجاق .

مراجعة ینه لازم می ؟ لازم البته .
 أوت ، او بر حلزوندر که قطری آلتی قاریش ؛
 یاطولی ؟ بیلمیورم ، هر نه سویلسه م یا کلیش .
 موفق اوله نك امکانی یوق که تخمینه :
 بر آز کیدوب طالیور هایدی اولرک برینه !
 زمانه شعرینه بکزر زمین ترتیبی :
 ظلام ایچنده مبادیسی منتهاسی کی .
 پکی ! نه یامالی چارپیلحق ایسته مزسه ک ا کر ؟
 تکین دکلی ندر ، پک عجائبسی بویر ؟
 دیلکده بسمله اولسون ، الکده سورء نور ،
 کیسه گده ساده مهر ... کیسه چارپه ماز .. دستور !
 برنجی خطوه سلامت .. ایکنجی خطوه تمام ..
 اوچنجی خطوه پی لیکن دوشونمده دن آت مام ..
 نه وارمی ؟ آغزینی آچش که بر یامان اوچوروم ،
 طالارسه « خوب ! » دیه انسان ، چیقارمی بیلمیورم ؛
 اوزاق طولاش ! ایی ، لیکن ، آلیکدی بر تومسک ،
 نه آتلا یاده قالیر دیز ، نه طیرمانانده بیلک !
 کنارجه کیتلی اوپله یسه ... احتمالی می وار ؟
 صاغکده : آغزیسی طوتمش حقیق قارنلی دیوار ،
 صولکده : لاستیکه صاحب چیقان ساقیزلی چامور !
 طور وگدی چاره پی بولدم .. أوت ، اولورمی اولور :

ناصیل که چیقدی شو « باردون ، اشکک اولدی مباح !
 — نه لافدر ایتدیکی اللهجه سویله ییک یاقیشیر ؟
 — اوزاتمه !

— طوت که اوزاتدم ؟ ...
 — حریفده اما خیشیر !
 — صوج اولدورنده دکدر که دیرسه لر ...
 — هله باق !
 — نه در که برده که باقدم ؟
 — صوصک بلا چیقه جق !
 — اوافلق اولمالی ؟

— یوق ، موسیو !
 — یوقسه کیت ! بوزدور !
 — دیکلمه نافله ، سینور نه دیرسه قانوندر !
 — ترن قاچار آقوزوم ...
 — هایدی ! دیکله مز بن لاف !
 — ترن قاچار دیورم ، دیکله تم دیور : نه تحف !
 — قیزارسه آغزی بوزوقدر فنا بی شی سویلر ؛
 بوزارلر اونلغی ویردگی . قوشده بوزدیریور !
 توتونجی « اون پاره آز ! » دیر .. مصیبتک بویوکی :
 حریف سمیدجی آرارکن ترن چالار دودوکی !

سوقاق دیک مثلا ... شیمدی باقدیغم لفته

— یاقینسه بیندیککز نقطه دن ا کر قصبه —

قدر مساعده ایتدکجه ایشله ین آرابه .

صماتیه لوردی مقش ؛ طاطاوله قوتی مدیر ،

زوالمی ملتک افرادی اورته یرده اسیر !

« بیلت محلی » میدر اسمی پکده بیلمیورم ،

باصیق طاوانلی ، رطوبتلی ، ایسلی بر بودروم ،

آیاقدہ اسنه ین آواره یوجیلرله طولو .

بیلتهجی زرده می ؟ قومپانیه نک او نازلی قولی

ورای پرده دن ایتز که خلقه طوغرو نکاه ..

نه وار تلاش ایده جک ؟ بکله سین عبادالله !

آچیلدی پرده نهایت شووار که جندریه

قیصیلماق ایسته میورسه ک صوقوله پنجره یه !

ایتیش قاقیش اولاغان شی ، دوکوش سوکوش ده جابا !

— بیلتهجی ، موسیو ، ترن قاجده قالقه جق عجبای ؟

— آیاغمی ازدک آدام ... باطلا یورمیسین نه زورک ؟

— اورورسه م آغزیکه ؟ ..

— یا هو ! کورولتو کزنه ؟ طوروک !

— یاواش به ؟

— چوش به ! کوزک کورمی ؟

— باردون !

— الاالله !

کوتو کده مخلصی خان ، سینی لاقلا یتمش !
 زواللی آخر عمر نده ارتداد ایتمش ؛
 شو وار که معده سی الحادی ایتمه مش تمیل ؟
 نه مسلمان ، نه فرنک ، اوله بروجود سفیل .
 بیقانه یوق ، تووالت یوق ! یازین بلنده چامور ؛
 اتکلرندن اینرکن قابوق طوتار یاغمور !
 دکلی اوچقوری صارقان بوناقلرک برأشی ؟
 باقیکدی جومبایه : بیزار ایدر طورور کونشی ،
 اونملی یورغانی صاللاندرروب ده پنجره دن !
 یاتاق طاقملری شایان مرحمت جداً :
 قدیفه حاله کچمش پاتیسقه دن یاصدیق ...
 نه استحاله کچیرمش حساب ایدک آرتیق !
 بنک بنک یاییلوب کهله انطباعاتی ،
 بنکلی باصمه یه دونمش اوچارشافک صورتی !
 قیریق صراحیده بکلی یوصونلی بر مایع ،
 که درد جوعه کلیر اوچ یمک قدر نافع .
 برا کمکک یری طولمازمش اولمادن ایکی صو ؛
 بونک بش ا کمک اولور بلکه برقدح طولوسی .

شمندوفر دیکیز ... بولدم ایشته اورنکنی :
 اوشنمه دن چو یروب نازنین تکرلکنی ،

برلین خاطره لری

بیکیباشی عمر لطیفی بك قارده شمره

« بر آرده قهوه یه چیقسه ق ... » دیمشدی آرقداشم .

اوطوغرو سویله مش اما بن اگری آ کلامشم :

محلّه قهوه سی زردن ده کچدی ذهنمدن ؟

باقیله کچه ملیمش .. بیلیرمی یم اونی بن ؟

محلّه قهوه سی .. برلین ... مناسبت می دیدک !

فقط رجا ایدرم ، دیکله ییک ، عنایت ایدک :

فقیریکز اک آچیق برسوز اولسه ، مجبورم ،

قفامده بولدیغم اشیایی آقطاریر طورورم .

اونک بر اورنکی کچمشسه عاقبت آله ،

دیرم که : « ها ! بودیمکمش اوطویدیغم کله . »

اوتل دینلیدی می بالفرض ، اومعتبر قاموس

نه سویلیور باقارم بر : اوت ، لغت مانوس ؛

فقط بوطل مباحی ، بوانطباع وقور ،
 — که چوق زمان قاله جق صاندم امتدادندن —
 بش اون دقیقه ده نیلک سیلیندی یادندن !
 یازیق ، او کولکه ده میلیارله ظل نایابه ،
 قاتیلحق اوزره آتیلمش مکر بو کردابه !

کورونمور کونش آرتیق ، اوکنده پرده جبال ؛
 او شیمدی باشقه افقلردن ایتدی عرض جمال .
 آجیقلی روحنی مغرب حزین حزین دوکدی ؛
 زمینه شام غریبان یاواش یاواش چوکدی .
 دیکشیدی چهره سی نیلک : اوکده آز قومرال ؛
 دمینکی ظل ستونک یرنده پک قویو آل ؛
 برآز ایلرده ، فقط ، عادتا قارا کلقدی .
 بورنک ماتمه طاغلرده آشنا چیقدی :
 قاراردی باقدم اوزاقدن دومانلی جبهه لری .
 رداسی مغربک آرتیق قوجا قلامشدی یری .
 دمین کولومسه ین آفاقی تولله دجکه ظلال ،
 او یاندی روح غریبده بر خیال محال :
 جهان صامتی قارشیمده آغلیور صاندم ..
 او کولکه لکدن اینوب نوره طوغرو طیرماندم .

نه ټوپ راغنده شو يوردك ، نه جوي بارنده ،
 بر آشنا سسي ، ياخود بر آشنا ايزی وار !
 صدامه بکله دیکم عکسي ویرمیور اووالر .
 بیا هیدم ای قوجه شرق ، ای جهان دورا دور ،
 سنک زره گده کی اولادیکک نصیبي حضور ؟
 باشک بلالره کیرمش ؛ الک ، قولک پامل ؛
 ایچکدن اسدیمی بر کون هوای استقلال ؟
 کورورمییم دیبه قارشیمده مسلمان یوردی ،
 بوتون دیاریکی کیزدم ، آياقلم طوردی ..
 یابانچی سسلری کلدجه رهگذارمدن ،
 هپ انکسار امل طاشدی روح زارمدن !
 وطن جدا اوله ییم سینه سنده اسلامک ؟
 بو عاقبت ، نه الیم انتقامی ایامک !
 بنم که یاشلی ییم آرتیق دوشوک قولم ، قانادم ؛
 بوانتقامی چالیشسین ده آلسین اولادم .

افقده شیمدی کونش سونمک اوزره صالانیور ؛
 شو وار که چهره سی حالا پاریل پاریل یانیور .
 براز کچینجه ، شعاعات واپسینیه ،
 دیکیلدی کلدی ده قارشیمده ، آنسزین نیله ،
 صولرله اسنه مهین بر عمود نور انور .

ناصیلسه کورمک ایچون قالیم ، دیدم ... نهایی!
 فرانسز ، انکلز ، آلمان ، اون اوچ قدر سیاح ،
 اوچر بشر کومه اولمشلر ! ایکلیور اقداح !
 برنجیلر کولویور.. چونکه جیب مشحونی ،
 یرندن اوینادیور کائنات مدیونی .

« سه دان » دوشوندوره جک اولسه اولسه مستخره یی ...
 رفاه اونوتدورر انسانه اک درین یاره یی .
 ایکنجیلر کولویور ، همده حقیدر ، کوله جک :
 جهان بر آمرینه آماده .. « اول ا » دیسین ، اوله جک .
 طوتوشدوروب بوتون اقوامی قارشیدن یاقیور !
 چلیکله طاش اوروشور کن حریف چوبوق یاقیور !
 اوچنجیلر کولویور ، چونکه زور بازوسی ،
 نه دیرسه « طوغرو ! » دینن بر کفیل ناموسی .
 بشر که قوتی بخش ایتیمور هنوز حقه ؛
 نه چاره وار اونی قوتله آلمادن باشقه ؛
 زبونمیسین ؟ یالکز آغلامق سنک حقک !..

أوت ، بوساحه جوشک ، بوجوش اذواقک
 ایچنده بن ، یالکز بن زواللی کولیورم ..
 اوطورمش آغلیورم ، آغلاسه مده معذورم .
 وطن جدا کیم جیدیمک دیارنده !

فقط زمان دینیلن دست کبریای مهیب
 بوقهرمانلری ایتمش که او یله بر تأدیب :
 نه انف نخوتی قالمش قیریلمادق، نه قولی !
 جوار عبرتی انقاض لاشه سیله طولو .
 نه چهره لرده مهابت ، نه جبهه لرده غرور ؛
 سیلیک خطوطنه چوکمش بوتون مال فتور .
 عدالتک بوقدر بی امان تجلیسی
 نکه زائر ویرمکده مرحمت حسی .

اوت، مزاری او هیکالبرک اوزاقدی بکا ؛
 شو وار که منعطف اولدجه کوزلرم او یانه ،
 کولومسیور دیورم اونلرکده چهره لری .
 کولومسیور قوجه بر معبدک اوزاقدی یری .
 کولومسیور صاغه باقدجه قارشیدن « قارناق »
 کولومسیور او ستونلر که ، نیله مستغرق ،
 ظلال رعشه نماسیله اوینایور امواج .
 کولومسیور ، طاغینیق باشلرنده آلتون تاج ،
 سمایه فورچه اوران خرمارل سواحلدن .

اوطورمش اولدیغ آسوده سطح مائلدن ،
 بر آزیوقارده کی چارداق بیجیمی کولکه لکی ،

اوتل بنالری اطوار امتنایله ؛
 کولومسیور قییلردن بش آلتی خطوه قدر .
 ایچرده ، ایپلی صیریقلرله ایشله یین قویولر ؛
 کولومسیور صوی قیربه یله آقطاران فلاح ؛
 کولومسیور بونی عمرنده کورمه یین سیاح ؛
 کولومسیور چالیلقلرله اورتولن دره لر ؛
 کولومسیور صایسز تارالرله مشجره لر ؛
 کولومسیور قاریلر ، باشلرنده طوپراقدن ،
 کوکوم قیلقلی برر قاب دوزر کن ایرماقدن ؛
 کولومسیور دره لر دن بالق طوتان ، چیپلاق ،
 چولوق چوجوق صوی کچه یله آقطاروب طوره رق ..

صاحیلین دولاشوب کوردیکم او هیکلر ؛
 که سرمدیته چیلغین زواللی حرص بشر ،
 — قلوبه نقش ایده جک یرده یاد رحمتی —
 فضایه قازمق اپچون ظل بی کرامتی ؛
 دیکوبده هر قایادن بیک حیاته سنک مزار ،
 بو قورقولقلره وحشته ویرمش استقرار ؛
 که سجده لر ایده جکمش آیاقلرنده زمین ؛
 که مرشی تیره ده جکمش آیلرنده کی چین !

که نیلی شرقه آلمشده غربه کچمشدی ؛
 افقده صوگ لمعائله پارلیور شیمدی ..
 فقط ضیاسنه حالا تحمل امکانشز .
 صولده بر بویو جک خرما وار که یاپ یالکز ..
 زمینی خلیجه مائلده اولسه ، چاره سی نه ؟
 بوروندم آرتیق اونک ظلّ پاره پاره سنه .

بونقطه دن نه مهیج فضا به طوغرو نظر !
 برر قانات ایکی ساحلده یوکسلن اووالر :
 نگاه اوزاندیمی بر کره دوش ساحرینه ،
 خیال اوچوب کیدیور باشقه عالمک برینه !
 زمینه شیمدی ، اوکوندوز آلو صاچان ، آفاق
 ایلیق ایلیق دوکیور بر هوای استغراق .
 کولومسیور یوزی آرتیق محیط ریآنک .
 محاطی ، چونکه ، سمادن اینن بو چاغلا یانک .
 دمنکی صمته بدل خنده چینلایور یریر :
 کولومسیور قوجه وادی ، کولومسیور تپه لر ؛
 کولومسیور صوبی طیرمانق ایسته یوب اوتهدن ،
 اوزون کورکلی قایققلره بر بویوک یلکن ؛
 کولومسیور بریدن کولکه لر دوکوب نیله ،

الاقصر ده .

امير عباس حليم پاشا حضرتلرينه

هوا آغیردی ، فقط ، پك طوقونموردی صیجاق ؛
 غروب واردی اساساً یاریم ساعت آنجاق .
 یاقیندی ساحله مهمانی اولدیغم مسکن ؛
 یاواش یاواش اینویردم آغاچلی بر تپه دن .
 او ، نیلی قویننه چکمش یشیللنن ، وادی ،
 - که یوق حزان صفحاتنده عمرینک ابدی -
 اوکمه ، زمرده بگزر ، یغین یغین موجات ،
 صاچوب صاچوب اوزایور : صانکه بر سراب حیات !
 شو امتداده باقیك ، وارمی یال و باله اش ؟
 بویال و بالی بوتون کون قوجاقلایان او کونش ،

(*) الاقصر قاهره نك آلتی یوز کیلومتر و قدر جنوبنده ، نیلك ساحل شرقیسنه دوشن بر موقعدرکه اسکی مصریلردن قاله پك چوق آثاره مالك اولدینی ایچون سیاحلرجه معروفدر . آشاغیده اسمی کله چك «قارناق» ایسه بزم آت میداننده کی دیکیلی طاشلرله طولودر .

مفاخر اونلرک تاريخيدر ؛ امت او امتدر .
 که بر ياندن جلادتلر صاچوب دنيایي تيرتمش ؛
 او بر ياندن ده انسانلق نهدر دنيایه او کرتمش .
 دگلش بويله محکوميتک تمثال پامالی !
 شواهددن تنزل ايله مزمش عرش اجلالی .
 « توکل » وصفی آنجق اونلرک حقنده معنيدار :
 که ايتمش هپسی دنيالر قدر آلامی استحقار .
 چکينمزمش شدائد ياغسه ، اصلا ، اقتحامندن ؛
 زمينلردن اولوم فيشقيرسه دونمزمش مرامندن .
 « حقیقی مسلمانلق اک بويوک بر قهرمانلقدر . »
 ديمشدم .. ايشته دعوام اونلرک حقنده صادقدر .

نەمدەش برحماست چارپيور كو كسندە قرآنك !
 او وجدان زردەدر، لكن ؟ او ايمان كيمدە وار ؟ هيات !
 نە اولمش ، بئدە بيلم ، پك قارا كلك شيمدى حسيات !
 او ايماندن ولو پك آز نصيب اولسەيدى ملتە ،
 شو اوچ يوز اللى مليون خلقى كورمزدك بوذلتدە !
 او ايمان اتحاد ايستردى بزدن ، وحدت ايستردى ..
 ناصيل « بنیان مرصوص » اولماز لازمە كوستردى .
 پكى ! بزلر نە يادق ؟ قول قول اولدق ، تارمار اولدق ..
 نهايت بردنى صدمە يە دوشدك ، خا كسار اولدق !
 او ايمان قوت احضار يە امر ايتمشدى .. لكن ، بز
 « توكلنا » ديوب ياتدق دە قالدق بويلە اك عاجز !
 او ايمان فرض قطعيدر ديور تحصيلى عرفانك ..
 نە جاهل قومى يز بز مسلمانلر ، شيمدى ، دنيانك !
 او ايمان حسن خلقك اك بويوك حاميسى اولمشكن ..
 نەمز وارددر فضائلدن ، نەمز اكسيك رذائلدن ؟

ديمك : اسلامك آنجق نامى قالمش مسلمانلردە ؛
 بويوز دشمش ، ديمك ، خسران مى صوك زمانلردە .
 اكر چيكنە نەمەك ايسترسە لر سيلاب ايامە ؛
 رجوع ايتسينلر آرتيق مسلمانلر صدر اسلامە .
 او دورك ياد نورانورى بى پايان شہامتدر ؛

بسم الله الرحمن الرحيم

الذين قال لهم الناس ان الناس قد جمعوا لكم فاخشوهم
فزادهم ايماناً وقالوا حسبنا الله ونعم الوكيل

مآل جلیلی

او مؤمنانده عند الله ابر عظیم وارک : بر طاقیم کیسه
کنید بربنه « دشمنانیکه سزک ایمونه قوتلرینی طویل و دیر ؛
اونلرده قور قمالیسکیز » دیر کلری زمانه ، بو خبر ایمانلرینی
آرتیرده « اللهک نصرتی بنده کافیر ، او کوزل
محافظدر ! » دیر .

شهامت دینی ، غیرت دینی آنجق مسلمانلقدرد ؛
حقیقی مسلمانلق اک بویوک بر قهرمانلقدرد .
جبانته ، مسکنت ، دنیاده ، صیغماز روح اسلامه ..
کتاب اللهی اشهاد ایلدم - کوردک یا - دعوامه .
کورورسین ، حس ایدرسین وارسه وجدانکله ایمانک :

فرقه ، ملیت ، لسان نامیله دائم آیریلق ؛
 اڤ صمیمی کیمسه لر بیتنده اڤ جدی آچیق ؛
 اڤ گسه دن آرسلان کسيلمك ، جهه دن یالتاق کدی ...

مسلمانلق بزدن اول بویله ذلت کورمدی !
 حاملز برانحلال ایتمش وجودك حالیدر ؛
 روح اضمحلالمز اخلاقك اضمحلالیدر .
 ساده برسوزدر فقط حکمتلرك اڤ عجملی :
 برخلاص امکافی وار : اخلاقمز یو کسيلملی .
 یوقسه پڤ قورقونچ اولور قاتمرلشوب خسرا نمز ..
 چونکه هم دنیا کیدر ، هم دین ، اڤر یامازسه کز .

زده رؤیا! کوردیکک عیله واقعدر سنک .
 غیر واقع نقطه لر : آنجق اومهک صدمه نك ،
 برطیشاردن ، برقضا ، برنا کهانی اولسی ؛
 برده - اک یا کلش قناعت - آسمانی اولسی .
 داخلیدر صدمه .. خارجدن دکل .. اصلا دکل !
 صوگرا ، اولماز از قضا دنیاده برشی ، بویله بیل !
 نا کهانی لفظنک معناسی یوقدر ، هرزه در :
 اک بینسزلر بو استقبالی زیرا کسديرر .
 کوکدن اینمز برده هیچ برشی .. بوتون یردن طاشار ؛
 کندی اخلاقیله برملت اولور ، یاخود یاشار .

چیکنه نیرسهك بز بوکون ، چیکنه نمک استحقاقمز :
 چونکه عزت زده ، برباق ، زده در اخلاقمز .
 مسلمانلق پاك سیرتدن عبارتکن ، یازیق !
 اویله صابلانلق که لوئیاته : حالا چیقما دق !
 ظلمه طایمق ، عدلی تمک ، حقه هیچ آدی رما مق ؛
 کندی آسوده یسه ، دنیا یانسه ، باش قالدی رما مق ؛
 عهدی نقض ایتک ، یالان سوزدن تحاشی ایتمه مک ؛
 قوتک مداحی اولمق ، عجزی هیچ سویلتمه مک ؛
 مبتذل برچوق مراسم : انخنالر ، یاتمه لر ،
 شاقلا بانقلر ، ریالر ، متصل آداتمه لر ؛

الاسلام حسن الخلق

حدیث شریف

مأل جلیلی

مسلمانلار فزویك كوزلمكندره عبارتدر

بزكه يارمشدق شئونك اك بويوك عماننى ؛
چيكنه مشدك يوكسه لن امواج بى پاياتى ؛
بزكه ادوارك ، قرونك ، حادثاتك رغنمه ،
حاكم اولمشدق بوتون برعالمك ايامنه ؛
شيمدى تك برطالغهنك پامال اضمحلالى يز !
شيمدى ساحلرده محكوميتك تمثالى يز !
بويله برصدمه يله آلت اوست اولسون اك مدهش كمى ...
دهشتك تاثيرى جالا صارصيور انديشه مى !
اويله صالحيندر فلاكت ، اويله آنيدر اولوم :
هم كورور كوز ، هم عجب رؤياميدر ، دير ، كورديكم ؟

نهدن عزمك سوركسز، يوقيدر اللهه ايمانك؟
 چاليش دنياده انسان اول، الكده يكن هنوز دنيا؛
 او بر دنياده انسانلق دكلش يغما، كوردكيا!
 ديلكدن آخرت هيچ دوشميور اي مسلمان، لكن،
 اونك حقنده عاطل بر هوس محصولي ادراكك!
 بوجنونانه وهمكدن شفاياب اولمادن، شايد
 كيدرسهك بويله صفرا ليد، قاليرسين صوكر صفراليد!
 خيالات آرقه سندن قوشديغك يتمزي هي شاشقين؟
 سنك حالا حقيقتدن نه در اغماض ايچون حقك؟
 بو عالم شويله بر رؤيا ايمش، ياخود موقتمش..
 اوت عقباده آكلارسين نهمدهش بر حقيقتمش!

اگر مقصودی آنجق آخرت اولسیدی یزدانك؟
نه حكمت واردی ابداعنده هیچ یوقدن بودنیانك؟
«ازل» دن آیریلان روحك نشیمنگاه باقیسی
«ابد» كن، یولده اشباحك نیچون اولسون ملاقیسی؟
«ألت» لك آرقه سندن كلسین جنت، جهنمده،
نهدن ارواحه تکرار امتحان اولسون بو عالمده؟
دیمك: دنیا دكل پك اوپله استخفافه شایسته؛
دیمك: بر فیض باقی وار بوفانی عمره وابسته!
دیورلر: «كائناتك اصلی یوقدر، چونكه فانی در.»
أوت، فانی در اما بر نظردن جاودانی در.
سوركسزمش حیات... اولسون! مؤبد ذوقی، خسرانی؛
اونك بر سر مدیتدر بو حیثیله هر آنی.
«جهانك اصلی یوقدر، چونكه فانیدر» دین سرسم،
نهدیر «اوپله یسه خلقت پك عبث برشی چیقار.» دیرسم؟
نهدر دنیا به كلسكدن غرض، کیتمکمیدر انجق؟
ولو بر آ کلامق حرصیله اولسون یوقی اوغراشمق؟
غنیمتدر حیاتك، اغتنام ایت، طورمه ایرکندن،
یارین میلیونله فریاد اولماسین انفاس معدودهك!
بو عالم امتحان میدانیدر ارواح ایچون مادام،
دیمك: انسان دكلسین ایله مزسهك طورمایوب اقدام.
نهدن كچسین سفالتلرله، خیتلرله، ازمانك؟

بسم الله الرحمن الرحيم

ومن كان في هذه اعمى فهو في الآخرة اعمى
واضل سبيلاً

مآل جلیل

کیمک بودنیاده کوزی قایالی ایه آهزنده ده قایالی ، منی
اوراده کی شاتقیلغی دها زیاده .

نهایت نه یسه ادراک ایتدیکک شی عمر فانیدن ؛
اونک بر عینیدر مطلق نصیک عمر فانیدن .
خطادر آخرتدن بکله مک دنیاده هر خیری ؛
او بر دنیا بودنیادن دکل ، هم هیچ دکل ، آیری .
سن ای سرسم که اوچ کونلک حیاتک حکمی یوق .، دیرده ،
صائرسین اومدیغک آماده در فردای محشرده ؛
نه اُکمشدک که محصول ایسته یورسین برده فردادن ؟
سنک مشروع اولان حقک : بو کون خسران ، یارین خسران !

بر باقیک : حالامی حالا احتراض آردنده یز !
 صایغیسزلق آلویرر .. بر پارچه اولسون عارلانیك :
 وقتی چوقدن کلدی ، هم کچمکده در عارلانمه نك !
 طاورانیک خایقیرمه دن ناقوس اضمحلالکیز ..
 اویله بر بحرانه صامشدرکه ، زیرا ، حالکیز :
 ذوقه طالمق شویله طورسون ، وقتکز یوق ماتمه !
 طاورانیک زیرا کولونچ اولدق بوتون برعالمه .
 بکله شیرکن کوکده یوز بیکلرجه ارواح انتقام ؛
 یردم قالمش ، نعهشه بکزر قوم ایچون طورمق حرام !
 قهرمان اجدادیکزدن سزده بر قان یوقیدر ؟
 یوقسه : استقبالکزدن قورقولور ، بک قورقولور !

۱۳ حزیران ۳۲۹

بویله دوشمشیدی هر کس آیریلق سوداسنه؟
 بکزه یوب شیرازه سز بر مصحفك اجزاسنه،
 هیچ کورلشمیدی اولسون قید وحدت تارمار؟
 بویله اولشمیدی ملت جان اوندن رخنه دار؟
 بویله آجلقدن بوغازلارمیدی قاردش قاردشی؟
 بویله عادتمیدی، بی پروا، یمک انسان لشی؟

عرضمزد چیکنه نن، اولادیمزد طوغرانان!
 هی صیقلماز آغلمازسهك، باری کولمکدن اوتان!
 «حس» دینن دولتیدن اولسهیدی خلقك بهره سی:
 پایتختندن بوکون طاشمازدی سرخوش نعره سی!

قورت اوزاقلردن باقار، دالغین کورورمش مرکبی،
 صالدررمش آکسزین یایدن بوشامش اوق کبی.
 لکن عشق اولسون که آدیرمازده اوتلارمش اشك،
 صانکه طاوشامش کلن، یاخود قلیقسز کوستهك!
 کار صایارمش بر طوتام اوت فضله اولسون یوتمای..
 خصمی، دیرکن، چوللانیرمش یوتمان صوڪ لقمه بی!..

بر حقیقتدر بو، شاماز، بیلدیکك اسلوبه صوق:
 حالمر مرکبه قوردك عینی، اصلا فرقی یوق.
 بورنمزدن طوتدی دشمن، بز بوغاز قیدنده یز!

ومن اصبح لايهتم بالمسلمين فليس منهم

حديث شريف

مأل جايلی

کیم مسلمانلرک دردینی کسربنه مال ایتزسه اولوردوه دکلدیر

مسلمانلق نرده ! بزدن کچمش انسانلق بیله..
عالم آلامقسه مقصد ، آلدانان یوق ، نافله!
قاچ حقیقی مسلمان کوردسه : هپ مقبرده در ؛
مسلمانلق ، بيلم اما ، غالبا کوکلرده در!
ایسته م ، طورسون او پایانسز مفاخر بر یانه..
کوسترک اجداده آز چوق بکزه یین بر قان بکا!
ایسترم سزلرده کورمک عرقکزدن یادکار ،
چوق دکل ، آنجق ، نجیب اولاده لائق تک شعار .
وارسه شاید ، سویله ییک ، بر پارچه جق انصافکز :
بویله قانسزمیدی - حاشا - قهرمان اسلافکز ؟

«حيات او غورنده استخفافه شايان كورمدك خسران !
 كبرسين تكمه لر آلتنده راضى .. چيقماسين، تك، جان!
 يوركلا ك ملوث ، اك سفيل آمال ايچون چاربار ؛
 سيكيلر اك محال انديشه دن تيتير طورور پار پار !
 اولور حيت افرادنجه شخصى منفعت « معبود ! »
 صورارسه ك كيمسه بيلمزوارمى « حق » نامنده بر موجود .
 او ، طويق بيلمه ين ، معبوده قرباندر حيا حسى ،
 حيت ، آدميت حسى ، علوى حسلرك هپسى !
 بو حسسزلكله جمعيت يشارديرلرسه پك ياكليش :
 بر امت كوستر ، اولمش معنوياتيله صاغ قالمش ؟

او یر طوتمازسه هیچ معناسی یوقدر قید ناموسک .
 هم افرادک ، هم اقوامک بوخسدر ، وارسه ، وجدانی ؛
 اونک تعطیلی : انسانیتک توقیع خسرانی !
 بودر خلقتده جاری اک بویوک قانونی خلاقک :
 او یوزدن باشلار اضمحلالی ملترلده اخلاقک .
 فقط ، اخلاقک اضمحلالی اک مدھش بر اضمحلال ؛
 نه ملت قورتولور ، زیر ، نه ملت ، نه استقلال .
 اویونجاق صانماییک ! اخلاق ملی روح ملیدر ؛
 اونک افلاسی اک قورقونج اولومدر : موت کلیدر .
 اولور جمعیت آرتیق چارهسز پامال استیلا ؛
 مکر قالدیرمش اولسون ، روح ثانی ایندیروب ، مولی .
 اوت بر بعث بعدالموته امکان وارددر البته ..
 بونک تأمینی ، لیکن ، بر ییغین ادواره وابسته !
 اوجمیت که وجداننده حاکم خوف یزداندر ؛
 بوتون دنیایه صاحبدر ، بوتون اقوامه سلطاندر .
 فقط ، افرادی الله قورقوسندن بی خبر ملت ،
 چکر ، ملتک منفوری ، قبطیلر قدر ذلت ؛
 معالی میلی هیچ قالماز ، شہامت بوسبوتون قالقار ؛
 نه حاکمک طانیر آرتیق ، نه محکوم اولمادن قورقار .
 شرف حرصیله استحقار موت ایتمشکن اجدادی ،
 بیراقماز اویله بر پاکیزه نسلک شیمدی احفادی .

بِسْمِ اللَّهِ الرَّحْمَنِ الرَّحِيمِ

يا ايها الذين آمنوا اتقوا الله حق تقاته ...

مأل جلیلی

ای مسلمانان ، الهی ، ناصیل قورقون لازمه
اولیه قورقون ...

نه عرفاندر ویرن اخلاقه یو کسکلک ، نه وجداندر ؛
فضیلت حسی انسانلرده الله قورقوسندندر .
یورکلردن چکیلمش فرض ایدیلسین خوفی یزدانک ..
نه عرفانک قالیر تأثیری قطعاً ، نه وجدانک .
حیات آرتق بهیمیدر .. خاییر اونندن ده آچاقدر :
یا حیوان باغلیدر فطرتله ، انسان حرّ مطلقدر .
بهائم چیقماز اما خلقتک ثابت حدودندن ،
بشر حالا خبرسنز بویه برقیدک وجودندن !
مکر قلبنده مولادن تحاشی حسی یر طوتسون ..

قارشیکه مستقبلی دیکمش خدا ،
کورمه یه ، لکن دها یوق نیتک !

ای قوجه شرق ، ای ابدی مسکنت !
سن ده قیمیلدانه یه برنیت ایت .
قورقیورم ، غربک الندن یارین ،
قالمایه جق چکم دیکک ملعنت .

حق حیاتک دها چیکسنمه دن ،
قان دوکهرک آمالیسین مرد ایسه ک .
چونکه بوکون اورته ده حق صاحبی ،
برکشیدر : « حقمی ویرم » دیین .

قرشی طور و نماز ، جریان سینه چاك ..
 وارسه طور انلر اولور البت هلاك .
 طالع لرك آ كلامادن سیرینی ،
 كوز كوره كردابه نه در انهماك ؟

دهشت ماضی بی کثیر یادیگه ؛
 کیمسه یتیشمز یارین امدادیگه .
 مرحمتك یوق دییه لم نفسگه ؛
 مرحمت ایتزمیدسین اولادیگه ؟

« بن اونی دنیا یه کتیر دم ... » دییه ،
 قلقیشه جقسین دیمك اولدورمه یه !
 سوق ای دیورمش مکر انسانلری ،
 حق ابوت ده بوجانیلکه !

طوغریمیدر یأس ایله اولوق تباه ؟
 یوقمی کلوب غیرته برانتباه ؟
 بکله دیمك صبح قیامتیدر ؟
 کون باتیور ، سن آرییورسین صباح !

کوزلری ماضی یه باقن ملتک ،
 عمری تمادیسی اولور نکبتك .

اويان !

باقسەڭ آكېم بويى بۈكۈك آغلان ؟
حق حياتك سىڭ اى مسلمان !
قورتار اويىچارەيى الله ايجون ،
آرتىق اولوم اويقولرندىن اوبان !

بونجە زماندر اويودۇڭ ، قانمادۇڭ ؛
چكىمدىكك قالمادى ، اوصلا نمدۇڭ .
چىكىنەدىلر يوردىڭنى باشدىن باشە ،
سن يەنە بركرە قىمىلدانمادۇڭ !

تى دكل دىكلەدىكك ولولە ..
كوكرەيەرك آقئادە مستقبە ،
برابدى سلكە زماندر آدى ؛
هايدى قاتىل سىندە اوجوشقون سىلە .

كوكدن اوكا « يوكسل ! » دىين اجداد شهيدى :
 آرتىق اوده يوكسلدى ، فقط يردە اميدى :
 بربويلە شهيدكە مكافاتى ظفردر ،
 ويرمىزسەك ، السهى ، دوگولان خونى ھىدردر !

۱ كانون ثانى ۳۳۰

بالقاندہ کی یانغین دہا کول باغلاماشکن ،
بر باشقہ جہنم چیقیورسین ... بونہ ایرکن !

لکن بوجہنم اونی ییلدیردیمی ؟ اصلا !
اعلاہ سکیردوب طورویور نامگی حالا .
قوم طالغہ لرندن کچور اویلہ شتابان :
کویا اوصبا ، کچدیکی چوللردہ خیابان .
قار کتلہ لرندن اینور اویلہ یامان کہ :
برچاغلایان آققده یاروب طاشلری صانکہ .
قیزغین کونک آلتندہ بیابانی دولاشدی ؛
یاچین بوزک اوستندہ سہ کوب طاغلری آشدی .
آرتیق کیدیور : حقہ واران بر یولی طوتمش ،
اللہہ باقان کوزلری دنیایی اونوتمش .
جوش ایلیہ طورسون کریدن نوحہ خسران . .
یادندہ اونک شیمدی نہ ماتم ، نده ہجران !
یادندہ دکل لاهسنک حزن الیمی ؛
یادندہ دکل یاوروسنک طور یتیمی ؛
یادندہ دکل طوغدیغی ، تر دوکدیکی طوپراق ؛
یادندہ قالان خاطرہ برشی ، اودہ آنجق . :

بزرگه سنك اسمكى دنيايه طایندق ...
 کورد کسه مکفاتی ، یارب ، یتر آرتیق !
 چکدیر مدیکک هانکی الم ، هانکی اذادر ؟
 هر آنی حیاتک بزه بر روز جزادر !
 اجدادیمزک قنلری سلار کی آقش ..
 مقصدلری دینکله برابر یاشامقش .
 اولادی ده قربان اوله جقمش بو اوغورده ..
 اولسون ینه ، لکن بوایشیق یوقسولی یورده ،
 بر نور نظر یوقمی که باقسین باجاسندن ؟
 بر ییلدیز ، الهی ؟ بونه ظلمت ! بونه زندان !
 حالامی سهامزده کزن ليله مدود ؟
 حالامی کورونمز اوسحر باره موعود ؟
 عمرک دها الک جانی ، حرارتلی چاغنده ،
 چالقانمه دیز یاس ایله حرمان باتاغنده !
 کام آلدی جهان ، بز ینه فردالره قالدق ..
 آرتیق بزه کویسترکه اوفر دایی : بونالدق !
 بر امریکه اجدادی ده ، احفادی ده قربان ..
 اولمازمی بوملت دها تأییدیکه شایان ؟
 خسران ینه بیچاره نك آمالنی صاردی ؟
 آتییی نکاهنده قاراردیقه قاراردی .

بسم الله الرحمن الرحيم

ولا تحملنا مالا طاقة لنا به

مأل جليلی

طاقت کثیره ميه هکمز بوکی بزه بوکده ، اللهم ...

أی بونجه زماندر بزی تأدیب ایدن الله ؛

أی عالم اسلامی ازن ، ایگله دن الله !

بزلرکه سنک وعد الهیهکه ایناندق ؛

بزلرکه بیک اوچ یوز بو قدر ییل سنی آ کدق ؛

بزلرکه بشر بر سورو معبوده طاپار کن ،

ییقداق او یامان شرکی ، دویردک ابدیاً ؛

بزلرکه برر حمله ده او هامی بیتیردک ،

معبدلره معبود حقیقی بی کتیردک ؛

محمد عاكف

صَفَاحَات

بشجی کتاب

خاطرہ لر

اورینجی طبعی

استانبول

« کون دوغدی » مطبعہ سی

۱۳۴۷ هـ - ۱۹۲۸ م

حلامی بو آفاقه چوکن برده خونین ؟
نارک یتیشیر .. بکلیورز نوریکی ..

— آمین !

مستقبل ایچون سینئه ملتده امل یوق !
برعقده وار آنجق ، اوده : « توفیق ازل یوق ! »
سنسین ایده جک « وار ! » دییه وجدانلری تطمین :
چوق کورمه ، آلهی ، بزه برنفعه کی ..

— آمین !

قرآن آباق آلتنده سورونسونمی ، آلهی ؟
آیاتکک اوستنده یورونسونمی ، آلهی ؟
خاج کعبه نك آلتنده کورونسونمی ، آلهی ؟
چوکسونمی نهایت ییقیلوب قوسقوجه بردین ؟
چکدیرمه ، آلهی ، بوقدر ذلتی ..

— آمین !

والحمد لله رب العالمین

صوکی

ایکندی اولدیمی یاھو ؟ نہدر بو « صِلِّ ! » سسی ؟

.

اوت .. ایکندی .. کلک باری بردعا ایدلم ..
قبول ایدر دییلم .. حقہ التجا ایدلم :

یارب ، بزى أولدورمه بوھجران ایله ..

— آمین !

تا چیقما یه لم قارشیکه خسران ایله ..

— آمین !

یتیزی جلالکله کوروندکلرک آرتیق ؟
قربان اوله یم ، بز بوتجیلدن اوصاندق !
برفجر امید ایتلی فردالری تأمین ..
کوستر بزه یارب اوکوزل کونلری ..

— آمین !

فردالره قالدقسه اکر .. زرده اوفردا ؟
حلامی بواسلامی ازن ماتم یلدا ؟

قبیه عکس ایتدی . لکن ، یاریم ساعتدن بری تأثر ، ندامت
یاشلری دوکمه کده اولان جماعتک ایچندن پک آزی بوصدایی
ایشیده ییلدی .

شو ، خاچ قازیلق ایچون آلتی پارچه پارچه اولان ؛
 شو واقیز ایتک ایچون بوزلو کولده طوندورولان
 زواللیلر ؛ شو صوغو قلرده تیرهش ایتام ؛
 شو ، سونکولرله آرانمش دلیک دشیك ارحام ؛
 شو ، نعشی قانلی چاریقلرله چیکنه نن قیزلر ؛
 شو ، خاندانی سونلر ؛ شو خامانسلر ؛
 شو امهات پریشان ؛ شو دربدر اولاد ؛
 شو صاچ یولان نینه جکلر ؛ شو ایکلہ بن اجداد ؛
 شو ، بومبالرله چوکن قبهلر درونندن ،
 کیک ستونلری حائنده فیشقیران اجساد ؛
 شو کول بیغینلری آلتنده صاقلی کوکدهلری
 طواف ایدن ، او یورکلر طایانمایان فریاد ؛
 تیلترولرده کورولمز ، دکلی ، نازلی بکم ؟
 صیقیلدک او یله می ؟ طور باشقه صحنه کوستره میم :

بیلیرمیسین دیو یولان هانکی یوردک ایکلہ میسی ؟

[*]

[۱] واعظ بو یکی صحنه فجاعتی تصویره یاشلامق اوزره
 ایدی که ، مؤذنک ایکندی وقتنی اخطار ایدن « صل » سسی

قیزاردی چهره دنیا ، قیزاردی روی سما ،
 فقط شو ماویلی بایراق قیزارمیور حالا !
 اونک صالیندینی یرلرده بر قیزیل طوفان
 نه جان بیراقدی ، نه ایمان ، نه بوغماقدق وجدان !
 منارلر سریلوب خا که ، صوصدی معبدلر ؛
 ییقیلدی مدرسلر ؛ دوم دوز اولدی مرقدلر .
 مساجدک چوغی میدانده یوق ، قالانلر ایسه
 یا کوردیکک کبی میخانهدر ، یا برکلیسا .
 شهرده اولره باصقین ؛ قضاده قتل نفوس ؛
 قراده قالمادی تلویث اولونماقدق ناموس !
 یاپانده کیم ؟ آدی عثمانلی ، روحی یونانلی ،
 بوایشده الک متخصص بولوک بولوک قانلی !
 « مقدس اوردو » یی تأیید ایدن بو آزعینلر
 صاچوب صاووردیلر اطرافه اوپله یانغینلر :
 که اوغرادقلری یرلرده توتمیور بر اوجاق ..
 قیام حشره قدر ، بلکه توتمیوب طوره جق !
 آدیم باشنده شقاوت ، آدیم باشنده قتال ؛
 شناعتک نه قدر قانلی شکلی وارسه : حلال !

نه اولدی یادیکه هر کون خطور ایدن او نقوش ؟
 نه در بو کوکسکه چوکمش سواد جوشا جوش ؟
 نه دن قیصیلدی محیطکده چاغلایان نغمات ؟
 بر آشنا سسی طویسه یدم اولمده دن ... هیهات !
 او قانلی جانلی بیکیترکه : ظل بیداری ،
 قوشار کزردی سنک دوش امتنانکده ؛
 او آنلی شانلی کلینلرکه : نور دیداری ،
 او یوردی ناز ایله آغوش مهربانکده ؛
 او قهرمان بابالر ، آنه لرکه : ساحلکی
 دوزردی ، هر بری اولادیکک طوتوب الی ..
 او کولک لره برابر برر خیال تباه ،
 برر خیال دفين اولدی شیمدی .. او یله می ؟ آه !

سلانیکک ، سیروزک ، باق ، او نامدار اوواسی ،
 کیمک الندیه بوکون ، هانکی هایدودک یوواسی ؟
 زمینی او یله بویانمش که خون اسلامه :
 قیزیل کشافتی چوکمش جبین ایامه !
 قیزیل افقلرک آلتنده قیپ قیزیل هر یر ..
 قیزاردی ، باقسه ک آ ، طاغیر ، قیزاردی وادیلر ؛

او ، بالطه لره کسیدر ؛ بو ، سونکولره دلیک ..
 اوبک اوبک طور و یور یختی یختی قانله کمیک !
 بوتون ییقلمش اوجاق ، باشقه شی دکل کورونن ؛
 یوز اللی بیک بو قدر خانمانی بولدی سونن !
 سز ، ای بویانغینی احضار ایدن بش آلتی سفیل ،
 که ایتدیکز بزی خیرواتله صربه قارشى رذیل !
 نهدن خلیفه یه قرآنله باغلی آرناوودی
 آیردیکزده خراب ایتدیکز بوتون یوردی ؟
 ناصیلمش ، آکلاییکز ادعای قومیت ؟
 نه یولده محو اولیورمش باقیک که بر ملت !
 سز ، ای بوزهری اک اول قوصان بینسزلر !
 قاجوبده قورتولورز صاندیکز ... فقط ، نه کزر !
 بوکون ، بلاکزی بولمش دکلسه کز ، مطلق ،
 یارینکی صاعقه لر بینکزده پاطلایه جق ؟

شیشوب شیشوب کیدیورسین ، ذکلی ، ای واردار ؟
 یا بوغدیغک قادیغک ، ارککک حسابی می وار !
 مزارى اولمش ایکن بونجه نغش مو اچک ،
 جنازه یوتمایه حالامی طویماز امواجک ؟

سن ، ای شهید معظم کہ روح فیاضک
طویار نہلر چکیور یرده قالمش انقاضک ؛
او روحدن بزه بر نفخه اولسون ایندیرویور ..
کہ باشقه دورلو اویاماز بو کوردیکک اولولر !..

— نہدر شو قارشیده بر چوق قارالتیلر یورویور ؟

— مظفر اوردو اہالی بی شیمدی اُلدورویور .

نفوس مسلمہ چوقشده غیر مسلمہ دن ،

ادارہ مشکل اولورمش توازن ایلمہ دن .

دیمک توازن ایچوندرو مسلمان کسمک ؛

او حاصل اولدیمی آرتیق آدام کیلیمیه جک !

توازن اولمادی بسبلی : ہر طرف بانیور ،

اودون قییار کی سیکلر جہ سینہ طوغرانیور !

نہ رنک مظلّمہ کیرمش اویم یشیل قوصوہ !

شمالہ طوغرہ بوتون پرزرین ، ایپک ، یاقوہ ،

فضای محشرہ دونمش غریو ماتمدن ..

ہم اویلہ عرصۂ محشرکہ : یوق شفاعت ایدن !

نہ بر یاشندہ کی معصوم ایچون بشیکدہ حیات ؛

نہ سکساندہ کی مظلوم ایچون اشیکدہ نجات ؛

— نهدر اوزاقده نمایان اولان شو ایصسر اووه ،
که پك حزين طورويور ؟

— بيلميورميسين ؟ قوصوه !

ناصيل بيليردك ! اوت ، بيلمسه كده حقك وار :
پيراقماش که طاش اوستنده طاش قودوز جاناوار !
يول اوغراتربده بو صحرادن اوچه كچمشهك ،
كورورميسين ، باقالم ، بر نشانه كچمشدن ؟
نه اولمش اونجه مفاخر ؟ نه اولمش اونجه ديار ؟
ناصيلده بيتمش او صايمله بيتمهين آثار !
او ، ييلديریم كبي صاحبقرانلك ، ابدی
صدای قهری فضا سنده چینلایان وادی ،
بر انقلاب ایله ، یارب ، ناصیل خراب اولمش ؟
که چیرپینوب طورويور هر طاشنده بيك بايقوش !
مراد اولی قوينده صاقلایان طوپراق ،
کیمك آياقلى آلتنده ايکليور هله باق !
کیمك آلتنده بير اقدق .. کیمك امانتى !
او پادشاه شهيدك حضور هيبنى
صوکنده چيکنه يه جکمیدی صربك اوردولری ،
ايچوب ايچوب کلهرك اوکلرنده باندولری ؟

دپیوب خدا سنه قربان اولان شهیدادر .
 « یا بولغار اول . یا کبر ! » ساده خانک دید کی ..
 تنصر ایتمه یه قوبور میور اهالی بی .
 بهانه سیله امام کو . میو می . چیدیر هرق .
 « دوزجه صالدیری . ور انتقام اینچون اینه باق !
 صاریقترندن آصیل شدرک حسابی می وار ؟
 یتیشمیور کبی یز . برده کوک بوزنده مزار !
 سز ، ای باشنده کی دستاری ایتیموده فدا ،
 اونکله عالم لاهوته یوکسلن شهدا !
 نه موطلو سزله : دنیاده چوق اولوم کوردم ؛
 تخطر ایتیمورم بویله قهرمان بر اولوم .
 جهانده حبل الهی یه اعتصامه . سزک
 شو قهرمانلغ کزدر یکانه لوح کزبن !
 سز ، ای وجودینه اولور میوبده خاک مزار ،
 نسیم صافه کومولمش رجال برخوردار !
 بز الماسق بیله اعدادن انتقامکزی ؛
 خدا که دفتر ابراره یازدی نامکزی ،
 کونک برنده شو طاعنردن ایندیریر البت .
 او اتقامی آلان قانلی جانی بر مات !

سواحلنده اونك سوندورولدى اويلا حيات :
 كه آقدى سل كې آيلرجه خون مظلومى !
 -- بو قانلى پرده نهدر ؟

-- هانكى قانلى پرده ، شومى ؟

كوملجنه يله حواليسيدر كه ، بر جاناوار
 بو ملعتلىرى ياماز -- مكر كه بولغارلر ! --
 نه اختيار سچيور ، باق ، نه كيمسه سز طانيور ؛
 بش آلتى كونده اوتوز بيك آدام يوغازلانيور !
 يوماقلرك ده شيلوب سونكولرله وجدانى ؛
 آلمق ايسته نيور تا ايچندن ايمانى !
 برر برر اوليور عرضى ، مالى ، يوردى هدر ..
 كيدنجه هپسى آلدن : « يا بولغار اول ، يا كبر ! »
 شو ، كوكسى بالطه لرك اك كوريله پارچه لايان ،
 شو ، بينى طاشلرك آلتنده اوغرايوب قفادن ،
 قارك ، چامورلرك اوستنده ايكله ين جانلر ؛
 شو ، بريغين كومور اولمش ، كول اولمش انسانلر ،
 كه غازلى بزله ، او اولمازسه ، ياغلى قطرانله
 يافىلدى بولغارده شايسته بر صوغوق قانله ؛
 « صليبه سجديه وارمق خدايه عصياندر . »

نظرلرنده سونن كوزلك سونوك نظرى ؛
 قولاكلرنده جوارك انين مختصرى ؛
 قوجاقلرنده برر نعلش پاره پاره دفين ..
 اجلله اوغراشيور بر ييغين كميك .. نه حزين !
 يالين آياق ، باش آچيق ، بر باچورا صيرتنده ؛
 بو طام طاثير آطه نك طام طاثير محيطنده ؛
 آجندن اولميه محكوم اولان زوالليارى ،
 صولر بيراقسه ده بولغار بيراقيور طيشارى !
 نه قورتولور ، نه اولور .. درده باق ، فلا كته باق :
 حيات ؟ او حقي دكلدر . اولوم ؟ اولومده ياساق !

— ندر شو قارشىكي وادى يى بر آلو بورويور ؛
 فقط بيلان كې يرلرده قيورانوب يورويور ؟
 — ندرمى ؟ كوكره مسندنده باليدر : آردا .
 — يا امتداد مهينجه يوكسلن هر آطه ؟
 — مزار ساجى بيكلرجه كو كده نك ، قفانك !
 — بو قىپ قيزيل دره نك رنك آتشيى ، صاقين ،
 شفق بولوطلرينك ظلى اولماسين ..
 — هيات !

صلبی سینہ یہ چکمش دہ بکلیور .. نرمد !
 اذان صدائی دکل طویدیغک طین مدید !
 او شانلی معبدی سلطان سلیم مغفورك ؛
 کہ احتشامنه بکزردی صبح مخمورك ؛
 ناصیل غروب ایدیورمش کہ : بر ضیا ، بر نور ،
 او قانی بزلرك آلتدن اولیور منظور !
 نہ سینہ سنده خداوار ، نہ خاطرندہ نجی ..
 ظلام کفرہ کومولش بونجہ لاشہ کی !
 برر مزار مؤبد کیلمش اولرہ باق :
 بش آیدہ قرق بیکی سونمش کہ یاتیمور تک اوجاق !
 سوقاق سوقاق دولاشان صیحه : واپسین فریاد ؛
 درین درین طویولان سس : این استمداد .
 طیشارده کنیدی محکوم ، ایچرده ناموسی ..
 اسیری اولدوریور ، باق کہ . ظلمک اک قویوسی !

مریجہ طونجه نك اوستنده کوردیکک کومه لر
 ندر بیلر میسین ؟ انقاض تارمار بشر !
 سرای ایچنده کی بیچاره لر که هدی قادی ..
 کنارہ اورمش اولان قسمیدر بواجسادک !

ادرنه قلعه سیدر کوردیکک حصار مهیب ؛
 او ذروه سنده بیتن سیم سیاه آغاچه ده : صلیب !
 مراد اولی صیرتنده کز دیرن تپه لر ،
 ناصیل رکوع ایدیور فردیاده ، باق ، بوسفر !
 بزیمیدر صانیورسین شو یوکسلن بایراق ؟
 چکن : صاووف .. لالا شاهین دکل ، قوزوم ، ای باق !
 ادرنه .. ایشته او اسلامک هنین سوری ؛
 ادرنه .. ایشته او شرقک جین مغروری ؛
 ایکنجی عرش تعالیسی آل عثمانک ؛
 برنجی موقع فیاضی ، بلکه ، دنیانک ؛
 ادرنه .. ایشته او دارالخلافه ناک کلیدی ؛
 سفیل آیاقلری آلتنده بولغارک شیمدی !
 مظفر اردوسی حقبه انتقام آلیور :
 چولوق ، چوجوق ، قادین ، ارکک ، نه بولسه پارچه لیور .
 بوقتل عامه ده راضی بم احترام اولسه ،
 حریم دینی ده کچدک ، حریم ناموسه !
 شو درت مناردلی جامع که یوقدی هیچ برأشی ؛
 که پارلیوردی هلالنده صنعتک کونشی ؛

- آچیلما مش دبیہ اولرده قالمق اولمازیا !
- حقیقت او یله ! نه یاپسہق ؟ کیدرمیسین ماماہ ؟
- نه وارکه ؟
- اورته او یون وار . کلیرمیسین ؟ هایدی !
- قاووقلی ، حمدی می ؟ کرچک .. اوصاغ دکل ..
- عبدی .
- خایر خایر ! بکا لازم دکل نه عبدی ، نه شی ! ..
- نه دنسه پک عصیبسین بوکون ، فریدون بک !
- دکل ، بو طاتسز او یونلر چکیلمیور : مونوتون !
- پکی ! نه یایمالی ؟ سن باری سویله .. باق : ساعت اون !
- اوت ، نه یایمالی ؟ طور طور ! نه اسکدار ، نه ماما ؛
- تیاترو اولمالی ، یاخود کوزلجه برسینه ما .

دیمک تیاترو سورمش بنم سویملی بکم ..

اوحالده بن اوکا تام آلتی صحنه عرض ایدهیم :

که هر برنده دیکشسین بوتون بوتون آهنگ ؛

زمینی یکنسق اولسون ، اداسی رنگا رنگ !

اونوندى آیرانی ، معنوهه دوندى قهر اولاسی !
 حریفلرک ، هانی ، دنیا قدر بدایی وار :
 علومى وار ، ادبیاتی وار ، صنایعی وار .
 کیدن برر آووج اولسون کتیرسه مملکته :
 دوزر محیطمز البت محیط معرفته .
 قوجاق قوجاق طاشیور اولماقد مساوی نی ؛
 بکنمدهک ، « مدنیت ! » دییور ؛ ایناندق ، ائی !
 نهوار ، برازده معارف کتیرمش اولسه . . . « دیسهک ؛
 امین اولک سزه « حاملق ایتمه دم ؟ » دییهجک .
 نهقالدی آرقهیه ؟ دردنجی قسمک افرادی .
 بوزمرهکده سفاهت حیات معتادی .
 هم اعتیادینی هیچ برزمان دیکشدره مز ؛
 او نازلی سینهیه ، زیرا ، آجبقلی شی کیره مز !
 کچن قیامت ایچون « فیرطینهیدی . کچدی . » دییور .
 دییورده ذوقنه ، اور پاطلا سین ، دوام ایدیور !
 — بوکون فیوریامی ؟ اعلا ! یارین نهوار ؟
 — قونسر ..

« صولر » ده پک عمر اما ، آچیق دکل ، دیدیلر .

رذائل اولدیمی لیکن، شعاریدر هپسی !

بوتون کباره تریا کی بر قوپوق طانیرم . .

— نه اولدی بیلمیورم شیمدی ، صاغ دکل صانیرم —

قاز ، شناعتک اقسامی ، ارتکاب ، ایچکی . . .

خلاصه دفتر اعمالی او یله قاپ قاره که :

یاننده لیل جهنم صباح جنتدر !

« اوتانمیورمیسک ؟ ایتدکارتک رذائتدر ! »

دینیرسه کندینه ، ملتارتک اکابرینی

صایاردی کوستره ک هپسنگ کبارینی :

« فلان ایچردی . . فلان فحشه منهکدی . . . » دئییه

ملوثاتی بربر رجال ماضی به

اضافه ایتمه یه باشلاردی بانه ویرمک ایچین .

« پکی ! فضائی یوقیدی سویلدکریکک ؟ »

دیین چیقارسه « مورخلک ایتدم ! » دیردی .

شوزوبه لرده ، بوکون ، عینی روحی کوستردی :

فرانسزک نهسی وار ؟ فحشی ، برده الحادی ؟

قاییشدی بونلری « یکرمنچی عصرک اولادی ! »

یا آلماک نهسی وار ذوقی اوقشایان ؟ بیراسی ؛

بك اوغلك او ملوث محيط فاحشه
 طالار كيدر ، طاقيلوب برسفيلهك پشه .
 « حيا ، ادب كې سوزلر رسوم فائدهدر ،
 وطنه عايله ، حتى ، قبود زاندهدر . »
 ديورده هېسنة بردن قودوزجه صالديريور . .
 « عيب دكلى ؟ » ديمشسين ... عجب كيم آلديريور !
 نماز ، اوروج كې شيلرله يوق آليش ويريشي ؛
 مقدسات ايله اكلنمك لك برنجي ايشي .
 دويارسه كز « قاره قوت » بيلك كه : ايماندر .
 « كتاب كهنة » ده - حاشا - كتاب يزدايدر .
 اوشنمه دن او كا قرآنى آ كلا تيرسهك اكر ،
 شو از برنده كي اسماني متصل كوه لر :
 « قرون ماضيه دن قالمه جانسز اورادى
 چكرسه ، طوغره مى يكر منجى عصر ك اولادى ؟ »
 نهدر علاقه سى يكر منجى عصر عرفانه
 بوشا قلابان حريفك ؟ آ كلام عيب دكل آ !
 متاع فضلى مى وارمش آلنده كوستردجك ؟
 نهدر مزيتى ، كورسه كده بارى اوكرنسهك .
 خاير ! محاسن غربك برنده يوق هوسى ؛

قادین ديسەڭ ، كليور آرقەسندن ارکك آدى ،
 خاير ، قادین دکل ، ارکك ديسەڭ ، نەدر اوقیلیق ؟
 دمت دمتکن اوصاچلر ، نەمختصر اوبیلق !
 صداسی بايقوشە بکزر ، خرامی صاقصاغانە ؛
 خلاصە ، زوببە دیمشدم یا آرتیق آکلاسهك آ .
 فقط بوقوقنە حریف بریویوک سچیە طاشیر ،
 که ، حدم اونایه رق ، « آفرین ! » ديسەم یاراشیر .
 نەدرمی ؟ آکلاتیم : اویله برمتاتی وار ،
 که اک صاوملایه جق یأسی تک بیرایله صاوار
 سیکیرلرنده تأثر دینن فنالق یوق ،
 طبیعتندە اوتامقلە آشنالق یوق .
 بیلیرسکیز ، هانی ، انسانده بردامار وارمش ،
 که یوزسز اولق ایچون مطلقا اوجاتلارمش ؛
 ناصیلسه « ربم اوتانديرماسین ! » دعاسی آلان
 بو عارسزک اودامار ذاتاً اکسیک آلتیدن !
 جبینه کوردیمی اوج داهه چیل ، غروش ، نازلیم ،
 توقاتلیانده صاتار مطلقا ، کیدرده ، چالیم ؛
 اگر دولانديره بيلمشسه ایسته نن یاره نی :
 کورور محله لی تاقارناوالده مسخره نی !

اولورسه : بان كله جك حنئده مولانك .
 فنا قوروتى دكل ! نديرم . سورولسه بكا :
 « قبول ايدرسه سهن نه موطلو ، عمجه ، سكا ! »

ايكنجى زمره يى تشكيل ايدن جات ايسه ،
 حسانه كوسكون اولاندرکه : صاپلانوب ياسه ،
 « سلامتک يولى يوقدر . . نه ياپسه لر بوشنه ! »
 ديمشده خرقيه يى چكمش بوتون بوتون باشنه .
 بودورلو برحرکت محض كفر اولور ؛ زيرا :
 طلبه آمر اولوركى بر آيتنده خدا ،
 بووردی « كسم بکيز روح رحمتدن امید ؛
 که مشرکين اولور آنجق اوفجه دن نوميد . »
 بو بر ؛ ايکنجیسی : یأسک نه اولسه اسبابی ،
 اونک عطالت کلیه درکه ایجابی ،
 ترسباتی ایتمشدک اوکجه دن تحلیل .

اوچنجی زمره يى کیملر در ابله ين تشکیل ؟
 اوت ، شباب منور دینن شونسل سفیه .
 — فقط تزیهی بور جدر ایلهمک تزیه —
 بوزوبه لر عجبا هانکی جنسک افرادی ؟

حريم شرع مېنك ، زمين اسلامك ،
 برر برر يېقىليركن حصون اجلالى ؛
 يرندن اوينادى يرلرده ، زلر ايامك
 تقاباته بيكانه يز خيال ايتدك ،
 قيملداقمسزین ايمانی كفره چككندك !
 قيملداقمق ينه يوق بزده جبرمافانه :
 كيم اغرامشى ، اونوتدق ، كچن بليآه !
 بزم محيطى ، بزم خاتى سیر ايدنجه نظر ؛
 كوروركه : ينى بوزولمش ييغين ييغين قفا وار .
 دوشونجولر متخالفدر استقامتمده ؛
 شواركه ، هېسى نهايت ولور سقامتمده !

برنجى زمرىي تشكيل ايدن زواللى عوام ،
 ييراقسلر ايدمكك ، طاتلى اويقوسنده دوام .
 بوكون نصيبنى يرلشديرنجه قورصاغنه ،
 « يارين » نهدر ؟ اونى بيلمز ، يانار دونوب صاغنه .
 ييقيلسه عرش خلافت ، طيقيلسه قبره وطن ،
 وظيفه سنده دكل : چونكه « هېسى اللهدن ! »
 نه حكى واردر اساساً يالانجى دنيانك ؟

خدا رضایى ایچون قالدیرك نفاقى . . . کماه !
 آلو صاچاقلره صارسین می ، یاعبادالله ؟
 صارارسه هانکیکزك خانمانی قورتوله جق ؟
 اوبرطوتوشمايه کورسون ، نه ایدقایر نه اوجاق !
 نه دن بش آلتی وطنمز ، بش آلتی قونداقچی ،
 آلاى آلاى بولیور ، آرتمه سنده ، یارداقچی ؟
 نیچون حقیر اولیور ، سوکره ، طورمایوب اوتهدن
 « قوشیک ! دین ، بوجهنم هنوز قیغیاچیم ایکن ؟ »
 نه ایتباهه چالیشمق ، نه اعتلايه امك ؛
 جهان ییقیاسه بزم خلق اویانمادن کیده جك !
 اونك قیامی ایچون صوری بکله مک لازم !
 بودویغوسزلغه برچاره یوقی اللهم ؟
 زواللی کویلوپه ، ایلکین ، ایچه سوکمشلر ؛
 ایشیمه مش . . بوسفر براودونله دوکمشلر .
 برردا وول قدر اولمش ده بودلرنده کی شیش ،
 « داوول چالیناده ، ظنم ، آشاغیکی اوده ! » دیمش .
 اینجه ، دیرکن ، اودونلر بودر ، دیوب بینی ،
 « داوول بزم اوه کلش ! » دیمش سوکنده ، هانی ؟
 بزمده حالمز عیدله کویلونك حالی !

چيقار يول اولمايه جق ، قورقارم ، بوسايدىغىكز !
 كورنجه فسلى ، آتياق ، طاسار لايوب بىچاغى ؛
 كورنجه شاپقىلى ، سىنمك ، دىكشديروب سوقاغى ؛
 كوكلكل آرى اولوش ، سىنهلر براولسه بيله ..
 نفاق علامتى بونلر ، قوزوم ، تاميله : [۱]
 نفاقه بغض ايدىكز خالصاً لوجه الله ؛
 خلاص ايدر سزى اخلاصكزله بلكه الله .
 منافقك صوكى كلز ، سوز سفىل اوجاغى ..
 بوكون توترسه : هنوز كله مش ، ديمك كه ، چاغى !
 ندركه ، ويردىكى يانغىنله مملكت ده بىتر ،
 صاچاق طوتوشمان اول باصيلماشسه اكر .
 ياننده ياش ده يانار ، چاره سز ، يانان قورونك ..
 دىيور كتاب آلله : « اوقتندىن قورونك ،
 كه ساده سزدهكى ارباب ظلمى استيلا
 ايدرده ، صوچىسز اولان قورتولور دكل اصلا ! .. » [۲]
 حساب ايدك نه قدر بىكناهلك آقدى قانى ..
 بش اون وطنىسز ايچون ناره ياقايمك وطنى !

[۱] استعين بالله : بأسمهم بينهم شديد تحبهم جميعاً وقلوبهم

شقى - [۲] واتقوا فتنة لا تصيب الذين ظلموا منكم خاصة ...

که دیکله مزسه کز البته محو اولور ملت :
 سزک فلاکتکز : تارمار اولان « وحدت » .
 اکر یورکلریکز عینی حمله چارپارسه ؛
 اکر او حس کی تک ، رده غایه کز وارسه ؛
 دوشر دوشرینه قالقارسکز ، امین اولیکز ..
 دیمک که برلکی تأمین ایدنجه قورتولورز .
 او حانده ، وحدته حائل به وارسه چیکنه ییکز ..
 بو آیریلقدنه دن ؟ بر دگلی هر شیشکز ؟
 نه فرقه هرزه سی لازم ، نه درد قومیت ؛
 بزم دیانته صیغمازسکز ، طقوز ملت !
 بوتون بو تفرقه لر ، ایتسه کزدی استکنانه ،
 کوروردیکز زره دن کادی .. یا عبادالله !
 حضور حقه ناصیل طویل طور دیکزدی دمین ؟
 کناهدر ، ایتیمک آرتیق ؛ عیدر ، ایله میک !
 شو احتراصه اویوب آزمی ویردیکز قربان ؟
 شقاق ایچون می ایدر ، ساده ، قلبکز ضربان ؟
 نه دن اخوتکز بویله منحصر نمازه ؟
 حقیقته حولی به هرکس نیچون بوغاز بوغازه ؟
 نه مسلمانغیدر ، آکلامام که ، یاپدیغکز ؟

کورنجه آکدم او دریالرك تراحنی :
 که دالغهلر کبی. عمان سرمدیتده
 برر سجود ایله کمنام اولور نهایتده!
 صفوف آیاقده ایکن، دالغهلر آیاقده ایدی؛
 خروش ایدنجه خطیبک ندای تحمیدی :
 سربلدی یرلره « یکپاره » برجهان خموش،
 که امتداد مقابردی، اوילה دوشا دوش!
 اوموجه اوموجه اوزانمش طوران حظاردن،
 طویولدی اوردینی بیکلرجه سینهنک بردن!
 مزارلرك بو یورکلر دایانماز آهنکی؛
 یورکلرکده حزین انکسار یکرنکی؛
 کتیردی جوششه عمان سرمدیتی ده؛
 ختامه ایردی نهایت او سرمدی سجده:
 زمینه رعشه ورن بر درین صداکلدی؛
 دمینکی دالغهلرك، شیمدی، هپسی یوکسلی !
 بو هرچ و مرج عبودیتک توالیسی؛
 سقوطی جههلرك، صوکره دن تعالیسی،
 نمازده هم بنی کوز یاشلریله آغلادتدی؛
 هم اوילה آغلانه جق بر حقیقت آکلادتدی،

يتيشميورمى كه دنيا اونده چكديكمز.
 يارين ده يوكانه لم عالمك كنهاني بز؟
 هم اتخاره اوزنمك نه سيمه سى خسران!
 بوجاق بوجاق صاووشك، مسلمانسه كز، بوندن.
 حمانه قارشى نهدر، سويله ييك، بويلغينلق؟
 رئيس عالمك اتخارى : چيلغينلق!
 خلافتك، او هنوز پايدار اولان عرشك
 سقوطى مدهش اولور.. دوشمه سين، آمان، باپيشك!
 نهدر بو تفرقه، ياهو! اوتانميورميسكز؟
 كچن خجايه حالا اينانميورميسكز؟
 كومولمك ايسته مه ينلر بويجه خسرانه؛
 نفاقى كومملى آرتيق مزار نسيانه..
 اونوتديكمزى نه قورقونج ادبىز اولديغنى؟
 آشوبده كچمىشى خورتلامايك شوملعونى!
 دمىن، خشوعه واران برقيام خشيتله،
 حضور خالقه طور مشديكز جماعتله.
 يارنجه قبه يى «الله اكبر!» اقرارى؛
 بوشاندى يرلره حقت سماي اسرارى.
 اوكمده جوشه كلن صفلك تالاطمنى

کور اولسون آغلامیان. ای وطن، فلا کتکه؟
 جماعت! آلوریر آرتیق، بو اویقودن اویانیک،
 خدا رضاسی ایچون، دونکی حادثاتی آکیک!
 قیمیلامازینه گلزسهک ایتباهه بوکون،
 ایکنجی اویقونه دهشتلی بر اولوم، دوشونک!
 اولوم قولای.. دییه بیلسهک صوکنده: « قورتولدق! »
 بو اتحار اوتهدن، اوچ یوز اللی میلیونلق،
 زواللی عالم اسلام ایچون الیم اوله حق ؛
 بزا اولماسهق بو قدر خایمان یتیم اوله حق!
 غیجیر دامقله برابر سریر شوکتمز ،
 بو دینی قورتاران آنجق بزم حکومتتمز.
 تونسده، فاسده. جزایرده، چینده، ایرانده،
 جاوایله ، خطه هندیده، بلکه آفغانده ،
 سیدیریا، خیوه، بخارا، قیریم محیطنده،
 یاشارکن اهل صلیبک نفوذی آلتنده؛
 زواللی عالم اسلام اکر صلیبه هنوز
 صاریلایورسه، قولندن چکن: خلافتکمز.
 خلافت اولماسه: دنیا تنصر ایلجهک..
 او حالده، شیمدی بزم حقمز دکل اولمک.

اگر حیاته قصد ایلورسه کز.. باشقه!
 فقط بو مسئله، بیلیم که، قالدیررمی شاقه؟
 خایر؛ حیات و طندر عموم ایچون غایه؛
 « وطن! » دیوب کیریور هرکیرن مجاهدهیه .
 بو « هرکیرن » له، طبیعی، طوئجه ایت داماری،
 مقدساته قدر صالدیران بش اون چوماری
 حسابه قاتمائی هیج بر زمان دوشونمورم:
 او تاصمه سزله انسان دیئکده معذورم.
 وطن محبتی، ملت یولنده بذل حیات؛
 خلاصه؛ عائله حسیله جمله حسیات؛
 مقدساتی ایچون چارینان یورکده اولور.
 ایچنده لش طاشیان سینهدن نه خیر اومولور؟
 وطن فلا کته دوشمش.. اونک حمیتی جوش
 ایدرمی ظن ایدیورسین؟ حریف: وطن بر دوش!
 بولنجه کندینه بریر، طوئجه کور بوغازی؛
 قاپاندی، کیتدی، باقارسین که، نکبتک آغزی؛
 فقط، سن اویله دکلسین: سنک یانار جکرک:
 « وطن! » دیوب اوله جکسین سماده اولسه یرک.
 ناصیل تحمل ایدر حر اولان اسارتکه؟

آتوب ده يازمه يى بز باغلامقله دونكى هودوك ؛
 يا قالحين آتته يوكسك طويوقلى ، اكرى بورون
 فوطين چكوب فيليز اولمقله هر زمانكى اودون ؛
 خدا رضاى ايجون ، « اهلى بم ايشك » ديمسين !
 ديمش ده اولسه ، دينيلسين : « قوزوم ، نه نك نه سيسيى ؟ »
 ديورسه كز : « ينه ، حالا بو ، اولماسين مکتوب ! »
 نه ظيرظوب ايسته ييك آرتيق ، نه بوسبوتون مجذوب !
 او : يوكله دير قوجه مان بر صيغير بوؤرده ىرى ؛
 بو : عرشى فرشى ييقار صائلادقجه چيخته لرى !
 بزم چوجوقلره كلز نه اويله چيخته كيدن ؛
 نه بويله عرشه قدر چيخته صاللايان يردن !
 اوت ، علومنى عصر ك شبا به اوكرده لم ؛
 مقدساته ، فقط ، چوقجه احترام ايدم .
 اكر حياتى قصد ايليورسه كز وطنك :
 باقيك ، عناصر اسلامى هانكى رابطه نك
 دوامى باغلايه سيلمش بو مشترك وطنه ؟
 قاييلماييك اونى اهمال ايدوب صلاح او مانه .
 او رابطه يله بو ملت بولور بولورسه فلاح ؛
 او بر چوزولديمى ، هرشى بىتر معاذالله ؟

فلا کتک باشی ، هیچ شبهه یوق ، جهالتز ؛
 بو درده چاره بولونماز - نه اولسه - مکتبسنز .
 نه کرد الفبائی سوکمش ، نه تترک اوقور ، نه عرب ؛
 نه چرکسک ، نه لازک وار ، باقیک ، النده کتاب !
 خلاصه ، ملتک افرادی بیلکیدن محروم .
 اونوتماییک شونی لکن : « زمان : زمان علوم ! »
 زمان زمان علوم اولماسهیدی بویله ،ینه
 - کمال شوق ایله مادام آتیلمشنز دینه -
 اوقور یازار اولاجقدق صیانه دینی :
 اونک معارفه وابسته ، چونکه ، تأمینی .
 زواللینک یوزی یوق جهله ، آکلاشیلما دیمی ؟
 دیمک که : آتمالی یز علمه طوغرو ایلک آدیمی .
 محله مکتبیدر ایشته اک رنجی آدیم ؛
 فقط ، بو خطوه بی ایلکین تاصارلامق لازم .
 معلم اردوسی دیرکن ، چکرکه اوردولری
 چیقارسه اورتهیه ، آرتیق حساب ایدک ضرری !
 « معلم » دین اولمق کرکدر ایمانی ؛
 ادبی ؛ صوکره لباقتی ؛ صوکره وجدانی .
 بو دوردی اولمادن اولماز : وظیفه ، چونکه ، بویوک ؛

او احتیاجی ، فقط ، او کرده دن « معلم » در !
 دیوب قرارینی ویرمش که ، عیناً اجرایه
 قوتجه ، اورته یه چیقمش بوکونکی آلمانیا .

« سه دان » ده اوردوینی تسلیم ایدن فرانسزلر ،
 - که هر زمان او وقوعاتی یاد ایدوب صیزلا -
 نه دیر ، بیلیرمیسکز ؟ همده اویله در اینانیک :
 « معلم اوردوسیدر حرب ایدن پروسیالینک ؛
 معلم اردوسی ، لکن ، اصل مظفر اولان !
 بو سوزدن آمالیدر ، هیچ دکسه ، عبرت آلان .
 - نه چاره ! عبرته حالا هوسلیدر چوغمز ؛
 یتشمه مش کبی دنیا یه عبرت اولدیغمز ! -
 شو جهلمزله مصیبت می قالدی اوغرامادق ؟
 محله مکتبی لازم ، دوشونمهیك آرتیق !
 محله مکتبی اولسه یدی بزده وقتیه ؛
 یا اوغراسه یدی قالانلر کوزلجه تعدیله ؛
 یاریم بابوجه کزن ، طونسزاوچ بوچوق زیبیدی ،
 بر آناوودلنی عصیانه قالدیررمی ایدی ؟
 بوکون عناصر اسلامی بر دنی جریان
 سورو کلیورکه : باقیك نردن ایلور نبعان .

دوشوندى : ملتى اعلايه چاره هانكيسيدر ؟
 دوکولدى اورتیه آرای انجمن بربر :
 سیاست کیمی قورتارمق ایسته مش قالانی ؛
 دیمش که دیگرى : « عسکر خلاص ایدر وطنی ؛ »
 اودیر : « دونانمایه واردر بوکون اشدلوزوم ؛ »
 بودیر : « خایر ، دها الزمدر اکتساب علوم ؛ »
 کیمنده صنعته رغبت ؛ کیمنده نقده هوس ؛
 خلاصه ، هر قفادن باشقه باشقه چیقمش سس .
 براختیار یالکز دیکله یوب بدایتده ؛
 « محله مکتبی لازم ؛ دیمش نهایتده .
 زواللینک سوزی پک آ کلاشیلما مش ایلکین ؛
 « بوناق ! » دین بیله اولمش دوشونمده دن ؛ لکن ،
 حریف ، بو سوز نه دیمکدر ، کوزلجه شرح ایتمش ؛
 دمینکی لافلری پک واقفانه جرح ایتمش .
 صوکنده : « قوتمز ، شبهه سز ، ایلرله ملی .
 فقط دوشونملی هر شیده اوکجه دن تملی .
 تعمم ایتسی لازم معارفک مطلق :
 اوقور یازارسه اهالی ، نه وار یاییلما به جق ؟
 دونما ، اوردو برر احتیاج مبرمدر ؛

برر زبان تظلم اوزاتدم ، ای نادان !
فقط چامورله قاپاردكده هرکون آغزیمی سن ،
زیاده سویلیه مزدم صوصاردم آرتیق بن ! . . »

حکایه حاملزك عینیدر ، دکلې ؟ اوت !
شوفرقي وار يالكز : بزده يوقدكل قوت .
يیغین ییغین سقطاتیله کچمش ادوارك ،
ییقلمش اولسهده برخیلی قسمی دیوارك ؛
بنای ملتی اعلا ایدن تمّل صاغلام .
دیمك كه قورتولورز بز بوکون اولورسهق آدام .
اونكده چارهسی ال برلکیله غیرتدر .
چالیشمهك او قدر ذوقی واركه : حیرتدر !
هزیمتك صوکی اولمك دکلدر البته .
دوشنلر اولدی زمانیه عینی عاقبتہ ؛
فقط بوکون ینشایورلر ، هم اسکیندن ای .

ناصیلسه غائب ایدوب کاملاً محاربه یی ،
اسارت آلتنه کیرمشدی بر بویوك ملت .
ذوی العقول آره سندن سچیلده بر هیئت

چولوق ، چوجوق بئرز سوكره سېپ ، معاذالله !
 بو حېسبال ابله بيللر كلير ، كچر . . ديركن .
 كلير باقاركه بر آقشام : او آشيان كهن
 بيقيلمش ، آلتنه آلمش زواللى عايله يي !
 كورنجه قارشيدن آدجكز بو هائله يي ،
 ييغينه طاش كسيان : ددينك خرابه سنه
 دوزده ديركه : « مكر آلدانير مشم . ديسه كه !
 نه اولدى بونجه نيازم ، اى آشنای قديم ؟
 چوجوقلرم اوله جقكن ن اولدم ايشنه يتيم !
 صاقين بيقيلما خبر ويرمه دن . ديتزميدم ؟
 بوميدى سندن ، آظالم ، بوميدى اميدم ؟
 حقوقي ، عهده كوزتمك نه در ، صاقين بيلمه !
 يازيق ، يازيق سكا صرف ايتديكم امكليمه ! . . . »
 او طاش ييغينلري برهاتنى لسان اوله رق ؛
 زواللى آدمه دير : « حقسنز انفعالى ييراق !
 كچوبده قارشيمه فرياد . ايدر ميسين شيمدى ؟
 خبرمى ويرمدم ، اما قولاق ويرن كيمدى !
 ديوارلر مده يازيق صانديغك آغيزلردن

فقط بومسخره لقلر دوام ابدوب کیتمز؛
 « آدام، بنم نه مه لازم ! » دیمکله ایش بیتمز .
 تجلد ایله مسندن ییلوب ده زندیقک،
 آغیرجه آلماسی، برفته درکه، صدیقک :
 جناب حقه صیغینمش . او هیبتیه ، عمر ! [*]
 امین اولک، بزی مایوس ایدن فلا کتزر .
 وظیفه حسنه بیکانه لک بلاسی بوتون ،
 کوچوک، بویوک « نه وظیفهم ! » دسین ده ایش یوروتک !
 احواله کلدی که ملت وظیفه سز لکدن :
 وظیفه حسی ده کافی دکل، بوکون، جدآ
 اوت . اونک دها فوقنده احتیاج آرتیق . .
 اواحتیاج ایسه : ملتجه بر فداکارلق .
 شوققره سیله ، حقیقت ، جناب مولانا
 نگاه عبرته آچمش جهان قدر معنی :
 ده لیک ، ده شیک اوینک ، برزوالی خانه خراب ،
 کورورده حالنی ، هرکون ایدر شو یولده خطاب :
 « ییقیا ماها ! بنی اولجه ایتمه دن آگاه ؛

[*] کان عمر بن الخطاب نقول : « اشکو الی الله من تجلد

زندیق و بطاۃ صدیق . »

ياننده اوغراشه چيسين ، باشنده منكنه نك .
 پكى ! لياقت فطريسى آدمك ساده ،
 كفایت ايله ميوركن بواك خسيس ايشده ؛
 يا اجتهاده ناصيل قالقيور بوسر سملر ؟
 او اجتهاده كه : دنيا قدر علوم ايستر !
 صوقارسه بورتني هر كس دوشونمەدن هرايشه :
 قالير سلامت مليه مز او بركليشه !
 نەدن وظائفى تقسيمه هيچ ياناشميورز ؟
 اولورسه ركيشينك قولتوغنده اون قارپوز ،
 او بركليشده ده ممكن دكل سلامتمز !
 يازيق ، يازيق كه ، بويوزدن بوتون فلاكتمز .
 ايشك رچالري كيملرسه چيقسين اورته يره ؛
 نه وار ، نه بوق ، بيلهلم ، هيچ دكلسه ، بركره .
 صباحلين متفلسف ؛ ايكندى اوستى فقيه ؛
 صولر قارارديمي پك يوصمه براديب نزيه ؛
 يارين مورخ ؛ او بركون سياستك قوردى ؛
 باقارسين : ايرتسي كون اجتهاده پي اوردى !...
 خلاصه ، بوقلمون فطرتنده زوبه لرك
 النده مسخره اولدق .. ديكده ، حكى ويرك !

نه درمی ؟ آ کلاته یم : سزده اولمایان عرفان .
 براز حیا ایدك او یله یسه شاقلا باناقدن !
 کیلیدلیدر قانی « اتمی دهات » ایچون ، اما
 قیام حشره قدر اجتهاد ایدر « علما » .
 اوت ، شرائطی موجود اولنجه انسانده ؛
 نه قالدی منع ایده جك اجتهادی ، میدانده ؟
 الی الابد یتیشیر مجتهد بوأمتدن ؛
 شووارکه : چیقمالی فردای نوره ظلمتدن .
 قیاس فاسده بر کره ایله یك دقت :
 سویشی آچدی حریف .. طوغرو .. نه یله آچدی فقط ؟
 اوموزلامقلمی ؟ هیات ! او یله برفنله ،
 که بر عمر تلف ایتمش اوفنی تحصیله .
 دوشونمور ، قوپوقلرکه : مجتهد کچین ،
 زماننك اوله جق مقتداسی عرفاناً .
 کتابی ، سنتی ، اجماعی صاغلام آکلاه جق ؛
 خلافی یوقلایه جق ، احتیاجی قوالایه جق .
 نه اجتهادی یاپار ، یوقسه ، بر آلائی - ذمی
 قدر نصیبه فقهیسی اولمایان - امی ؟
 قوزوم ، اشك نعلی یاپسهك : براوسطه چنسانه نك

سویٹی یاردی حریف .. آق دکیزله شاب دکیزی
 بیتیشدی . اوله یا ، بزورده کندی فیکریمزی
 چیقارمش اولسهق اکر ، شیمدی ، قوددن فعلاه ؛
 قوجاقلاشیر مدنیته دین تمامیه .

سویشك آغزینه هیکل ناصیل دیکلمشه ،
 بقای نامنی تأیید ایچون « دولسپس » ه ؛
 بزمده حقمر البته ، اجتهادی یاران
 قانال بویجه بررهیکل ایسته مک اوزمان !

باقیک نه کونلره قالدق : یابش ، یا آلتی قوپوق .
 یاماقلریله برابر - که هپسی قیل قویروق -
 اوتانمادن چیقیور ، اجتهاده قالمیشیور !
 بوحاله قارشى تحمل حقیقه پک زور .
 حریمی شرع مینک آخور دکل .. اورادن
 چکیلده کندیکه برساحه بول ، بهی نادان !
 کلیدلی برقایی وار اورته یرده آکلاسهک آ :
 حرمسرای شریعت دکل طالان طالانه .
 ناصیل که هرقایینک آیری بر آناختاری وار ،
 اونکده وار . بونی ادراک ایدر برنجی نظر .

اگر طهارت وجدانه دقت ایستهدک ؛
 بوحاله کله به قالمزدی اورته یرده سبب .
 باتاقده ، بیتده اومردار عطالتکدن هپ !
 زوالی ملتک ادراکی تارمار اولالی :
 محیط علمه کیرن یوق ، دیار فن قابالی ؛
 صنایعک آدی باتمش ، تجارت اویله سنه ،
 زراعت اولسه ده .. آدم نجی اصولی ینه !
 خلاصه ، هپسی چالیشمق . یورولمق ایسته یه جک .
 فقط چالیشمق ایچون اوکجه شرط اولان : ایستک ..
 او یوقسه ، هانکی وسیله یه بز ایلر لیهلم ؟
 صیقتیسز متفنن ، اوزونتوسز عالم ،
 نه طاتلی شی ! بوکا برچاره یوقی ؟ هاه ! بولدق :
 توقانلیانده ، یارین ، طوپلانیر بش آلتی قوپوق ،
 برر قدح بیرادن صوکره طاورانیر ایرکن ،
 اوموزلابوب قیراریز باب اجتهدی همان !
 قیریئادن آجیلیر شی دکل : کلید مدهش !
 کلیک ، اوموزلایهلم .. براوموزلامقده در ایش .
 جسارتک مدنی شکلی ایسته بویله اولور ؛
 اوزون دوشونمه یه کلز ، قراریمز بوزولور .

قىمىلدا دىقچە كومولمىكە بوسبوتون باتاغە !
 زمان زمان باقوب اطرافە دىش غىجىراتدى ،
 عىطى ، چونكە ، يوروركن اومتصل باتدى !
 فقط بوكون آجىنير برنظرله باققەدە :
 اوموزدە ، چونكە ، باناق شىمدى ، جانسە غىرتلاقەدە !
 هنوز كومولدى بىچارەنك جىلنر بويونى
 قوشوب خلاص ايدىكنز بارى صوك دمنده اونى .
 فقط ، خلاصى ايچون اك امين طريقى طوتك ،
 شويىس باتاقلنى بركره محو ايدك ، فوروتك .
 قولاي دكل بوده ، لكن . بوبوك وقوف ايستر ؛
 دوشونجه يوقسولى ، ظىپ چىقدى مجتهدلر اكر ،
 طالارسەلر او رذيل اجتەادە برمعتاد ؛
 اولور زواللىنك آتيسى بوسبوتون برباد !

صاقىرغەدن دها ايكرنج اوبك اوبك تورودى
 وجود ملتى صوك كونلر اويلە بربورودى :
 كە طاورانوب اوطفيلاتى آكسزىن قوغاجق
 اولورسە قورتولەجق بلكە .. يوقسە ، بيت بوغاجق !
 اكر وجودىكى برپارچەجق كوزەتسەيدك ؛

ناصیل اینرکه ، اوکندن قاچوبده نیرانک ؛
 جوار نور نبوتده ملتجا بولسهک ؛
 بودورلو قورتولوش امکانی یوقیا .. قورتولسهک ؛
 شو ازدحامک الذدن - که بلکه بر میلیار
 نفوس خاسره در - قاچق احتمالی می وار ؟
 بوکون فسادیکه قربان اولان زواللیلرک
 وبالی بوینکه یوکنمسین می ، یوقسه ، یارین ؟
 قولایمی امتی اضلال ایدوب سفیل ایتک ؟
 قولایمی دینی خرافات ایچنده ایکله تیک ؟
 نیچون کتاب آلهی یی پایمال ایتدک ؟
 نیچون شریعتی مردار الکله کیرلندک ؟
 چیقوب تنمه یه یوقیدی یاشقه بر ساحه ؟
 نه در بوصاللا دیغک چیفته کعبه اللهه ؟
 حریف ! شوملت معصومه دن نه ایستردک ،
 که طوغرو یول دییه طوتدک ، ضلالی کوستردک ! »

زواللی چیرینیور بویلا دقجه خسرا نی ..
 کناره قاچایه اولسهیدی باری درمانی .
 یازیق که چیقماق امیدیه قالدقهرق آیاغه

خواصی مسخره یابدق ، عوامی آلداندق .

بیقوب شریعتی ، بام باشقه برینا قوردق ؛

نجیه عطف ایله بیکلرجه هرزه اویدوردق !

او حال ی پولدی که جرأت : « یجوز فی الزغیب ... »

قرار اردلی فتوی کسیدلی ! .. هم نه غریب ،

حدیثی وضع ایدیورکن ثواب امان بیله وار !

ثوابی وارمی ایمش ، برزمان کلیر ، آکلار !

جهانی تیترة تیورکن ندای « من کذب ... »

ایشتمیورمی ، ندر . برباقیک شو بی ادبه :

لسان باء نیدن یالانلراویدوریور ؛

صیقیلما دده « ثواب ایشلدم » دیوب طورییور !

دوشونمدکی کیررکن شریعتک قاننه ؟

جنایتک قاله جق ظن ایدرمیسین یانکه ؟

ثواب امید ایدیور ها ! دیک که نامرده :

« ثوابی سن کوره جکسین حضور محشرده !

تپه که کزدیره جک رعد انتقامی حق ،

که ییلدیریملری بینکده قاینایوب طوره جق .

یا قه کدن اینمه جک دست قهری خسرانک ..

اۈچنچى كۈن اۈيۈشۈك بىرىنىڭ اولۇر بوزۇلۇر .
 اولۇمى ، اۈيۈمى ھەرنەيسە عاقىت اۈزانىر ؛
 فقط ايشىتىدىكى بىرىنىڭ سىلىكىنىر ، اۈيانىر :
 « دولاش دە يىرتىچى آرسلان كىيىل ھەي مىكىن !
 نىچۈن ياتوب . كۈتۈرۈم بىلىكى اولۇق اىستىرىن ؟
 ألك ، قولك طوتۇيۇر كىن چالاش ، قازانمە ھە باق ،
 كە آرتىغىكە كىيىنىن سىنىڭ دە بىراتالاق . »

عمر ، توكلى البت بىلىردى بىزدىن آي . .
 نە ياپدى « بىزىم توكلىرىز » دىيىن كۈمەيى ؟
 طاغىتىدى ، قامچى ھە قوت ، « كىدك ، ا كىك » دىيەرك .
 دىمك : توكلى ابدىن ، اۈجە مۇلقا ا كەجك ؛
 دىمك : توكلىك پىك سىغمايۇرمىش ، آكلادك آ ،
 سىنىڭ دۈشۈر كىي دۈشمىك شۈنىك بۈنىك قابىنە !
 ماڭىك نە ھالە كىتىرمىش كە جەلمىزدىن :
 خرافەلر بۈرۈرمىش ا ك تىمىز مەنبەيى .
 دىكلى ھەقائىقى نەرىك ، بۈكۈن ، بىدىھىيات
 بىلا مەناقشە اقرار اولۇنمىور . . ھىيات !
 كىتابى ، سەنتى ، اجماعى قالدۇرۇپ آتدۇق ؛

یوقارده چیقماز اولور ، شیمدی ، یولچنک نفسی ،
طبیعتیه طورور خسته نك ده ایگله می !

یوب شکارینی آرسلان طالنجه اورمانه ،

سوروکله نیر ، یاناشیر تیلکی سوفره نك یانه ،

طویار افندیسنك آرتیفیه ، صوکره یاتار .

حریف دوشونمه یه باشلار ایدرده حاله نظر :

« جناب حق نه قدر مرحتلی ، کورولی که :

آجم ! دیملکه عملمانده برطویال تیلکی ،

آیاغنه کونده ریور رزقك اك مکملنی . .

اوحالده چکملی انسان چالیشمه دن الی .

دکرمی قوشمایه آقشام ، صباح ، یالان دنیا ؟

دولاشایان دولاشاندن عقللی . . کوردك یا :

خورول خورول اویویور قجه تیلکی ، سندن طوق !

توکل ایتملی اوله یسه شیمدین تزی یوق .

یازیق بو آنه قدر چکدیکم صیقیتیلره ! . . . »

صباح اولنجه ، حریف طاغ باشنده برمغاره

تاصارلایوب ، ابدی اعتکافه نیت ایدر .

برنجی کون باقینیر : یوق نه برکلیر ، نه کیدر !

ایکنجی کون باصار آچلق ، اریر اریر سوزولور ؛

نه اولسه ، پوفلا ياتاقدن آچيلمه تك بر آديم ؛
ايچك صيقيلديمي ، كلسين بوغوق بوغوق « باقالم
جناب حق نه ياپار ؟ » وردی يورغان آتندن ؟
جناب حق نه ياپار ، بيا ميورميسين اوزمان ؟
آراشديرر « باقالم بر ، قولم نه ياپدی ؟ » ديه ..
قيورده شيلته يي اوله يسه باق ايلرله مديه !

سنتك شو حالكي ساعدی نه خوش حكايه ايدر!
ايشيتديكك اوله جقدريا ... نه يسه ، ديكه ييوير :
قلندرک بری كودن صباحلين فيرلار ،
آرار نصيبي ؛ عودتده قيرده آقشاملار .
فقط كونس باته رق ، اورته لق قاراردجه ،
كوروركه : يرده ياتيلماز ، همان چيقار آغاجه .
حريف آغاجده ايكن برايكيلا تيدر ، ايشيدير ..
باقاركه : بر كوتوروم تيلكيناك يانيق سسيدير .
زوواللي ، بوسته كي اولمش ، باجاق يوق ايشليه جك ؛
بوغازسه ايشله مك ايستر .. نه ياپسين .. ايكله جك !
براز كچنجه ، قوي پنجه سنده بر جيلان ،
اينر ياقينده كي وادي يه قارشيدن آرسلان .

خطا ایدرسه لر آلدیرما ، عفو ایت ، احسان ایت ؛
 سوکنده هبسی ایچین التماس غفران ایت .
 ویروب قراری ده عزم ایلدکمی ... طورمایه رق
 جناب حقه توکل ایدوب یول آمایه باق . « [°]

دیمک که : عزمه صاریلق کرک مبادیده ؛
 یاننده برده توکل اوعزمی تأییده .
 خلاصه ، عزم ایله مأمور اولورسه پیغمبر ؛
 سنک حسابکه آرتیق دوشونده بول نه دوشر !
 شریعتک ایکیدر اک معظم ارکانی ؛
 کیمک که او یله مذبذب دکلدر ایمانی ؛
 آپرماز اونلری ، برعد ایدوب توسل ایدر ..
 آچیقجه سویلیه لم : عزم ایدر ، توکل ایدر .
 نه دین قالیر ، نه ده دنیا بو آکلاشیلمازسه ..
 هم آکلاییک بونی آرتیق ، هم آکلاتیک ناسه .
 بو آکلاشیلمالی یاخود اوزات باجاقلریکی ،
 پاموقلی شیلته یی بولدکمی ، آکمه هیچ یاریخی !

[°] استعین بالله : فاعف عنهم واستغفر لهم وشاورهم فی الامر
 فاذا عزمت فتوکل علی الله ...

برا انقلابه یتیشسین ؟ . . بو هیچ کورواشمی ؟
 زمان ایچنده زمان طی اولمق امکانی
 کورولمدهکجه تحیر بیراقاز انسانی !
 ظلام شرکی یاروب فیشقیرنجه دین مبین ،
 یایلدی سینه بطحایه بر حیات نوین .
 بوانقلابی هنوز روحی طویمادن غربک ،
 قوشاندی سطوتی دنیایی بر آووج عربک !
 دایاندی براوجی تاسد چینه ؛ دیگر اوجی
 آشوب بولوط کی ، بیکرله یوکسه لن برجی ،
 اوزاندی آکسزین اسپانیانک اتکلرینه .
 حجازی ، چینی دوشون زرده ؟ زرده در پیره نه !
 نه در بوخارقه نک سری ؟ هپ توکلدر :
 که اعتماد ظفردن کلن تحملدر .
 توکل اولمایه کورسون یورکده عزمه رفیق ،
 طورورمی شوقنه پروانه اولمادن توفیق ؟
 جناب حق نه دیور باق رسول اکرمه :
 « بوتون سرائری قلبک احاطه ایتسه ، ینه
 دایش صحابه که دنیا به عائد ایشلر ایچین ؛
 رحیم اول اولرله .. سن ، چونکه ، روح رحمتسین .

توكلك ، هله ، معناسى هيچده اويله دكل .
 يازيق كه : بينى اورو بچكلى بريغين جاهل ،
 نهايت اوينايه رق دينه اك رذيل اويونى ،
 كتيرديلر ، نه ياپوب ياپديلر ، بو حاله اونى !
 يازيق كه : چهره ممسوخته دوندى چهره دين ؛
 بوكون قوشا تمده اسلامى برنظر : نفرين !
 توكل اينك ايچون تابوشكل مبتذله ،
 ناصيل اويوتديكز افكارى ، بينسهم ، اى خذله ؟
 ناصيل طورور عجب آلنده شرع معصومك ،
 بوسيم سياه ايزى حالا اولوث مشئومك ؟
 توكل اويله يامان برشعار ايماندى ،
 كه قهرمان فضائل دنيلسه شايندى .
 يازيق كه : روحنه زرق ايتديلرده مسكنتى ؛
 جذامه دوندى ، خراب ايتدى كيتدى مملكتى !
 توكل اولماسه قالماز فضيلتك نامى . .
 كتير خيال كه بر كره صدر اسلامى :
 اوبى نهايه فيوضك ياريم عصرلق بر
 زمان ايچنده تجليسى هانكى سايه ده در ؟
 بومدتك نه كه اقوامه نسبة حكمى ،

ابو عبیده چیقوب : « یا عمر ، اوغورلر اوله !
 فراریکیز قدر اللهدن میدر شیمدی ؟ »
 دیمز می ، حضرت فاروق دوندی : « طوغرو ، دیدی ،
 شو وارکه بر قدر اللهدن قاجارکن بز
 قوشوب او بر قدر الله طوغرو کیتمه ده یز .
 زمینی اوتلی ده ، اطرافی طاشلی بر دره نك
 ایچنده اولسه دوهك ، یا ابا عبیده ، سنك ؛
 طوتوب ده اونلری یالچین بایرده سکدیرسهك ؛
 یا او یله یاممایه رق اوتلی سمته چکدیرسهك ؛
 دوشون : قدرله دکدر شو یادیغك ده نه در ؟ »
 عمر بو سوزده ایکن ابن عوف اولور ظاهر ،
 همان روایتیه باشلار حدیث طاعونی . [۰]
 ابو عبیده طبیعی صوصار طوینجه بونی .
 مهاجرین قریشك ، کبار اصحابك ،
 شریعتك قوجه بررکنی : ابن خطابك ،
 قدر دیننجه نه آ کلاردی هپسی ، آ کلادك آ . . .
 اوتامادن ینه قالقیشما حقه بهانه !

[۰] « اذا سمعتم بالطاعون بارض فلا تدخلوا علیه . واذا وقع
 واتم بارض فلا تخرجوا منها فراراً منه . » حدیث شریف .

طریق شامی طوتوب طوغری « سرغ » ، ایندی عمر .
 ابو عبیده همان قوشدی آلماسیله خبر .
 خلیفه حضرت سرداره : « زده در اوردو ؟
 نه یابدیکز ؟ یابه جق شی نه در ؟ » دیوب صوردی .
 ابو عبیده « وبا وار ! » دینجه عسکرده ؛
 توابعیله عمر طوردی قالفه جق یرده .
 « وبایه قارشی کیدلمکی ، کیتمه مکی ای ؟ »
 مهاجرین کرامک صورولدی هپ رأی .
 بوزمره دن کیمی « مقصد مهم ، کیدلمی . » دیر ؛
 « خایر ، بو تهله که در . » دیر قالان مهاجرلر .
 خلیفه بویله مخالف کورو نجه افکاری ،
 چاغیردی : عینی تردده بولدی انصاری .
 طاغیتدی هپسنی ، لکن صیقیلدی .. آرتیق اوکا ،
 مهاجرین قریشک مسن اولانلر ینه
 مراجعت یولی قالمشدی ؛ صوردی اونلر ده .
 بو فرقه ایشته بلا قید اختلاف آرده ده :
 « وبایه قارشی کیدلمک خطا اولور . » دیدیلر ؛
 « یارین دونک . » دییه اصحاب ؛ امری ویردی عمر .
 علی السحر دوزولورکن جماعتیله یوله ،

« قدر ، سنك ديديكك يولده شرعه بهتاندر ؛
 توكلك ، هله ؛ خسران ايچنده خسراندر .
 قدر فرائض ايمانه داخل .. آمنة ..
 فقط يوق اونده سنك صامش اولديفك معنى .
 قدر : شرائطى موجود اولوبده ميدانده ،
 ظهوره كلسيدر ممكنا تك اعيانده .
 نيچون ، ناصيل كليورمش .. او بوسبوتون مجهول ؛
 بز اختياريمزك صورتندز مسؤل .
 قدر نهدر ، سكا دوشمز او سري استكنناه ؛
 سنك وظيفهك اطاعت نه امر ايدرسه الله .
 او ، صومق ايسته ديكك ، شكه كيرمسيله قدر ؛
 بوتون اوامري شرعك اولور بر آنده هدر !
 نهدن يا ، حضرت حقك رسول محترمي
 بو بحثى منع ايدبور مؤمنينه ، بوش يره مي ؟
 قدر دينجه نه آكلاردى ديكه باق اصحاب :

ابو عبيده يه امداده ايله مشدى شتاب
 معيتنده كي عسكرله بر زمان فاروق .
 — تردد ائمه صاقين ، چونكه وقعه بك موثوق —

طیب عائله ، اجزاجی ... هپسی حاصلی او ،
 یا سن نه سین ؟ متوکل ! یوتولماز آرتیق بو !
 بر آزده صایینی کر کدر .. نه صایغیسزلق بو ؟
 خدایی کندینه قول یاپدی ، کندی اولدی خدا ،
 اوتانمادن ده توکل دیور بو جرأته ... ها ؟
 یهود عزیره ، نصاری مسیحه ابن الله
 دیمکله عنصر توحید اولور کیدرسه تباہ ،
 سنک بو قوپ قویو شرکک صیغارمی ایمانه ؟
 توکل اویله تحکم دیمک می یزدانه ؟
 کیمک حسابنه اینمش ، دوشونمیور ، قرآن ..
 جناب حق چیقہ حق ، سورسہ لر ، مخاطب اولان !
 بوتون اوامره اعلان حرب ایدن شو سفیه ،
 مکلفیتی الله ایلور توجیه !
 کورورده حالنی انسان ، فقط ، بو دربدرک ؛
 ناصیل کناهنه کیرمز توکلک ، قدرک ؟
 صاریلمادن اک اوافق بر ایشکده اسبابه ،
 موفقیتہ امکان بولور میسین عجبا ؟
 حماقتک آشور حد اعتدالی ، یتر !
 اکیلیمدن بیچیلن تارالا زرده وار ؟ کوستر !

چولوق ، چوجوق سورونومش صوکنده آج قاله رق ...

خدا وکیل امورك دگلی ؟ کیفکه باق !

اونك خزینه انعامی کندی وزنه کدر :

حواله ایت نه قدر مصرفك اولورسه .. ویرر !

سلاحی قوللانان الله ، حدودی بکلهین او ،

لوازمك یتئیورمش ، دگلی ؟ اکلنه او !

چکوب قومانداسی آلتنده اوردو اوردو ملک :

سنگ حسابکه کفاری خاکسار ایدمچك !

باشك صیقیلدیمی ، کافی سنگ او نازلی سسك :

« یتیش ! » دی ، کندیسی کلسین ، یا خضری کوندرسین !

اؤکده خسته لانان وارسه ، بورجیدر : باقه جق :

شفا خزینه سی درحال اولوق اولوق آقه جق .

دیمك كه : هر شئك الله ... یاناشمهك ، ایرغادك او ،

چولوق چوجوق اوکا عائد : لالاك ، باجيك ، داديك او ؛

وکیل خرجك او ؛ کهیاك ، مدیر وزنهك او ،

آلیش سنکسه ده ، مسئول اولان ویریشن او ؛

دکیزده جنك اوله جقمش .. کميك او ، قبودانك او ؛

یا اوردو لازم ایمش .. عسکرک ، قوماندانك او ؛

کویك یاساقجیسی ؛ شهرکده باش محصلی او !

زبونکش آروپا بر حق طائيركه : قوتدر .
 دونما ، اوردو يوروركن مظفراً ايلرى ،
 اوزنىك اوپميه حسرتدى نىراك ايلچيلرى ؛
 او احتشامى الكدن نچون پىراقده .
 بوكون ياتوب طورويورسين آياقلىر آلتنده ؟
 « قدرمش ! » اويله مى ؟ حاشا ، بوسوز دكل طوغرو :
 بلاكى ايسته دك ، اللهده ويردى .. طوغروسى بو .
 طلب ناصيلسه ، طبيعى ، نتيجه اويله چيقار ؛
 مشيتك سكا ظلم ايتك احتمالى مى وار ؟
 « چاليش ! » ديدكجه شريعت ، چالشمادك ، طوردك ؛
 اونك حسابنه بر چوق خرافه اويدوردك !
 صوكنده برده « توكل » صوقوشدوروب آرميه ؛
 زواللى دى چويردك اونكله مسخرميه ؛
 پىراق چالشمه يى ، امر ايت اوطوردىك يردن ؛
 يورولما ، اويله يا ، مولى اجير خاصك ايكن !
 يازوب صباحلين اودن چيقاركن ايشلىرى ؛
 برر برر اوقو تكميل ايدنجه دفترى ؛
 بوتون او ايشلى ربم كورور : وظيفه سيدر ..
 يوكل خفيفله دى .. سن شيمدى طوغرو قهوه يه كير !

مرا مەك : اولمە يە بىلىمەك . فەنا دىكى بۇ قىرار .
 فقط حىيات ايچون الزم حىياتى استحقار .
 حىيات اودىرگە : نەھىت بەھاسى خون اولسون ؛
 سەنك حىيات سەفلىك : بەھاي ناموسك !
 دەدەك نە دورلو يانارمىش .. آدامسەك اولمە ياشا :
 « اكر ھەي ظفر قونماق ايستەمزسە باشە ؛
 حرام اولور سكا قوزغون اوشورمەك لشكە ! »
 ناصىل ، بۇ سوزلرى طوتمق كلىرمى ھىچ ايشكە ؟
 مەنەك اوقدر يار جانىسىنكە ، يازىق ،
 « اوجندە يوقسە اولوم » ھەربلايە كوكسك آچىق ؟
 دىلنەجى موقى ، ملتلك ايچندە يرك !
 نە ذوقى وار ، بكا آكلات بۇ عمر در بدرك ؟
 شەمالە طوغرو كىدرسىن : صوغوق بر استىقبال ؛
 جەنوبە نىت ايدىرسىن : آچىق بر استىقال !
 « آمان غەرى ! بزە سەندەن اولور اولورسە مدد ...
 قوزوم پووانقارە ! بىتەك ... غەنايت ايت ، كرم ايت ! »
 دىدەكجە سەن ، دىدىلر قارشىدن : « غەنايت اولە ! »
 دىلنەجىلكە سىياسەت دوزىمى ھى بودالا ؟
 سىياسەتكە قانى : ثروت ، حىياتى : سىطوتدر ،

چولوق چوجوق كسيليركن ، قادينلر ايكلكركن ،
 زواللير سنى ارلك صاينرده بلكركن ،
 حياتي ، عرضى اكوب يول وينجه ، چير چيلاق ،
 قاچارسين ، اويله مى ، هى قالب آدام صيقلمايه رق !
 دكل كه « دون ! » ديه بيكلرجه يالواران كريده ،
 ديكيلى قارشيكه اجداديكك مقابرى ده ،
 « يولده طورما قاچاركن ! » ديدك ، باصوب چكدك !
 ايشتمدكى نه سويلردى محترم جدك : [*]
 « ظفر ايلرده در اوغلم ، هجوم ايدوب آشهرق
 حدود دشمنى ، هيچ يوقسه ، بر مزار آلمق ،
 كچوبده رجعت بىك ييل معمر اولمقدن
 خيرليدر . . . نه يامان سوز ، نه قهرمان ايمان !
 يازيق كه سن شو بويوك روحى شرمسار ايتدك :
 بوتون مقابر اسلامى كفره چيكتندك !
 برر لسان تظلم اوزاتدى هر مقبر ..
 زواللى طاشلره لكن باقانى وار ؟ نه كزر !
 دكل مزارده كي نعلك انين تلعينى ،
 فغانى بونجه حياتك چويرمه مشدى سنى !

[*] غازی محترم تریاکى حسن پاشا رحمة الله عليه

توقفك یری یوقدر حیات ملتده .
 سکون بلیردیمی برملتک حیاتنده ؛
 قالیر سنک کبی ذلت ، اسارت آلتنده .
 نهدر بو مسکتک سنده برقیمیداسک آ !
 نیچون قیمیدامیورسین ؟ نیچون ؟ نه اولدی سکا ؟
 نیچون می ؟ .. « چونکه بو فانی حیاته یوق میلک !
 اونک نتیجه سیدر سعیه وارمیورسه الک . »
 دکلکی ؟ .. بنده ایناندم ! خدا بیلیرکه یالان !
 حیاته نرده کورولمش سنک قدر صاریلان ؟
 زورک : کبرمدک آنحق « اولوملی دنیا » ده !
 دکل حقیقی ، موتک خیالی رؤیاده
 دیکیلسه قارشیکه ، هیچ شبهه یوق ، اودک باطلار !
 دوشون : حیاته فدا ایتدک الکهده نه وار ؟
 شرفی ، شانمی ، شہامتی ، دینمی ، ایمانمی ؟
 وطنمی ، حس حمیتمی ، حقمی ، وجدانمی ؟
 مزارمی ، تربہمی ، اجدادیکک کیکلریمی ؟
 صلیبی سینہ یه چکمش مساجدک بریمی ؟
 نه قالدی ویرمدیکک بر چوروک حیاتک ایچون ؟
 صاییلسه آه کیدن فدیہلر نجاتک ایچون !

يابانچىلر ايدىيورمىش - ايدريا - استىكراه :
 دىلنچىلر بىلەسەندىن شىرفايدىر باللە .
 وقارى چوقدىن اونوتىك ، حىيى قالدىردىك ؛
 مقدساتى اىصيردىك ، خدايه صالحىردىك !
 نەخاطراتىكە حرمت ، نە غىنىتىكى ياد ؛
 دەدەك دە بويىلەمى يامىشىدى اى سىقىل اولاد ؟
 حىياتىك اردىلى اولمىش حىيات مىعتادىك ؛
 سىنىك حسابىكە برچوق اوتانسىن اجدادىك !
 دامارلىرىكە قان عادتى ايرىنىلىشىش ؛
 اوچىقىمى اىستەمەن جان دە برىغىن لىش مىش !
 اعادە ايتەنىك امكانى يوقسە ماضىنى ،
 بومبىتىل ياشايشىدىن كىرمەك البىتائى !
 كىرمىكى طرفىك قالمىش ياپىك ، ذاتا ..
 سورونمەنىك اوقدىر فرقى وارمى اولمىكىدىن ؟
 سورونمىك اىستەدىكىكى شى ! فقط زمان پىشكى
 پىراقمايور ، آتەجىق برچوققور بولوب لىشكى !
 بوىكون صحىفە عالمىدە سىنىكە برلىكىسىن ؛
 ناصىل وجودىكى قالدىرماسىن ، نەدىن چكىسىن ؟
 « ايشىتمەدىم » دىيە مىزسىن ؛ ايشىتىدىك البىتە :

جنازه‌دن او قدر فرقی اولمایان جانلر ؛
 دامارده سیری بلیرسز، ایرینه‌شن قانلر ؛
 سورونملر ؛ کبروب کیتملر ؛ رذالتلر ؛
 نصیبی کریه خسران اولان ندامتلر ؛
 خراب اولان عظمت، تارمار اولان اقبال ؛
 سقوط روح عمومی ، سقوط استقلال ؛
 دیلنجیلکه یاشار دربدر حکومتلر ؛
 اسارتیه مباهی زواللی ملتلر ؛
 خرابهلر ، چامور اولر ، چاموردن انسانلر ؛
 اکیلهمش قوجه یرلر ، بیچلمش اورمانلر ؛
 طورور صولر ، دره اولمش خلای جاریلر ؛
 ایصیتمهلر ، تیفورلر ، دورلو موت ساریلر ؛
 خرافهلر ، اوفوروکلر، دوکوم دوکوم باغلر ؛
 مزار مزار طولاشوب خسته باقدیران صاغلر . . .
 عطالتک اوملوث ترسباتی بوتون !

نمونه ایشته بز . . کورمک ایسته‌ین کورسون !
 باقک ده حالته عبرت آلیک شومملکتک !
 ناصیلک ای قوجه ملت ؟ نه اولدی عاقبتک ؟

نەدر بو عامە تەجلی ایدن حقیقتلر ؟
 سفینهلرکە یارار ققطە ققطە دریایی ؛
 شمندوفرکە طارار بقعە بقعە دنیایی ؛
 شئونکە برقە بینوب سسلنیر طورور اووادی ؛
 بالونکە روح کتیفیله یوکسلیر هوادی . .
 خلاصه ، هپسی بو آنار دهشت آکینک .
 بوتون تکاتفیدر طوپلانان مساعینک .

عدویه قارشى جهنم قوصان مهيب افواه ؛
 اوموزلرنده صواعق یاتان سحاب سپاه ؛
 عیون حرصه امان ویرمهین ردای مدید ؛
 قوووقلرنده یانار طاغ طوران حصون حدید ؛
 رفاه ایچنده عمر سورمه‌لر ، مسرتلر ؛
 حضور خاطره مقرون بویوک سعادتلر ؛
 تأید ایتیش امللر ، نفوذلر ، شانلر ؛
 کوچوله‌ین عظمتلر ، سورکلی عمرانلر . .
 ایدر نتیجه‌ده سعیك تجسمنده قرار .

زمان زمان کورولن آخرت قیلقلی دیار ؛

باقیک که عائله لر طور مایوب ناصیل چالیشیر !
 آلیک صیره یله جماعتی ، صوکره اقوامی ،
 عجب جدال معیشتدن آریلان وارمی ؟
 نظام کونه نکهبان اوسرمدی قانون
 بوتون جهانی طوتارکن تحکمنده زبون ،
 غریب اولور بشریت چیقارسه مستثنا . .
 خایز! عدالت فطرتده یوقدر استثنا .
 حیاته حق اولان کیمدر اکلا یور ، کورو یور ؛
 چالیشمایانلری بربر الیه اولدوریور !
 بقای غایه صایانلر قوشوب ایلرله مه ده ؛
 یولنده زحمتی رحمت بیلوب مزاحمه ده .
 ترقیاتی ملترک کورن ، هیات ،
 زمان ایچنده زمان ایتسه ، حقلیدر ، اثبات .

باقیک مجاهد اولان غریبه شیمدی بر کره :
 هوایه حکم ایدیور قانع اولمورده یره .
 دونکده عاطل اولان شرقی سیر ایدک : نه کری !
 یاقینده قالمایه جق یریوزنده بلکه یری !
 نه در شور سور و فنلر ، نه در بوصنعتلر ؟

كرك هجومه كچيلسين . كرك مدافعه يه ؛
مسلح اولمالی مطلق كيرن منازعه يه .

فقط جدال حياتك بوتون بوغلغله سی ؛
قالانرك آجی ، اولمشرك آجیقلی سسی ؛
زمان زمان كوكه ياپراق نثار ایدن اشجار ؛
زمین زمین يره قالیچه لر یایان ازهار ؛
بهاره قارشى طیورك غریب نوحه لر ی ؛
شكار اوكنده وحوشك مهیب صیحه لر ی ؛
بدایعیله بهاران ؛ شدائیدله خزان ؛
بوشعر خلقتی انشاد ایدر طورور هرآن :
« بقایى حق طانییان سعی بروظیفه بیلیر ؛
چالیش چالیش كه بقاسی اولورسه حق ایدیلیر . »

دكلى جنك حياتك زبونى آدمده ؟
مجاهده یله یاشار چاره سز بو عالمده .
أوت ، مجاهده محصولیدر حیات بشر ؛
او اولمادقجه نه افراد اولور ، نه عائله لر .
كوروك برر برر افرادى : متصل چالیشیر !

قیمیداماز ، اونی چیکنر کچر همان اوتہ کی .
 بواتحاری فقط نردن اختیار ایدہ جک ؟
 ایلرلہ یوب طورویور ایشته هیچ کیسلیمہ یہ رک
 — ازلدہ روخنہ مودوع دست فطرت اولان —
 گزیدہ براملك آرقہ سندنہ قوشمقدن .
 دکل وصالی ، کہ برغایہ در حیاتی ایچین ،
 خیال وصلی دہ جاذب اونازنین املك !
 بوغایہ نك ، بوخیالك امید ادراکی ،
 دولاشدیرر کیجہ کوندوزاوروح چالاک کی .
 زمینی کندینہ حصر ایتک ایستہ یوب چالیشیر ؛
 شووارکہ باشقہ امللردہ آکسزین قاریشیر .
 تراحم ایتدیمی آمالی برچوق افرادک ؛
 کیسلمز آرقہ سی آرتیق جہاد معتادک !
 بو حرب ایشندنہ قازانمقدہ در چالیشمش اولان ؛
 چالیشمایوب اوطوراندیر کبردیلمن ، بوغولان .
 نہ در مرادی ، بیلنمز ؛ فقط حکیم ازل
 جہانی معرکہ خلق ایلمش ، حیاتی جدل .
 کیمک قولندنہ مساعی دینن وفالی سلاح
 کورولمیورسہ ، امید ایتسین صوکنندہ فلاح .

اوت ، قواى طبيعیه نك بود و شادوش
 مجاهداتی كه بر بی نهایت سلسله در ،
 تراحمیه یرك سینه سنده یوكه لدر ،
 حیاتك اسمی تأیید بر یوك تمثال ،
 كه جبهه سنده تحلی ایدر طور و شور و شومال :
 « بقای حق طانیان سعی بر وظیفه بیلیر ،
 چالیش چالیش كه بقا سعی اولور سه حق ایدیلیر . »

ذوی الحیاته باقیك .. قوشمیور می حق حیات
 پشنده جمله نباتات ، جمله حیوانات ؟
 مؤثرات طبیعتله دائم اوغراشهرق ؛
 بوتون جهان کی اونلرده ایسته یور یاشامق .
 عواملك کیمی تأیید ایدر بقالرینی ؛
 هجوم ایدر کیمی تعجیل ایچون فنالرینی .
 زوالیلیر ، هانی ، بر آن ایچنده بیك کره ،
 قاچوب ایکنجی طاقیمدن قوشار برنجیلره .
 حیاتی حق طانیانلر یورولمیلور .. هیات !
 سکون نهدر ، اونی کور مشمیدر كه عضویات ؟
 یوکار زاره دوشن هانکی فرد عضوی كه

فقط بوبحر سرائر کہ ممتنع تقدیر .
 کونشده ، کولکده ، هر یرده جوشه کلدجه ؛
 آتار کناره شویوکسک مالی هر موجه :
 « بقای حق طانیان سعی بروطفه بیلیر ؛
 چالیش چالیش که بقا سعی اولورسه حق ایدیلیر . »

کوروک قوای طبیعتده سعی معتادی :
 چالیشماسه یدی حرارت مواسم اولمازدی .
 او ، بر زمان آزالوب ، صوکره بر زمان چوغالوب ؛
 بخار ایدر صوی ، تکشیف ایدر بخاری آلوب .
 ضیا طورورمی یا ؟ ظلمتله دائما یاریشیر ..
 نه وارسه حاصلی .. طوپراق ، دکز ، بوتون چالیشیر .
 تصعداتی بحارک بولوط ییغار هوایه ؛
 ترسباتی سحابک نهر یایار اووایه .
 زمین سمایه آلو پوسکورورایچندن تا ؛
 مقابلنده صاغار ییلدیریم زمینه سما .
 طویوب خروشنی جوک خروش ایدر انهار ؛
 کوپوک صاچار بونی کوردکجه باد ولوله دار !
 نهدر بوکوکده کی سسلار ؟ نهدر بویرده کی جوش ؟

تمثل ایتمه ده برچوق قوای غالبه به :
 یا انقلاب ایدیور هیئتیه جاذبه به ،
 یا باشقه دورلو هویت آلوب ضیا اولیور ،
 یارنک شعله رقیده رونما اولیور ؛
 یا برحرارت سیاله ایلور تأسیس ؛
 یا اهتزاز ایدیور موجه موجه مقناطیس .

عجب ، نمونه اکوان اولان بو ، ذاتاً اوفاق ،
 وجودی نامتناهی کوچولده جک اولسهق ؟
 کوچولدی . فرض ایدلم ، اولدی عاقبت ذره . . .
 کوروک ، شوزره بی تدقیق ایدکده برکره ،
 ناصیل خروش ایله قلبنده ایلور ضربان ،
 عوالمیله برابر شمس بی پایان !
 سهارلنده اوچان عینی مطرد آهنگ ؛
 دکزلرنده کزن عینی سعی رنگا رنگ .
 باقیک که : ذره ده برهیچ اولان وجودیله ،
 موفق اولماده در کائناتی تمثیله ؛
 کوروک که : ذره بی ایتمه در جهان تنظیر .

دیمک که : شیمدی بوطاش جانله ، باشله اوغراشیور ،

» بوتون عوالمی لبریز ایدن مساعییه

بنمده سعیم اولنمق کړك علاوه .. « دییه .

بوسنکپاره بی سز شیمدی کورمه ییک ناچیز ..

او ، بروجود معظم ؛ او ، برجهان وجیز ؛

که - انجمیله ، شمو سیله ، آسمانیله ،

توابعیله ، سحابیه سیله - عینیله ،

بزم شوبیلدیکمز کائناتی کوستریور !

خیال او منظره نك دهشتندن اورپریور :

بررقبیله در اجزای فردی ؛ ذراتی

صیره یله عائله لردر ؛ آلیک ذریراتی :

کورونمه مکله برابر بیغین بیغین افراد .

دیمک ، او ، سینۀ ابعادی ایکله دن فریاد ؛

او ، هر طرفده کی آهنگ سعی غلغله خیز ؛

او کیرودار عمومی .. باقیلسه اک ناچیز

طاشک مضیق وجودنده مندج ... حیرت !

بوسنک جامدک اجزای فردی بروحدت ،

برامتزاج مؤبدله ایلور دوران .

که هر تکائی محصول سعینک اوزمان

سرای وحدتک طورمه قارشیسنده . چکیل !
 چکیلده فیض مبینمله تا ازله سکا
 مسخر ایلدیکم برجهانک اورتهسنة
 آتیل .. فضایی دولاش ، آسمانه چیق . یره این ،
 لسان غیم اولان بینات حکمتک ،
 وجودی ایکله تن آهنگ یکمالنی طوی !
 دوشونمه ، هایدی شو آهنگ سرمدیتة اوی :
 « بقای حق طانیان سعی بروظیفه بیلیر ؛
 چالیش چالیش که بقا سعی اولورسه حق ایدیلیر . »

آلیکده برکوچوجک طاش ، ضیای علمه طوتک
 بوتون نقاطنی اولجه ، صوکره ، قالقیک اونک
 باقیک وجودینه برخرده بین آلوب ، لکن
 بوخرده بین اوله جق کندی نوری ادراکک .
 زمین قدر بویوتک ، آسمان قدر بویوتک ،
 خلاصه ، قوسقوجه مان برجهان قدر بویوتک .
 کورورسکزکه : اوبرطامله جق وجودیله ،
 قاتیلحق ایسته یه رک طورمایوب کیدن سیله ،
 اوکنده عزمنه حائل نه وارسه هپ آشور .

بیلنمه‌ین ، صابیسز ، کائنات احرانک
 کینه جزئیدر ! ماوراسی اکوانک
 عدم دکلسه ، ناصیلدر ، نهدر وجودی عجب ؟
 نهدن بولیل سرائر آچیلمیور یارب ؟
 بوجوش جراتی ایتمکده آنسزین مبهوت
 شوبسیسکه ، موج بلندیله چالقانیر ملکوت :
 « اونوته کندیکی . . هم بیلمش اولکه ای انسان ،
 مؤبدآ قاله‌جق خلقتک اساسی نهان .
 سمایی آلامی قابلی بر آووج خاکک ؟
 اوساحه‌لرکه یتیشمز ضیای ادراکک ،
 تصور ایت : جبروتم ایچون بدایتدر !
 مکوناتکه فکرجه بی‌نهایتدر ،
 کینه ذره‌سیدر آسمان خلقتکمک :
 کلوب کنارینه عمان سرمدیتکم ،
 رکوع ایدر ابدیآ ، قیام ایدن ادراکک ؛
 ذکا سجوده واریر ، وهم اولور قرین هلاک .
 سنک اوساحه‌ده یوقدر ایشک ! اوساحه ، بنم
 بوتون خلأقه مسدود قاب قوسینم !
 حریمی زائر تخمین ایچون کشاده دکل ؛

حیات ویرمک ایچون مصل چالشمقده .
 ندرکه ساحه قدرت دینن بوظل مدید ؟
 ضیا آدیملری - دتی مساحدن نومید !
 ندر نظام مساعی بوکلّ ساعیده ؟
 ندرکه سوق ایدیور هیچ طاغیتادن ابدہ ؟
 بوبی نہایہ عوالم اداره سز یورو مز ..
 فقط اداره ایچون هانکی نقطہ در مرکز ؟
 ندرکہ موقی ، ابعاده صیغمايان بویغین
 ایچنده ، شیمدی بزم کندی کاشاتمژک ؟
 حریم حکمت اشیایہ هیچ صوقولاملی :
 اوبرجهان معما کہ بوسوتون قابالی !
 بیلیرمیسین ، نه قدر هیچ ایمشسین ای ادراک !
 بوعقدہ لر ایدہ جکمیدی بویله سینہ کئی چاک ؟
 یاسن ، نه عاجز ایمشسین زواللی عقل بشر !
 مجاہدہ ک چیقہ جتمیدی بالنتیجہ ہدر ؟
 اوت ، عوالمی ، هیچ شبہ یوق کہ ، برقانون
 اداره ایتمہدہ .. لکن ندر مالی اونک ؟
 جهان شو کوردیکمز کتلہ دن عبارت می ؟
 بوتون عوالم مشہودہ ، یوقسہ ، هیچ اسمی

کورو نمبور بوتون ابعادی یوقلاسه قیریر ،
 فقط دلالت نوريله کزسه کز علمک ،
 وجودی آ کلاشیلیر هر آدیمده بیک نجمک !
 بو عائلات سماویه اتحاد ایدهرک ،
 طوغارکه سینئه میناده برقبيله ، کرک
 سریرشانی ، کرک ذاتی دائماً مستور
 قالان رئیسینه منقاد اولوب ، سورکلی ، وقور ،
 فقط سویلی بر آهنگ تام وحدتله
 چالیشمادن کری طورماز اومحتشم کتله .
 بو کتله ایشته بزم کائناتمزددرکه :
 — قوشاتماسیله برابر نظرده افلاکی —
 حدودی چوریلپور کهکشان نطاقيله .
 کچیک نجومی .. سحابیه لرده ، حقیقه
 تکامل ایتک ایچون اوغراشیر ، دوزر ، دیدینیر ،
 برر قبيله ، برر کائنات واسعدر .
 بو کائنات سماویه نک — که برطاقیمی
 دمینکی عائله شککنده در — قالان قسمی ،
 هنوز مشیمه خلقتده صاقلی افراده

یا اللرنده کی برناج ، ایتسه کز دقت ،
 براینجه لکله مساعی به منقسمدرکه :
 نه اینجه لکدر او ، قابل دکدر ادرا کی .
 کورولبور برینک استراحت ایلدیکی . .
 اونک توقفی ، زیر ، بوتون برعائله یی
 دقیقه سنده پریشان ایدر . ازر ، بیتیرر .
 دیمک که : ایسته سه برذره بیک جهان ده ویرر !
 فقط اوزره ایچون زرده در عطالته میل ؟
 باقیک طورورمی ثریا ، باقیک طورورمی سهیل ؟
 کوروب سهیلنی شعراده هر زمان چالیشیر ؛
 باقار اوزاقده کی عیوقه ، فرقدان چالیشیر .
 قراری یوق هله راحله اعزلک برآن .
 خلاصه ، حس ایله یاخود نظرله فرق اولنان ،
 نجوم نامتناهی بوتون چالیشمقده . .
 سکون تصوری قابلی بعد مطلقده ؟
 بومو کبک ، کیجه کوندوز قوشان بو قافله نک
 مرتباتی برر سلطنتلی عائله نک
 رئیس دائمیدر . واقعا بو عائله لر

کیدر، حیاتی تنظیم ایدر، کورور کوزه دیر .
 کونش، که عائله نك مهربان ریسی اودر ،
 سریر محشمندن سوزوب فضایی وقور
 نظر لرله آرار هر طرفده موکبی ؛
 ناصیل آراسه بر آواره یار غائبی .
 بولنجه هپسینی آرتیق او نازنین سینه ،
 آیر برر آغوش حار شفقتنه .
 بو خانمانی طوتان هپ اونك حمایه سیدر ؛
 اوزر لرنده کزه ن سایه کندی سایه سیدر .
 او سایه درکه : یایلدقجه نوری ابعاده ،
 حیات ایشیق لری باشلار سرای میناده .
 اوت ، بو عائله افرادی طور میور .. ال اله
 ویروب ، ازله چیز یلش بر استقامتله ،
 کمال ممکن ادره که دوغرو هپ قوشیور ؛
 فضاده فسحتی کوردکجه بوسبوتون جوشیور !
 بو عزم قاهری نومید ایدرمی بر حائل ؟
 یولک اوزونلغی ، زیرا ، وظیفه سنده دکل !

نه اطراد مؤبد ! نه منتظم حرکت !

چالیش چالیش که بقا سعی اولور سه حق ایدیلر . «

قر چالیشاده در ؛ کوکله یر چالیشاده در .
 کونش چالیشاده ؛ سیاره لر چالیشاده در .
 دیدینه دن کری طورماز نجوم کیسودار ؛
 بوتون آلین تریدر طورمایوب یاغان اوار !
 یابانچی صانمایکنز سیر ایدوبده اجرامی ..
 بر اسکی عائله در ، کوک یوزنده آرامی .
 شو وارکه ، مرکزی ناآسماده اولسه بیله ،
 کلوب کلوب بزی بسله رکال منته .
 فقط بو عائله هیچ بکنزه من بزمکیلره :
 بوزوشامش اونک افرادی بلکه برکره .
 لسان حال طبیعت اساندر اونلرده ،
 بر احتساس تعاطیسیدر دون آرده .
 بر احتساس که پک ایجه در .. فقط کسکین ..
 نه حسب حال سماوی ! ناصیل بلاغ مبین !
 کوروک شو عائله افرادی سویشمه سنی :
 کوچوک ، بویوکلرینک روحی ، قره العینی ؛
 بویوک ، کوچوکار ایچون دایه در . مریدر ..

آلیر .. دایانمه ده در سعیه اصل سیالی .
 نه دمی؟ چونکه بوتون قدرتك تكاثفیدر .
 زمان ده سعیه چیقار : چونکه هپ اونکله یورور .
 مکان ده سعیه وادیر : سعی صفره ایندیریکز ،
 مکان تصور ایدلنز ، محال اولور حیرت .

علوم شاهقه دن فیشقیران ستون ضیا
 دایاندی کوکلره ؛ لکن یتشمیور حالا
 بلند نسخه ایجادك ایلک صحیفه سنه .
 بو ایلک صحیفه مؤبد ظلام ایچنده ینه !
 کورونمیورکه اوقونسون سوادنامه غیب ؛
 یقینه سد چکیور هر سطرده یوز بیک ریب .
 ضیایه طوغری یوزوب کیتمک ایستدکجه خیال ،
 سور و کلیور اونی کردابه طالغه طالغه لیل !
 مال خلقتنه امکانی یوق یتشمه مزك ؛
 فقط ، اونسخه تکیون حیرت انکیزك
 باشنده پک ایری بر خطله پارلیور ، یالکز
 شوچه لرکه ، اگر کورمشمه کز ، آلیکز :
 « بقای حق طانیان سعی بر وظیفه بیلیر ؛

کورورسکزکه : عدمدر . . نه برضیا ، نه نور
 قولاق ویرکده نه لر سویلیور باقیک ادراک :
 بو ، لجه لجه تکائف ، بوسی دهشتناک
 بلیغ سعیدر عمان قدر تک ، ازلی ،
 خروش فیض ازل هر قطیره سنده جلی .
 مکونانی ازلدن خلاص ایدوب اده
 سور و کله یین ؛ اونی حیرت فزا هویتده
 تقلبات ایله بر منتهایه طوغور سورن ؛
 هم استقامتی دایم اومنتهایه ویرن
 اراده هپ ازلی سعیدر ، بافیلسه ؛ اونک ؛
 کیمک ؟ اوقدرت محضک ، اوسر مکنونک !
 نه دیکله نیر ، نه ده عاطل قالیر ، ولو بر آن ،
 شتون خلقتی تکشیف ایدوب یار اتمقدن .

تصور ایلیه لم شیمدی باشقه بر قدرت
 که هپ قوایی طوغور مش ، اساسی ماده . . اوت !
 نه در بو ؟ باشقه دکل ، عینی جلوه نک ایشیدر :
 بوتون ازلده کی سعیک تکائف ایتمشیدر .
 شوماده یوقی که بر چوق صورله اشکالی

کثیفی ، مدرکی ، عضویتی ، غیر عضویتی ،
 کمال شوق ایله محکومی عینی قانونک ..
 بوتون شئون عوالم تجلیاتی اونک ..
 نه درکه ایتمه ده در فطرتک بوقانونی ،
 فضایی ، کوکری ، دریایی ، دشتی ، هامونی ،
 - آدمیلرنده دکادن سریع اولوب حتی -
 انیری قاپلایه جق فسحتیله استیلا ؟
 اوت ، صورولدیمی ادراکه آکمزین بوسؤال ،
 لسان حالی شودستوری هایقیریردرحال :
 « بقای حق طانیان ، سعی بروظیفه بیلیر ؛
 چالیش چالیش که بقا سعی اولورسه حق ایدیلیر . »

قونولسه رحله تدقیقه هانکی بر موجود :
 اولور تکالفی بر سعی دائمک مشهود .
 عدمله قارشیلان ضد وجود اولور ، دیمه ییک ؛
 اونک مقابل اولان قطبی سعیدر . سعیک
 کزوب دولاشدیغی ایصسر ، چوراق فضای عدم ؛
 باقارسیکنزکه : چیقارمش وجوده برعالم .
 توقف ایتدیگی هستیسرای دورا دور ،

واعظ کرسیده

اعوذ بالله من الشیطان الرجیم بسم الله الرحمن الرحیم
ان الله وملئکته یصلون علی النبی یا ایها الذین آمنوا صلوا
علیه وسلموا تسلیماً . صل اللهم وسلم وبارک علی النبی الامی
وعلی آله وصحبه

بِسْمِ اللَّهِ الرَّحْمَنِ الرَّحِيمِ

أَوَلَمْ يَنْظُرُوا فِي مَلَكُوتِ السَّمَوَاتِ وَالْأَرْضِ

طوتک ده « ذره » لرندن، چیقیک « سحابیه »
دینن ییغین ییغین اشباح آسمانی یه ؛
خلاصه ، عالم امکانی دور ایدک ؛ اوزمان
شهوده باغلی بر ایمانه حکم ایدر وجدان :
که خلقتک نه قدر شکلی وارسه : علویسی ،

— سنك اوزون سورەجك ، آكلادمكه . آبدستك؛
 غوپين چيقارماسى ، بيلمەنە .. چونكه يوق مستك.
 براق دەبن كىدەيم ، سوكرەدن كليرسين سن ..
 كچىكمەھا !

— كليرم .. كورمك ايستەرم ذاتاً •

همان شو آبدەر باشلانیلمش اعلايه ..
 فقط مهارت صنعت بوزکله بیتدیمی با ؟
 خایر ! کورولمیدر آیری آیری مقسملر :
 باقنجه حیرت ایدرسین .. نه اینجه ایش، نه هنر !
 حقیقهٔ شاشه جق شی... نه واقفانه حساب !
 صواویله برداغیلدیلمش که : — اولماسه یدی خراب —
 آلیردی حقنی هر چشمه ؛ طامله نك کسری
 قدر تخلفی حتی سزردی « اولچو، لری .

— شو قارشیمزده طوران قبه غالباً تر به ..
 — آیول ! نماز کچیور .. اما طالمشز لافه به !
 براقده تر به یی سن شیمدیجک بر آاز چابوق اول !
 — جانم نه دن قوشه لم ؟ واریا وقتمز بول بول ..
 یتیشمه مش بیله اولسه ق ، قضاسی ممکندر ..
 — خایر ، یتیشملی ، مادام اداسی ممکندر !
 — دیمک : صیغانمالی آبدسته .. باری بر چشمه
 اولایدی ..

— چشمه می ؟ آل ایشه !

— طور ، فقط کیتمه !

جماعتك آره سندن « قاليرسه : ايل بكه نير ؛
 اولورسه : ير بكه نير » درت آدام چيقارسه ، كتير !
 براقده اولمهي ، آكلات شو كورديك كمری ؛
 بويوكلكنده ميدر ، زرده در بونك هنری ؟
 — كلنجه باقديلر عثمانليركه مملكته ،
 صويوق . صو ، حال بوكه غايت مهمدي ..
 — البته .

— دوشونديلر صويي زردن ، فاصيل كتيرمسنی ؛
 صوگنده اويله بر ايش يابدیلر كه : بك فنی .
 طوتولمور يا اساساً بوكوزده باشقه طريق ،
 صويك اساله سی . توزیعی مطلقا تضيق
 اعانه سيله اولور ..

— شبهه سز .

— فقط ، ماكنه

هنوز بيلنمديكندن ، او قوتك يرينه ،
 منابعك دكيشن راقندن استيحصال
 اولونمه بر صيقي تضيق ايدلمش استعمال .
 بولنجه اك اي تضيقك اك قولای يولنی ؛
 قاچير مامق ايچون آرتيق اونك تفاضلی .

یامر قابور غمسی : قورشونله باغلی یالچین طاش !
 اولهیدی قوسقوجه ملتده بر بینلی قفا ؛
 « وجودی بر یانه آتمق ، دماغی ر طرفه ،
 عقللی کاری دکل . » دیرده بویله یایمازدی .
 نه اولدی ، صور باقالم ؟ ملتک اوز اولادی
 یابانچیدن دها دشمن کسیلدی بر برینه !
 -- سوکنده قاردش اولور لر طبعیتله ینه .
 -- زمان بیایر اونی آرتیق ...

-- کمر کوزو کدی هله ..
 -- کوزو کمسونمی یا ؟ بر خلی قسمی کجادی بیله .
 -- زواللی صاقلانیور : حالی کورمک ایسته میور !
 -- قرون ماضیه مزدن باقان شو « کوزلر » . صور :
 اونهیدی ، طاغ کبی ارلرکه ارضه حاکمدی ..
 ندر قارینجه لانا نسل مضمحل شیمدی ؟
 -- حقیقت ، او یله کوچولمش که : « یوق ! » دی ، کج آرتیق ..
 -- اصل بو ، یوق کبی وارلق دکللی مسخره لاق ؟
 -- « کبرملیدی ، می دیر سین ؟ کبر مشز ، نه چیقار ؟
 قولای دکل اوده .. انسانجه اولمک یولی وار .

— دونوب دونوب باقورسین .. نه کلدی خاطریکه ؟

— شوقارشیلقلی بنالر دوشوندوررمی سنی ؟

— نیچون دوشوندورهجک ؟ اوکجه سویله حکمتنی ..

— شو صاغ طرفده کی ؟

— مکتب .

— اوت . بو جبهه ده کی ؟

بر اسکی مدرسه اولمق کرک .. دکلکی ؟

— پکی .

— پکی نه در ؟ بر آز ایضاح ایدلسه ، چوق اکیک !

— زواللی ملتی وحدت جدا ایدن « ایکیلک »

صیر تیمورمی او پیس دیشلریله قارشیکده ؟

ناصیل توکورمیین انسان شو حاله باقسین ده ؟

یقلمامش ، نه قدر ییقمق ایسته سهک ، ایمان ؛

آیرمق ایسته مشنز صوکره دینی دنیادن .

آیرمشنز ، ایدهرک شرعی متصل اهامال ؛

اصل ایکنجیسی اولمش ، شو وارکه ، برزده حال !

اوت ، بو صیصقه وجودک یارین طورر نفسی ؛

فقط شو کوردیکک « اکمکچی اوغلی مدرسه سی »

یاشار دمیر کبی کوکسیله بلکه اون بیك یاش ..

— آل ايشته ايسته ديكك: تر به ، طاش قوناق، قاره قول ..

— فقط بونك نه سي ميدان؟ بو عادتا بر يول ..
تحف دكلى يا؟

— وقتيله بلكه ميدادى ..

قابانمش اولسده كيتدجه ، قالمش اسكى آدى .

— ايجه قهوه ده وار ..

— زرده يوق كه ؟ هر يرده !

اونكله ملت مرحومه اوغرامش درده !

بقاسى وارمى جهانك دوشونمه عاقبتى !

اوزان شو بيكه يه : بولدك ديمكدر آخرتى ! !

برنجى دفعه ايمش بيمش اختيار قايفه ،

پياده ياغ كبي قايدقجه طوغرولوب آچيفه ،

ايشيدامش كوزى ، بر قاو چاقوب ديمش : « يا حى !

عمر عمر بو عمر ايشته : هم اوطور ، هم قاي ! »

شو بيكه لرده او تر يا كينك « عمر » ديديكى

پياده نك اشيدر : يان كليرميسين .. نه ايني !

حيات آقوب كيده جكمش .. نه وار كدرلنه چك ؟

زمان زمان بو زمان .. طورمه بر نفس دها چك !

صفا كه باق كه يا چيقدك . يا چيقمادك يارينه !

طاقيلماسق ، هانى ، قابىل دكل آياقلىرىڭە !
 نظر نفوز ايدەجك اولسە هانكى ر يىغىنە :
 يا بر مدققك اسرار تارمارى دفين ؛
 يا بر مشر حك آثارى صاقلى .. هم نه حزين !
 چامورده صابلى ، كنىش رحلەر بوتون مرمر ..
 ديمك : معلمى تشرىحى و برمه مش از بر ؛
 كتاب نعشى سروب طاشلارك اوزونلغنه ،
 آچوب آچوب او قومش قارشىسىندە بولدىغنه .
 بوكون ، او رحلەرلك كندى نعش اولوب ياتىور ؛
 اوزرلرنده بكارلر فاصوليه قايناتىور !

— وفايە چىقسە كر كدر بو اكرى بوكرو سوقاق ..
 — اوت ، وفايە اينر .

— غالبا ايجه اوزاق ..

دكلى ؟

— هيچدە دكل .. سن يورولدك آكلاشيلان !

— اونوتمشم ، هانى ، يوقدرده كلديكم چوقدن .

— صايجه ، طوغرو وفا مبداننده يز شيمدى .

— براز طانير كې اولدم .. يا آزى كچمدى !

بونا خلفلیکی ز یامشز ، سلف معذور .
 اویوب صیچان کبی هر دورت آدیده بر کمری ،
 دده گمی آچش او مسکین قیلقلی قهوهرلی ؟
 خایر ، دده ک سکا ، باق ، خسته خانه ر یامش ،
 یاننده مکتب طبیه لر ، نه لر یامش !
 شو کورد بکک قوجه مان کتله یوقی ؟ دارالطب .
 — دیمک : بو مدرسه طبیه مکتبیدی ..

— عیب !

— عیب نه در ؟

-- بونی اولسون کوروب ده بیلمه مگز .
 — باقیسه اویله .. فقط « بیلمه ییک ! » دین ینه سز !
 — طبابتک او قدر محترمدی موقعی که :
 برر طیب فنون آشنا چیقار ، اسکی
 مدرسینمزک الگ کزیده افرادی .
 یازیق ، او نسل کریمک وفاسز اولادی
 براقش اویله جه ، هیچ باقامش مؤسسه یه ؛
 نه لر کورور نه لر انسان کیرنجه مدرسه یه !
 دولاشمق ایسته یه رک طالدیغ اولور بعضی :
 آدیم باشنده عصر لرجه سعیک انقاضی

— لکن انسانك،

ناصیل قارارمهده ماضی یه طیرمانان نظری !

بوکون ، بزم تپه مزدن باقان شو آثاری

صیانت ایله مه دن عاجرز ، دکل باقمق . .

— حقیقت او یله ! شو معبد نهدر ؟ شو چشمته باق !

— بیراق که جامعی ، دنیاده اولماز او یله اثر ؛

فقط نهدر شو هیاکل ، نهدر شو مدرسه لر !

اوزاقدن آ گدی ریورلر نطاق سیمینی ،

که صارمق ایسته یه رك وحدتك ندیمه سنی ،

آ تیلمش اوچ طرفندن کمند اولوب بلنه ؛

فقط دکل بلی ، دامانی کچمه مش الله !

بشر دکلکی ؟ تعالی ده ایته سه عرفانی ،

ناصیل قوجاقلایه بیلسین حریم یزدانی ؟

أوت ، مدارس او وحدتسرای مختشمك

او گنده : حرمتیدر دینه هر زمان علمك .

بوتون شو قبه لرك موجه موجه سلسله سی :

حضور حقه ده قایانمش سجود قافله سی !

— بوکونده او یله می لکن ؟

— دکلسه ، کیمده قصور ؟

- خواجهم ، ختامه یاقین دوره سنده اعلاک ،
 میان قافیه دارنده جیفته « فی الحالک » ،
 اوقور طوروردی ، بو بر عنعنه یدی بسبلی :
 « چن که ساکن اولور واو ، اونک ده ماقبلی
 حروف سالمه دن حرف غیر ساکن اولور ،
 او واوی متفقاً مد ایدر ایش جمهور ...
 اوحالده ، بز دخی ایتدک : یخاف اولدی . » ... اوت !
 نه یاپسه آوروپا ، بز لرجه اصل اولان حرکت :
 « اوحالده بز دخی یابدق ! » دییوب همان تقلید .
 بو دورلو بر یکیلکدن نه خیر ایدر سین امید ؟
 — فقط « یخاف » نک اعلالی اما کوچش ها !
 — بو ، اختصاری اونک ، چوق سورردی ، یوقسه ، ده !
 — فنا می ؟ باق ، لافه طالدق ده طویمادق یوقوشی .
 — حقیقت او یله ! اپی یول قازانمشز .. شونه ، شو ؟
 — ییقیق سبیله باقوب آغلایان یانیق مکتب ..
 کچنکی یانفینک انقاضی ایشته بونلر هپ !
 — دیمک که : جامعی قربنده یز سلیمانک ..
 — « دیمک » ده وارمی یا ؟ قارشیکده !

اونك مقابلى ..

— ذاتاً بودريا درد ايسته !

تصرفاتى عيناً آيرسەق انكلېزك ،

فرانسىزك ؛ نه اولور خالى ، صوكره ، شيوه مزك ؟

لسانك اولماليدير بر وقار مليسى ؛

او اولمادقجه ميسر دكل تعاليسى .

— براز محافظه كارانه در ياشيمدى بوده ...

— اوت . محافظه كارم .. بيليرميسين ، بو موده

تعمم ايمديه باشلارسه ..

— باشلاسين ؛ نه اولور ؟

— ايلر ، طوتار يري قالماز ، لسانمز بوزولور .

بوكون نه مسخره اولمشه ملتك قيلينى .

لسانده اويله اولور !

— آ كلامام عنادجيلنى ..

— بيليرميسين بو غريب امتك نەدر خالى ؟

« يَخَافُ » صيغه سنك چينغراقلى اغلالى !

— ناصيل ، ناصيل ؟

— هله صبر ايت : « يَخَافُ اصلندن ... »

ديوبوده ازبره بر چوق عبارەلر اوقودان

— نه دن ؟

— دكېشدى حالت روحيه ، چونكه عصره كوره ..

— آمان شو « حالت روحيه » برده « مفكورده »

عيب دكل يا ، غيجه لار بڼم سېكېرلړيمى !

— نيچون سېكېرله نيورسين ؟ تعصبك یریمى ؟

برآز دكېشملى آرتيق بو اسكى ذهنيت .

« لسانه هيچ يكيك صوقيايك ! » ديمك : جنت .

— خاير ، تعصب ايدن يوق .. شو واركه : ايجابى

تحقق ايتلى بر كره ، برده ، اربابى

اليه اولمالى مطلوب اولان تجددلر ..

دوشون كه بويله ميدر بزده ؟

— شهه سز .

— نه كزر !

دليلي : كندى سوزگدر ..

— كيمك ، بېمى ؟

— اوت !

— نه سويله مشدم ؟ اونو تدم ..

-- جانم شو « ذهنيت ! » ..

— بكنم دگمى ؟ فرانسزجه يوقى « مانئالته » ؟

— ناصیل شوبانقه کوزل بر بنامی ؟

— بك او قدر

فنا دكلسه ده ، نسبتله ، بر یچیملی دیوار
منابه سنده قالیر جامعك یاننده . .

— غریب !

بنم کوزمله باقارسهك : نه محتشم ! نه مهیب !
— اوباشقه .. سورسه لر اسلوب ایچون «شودر» دینه مز.

اصالت اولمالی صنعتده اوّلا .. بو : ملز !
خایر ، ملزده دکل .. بلکه برچوق اسلوبك
خلیطه حالی که تحلیله قالدیشلسه : اوزون !
نجیب اثر آریورسهك : سبيله باق، ایشه . .
طاشوب طاشوب دوکولورکن اوشعر برجسته ،
صفای فطرتی شاهدکه : ترمیز اصلی ؛
دامارلرنده یوزن قانده ، جانده عثمانلی !
کوروب بوجوشش صنعتده روح اجدادی ،
براز صیقیلمالی شهرك صیقیلیماز اولادی !
— صیقیلماق اسکی آداملرده نادراً کورولن
بر ابتلایه دینیرمش که ، شیمدی کچدی !

صحیفه‌لر یازیور ، بلکه ، فن معماری
 او ، مبل ناز ایله غمخور دیده‌لر واری .
 براز میلی باقان ، معبرك کوزلاککنه ..
 — کرده او یله موافقمیدر عجب فنه ؟
 — نه سویلدك ؟

— شو آتیلش وهره و کرایمی ؟
 — فنون هندسه‌نك واریا برده « ترسیمی »
 دینن اصولی . . اونك ماهرانه تطبیقی .
 — دیمك كه : خیلی مهمدر بونكده تدقیقی .
 — سنك کوزك ایدر . . قاچ موقتك ساعتی ؟
 دوزله‌ته‌یم شونی .. طور ، طور .. قورولماش ذاتی !
 — برنده اون بوچوق اولمش ، برنده اوچ . .
 — نه کوزل !
 زمان ایچنده زمان . . یوقدی بویله شی اول .
 — بویوك قصور ایدی لکن . .

— حقیقت او یله ایدی :

قر حسابی ، کونش دوری ، صوکره ، میلادی
 دیوبده اوچ ییلی از بر بیلن ذکی ملت
 طورورمی هیچ یالکیز بر ساعتله ؟ طورماز اوت !

که یول کچن خانی اولمشدی . . حولیدر آرتیق ؛
 بو حولیدن کچه جککر نماز ایچون کچه جک .
 دیوب قایتمالی .

-- یا هو ، عقلیسین کرچک !

-- کچده ییقمایه قالقیشدیلردی محفل یا !

-- دیمک که ظیر دلی بونلر !

-- صورارمیسین ؟ دلی یا !

دلیرمدکجه برانسان ناصیل واریر آلی ده ،

قییار شو محفله ، یاخود شو محتشم کچده ؟

» بزمده وار مدیتله آشناغمز . .

هم اسکیدر . . » دییه بیلیمک ایچون دایاندیغمز

یکانه حجت سنکینی یرته جقلرده ،

صیقیلمدان کزه جککر » کنیش » سواققلرده !

-- » صیقیلمدان » دییه برنکته صاللاک . . لکن

یرنده اولدی . .

-- دکل ، سنده آکلایش کسکین !

-- بن آکلایم یا ، فقط یک دکرلی اولسه کړک . .

حقیقه شو کچید چوق کوزلیدر ؟

-- نه دیمک ؟

— اوزاق، یاقین دیمه آرتیق، اینیش، یوقوش سورمه!
طبیبش طبیبش کیدلم.. هایدی کیر شو صاغ قولله.

— آمان، شو ممبر فیاضک احتشامه باق:

باقار باقار طویامام: عاشق اولبشم مطلق!

— حقیقه طویاماز دیدلر ملاحتنه..

فقط یابانجیلر اوشمش جوار عصمتنه!

نهدر حریمنه یرلشمک ایسته‌ین شو صالاش

هویتنده ییغینلرکه هپ برر قلاش!

— اوت، زمینی اوزاقدن کوروب بایلمشدر،

یاواش یاواش صوقولوب صوکردهن بایلمشدر!

— اوخالده شیمدی آیلماق کرکدر اوقافه..

— آیلدی فرض ایدهلم.. ییغمادقجه بر طرفه،

شو کوردیکک قاره طاشلر قدر کثیف آلتون،

ناصیل تمیزله‌یه بیلسین، ناصیل ییغوب چیقسین؟

— خایر، قاپاتمالیدر «جامعک!» دیوب کمری،

برر برر ییقیلیر آز زمانده کندیلری.

— ناصیل قاپاتمالی.

-- غایت قولای: «شو میدانلق

- بيليرميسين نه دهالر يتيشدى مدرسه دن ؟
 دهامى ؟ آت باقالم ، هيچ صيقيلما ، بول كيسه دن !
 — صيقيلمادن آتيم مش .. قوزوم ، نيچون آتيم ؟
 اينانميورسك اكر طور كه بنده آكلاتهيم...
 — صايوبده نافله معلوم اولان بش اون اسمى ،
 يورولما ! اونلرى از برله مكده بر ايشمى ؟
 فقط ، شو وعظ ايدم جك هرزه كو عجب كيم اوله ؟
 نه اولسه هيچ يا .. نهايت ، صاريقلى برملا !
 — سنكه بزده ، برادر ، صباحلين چاتدق !
 عناده قارشى نه ياپسينده صوصاسين منطق ؟
 « صاريقلىدر » ديه هيچ كورمه دن ، بلا انصاف ،
 كبار امتى حقسر دكلى استخفاف ؟
 كلوبده بر بولنه يدك چكنكى وعظنده :
 قاليردى پارماغك ، الله بيليركه . آغز كده !
 نه وار عناديكه ايتسه كده بر سفر غلبه ،
 بنمله فاتحه كلسه ك ...

- آل ايشته ، كدم به !
 — هدايت ايرديمى ؟ هاه شويله .. آفرين صوقوشى !
 — آمان شو دوز يولى طوتسه قده تيمسه ك يوقوشى ...

- او حالده قوش کې سەمک دکلیدر لازم ؟
 عیب دکل یا ، بوسوزدن نه چیقدی ، آکلادام .
- بواعتراضی نیچون ساللادک محاکمەسز ؟
 وقت کچیرمەبی بزله قازانمە عدایدرز !
- دیمک که شیمدی ایشک یوق ..
- خایر ، برازدن وار .
- نه ایشدر ، آکلایه بیلسەک .. مەهم میدر او قدر ؟
- کیدوبده اوکلەبی فاتحده قیلماق ایستیورم ؛
 کلیرمیسین ؟ هادی !
- آرتیق ، اوشنمەدن نه زورم ،
 صیجاوده قان تره باتمق ؟ نمازسە مقصد اکر :
- صاغک ، صولک طولو مسجد ، بکن بکن طالوییر .
- نماز دکل یالکز مقصدم .. بو کون بر آدام
 چیقوبده وعظ ایدەجک اوکلە اوستی خلقه ...
- تمام !
- زمانیدر او طوروب ، شیمدی ، هرزه دیکلەمەنک ؛
 او یاوه کولری حالا ، آدام ، دیک ، بکەنیک !
 صاریقلی ملتیدر ملتک باشنده بلا ...
- فقط ، عمومی بردن باتیرمق ایش دکل آ !

- بوکون باریندیرمه‌ماز حاله کلدی برطاوشان !
او ، صیرتی هیچده کونش بیلمه‌ین یشیل طاغیر
ییغین ییغین قایالردر : سراپلر چاغلار !
— صباحلین ینه برخیلی نکته فیرلاتدک !
— خیالی بول بول آقیتدک ؛ سراپی چاغلادتک !
— خایر، خیال ایله یوقدر بئم آلیش وبریشم . .
اینانکه : هر نه دیمشسم کوروبده سویله‌شم.
شودر جهانده بئم اک بکندیکم مسلک :
سوزم اودون کبی اولسون، حقیقت اولسون تک !
— فنا دکل یولک اما ایچه صارپ اوله‌جق !
« اودون » دیدکده ، تحفدر ، نه‌کلدی عقلمه ، باق :
زواللی مملکتک یوقدی باشقه محصولی ؛
اودوندی، زرده بولونسه‌ک ، متاع مبذولی .
— آدام یتشدیره‌مزمش ، دیمک‌که ، طوپراغمز ! . .
— لطیفه برطرف اما ، آدام دکل یالکزر ،
اودونده ایسترز آرتیق باقینده آوروپادن !
— بزم فیلزلری کوندرمسین صاقین اوزمان !
— آغیرجه داورانورسین . . براز چابوق یوروسه‌ک . .
— وقت قازانمق ایچون ایسترم یاواش کیتمک .

اودون يوتارده براز سانجيدن بولوردى آمان . . .
 — ھېكم كىتىرمەيە قوشسەڭ ، ھېكىمدە يوق اوزمان !
 — تىمارجيلر ، برىكت وىرسىن اوسطە شىلردى :
 الئندە بالطە ، كلير اوچ كىسر ، بش ا كلردى . . .
 « دايان اويانكى باشندن عمر ! طوتكىدى ممش ! »
 باقاردىكز عملياتە چارچابوق يىتمىش !
 آماسرە ساحلى چوق اسكى بر مؤسسەدر ؛
 اوشاقلرك طوبى جراح اولور . . ھەن كسىدىر !
 بوكوندن اورمانى كوسترقىلاغىلى بالطەسنە :
 تىمىزلەيۈب چىقىۋىرسىن ، براقاسىن يارىنە !
 — برازىدە دىكىمەيى اوكرىسەلر . . .

— آدام سىندە ؟
 دوشوندىكك شىئە باق . . سىن شوعلىمى اوكرىدە . .
 — اوغلىمە ھېچ دىيەجك يوق : مفادى قطعىدر !
 علوم سائرە صنعى ، اوپك طبيعىدر .
 نەۋارەكە : قالمادى تطبيق ايچون مساعدىر !
 — نەدىن ؟

— نەدىنى ، كوروردك چىقوب كىزەيدك اكر .
 اتكلرىندە ظىغىن صاقلى بىلدىكك اورمان ،

ایکی آرقداش فاتح یولنده

— واپور یاناشدیمی؟

— چوقدن!

— دیمك كه كوپروده یز . .

— آمان ، شویوجلیر اینسین ! . .

— فقط بیلیرمیسکز ،

یادیرغایور ، هانی ، انسان اواسکی تکنه لری !

« یاناش » دینلیدی ، نازلیم ، کیدر کیدرده کری ،

کلنجه خشم ایله برطوس اوروردی کوپرویه که :

زوالینك ده شیلن قارنی صاغلام آلتی چکی

حماسی شاعرین
مدحت جمالہ

در دنجی کتاب

فاتح کرسینده

۱۳۳۲ رمضان

سبیل ارشاد کتبخانه سی شمریانی

عدد : ۲۳

صَفَائَات

محمد عاكف

ایک نئی طبی

توسیع طباعت مطبعہ سی

تصرفاتك حد مطيعينى تعييندن عاجز اولدولرندن بوشقه اقلره تحدد، يا خود
 كمال صنعت نظريه باقورلر . الحاصل اونكه صنعتك قبول اتمكلى او
 كى تصرفات داهيانه زواللى شمر قولايجه قبول ايدور . اكر شمرده
 كوسترلن كى تصرفلر باغرض هيكتراشاقده ، رساماقده كوسترلش اولسه
 ايدى ، هيكتراشك البدن چيقان برهيجل هر حالده بزم بيامديكز برخلوق
 اولور ايدى ! كذا برسامك بوله برتصرف نتيجه سنده وجوده كتيره جكي
 اثرلده بزه كورمديكز ، بيامديكز برعالمك مناظريني تصوير ايدرايدى !
 شمر مرده بو غرابت چوقدن تعين ايدى . فقط آنك تميزى ديكر
 صنعتلرده كى غرابترك تميزى قدر قولاي اولدولرندن بوكون اوغراشله
 بوقاربده سويلديكم كى . تجدد ، يا خود كمال صنعت نامى و بريليور . باقم
 بو حال نه زمانه قدر دوام ايدمك ؟ فقط سن لسان شمرى ماهيت نوعيه سنده
 خاص برتكامله نامزد قيلدك ؛ موفق ده اولدك ؛ دهاده اوله جقك .

كلمه ايكنجه ملاحظه : احتمال كه « صنعت صنعت ايجوندن : صنعتدن
 مقصد سنده صنعتدر ؛ صنعتده دينى ، اخلاقى ، سياسى بر غايت آرامق
 عبثدر . » ديه ، سنك مسلككه اعتراض ايدنلر ، آنى خوش كورمه ينلر
 واردر . فقط او حالده ، يعنى صنعت حقنه كى بو دستور قبول ايدلديكى
 تقديرده انى دبنزايكه ، اخلاقيزلفده آلت اتخاذ اتمك لازم كليز . زيرا
 صنعت بو صورتله قيددن آزاده ايدلش اولما بوب ، بلكه قيودك اكر برباديله
 تقيد ايدلش اولور . بى سنك اثرلكده بودستوره مخالفتكى كوسترمك
 برشى كورميورم . چونكه سنده صنعتده غايت آراميورسك ؛ لكن غايتمه
 صنعت آراميورسك . مسلكك تماميله مقصديكى تأمينه كافيدر . هان فياض فامكه
 ايستديكى جولانى ويرا ، جدى اثرلره تشنه اولانلرى فيض فامكه ريان ايت .
 صفحاتك بوقسمى تشكيل ايدن منظومه لك منبجى فرقان حكيم اولدولرندن
 هيسنك الهام محض اثرى اولديغنى سويله مك زانددر . هان سويله ، هان ياز .
 نوفيخ خدا رفيقك اولسون عزيزم .

فريد

اثرینی او حد داخلنده کمال ممکنه ایصال ایدر . او حدی تجاوز ایتمدیکی
آنده اثری بر اثر صنعت دکل ، بر نمونه غرابت اولور . زیرا صنایعه
خاص اولان کمال نوعینک ذوق صحیح دینیلن بر مقیاسی واردر . آثار
صنعتده کوستريلهك کمال دائما او مقیاس ایله اولچیلیر .

رسمایق ده بویه در . رسم اثرنده کوستره جی کالی عناصر صنعتک نظم
طبیعیلرینی بوزماهی شرطیله کوستره بیلیرسه مهارت ابراز ایتمش اولور ؛
کوستره من ایسه طبیعتی قبا بر صورتده استنساخ ایدرهك عادی بر مقلد
درکه سنده قایلر .

عناصر صنعتی وضع طبیعیلرندن چیقاران کیمسه قوانین صنعتی اخلاخل
ایتمش دیمکدر . واقعا بو حال اندر اوله رق دهاتدن صدور ایدر . حال بوکه
نظر صحیح ایله باقیله جق اولورسه دهای حقیقینک ، بو حرکتیله قوانین
صنعتی اخلاخل ایتمدیکی ، بلکه صنعتک قوانین موجوده سنه بر قانون ده
علاوه ایلدیکی کورایلر . دهایه خاص اولان بو تصرفی تقلیده قیام ایدنلر
دائما آلدانیرلر ، دائما موفقیتمزلك کرداینه دوشرلر .

موسیقینک ده اوکی تصرفات مبدعایه اصلا تحلیلی بوقدر . هیکتاش
اولسون ، رسم اولسون ، موسیقی شناس اولسون دائما صنعته خاص
اولان مقیاس نوعینی انده طوتمه ، صنعتنده کوستره جی اثر کالی او
مقیاس ایله اولچمکه مجبوردر .

بوشریطیه رعایت ایتمه یین صنعتکارلرک اثرلری آثار صنعتدن معدود
اوله ماز . نه فائده که شعرده بودقیقه اصلا نظراعتباره آلتیور . چوق کیمسه لر
ساحه نظمی تصرفات مبدعانه لری ایچون غایت واسع ، غایت مساعد بولیورلر .
او وادیده کوستره دکلی غرابتلری هر کسه برر بدیعه معرفت صورتنده
قبول ایتمدیرمک ایسته بورلر . یکی شعرلرده بونک پک چوق نمونه لری
کوریلیر . چوق کیمسه لرده شعرک حقیقتی ، شعرده کوستريله بيلهك

بزه « دینی ، فلسفی مصاحبه‌ها » کبی معظم بر اثر یازان
یار جانم ، استاد حکیم حضرت فریدک قیمتدار بر خاطره
التفاتیدر .

این روم ها کف

صفحاتک اوچنجهی قسمی نشره موفقیتکدن طولایی سنی خالصانه تبریک
ایدر ؛ دیگر قسملرینکده پیدربی نشرینه موفق اولما کی جناب حقدن
تمنی ایلرم .

لسان نظمه - ماهیتنی تغییر ایتکسزین - مستعد اولدینی انکشافی
وپردک . ترکیهک نظمه غایت الیریشلی اولدینی اثرلرکایله اثبات ایتدک .
برمدتن بریدر لسانمزده هرکس ایستدیکی کبی تصرفاته قیام ایلدیکندن ،
لسانمز عموم عثانلیرک لسانی اولقی درجه سشدن لسان شخصی اولقی
درکه سنه دوشمشدر . فی الحقیقه ، اسلوب ، شخصیک مائی ، تعبیر دیگرله
صاحبک تمثالیدر ؛ فقط لسانک روحنه دوقونولماق شرطیله .

هرکسک لسانده برتصرف مخصوص اجرا سینه صلاحیتدار اولسی بر
حده قدر مجاز اوله بیلیر ؛ او حدی تجاوز ایدنلره : طور ؛ دیمک لازم
کلیر . حال بوکه لسانمزده اجرای تصرفاته قیام ایدنلر ، تجدد کوسترنلر
هیچ برحده رعایت ایتیورلر ، هیچ برمقیاسه تابع اولیورلر ؛ انک ایچون
لسانمزده کوندن کونه چیفرنندن چیقیور .

مثلا بر هیکلتراش ، تصرفات خیالیه سیه اثرینی کمال ممکنه ایصاله
چالیشیر . لکن هیچ برزمان طبیعتک تعیین ایتدیکی حدی تجاوز ایده مز .

پك حزين بر مولد كيجه-ي
۱۲ ربيع الاول ۱۳۳۱

بييلار كچيوركه ، يا محمد ،
آيلر بزه هپ محرم اولدى !
آقشام نه كونشلى بر كيجه يدى ..
ايواه ، اوده ليل ماتم اولدى !
عالم بوكون اوچ يوز اللى مليون
مظلومه يامان بر عالم اولدى :
چيكنندى حريم پاكي شرعك ؛
تاموسه يابانجى محرم اولدى !
پيننده اوتن چا كك سسندن
بيكلرجه مناره ابكم اولدى .
الله ايجون ، اى نبي معصوم ،
اسلامى بيراقه بويله بيكس ،
اسلامى بيراقه بويله مظلوم .

صوڭى

بر نسیم اولسون ، آلهی .. جانلانیر قانلر بوتون ..
 نوبهارک روحی ایتسین برده بزلردن ظهور ..
 یوقسه ، آرتیق صور اسرافیله قالمخدر نشور !

هیچ قیمیدانماز بزم روحده كوك صالمش خزان !
 دم چكر بلبل .. بزم یئئمده بايقوشلر اوتر !
 صوكره ، قارشیمدن كچر ، بربر ، ییقیمش لانهلر !
 آشنالق یوق ، خیالك قونسه اك بیلدك یره ،
 یاد آياقلر چيكنه یور : دوشمش وطن یاد الله !
 باشقه سس بیلغم ، محیطمدن انین ایلر خروش ؛
 بكارم دینسین بوماتم ، بكارم ، اولماز خموش !
 آه ! تك بر آشیاندن بيك یتیمك ناله سی
 یوكسه لیركن ، ديكله یین انسانمدر بلبل سسی ؟

دویغوسز اولمق قدر دنیاده لکن درد یوق ؛
 اوله صالغین مش كه ماعون : قورتولان بر فرد یوق !
 كندی صاغلام .. حسی اولمش ، روحی اولمش ملتك !
 ایشه اك قورقونجی خسرانك ، هلاكك ، خیتك !
 ای ، اولوم رنكئنده طوپراقدن حیات اعلا ایدن ،
 بر ییغین طوپراقده اولسهق ، ساده چيكنه نمك نهدن ؟
 باشقه طینتلمی هپ شایان اولان احسانكه ؟
 آه ، بر بولسم ، صاریلق ایشمیدر دامانكه !
 بر نسیم ایستر قیمیدانمق ایچون جانلر بوكون ؛

چیقوده برسير ايت بهارك جوش رنكارنكی ؛
 نفخ صورك ديكله موجاموچ اولان آهنگی ؛
 بریشیل قان، بریشیل جان یاغدیروب، قدرت، یره ؛
 یمیشیل اولمش فضا؛ کوم كوك كسیلمش طاغ، دره .
 اك قیصیر طویراق طوغورمش، امزیریر برچوق نبات ؛
 فیشقیریر برداملهجق اوتدن، طوتوب صیقهسهك، حیات ؛
 دون، کیمکدن کولچه حالندهیدی هرچیپلاق فدان ؛
 باق: نه صاغلام قان، بوکون، طولغون یوزندن داملایان ؛
 دون، قودورمقدمیدی اورماندن جیحیمی بیک زفیر ؛
 آشیان طوتمش، بوکون، هر دالده پرآن بر صغیر ؛
 دون، نکهبانیدی میلیارلرجه ذیروحك سبات ؛
 سیلکینوب چیقمش اومحبدسن، بوکون، بر کائنات .
 دون، نه ماتمدهیدی عالم ؛ یرحزین، کولکر حزین ؛
 سور فطرتدر بوکون: فطرت بوکون صحرا کزین ؛
 ایشلهمش قیرلرده یریر قدرتک فیاض الی ،
 اوילה یاپراقلرکه صنعندن: کیدوب بر کورملی ؛
 اوילה اما، کوردیکم الواح شوقک رغنمه ،
 بنده حالا ذوقه بکزر دویغو یوق، حالا ینه ؛
 بردکل، یوز بیک بهار ایندیرسه حتی آسمان ؛

بِسْمِ اللَّهِ الرَّحْمَنِ الرَّحِيمِ

فَانْظُرْ إِلَى آثَارِ رَحْمَةِ اللَّهِ كَيْفَ يُحْيِي الْأَرْضَ بَعْدَ
مَوْتِهَا إِنَّ ذَلِكَ لَحَيِّ الْمَوْتَى وَهُوَ عَلَى كُلِّ شَيْءٍ قَدِيرٌ

ترجمه

«اللهك آثار رحمتنه بر باقسدك آ: طور راغی ،
اولد كدن صوكره ، تكرار ناصیل دیر یلتیور ؟ ایشته
او الله بوتون اولوری محقق دیر یلته جکدر ، هم او
هر شیئه قادر در .»

ھانكى ملتدرکه افرادنده يوقدر حس دين ؟
 الك بيوك اقوامه بر باق : دينى هرنيدين متين .
 دوشمه اى آواره ملت ، بونلرك خذلاسه ؛
 واقفز بز ھېسنگ پلك مختصر عرفانہ :
 شرفه باقماز ، غربي بيلمز ، كوركودن يوق وايهسى ؛
 برقيزارماز يوز ، ياشارماز كوز بوتون سرمايهسى !

ویرمه بر ملامون تمایل مبتذل معتادیکه !

بز که هر موجودی ییقدق غایه سبز بر فکر ایله ؛
 ییقمادق برشی برافندق .. ساده برشی : عائله .
 هانکی بر بنیانی محو ایتدکده اصلاح ایلدک ؟
 ایشته ویران مملکت ! هریر دهلیک ، هریر دهشیک !
 بونلرک تعمیری قابل .. اولسه جدیت ، ثبات ؛
 لکن ، الله ایتمسین ، بر دوشسه شاید عائلات ،
 اک قوی قوللرله حتی قالقه ماز امکافی یوق .
 کیم که ، قالقار دیر ، اونک حیوان قدر اذغانی یوق !
 « عائلی بر انقلاب اولسون » ! دین مایوس اولور ؛
 باشقه هیچ برشی قازانماز ساده بر ... اولور !
 چونکه « چیپلاق » انقلاباتک رذالتدر صوکی ..
 ای دنی قونداغچیلر ، بز سزده چوق کوردک اونی !
 برده خلقتک دینی وار صیق صیق تعرضلر کورن .
 حاله باق : ملتده حسیاتی اویمش اولدورن !
 دینی قربان ایتمایمش ملکی قورتارمق ایچین !..
 طوتده ، هی سرسم ، بوادرا ککله سن عالم کچین !
 هر جماعتدن بش اون دینسز ظهور ایلر ؛ بو حال
 پک طبیعیدر . فقط الحادی بر قومک محال .

بریغین قونداقچیدن یانمین کورنلر ملق ،
 شیمدی اینمش ظن ایدر مطلق شو مدهش آتی !
 ای وطنسز دربدرلر ، ای دنی قونداقچیلر !
 مملک ، آذیوق ، طوران بردینی ، برناموسی وار .
 شیمدی نوبت اونلرک .. یانمین ده اونلر ، اویله می ؟
 تارمار اولسون بوتون بر مسلمانلق عالمی !
 ای ، حیا نامنده برحسک وجودندن بیله
 یک خبردار اولمایان ، یوزسز ، حیاسز ! باق هله !
 آرقه سندن تاقلاق آتدک اک دنی بر شهرتک ؛
 دوشدی تاقیه ک ، چیقدی جاس جاولاق اوکل ماهیتک !
 برکلاه قاپمقسه شاید بونجه حرصت فایه سی ؛
 کندی ناموسک اولور ایرکیج اونک سرمایه سی .
 یوقسه ، ناموسیله ، وجدانیله خلقک اویناما ..
 صوکره قات قات ناصیه کدن صارقه جق برچوق یاما !
 برقیزارماز چهره بولمشسک یا ، ای جانی ، بورون ؛
 هم بوتون دنیایی افساد ایله ، هم مصالح کورون !
 کندی عرضکدن جو مرد اولمقسه معتادک اکر ؛
 کندی مالکدر سنک ، حقک تصرف ، کیم نه دیر ؟
 ماتک ، لکن هنوز معصوم اولان اولادینه ،

بِسْمِ اللَّهِ الرَّحْمَنِ الرَّحِيمِ

وَإِذَا قِيلَ لَهُمْ لَا تُفْسِدُوا فِي الْأَرْضِ قَالُوا أَنَّمَا نَحْنُ
مُصْلِحُونَ إِلَّا أَهْمُ هُمُ الْمُفْسِدُونَ وَلَكِنْ لَا يَشْعُرُونَ

ترجمہ سی



» اونلر د: « یر یوزنده فساد چیمقار مایلف ، دینلدیکی
زمان ، » بز اصلاحدن باشقه برشی یاپیمورز ، دیر لر .
کوزیکی آچ ، انی بیلکه: اونلر یوقی ، ایشته اصل مفسد
اونلر در ، لیکن فرقنده دکالر . »

اورتەلق آلت اوست اولورکن سس جيقارمازدم ، هانی ،
 اویله بر درنکیده سیرایت کلده آرتیق سن بنی !
 کوستر ، اللهم ، بومانت قورتولور ، تک معجزه :
 بر « اوتانمق حسی » ویر غائب خزینه کدن بزه ! !

فرده راجع صدمه‌دن افراد اولورمش لرزه‌دار .

بر ، نه‌یز ؟ سیر ایله آرتیق ، برده فکر ایت ، نه‌ایمیشز ؟
 دین‌ده کورکک عینی اولمش : ترس چویرمش کیمشز !
 نه‌ی معروف ، امرمنسکر در کزن میدانده باق !
 اک متین اخلاقز ، یاخود ، کوروب آلدیرماق !
 بیقدی بیک ملعون قلم ناموسی ، بز لر اویمادق ؛
 « صوصوق اولادر . دیوب صوصوق .. صانیرسک طویمادق !
 قوصدی بیک مردار آغیز شرعک بوتون احکامنه ؛
 آه برسس باری یوکسلسه‌یدی نفرت نامنه !
 آلتی یوز بیک جان کیدر ؛ میلیونله ایمان ا کیلیلر ؛
 کیمسه لر کورمز ! کورن سرسمده اللهدر بیلیر !
 صوکره ، شاید شخصنک اینجینسه ، حتی ، برتویی :
 یر یقیلمش ظن ایدر سیر ایله‌ین کومبور تویی !
 قیر قیک آیلقدن براز ، یاخود کجیکسین ویرمه بیک ؛
 فودلاچیک قالسین ، « پیلاو بیتمش » دیک ، کوسترمه‌یک ؛
 فس ، کلاه ، قالپاق ، صاریق ویرمش باقارسین ال اله ؛
 معده‌لردن فیشقیریر تا عرشه آج بر ولوله !

[۱] بوتشیه امام علی رضی الله عنک در .

بر زمانگر بزرده ملت ، هم ناصیل ملت مشنر :
 کلمشنر دنیا به ملیت نه در او کرتشنر !
 قاپ قارا کلککن بوتون آفاقی انسانیتک ،
 نور اولوب فیشقیر مشنر بر کوشه سندن ظلمتک ؛
 یار مشنر ادوار فترتدن قالان یلدالری ؛
 فکر فردا طوغمدان یاغذیر مشنر فردالری !
 اویله فردالرکه : قالدیر مش سرپا عالمی ؛
 دیدملر بر جاودانی فچرک اولمش محرمی .
 یکر می بش ییل یکر می بش بیک ییل قدر فیاض ایش !
 باق نه آتی بر تکامل ! باق که : حالا مندهش
 یاد فوق الاعتیادندن اونلک تاریخلر ؛
 کورمه مش بکیزر اومدهش سیره ، هم کورمن بشر .
 بر طرفدن دینمز ، اخلاقمز ، عرفانمز ؛
 بر طرفدن سیفه مقرون عدلنز ، احسانمز ؛
 یوکسلوب اقوامی آلمش فوج فوج آغوشنه ؛
 هپسی طالمش وحدتک آهنگ جوشا جوشنه .
 امر بالمعروف ایش اخوان اسلامک ایشی ؛
 نهی ایدر مش ، بر قتالی کورسه ، قارذش قارذشی .
 کیسه حقسنزلقدن ایتمز مش تغافل اختیار ؛

بسم الله الرحمن الرحيم

كنتم خير امة اخرجت للناس تأمرون بالمعروف
وتنهون عن المنكر و تؤمنون بالله...

ترجمه سی

« سز ایلیکی امر ایلر، کوتواکدن نهی ایدر، اللهه
اینانیر اولدیغکزدن، انسا انلرک خیری ایچون میدانه
چیقارلمش اک خیرلی برملتسکز... »

اللهم اوتان : بارى بىراق دىنى السكمن . .
 كبر لش كى طویراقلره كندك ، كیره جكسهك !
 لكمن ، نه ديمك بزلى الله ايله اسكات ؟
 اللهم اوتان قده اولور علم ايله . . هیهات ! ! "

* [استعین بالله : انما یخشی الله من عباده العلماء = اللهم
 قولارندن آنجق عالم اولانلری اللهم قورقار .

اوغراش باقالم ، یوقسه ایشک ، هی کیدی شاشقین !
 قورشون کبی سرعتی ، دکیزلر کبی طاشقین
 برچاغلايانك منبع دهاشنه طوغرو
 طیرمانمایه بکزر ، یوزه رک ، باشقه دکل بو !
 ای قطره آواره ، بوجوشک ، بوخروشک
 آهنگنه اویازسهک ، امین اول ، بوغولورسک !

ییللرجه ، عصرلرجه سورن اویقودن آرتیق ،
 سیلکین ده : محیطکده کی ظلمتلری یاق ، ییق !
 برباقسهک آ : کوکلر اویانیق ، یر اویانیقدیر ؛
 دنیا اویانیقکن اویومق مسخره لقدر !
 ایواه ! بوذلتلره سنسین ینه عات . .
 ای درد جهالت ، سکا دوشمکله بومات ،
 برحاله کتیردککه : نه دین قالدی ، نه ناموس !
 ای سینۀ اسلامه چوکن قاب قاره کابوس ،
 ای خصم حقیقی ، سنی اولدورملی اول :
 سنسین بزه دشمنلری اوستون چیقاران ال !

ای مات ، اویان ! جهلکه قربان کیدیورسک !
 اسلامی ده « باتسین ! » دییه طوتمش یدیورسک !

اوباز يا .. طبيعى .. برى انسان ، برى حيوان !
 اوبله يسه ، « جهالت » دینان یوز قارمندن
 قورتولمايه عزم ایتلی باشند باشه ملت .
 کافی می دکل ، یوقسه ، بوصول درس فلاکت ؟
 صولک درس فلاکت نهیه مال اولدی ؟ دوشونسهک :
 بینک ارییوب یاش کبی داملاردی کوزکدن !
 « صولک درس فلاکت » نه دیمکدر ؟ شو دیمکدر :
 کلزسه اکر کندینه ملت ، کیده جکدر !
 زیرا ، یکی برصدمه یه آرتیق دایانیلماز ؛
 زیرا ، بوسفر اویقو اولومدر : اویانیلماز !

جوشقون ، قوجه برسل کبی ، داثم ، بشریت ،
 مستقبله قوشمقده ویروب سیرینه شدت .
 طاغیر ، اوچوروملر اوکایول ویرمه مک ایستر ..
 لکن ، او ، نه یوکسک ، نه ده آچاق دیمز اورتر !
 اقوام اوبیولک نهره قاتیلش برر ایرماق ..
 البت قاتیایر .. هانکیسی ایستر کری قالمق !
 بزلرکه بومدهش ، بومعظم جریانه
 اوغراشمه دهیز .. باق ، نه قدر جیلغیز ، آکلا !

بِسْمِ اللَّهِ الرَّحْمَنِ الرَّحِيمِ

هَلْ يَسْتَوِي الَّذِينَ يَعْلَمُونَ وَالَّذِينَ لَا يَعْلَمُونَ

ترجمہ سی

~~~~~

ہیچ ، بیناں لہ بیاناں نلر بر اولورمی ؟ ،

اك قانلى شىناعتله قوغولمش وطنندن ،  
 مېليونله حياتك يور كىدىن كىدىيور قان !  
 اسلامى النىدن طوته جق ، قالدیره جق يوق . .  
 ناحق یره فریاد ایدیيور : عاجزه حق يوق !  
 یتیمى مصاب اولدینگىز بونجه دواهی ؟  
 آغزىم قوروسون .. يوقيسين اى عدل الهى !

حوسونمی اویارلاق یوزی قرآن حکیمک ؟  
 اسلام آیاق آلتیده سورونسونمی نهایت ؟  
 یارب ، بونه خسراندر ، الهی ، بونه ذلت ؟  
 مظلومی نهدر ازمده ، اذیرمده معنی ؟  
 ظالمیری عدلاک ، هانی ، اولدورمدهی حالا !  
 جانی کزیور دیب دیری .. جان ویرمده معصوم !  
 صوچ باشقه سنکدرده نیچون باشقه سی محکوم ؟  
 لایسته بیکارجه سؤال اولسده قربان ؛  
 انسان بومعالمده دهشته نکهبان !  
 ایواہ ! بش اون کافرک ایمانه قاندق ؛  
 بر اویقویه طالدق که : جهنمده اویاندق !  
 مادام که ، ای عدل الهی ، یاقه جقدک . .  
 یاقسه یدک آملعونلری .. طوتدک بزی یاقدک !  
 کفرک او ملوث الی آیاتکی سیلیدی :  
 بیکارله جوامع ییقیلوب خاکه سریلیدی !  
 قلاشسه اکر بر ایکی معبد ، اوده مرتد :  
 کو کسنده کی خاج کفرینه فتوای مؤید !  
 طول قالدی قادینلر ؛ باباسز قالدی چوجقلر ؛  
 یرکریده بیک عائله نک ماتمی چاغلار !

يارب ، هواغورسز كيجه نك يوقى صباحى ؟  
 محشرده مى بچاره لرك ، يوقسه ، فلاحى !  
 نور ايسته يورز .. سن بزه يانين ويريورسين !  
 « ياندق ! » ديورز .. بوغمايه قان كوندرييورسين !  
 اسمزسه اكر برازلى نفخه ، ياقينده ،  
 يارب ، اوجه نمله بو طوفان آرده سنده ،  
 طوبراق كسيلوب ، قوم كسيلوب عالم اسلام ؛  
 هپ فيشتيره جق يرلرك آلتنده كي اصنام !  
 بيزار ايدى جك ، قورقيورم ، جدر حسيني ،  
 اك صوكره ، صليب اورمانى كورمك حرميني !  
 بيك اوچ يوز اوتوز بش سنه در ، ارض حجازك  
 آتشي محيطنده كي سوزشلى تيازك  
 امواجى خروش آور اولوركن ملكوته ؛  
 چاك سسئرى بوغسونده كومولسونمى سكوته ؟  
 سونسونده ، الهى ، شو يانان مشعل وحدت ،  
 تثليث ايله جو كسونمى بوتون عالمه ظلمت ؟  
 اوچ يوز بو قدر ميايونى جانلانديران ايمان  
 اولسونمى بش اون سرسمك الحادينه قربان ؟  
 نفاس خيشيله بش اون روح لئيمك ،

بِسْمِ اللَّهِ الرَّحْمَنِ الرَّحِيمِ

أَتَهْلِكُنَا بِمَا فَعَلَ السُّفَهَاءُ مِنَّا...

ترجمہ

”ایچمزدہ کی بینسزلرک ایشلدکاری یوزندن ، بزی

هلاک ایدرمیسین ، اللهم ؟...“

اوغراش که : تلافی ایدم جک بونجه ضرر وار .  
 فریاد ایله قورتولماسی مأمول ایسه هایقیر !  
 یوق یوق ! هله غزمکده کی زنجیرلری برقیقیر !  
 « ایش بیتدی . . ثباتک صوکی یوقدر ! » دیعه : ییایملا .  
 ای ملت مرحومه ، صاقین یأسه قاییملا .

آئیده صاریل ضیم صیقی ، سیرایت نه اولورسک !  
 عزیميله ، امیديله یاشار هپ یاشایانلر ؛  
 مایوس اولانک روحنی ، وجدانی باغلار  
 لغنتله مه برعقدۀ خاطرکه : چوزولمز . .  
 اک قورقولو جانی کبی یأسک یوزی کولمز !  
 مادامکه آچاقلنی بر ، یأس ایله شرکات ؛  
 مادامکه اوندن دها ملعون ، دها چیرکین  
 برسیئه یوقدر بسکا ؛ ای عنصر ایمان ،  
 نومید اوله رق رحمت موعود خدادن ،  
 خسرا نه رضا ویرمه . . چالیش . . عزمی بیراقه ؛  
 کندک یاناجقسک بيله ، اولادیگی یاقه !

اولر تونک اولمش ، اوتیور برسورو بایقوش . .  
 سسنرده : « وطن تهلیکه دهیمش . . باتیورمش ! »  
 لکن ، هانی ، میلیونلری اورتن شویغیندن ،  
 نک قولده « یاییشسه م . . » دیمور برطرفندن !  
 صاحبسز اولان مملکتک باتماسی حقدر ؛  
 سن صاحب اولورسه ک بووطن باتمايه حقدر .  
 فریادی بیراق ، کندیکه کل ، چونکه زمان طار . .

آتی بی قارا کلک کورە رک عزمی بیراقق . .  
 بېلەم کە ، اولوم وارمیدر اوندن دها آچاق !  
 دنیاده اینانمام ، هانی ، کورسە دە کوزەلە :  
 ایمانی اولان کیمسە کبرمز بو اولوملە .  
 ای دیب دیری مّیت ! « ایکی ال برباش ایچوندەر ،  
 داوارانسه ک آ . . اللردە سنک ، باشردە سنکدر !  
 حس یوق ، حرکت یوق ، آجی یوق . . لشمی کسیلدک ؟  
 حیرت ویریورسک بکا . . سن بویله دکلدک .  
 قورتولمايه عزمک نه ایچون بویله سورکسز ؟  
 کیندکمی سنک ، یوقسە ، امیدکمی یورکسز ؟  
 آتی بی قارا کلک کوریویورمکله آپیشدک ؟  
 اسبابی الکندن آتەرق یأسە یاپیشدک !  
 قارشیکده ضیا یوقسە ، صاغکدن ، یاصولکدن  
 تکز برایشیق اولسون بولیویر . . قاله یولکدن .  
 عالمده ضیا قالماسە ، خلق ایتمایسک ، خلق !  
 ای اللری بو کړنده یاتان ، شاشقین آدام ، قالدق !  
 هرکس کبی دنیاده هنوز حق حیاتک  
 وارکن ، هانی هرکس گبی عزمکده ثباتک ؟  
 یأس اویله باتا قدرکە : دوشرسە ک بوغولورسک .

بسم الله الرحمن الرحيم

يا بني اذهب وافتح... وامن يوسف واخيه ولا تيأسوا امن  
روح الله انه لا يأس من روح الله الا القوم الكافرون

ترجمه سی

« اوغوللرم ، کید یکزدده یوسفله قارده شنی آرشدیر...  
یکیز، هم صاقین اللهک عنایتدن امید یکیزی کسمه ییکیز...  
زیرا، کافر لردن باشقه سی اللهک عنایتدن امید نی کسمز... »



نەعرىلىق ، نەدە توركلەك قالاھىچ ، آچ كوزىكى !  
دىكلە پىغمبەر زىشانك الھى سوزىنى .

تورك عربسىز ياشاماز . كىمكە « ياشار . » دىر ، دىلدەر !  
عربك ، تورك ايسە ھەم صاغ كوزى ، ھەم صاغ الیدەر .  
ويرىكىز باش باشە .. زىرا صوکی خىسران مېن :  
نەخلافت قالىور اورتەدە باللە ، نەدىن !

« مەنىت ! » سىزە چوقدن بریدەر دىش بىلەيور ؛  
اولا پارچەلامق ، صوكرەدە يوتىق دىلەيور .  
آرناوودلر سىزە عبرت اولەجقكن ، حالا ،  
نە بوشورىدە سیاست ، نە بو فاسد دعوى ؟  
كورمىيور كىتدىكى ياكلىش يولى ، ظنم ، چوغىكز ..  
سىزە رەھبەرلەك ایدن ھایدودى آرتىق قوغىكز !  
بونى بىندن طويىكز ، بىنكە ، اوت ، آرناوودم ..  
باشقە برشى دىيەم .. ايشتە پریشان يوردم ! ..

ایشته ، ای عصر عصیان ، بوالیم اضحلال ،

سنی تحریک ایدن اوچ بش آلیغ معرفتی !

یانه دن بکله میوردک بورذیل عاقبتی ؟

هانی ، ملیتک اسلام ایدی . . قومیت نه !

صاریلوب صیم صیقی طور سهیدک آملیتکه .

« آرناوودلق » نه دیمک ؟ وارمی شریعتده یری ؟

کفر اولور ، باشقه دکل ، قومنی سورمک ایلری !

عربک تورکه : لارک چرکسه ، یاخود کرده ؛

عجمک چینلیه رنججانی می وارمش ؟ زرده !

مسلمانانقده « عناصر » می اولورمش ؟ نه کیزر !

فکر قومیتی تلغین ایدیور پیغمبر .

اک بویوک دشمنیدر روح نبی تفرقه نک ؛

آدی باتسین اونی اسلامه صوقان قالتابانک !

شو سنک عاقبتک بیک بوقدر ییل اوّل ،

سکا سویلنمش ایکن طوغرومیدر شیمدی جدل ؟

آرتیق ای ملت مرحومه ، صباح اولدی اویان !

سکا آز کادی اذانلر ، دییه اوتسونمی بوچاک ؟

فحشى اعلايه قوشان برسورو نامرد اوتەدن ،  
 نه سلاملق ، نه حرم ديكه.يوب چيكنر كن !

هانی ، ای قوم اسارتزده ، مختاریت ؟  
 قورقارم ، شیمدی نصیبك متمادی خبیث !  
 هانی ، ای عنصر بی رابطه ، استقلالك ؟  
 ابدیاً ، صانیرم ، سوندی بوتون آمالك !  
 هانی « باشئیم » حییه لك قوردی یو كسك خولیا ؟  
 سنی ییللرجه آوونمشده اوملغون رؤیا ،  
 اویومشدهك ... یا اویانسهیدك ایدرمیدی تباه ،  
 مایکی ، بردن بره ، آفاقه چوكن قانلی صباح ؟

قاره طاغ هایدودی ، صرب اشکی ، بولغار ییلانی ،  
 صوكره یونان ایتی ، چپ چوره قوشاتسین وطنی ...  
 تارمار ایله ییویرسینده بوتون اردومزی ،  
 بزى قوغسون المزدن آلهورق یوردیمزی ..  
 کیمسه سز عائله لردن کیمی کیتسین بیجاغه ؛  
 کیمی بیک دورلو فوجاغتله چکیلسین قوجاغه ..  
 برینك عرضی هدر ، دیکرینك خونى حلال ..  
 .....

يا حريمكده ياتان شابقهلى سر خوشلر كيم ؟  
 يوقسه يا كلشمى ؟ خاير ، سويله مه ، بيلدم .. بيلدم !  
 باصه جقميدى ، فقط ، كوكسكه صربك چارينى ؟  
 سربلوب يرلره بيكلرجه شهيدك صارينى ،  
 سيلاه جكميدى اك آلچاق نفرلك چيزمه سنى ؟  
 دورته جكميدى كچن ، لش كچي هرليه سنى ؟  
 ياشو اوچ پارچهلى ياراق ديكيلير كن تپه كه ،  
 نه يه اينديرمدى ، كيم چيقدى بو خالقك او كنه ؟

هانى ، ملتله ميدان او قويان قوم نجيب ؟  
 كورمدم بركيشى ، تك بركيشى ميدانده .. غريب !  
 هانى ، حيثيتك كولكدسى چيكنه نسه اگر ؛  
 - اولمادن اوچ كيشينك ، بش كيشينك خونى هدر -  
 قهرمان غيظى ياتيشماز ، قانى جوشقون افراد ؟  
 ايسته حيثيت قوميه محقر ، برباد !  
 هانى « نامحرمة بن سويله مم قيزلريتك ،  
 قاريمك اسمنى . . هم اولدورورم ، صوزمه صاقين ! »  
 ديهه ، تحرير نفوس ايسته مين ار كيشيلر !  
 هانى ، گوسترمديلر اسكى جلاددن اثر ؛

اوله جقمیدی فدا حرصنه اوج قالتابانك ؟  
 دده مك سوردیكى ، جان ا كدیكى طوپراق كیتدی ..  
 اویله بر کیتدی که هم : بردها گلز ابدی !  
 نه اولوردك بونی قالقوبده كوره يدك عجبا ؟  
 «مشهد»ك بیننه خاچ صاپالانه جقمیدی بابا !  
 نه فلاكت : دونیور سینده مساجد آخوره ،  
 خیرواتك عسکری تپسین حیقوب اوستنده هورا !  
 باری بر خاطره قالسهیدی شو طوپراقده دیری ..  
 یر یاریلش ، یره کچمش شهدا تر بهلری !

زده اولسه م حیقور قارشیمه بر قانلی اووا ..  
 سنمیسك ، یوقسه خیالكم ؟ وفاسز قوصوه !  
 هانی بیکلرجه مفاخردی سنك هر آدیمك ؟  
 هانی سیننه گذه یاروب کچدیكى یول « ییلدیریم » ك ؟  
 هانی عسکر ؟ هانی قلمبنده یاتان شاه شهید ؟  
 آه اوقربان ظفر زده بوکون ؟ زده او عید ؟  
 سویله ، مشهد ، اوپهیم سجده ایدوب طوپراغکی :  
 یوقمیدر سنده مزادك ایکی اوج طامله قانی ؟  
 آه مشهد ! اونه ؟ ساحه کده کی میخانه میدر ؟  
 قاندیلک ، کور میورم ، زده ؟ شو پیمان میدر ؟

اوج يېنىسىز قىزانىڭ دردىنى ، اوج مىليون خالق ،  
 باق ناصىل دوغرايىور ؟ قالق ، بابا ، قىر كىدن قالق ! [۱]  
 دىر يىلر قوشمادى امدادىنى ، سىن بارى يېتىش ..  
 آرنالار دىق يانىور .. ھىم بوسفر پىك مەھش !  
 تىك قىغىلىچىم قاباروب اويىلە جەھنم قوسىدى :  
 كە ھەن قول قول اولوب ساردى بوتون بىر يوردى .  
 اونە يانغىن كە : اوجاق قالمادى سوندور مەيلى !  
 اونە طوفان كە : ياقوب يىقىدى بوتون وادى يى !  
 آشنا چەرە آراندەم .. او ، مكر ، ھىچ يوقش ..  
 ياللىكز بر قورو چول وار كە ، نە صورسەك : خاموش !  
 آشنا چەرەدە يوق ، ھىچ بىرىنىڭ يادىدە يوق ؛  
 ياقىلان بونجە حياتىك ، ھانى ، اجسادىدە يوق !  
 يوقلاسىەك كوللەرى ، آلتىندىن ، امىنىم ، آنجىق ،  
 كومور اولمش ايىكى اوج پارچە كىمكىدر چىقەچق !  
 بابا ! اك سوكىنى آنىنەك ، او سىنىڭ اوز وطنىڭ

---

[۱] بابام فاتىح مىدرسلەرنىڭ ايىكلى خواجه طاهر افندى مەرحومەدر كە ،  
 بىن ھىم بابام ، ھىم خواجه مىدر . نە بىلىسور سەم كەندىسەندىن او كەندىم .  
 شەرك دەھانى آكللاشلاماسەنە ، مەرحومەدە رحمتلە آكىلاماسەنە وسەيىلە  
 اولور ، دىيە شوھاشىيەنى يازمايە مەجبور اولدىم .

بِسْمِ اللَّهِ الرَّحْمَنِ الرَّحِيمِ

هَال رَسُولُ اللَّهِ صَلَّى اللَّهُ عَلَيْهِ وَسَلَّمَ : « اذْأَقَالَتْ نَزَارِ يَا نَزَارِ  
وَقَالَتْ أَهْلُ الْيَمِينِ يَا الْقَحْطَانَ تَزِلُ الضَّرْدَ وَرَفَعَ النُّصْرَ  
وَأَطْعَمَهُمُ الْحَدِيدَ . »

ترجمہ

« نزار اولادی : بیشیک ای نزار اوغلاری !  
منایلرده : یتیشیک ای تحطان اوغلاری ! دیدیمی ، همان  
تپهلرینه فلاکت ابر ؛ همان الایک نصرتی اوزدرلندن  
قانقار ؛ هپسنه بردن ده قیایج مساط اولور . »

ینہ ہجران ایلہ چیلغینلغم اوستمده بوکون ...  
 بکا وحدت کبی بریار مساعد لازم !  
 آرتیق ای یولجی براق . . بن ، یالکیز آغلاییم !

صائمايىك : شوق شهادتله جوشان برقان وار . .  
 يزدە لشدن دها حسسز ، دها قوقمش جان وار !  
 باقمايىك ، هم توكوروڭ چهره مرداريمزه !  
 توكوروڭ : بلىكه بر آرز دويغو كلير عاريمزه !  
 توكوروڭ جبهه لاقيدينه شىرقك ، توكوروڭ !  
 قوشقولانسىن ، كورەلم ، غىرتى خلقك ، توكوروڭ !  
 توكوروڭ ماتى آلاچقه اوران ضربەلرە !  
 توكوروڭ اونلرە آلقىش داغيدان قىجەلرە !  
 توكوروڭ اهل صليىك او حىياسز يوزينه !  
 توكوروڭ اونلرك اصلا كووه نىلمز سوزينه !  
 مدنيت دەنيان مسخرە مخلوقى كوروڭ :  
 توكوروڭ ماسكىلى وجداننه عصرك ، توكوروڭ !

ھەلە اعلانى زمانندە شو ملعون حربك ،  
 » بزه افكار عمومىيەسى لازم غربك ؛  
 اوده الھى بىراققلە اولور . « ھرزەسىنى  
 خلقە ايمان كېى تلىقېن ايلە ، دىنك سىنى  
 صوصدوران آبدالك ادراكىنە بول بول توكوروڭ ! . .

« مدینت » دینن آچاقلغه لعتقلر ایدر

کبی یکپاره کسيلمش ده صیرتمش دیشلر !

سونکودن قالبوره دونمش نیجه بیکارله بدن !

نیجه باشلر ، نیجه قولارکه جدا جسمندن !

بشیکندن آلتوب پارچه لانان مخلوقات !

صوکره ، ناموسنه قربان ایدیلن بونجه حیات !

بم بیاض صاچلری قطرانلره باتمش ددهلر !

کوکمی بالطه ایله قیریلش مہ سمر والدہلر !

تکی بیکارجه کسک کوکده یه عائد کومہلر :

صاچ ، قولاق ، آل ، چکه ، پارماق .. بوتون انقاض بشر !

باقلم ، یاوروسی اوغرارمی ، دییوب ، قارندن ،

جانوارلر کبی شیشلرده قیزارمش نسوان !

ایشته بونلر او فلاکتزده لردرکه ، دوشون ،

قورومش اوت کبی طوغرانندی بیجاقلرله بوتون !

مسلمانلقلری ییچاره لک او یله بویوک

برجنایت که : جزالر اوکا نسبتله کوچوک !

ای ، بو طوبیراقده برر نعلش یریشان بیراقوب

یوکسه لن ، موکب ارواح ! صاقین ارضه باقوب :

آلهی ، کیسه سزایکدن بونالدم آشنا یوقی ؟  
 وطنسز ، خانانسر برغریم . . ملتجا یوقی ؟  
 بوتون یوقلمقی هریر ؟ باری بر « یوق ! » دیرصدا یوقی ؟

°  
 °

کیتمه ای یولجی ، برابر اوظوروب آغلاشهلم :  
 ألمم بریورکک کاری دکل ، پایلاشهلم !  
 نه یایوب یاسمی قهر ایلیهیم ، بیامم که ؟  
 اويله دهشتلی محیطمده دونن ماتم که ! . .  
 آه ! قارشیمده وطن نامنه بر قبرستان  
 یاتیور شیمدی . . ناصل یرلره کچمز انسان ؟  
 شو مزارلرکه اوزانمش کیدیور ، ای یولجی ،  
 نره دن باشلادی یوکسلمهیه ، باق ، نرده اوجی !  
 بونه هجران . وؤد ، بونه خسران مبین . .  
 ازیلیر روح سما ، پارجه لانیر قلب زمین !  
 آزاجق قورجالا طور اقلری ، سیرایت نه حیقار :  
 دیچیک آلتنده ازیلش ، پاره لانمش قفالر !  
 بره دن رنک هویتلری اوچش یوزلر !  
 کیم بیلیر هانکی شاعته او یولش گوزلر !

چېنلر وارسه اسلامك شو چېكنه نئش ديارندن ؛  
 شو يوز بيكلرجه يوردك قانلي ، زارلسز مزارندن ؛  
 يوركلر پارچه لار بـنـوحـه ديكلر رهكذارندن .  
 بوماتم ، كيم بيلير ، قاچ منيكلر قلوبك غبارندن  
 خروش ايتمكده ، صوك اميدينيك صوك انكسارندن ؛

اوت ، صوك انكسارندن كه يوقدر جبرك امكاني ؛  
 باتوب كيتمش نظرلر بلكه مكدن فجر نازاني ؛  
 ناصيل ، اي يولجي ، بيك لعنت كلوب ازمزكه وجداني ؛  
 دوداقلر ، چاچاك اولمش ، ايچركن زهر خسراني ،  
 اوزاقدن باقدى - قوشمق نرده ! - ميلئونلرجه ياراني

بو ايصسز آشيانلر برزمان غايت معززدي ؛  
 بو طاملر بويله بايقوش سسلرندن چين چين اوتمزدي ؛  
 شو قوربنه لر سه كن وانيده جيلانلر قوشوب كزدي ؛  
 شو جوشممش ، آغلانلر ايرمق نهختدان كولكلر سزدي !!  
 فقط ، برباد نكبت آ كسزين هپ قيردي ، هپ ازدي ؛

وفاسز يورد ! اوز اولادك ايچون اولسون ، وفا يوقى ؟  
 نهدن قلوبك قارارمش ؟ بيك اوجاقدن برضيا يوقى ؟

بسم الله الرحمن الرحيم

فَتِلْكَ يَوْمَتُهُمْ خَاوِيَةٌ بِمَا ظَلَمُوا.....

ترجمه سی

« ایشته سکا، اونلرک، کند یولسلرقلری یوزندن،

ایپ ایصسر قالد، یوردلری!..»

نه طوغماز كوشش اى عاجزلرك قدرتلى خلاقى !

الهى ، شرع معصومك شو طور اقلردى صوك يوردى ..  
 ناصيل تايبه قهرلك اك رذيل اقوامه اوردوردى ؟  
 اوت ، ماتلرك اك قجه سندن ، اوچ لئيم اردو ،  
 كلوب تا سینه مزدن اوردى ، سیرایت هم ، ناصیل اوردى :  
 كه استقبال ایچون چارپان یوركلر آكسزین طوردى !

تجلى ایتدك بر كره ، اللهم ، جمالكه !  
 شو اوچ یوز اللى میلیون روحى اولدوردك جلالكه !  
 اوطورمش اككه نیرلركن سنك - حاشا - زوالكه ،  
 نهدر الحادى امهالك اوصامت انفعالكه ؟  
 نهدر اسلامى تنكىلك بومستعجل نكالكه ؟

صوص اى دیوانه ! طورماز كائناتك سیر معتادى .  
 نه صاندك ؟ فطرتك احكامى هییچ ديكارمى فریادی ؟  
 بوكون ، سن كندى كندیكدن امید ایت آنجق امدادى ؟  
 اوت ، سن كندى اقدامكه قالدير كیت ده بیدادى .  
 جهان قانون سعيك ، باق ، ناصیل برحسله متقادی !  
 نه یاپدك ؟ « لیس للانسان الا ماسعى » واردى ! ...

وَحس سز طو پراغك اوستنده مظلومینه یر یوقمش !  
 عدالت شویله طورسون ، بویله برشیدن خبر یوقمش !  
 بوتون بوشلقمش انسانلق: نه ایسترسهك، مكر یوقمش !

آلهی ، آلتی یوز بیك مسلمان بردن بوغازلاندی ..  
 یانان جان ، یرتیلان عصمت ، آقان سلار بوتون قاندی !  
 نه معصوم اختیارلر سونكولر آلتنده قیوراندی !  
 نه بیكس خانمانلر ایشته ، یانغین ویردیلر ، یاندی !  
 شو كوللنمش ییغینلر هپ برر انسان ، برر جاندی !

صباح الخیر حریت ، آلهی ، لیل کون اولدی ؛  
 قارا قلق برهزیمت هر طرفدن رونمون اولدی !  
 شهامت کیمدی ؛ غیرت سوندی ؛ قدرتلر زبون اولدی -  
 او موجا موج سنجاقلر نه مدهش سرنکون اولدی !  
 ستقوطك دهشتندن قلب رحمت ، بلکه ، خون اولدی !

اذانلر صوصدی .. چا گلر ایكله دوب طور مقده آفاق -  
 یازیق : شرقك سمانندن هلالك کچدی اشراقی !  
 زمان آرتیق صلیبك دور استیلاسی ، الحاقی .  
 فقط ، یرلرده قالمش حقلرك فردای احقاقی ،

الهي ، امریک آواره بر حکومیدر عالم ؛

مشیت سنده ، هرشی سنده .. هیج برشی دکل آدم !

فقط ، جالا وجود انبات ایدر ، دندنجه ، هی سرسم !  
بوکون ، اوچ بش قاریش طوبراقده واراندن اورر کن دم ؛

یاربن ، طوبراق کسیامش واراندن فیشقیر بر ماتم !

الهي ، « مالک الملائک » دیودسین .. طوغرو ، آما .

حقیقی بر تصرف وارمیدر انسان ایچون ؟ اصلا !

ا کر آلمسه بر مات ، ایدوب برماکی استیلا ؛

ا کر ویرمشه بر مات بوتون برماکی بی پروا ؛

آلان سنسین ، ویرن سنسین ، سنک حکمکده در دنیا .

الهي ، اک اصیل اقوامی آچالتیرسین ! استرسه ک ؛

دیلسه ک اک ذلیل اشخاصه عزتلر ویردسین سن !

بو خیتلر ، بوخسرا نلر بوتون سندن ، بوتون سندن !

ناصیل تاغرشه یوکسلمز که مایوسانه بیلک شیون ؟

نه یرلر دیکلیور ، یارب ، نه کوکار ، روحم ایکار کن !

خو سس سز قبه نک آلتنده انساندن اثر یوقش !

دیوردق : « بر بوجوق میایار ! » مکر تک بر نفر یوقش !

# بِسْمِ اللَّهِ الرَّحْمَنِ الرَّحِيمِ

قُلْ اللَّهُمَّ مَالِكُ الْمَلِكِ تَوْفِي الْمَلِكِ مِنْ تَشَاءُ وَتَنْزِعِ الْمَلِكِ  
مِمَّنْ تَشَاءُ وَتَعِزُّ مَنْ تَشَاءُ وَتَذِلُّ مَنْ تَشَاءُ بِإِيدِكَ الْخَيْرُ إِنَّكَ  
عَلَى كُلِّ شَيْءٍ قَدِيرٌ

ترجمہ سی

« یا محمد، دی گہ : ای ملکک صاحبی اولان اللہم، سن  
ملکی دیلہ دیککہ ویررسین؛ سن ملکی دیلہ دیککک النندن  
آلیرسین؛ سن دیلہ دیککی عزیز ایدرسین؛ سن دیلہ دیککی  
ذلیل ایدرسین؛ خیریا لکن سنک البکده در؛ سن، هیچ  
شہہ یوقدرکہ، ہر شئیہ قادرسین، »



صحفیات

اردو صحیفی کتب

# حق ساری

محمد عارف

ایکٹنچی طبعی







بر بوطو پراق قاليور دينمك صوك يوردي !  
 بوده چيكنندي ، چيكنندي ديمك شرع ميين ؛  
 خاكسار اپلهمه يارب ، اونى اولسون ..  
 - آمين !

والحمد لله رب العالمين ...

۱۵ رمضان ۱۳۳۰

۱۵ اغستوس ۱۳۲۸

سزہ عائد سزی تخلص ایدہ جک سہی بلیغ .  
یا الہی بزہ توفیق کی کوندر ..

- آمین !

طوغرو یول ہانکسیدیز ، ملتہ کوستر ..

- آمین !

روح اسلامی شدائد صیقور ، اولدورہ جک .  
ظلمی تأدیب ایسہ مقصود مہیک ، کرچک ،  
نارہ یانسیں می برابر بوقدر مظلومین ؟  
بی کناہز چوغمز .. یا قمہ الہی !

- آمین !

بوغور عالم اسلامی بر آزعین فتنہ ،  
قطعہ لر قاینایہ ورق کیتدی او کرداب ایچنہ !  
محو اولان عائلہ لر برسوری معصومکدر ؛  
قالان آوارہ لرک حالی دہ معلومکدر .  
نصل اولمازکہ ؟ تزلزل ویریور عرشہ انین !  
دینسیں آرتق بو حزین ولولہ یارب !

- آمین !

مسلمان ملکنی ہر بردہ فلاکت اوردی ..

قوچه مان بر آغاچك طبق چيچککنمسنه  
 بکمز تیرلرکه ، حقیقت ، نه بیوک سوز بیلنه !  
 بومعظم اغاچك کوکده سی باشند باشه آشاغی ؛  
 صاییسز کوکلری ، تکمیل دالی ، تکمیل بوداغی ؛  
 ملتک سینئه ماضیسنه مربوط ، اورادن  
 اوزانوب کله ده در .. اويله یار آتمش یار ادان .  
 بر جاعت که : نهایت اوکا کلزده ایی ،  
 آغاچك هیئت مجموعہ سی ، یاخود چيچکی ؛  
 تا کیدر سینئه ملتدن اوروب خاکه سرر ؛  
 ملتک کندی اولور ایشته اوبالطه یله هدر !  
 انکشاف ایتسی آتیده ده پک زوردر اونک :  
 چونکه میدانده قالان کتله ییغینلرجه اودون !  
 خسته لائمشه آغاچ کوستریکنز بریئنه ؛  
 برده اک چوق کوکه باقسین اوباقان کیمسه ینه .  
 آشیلارکن ده اوروک کندینه کمنندن آشی .  
 شاید ایسترسه کنز آغاچك دونانوب اوستی ، باشی ،  
 بکزدسین تازه چيچکلرله بزده نمش کلینه ؛  
 کچمه سین ، دقت ایدک ، بالطه چوجوقلر انه !  
 ایشته درد ، ایشته دوا ، بنده نه وار ؟ برتبلیغ ...

نہ در اسباب ترقیسی ؟ یاقیندن کورمک .  
 بو اوزون بویلو مساعی ، بو اوزون بویلو سفر ،  
 بر قناعت ویرہ جکمش بکا دنیاہ مکر .  
 او قناعت دہ شودر :

سیر ترقیکزی سز ،

باشقہ یرلردہ تخری یہ شتاب ایتمیکز .  
 اوئی کئندندہ بولور یو کسہ لہ جک بر ملت ؛  
 چونکہ ہر نقطہ دہ تقلید ایلہ سوکمز حرکت .  
 آلیکیز علمنی غربک ، آلیکیز صنعتی ؛  
 ویریکز ہم دہ مساعیکزہ صوک سرعتی .  
 چونکہ قابل دکل آرتق یشامق بونلرسز ؛  
 چونکہ ملیتی یوق صنعتک ، علمک ؛ یالکیز  
 انی خاطر دہ طوتک ایتدیکم اخطاری دمین ؛  
 بوتون ادوار ترقی نی یاروب کچمک ایچین  
 کندی « ماہیت روحیہ » کز اولسون قیلاغوز .  
 چونکہ پک صاحچہ در امید سلامت اونسز .  
 صوکرہ ، دقتلرہ شایان اولہ جق برشی وار ؛  
 لہ نکشافاتی بر ملتک ارباب نظر ،

حائل اولسهیدی ترقییه اکر شرع مبین ،  
 دور مسعود قدوميله کیرن عصر کزین ،  
 اک بویوک بر مدنیله می ایلردی ظهور ؟  
 مندمیچ اولماسه روخنده اونک نامحصور  
 بر تکامل ، اوقدر خارقه زدن طوغه جق ؟

متفکرلریکنز ، آکلاشیلان ، پک قورقاق ،  
 یاخود احمق .. ایکیسندن بیله هم هانکیسیدر !  
 صانیورلرکه : « بوکور اوروپا تکمیل کافر .  
 متدین کورونورسه ، دییه جکار ، باربار !  
 « ایبری پانسور » کچینیرسه ک ، دکی شیر بلکه نظر . »

شرقی باشدن باشه ییلارجه دولاشدم ، کزدم ؛  
 همده اولدجه کوروردم .. قفا کزدیرمزدیم !  
 بو عربمش ، بو عجممش ، بوتاتارمش ، دیمدم .  
 مسلمان عنصرینک هپننی کوردم کنیدیم .  
 کوچوک آدملرینک روحنی تدقیق ایتدم .  
 بویوک آدملرینک فیکرینی تعمیق ایتدم .  
 ایسته دم صوکره ، نه دن بویله ژاپونلر یوکسک ؟

« مسلمانز ! » دین انسان بیغیندن نه اوزاق !  
 دینی تدقیق ایدم جکسهك ، دونه لم هایدی کری ؛  
 آلهم نشأت اسلامه باقین بر دوری ؛  
 اونه دهشتلی رقی ، اونه مدھش سرعت !  
 اویله برخارقه کوستردیمی انسانیت ؟  
 دور فترده قالان ، همده عصر لرجه قالان ؛  
 وحشتك ، غاظتك اعماقنه طالبجه طالان ؛  
 کومهرك ديب دیری اولادینی قوم چوللرینه ،  
 بونده بر نشووه طویان حس ندامت یرینه !  
 اوکجه طاغدن کتوروب یونستدینی طاش پارچه سنی ؛  
 صوکره خالق طانیان بر سورو وحشی بیغینی ؛  
 فصل اولمشده ، اوتوز ییلده اوتوز بیك سنهك  
 برترقی ایله دنیا به کیللمش مالک ؟  
 فصل اولمشده او فاضل مدنیت ، اوکمال ،  
 بویله بر قومك ایچندن طوغيویرمش درحال ؟  
 فصل اولمشده ظهور ایلیه بیللمش صدیق !  
 زره دن گلش او حیدرده کی عرفان عمیق ؟  
 اوکجه دهشتلی ظییرکن ، فصل اولمشده ، عمر  
 اویله بر عدله صاریلمش که : دکل کار بشر ؟

شیمدی ، بر قومك ایچندن متفكر کچین  
 زمرة اولجہ بو « ماهیت » ی تقدیر ایدەرك ،  
 صوکره قاج صفحهسی موجود ایسه تنویر ایدرك ،  
 چکه جك اولدیمی اوکدن او الهی فیزی :  
 آرقەسندن ده جماعت یورور آرتیق ایلری .  
 روحیدر چونکه قارا کاقده الندن یدە جك ،  
 یولجی شاشقینمی که طورسون ، متمادی کیدە جك .

متفكر لر یکنز دینی ده هیچ آ کلامامش ؛  
 روح اسلامی تلقیلری غایت یا کلیش .  
 صانیورلر که : ترقی یه تحمل ایدە مز ؛  
 عصرک آثار کمالیله تکامل ایدە مز .  
 بیایورلر که : علومك ازلی دایه سیدر ،  
 بشرک بر کون اولوب یو کسله جك پایا سیدر .  
 مندج سینة صافنده بوتون انسانلق ..  
 بونی تسلیم ایدر انصافی اولانلر آزیحق .  
 مسلمان عنصری غایت متدنی ، طوغرو ،  
 شوقدر وار که دکدر بو ، اونک محذوری .  
 « مسلمانلق » دینیان روح الهی ، آراسق ،

اولماسین ملت مرحومه یه برقانی مزار .  
 هم او خسران مؤبدده کی مسئولیت  
 متفکرلره راجع قاله جقدر البت .  
 باشی بوش قالدیمی ، زیرا ، شاشیروب برمعتاد ،  
 بوله مز کندیلدکنندن یولی اصلا افراد .  
 یالکیز کوستریلن یول طوته جق یولسه کیدر ؛  
 حسیدر چونکه اونک عزمنه دائم رهبر .

متفکرلریکیز آکلامیورلر صانیرم ،  
 که چنزار ترقیده آتیلمش هر آدیم  
 دیکشیر بوسبوتون اقوامه ، جماعته کوره ؛  
 باشقه برقومک ایزندن یوروومک ، جوق کره  
 عادتا مهلاک اولور ؛ صوکره نه وار ، هر مات  
 کوزه دیر سیر تکاملده بر آیری جهت .  
 برده خاطر لامیورلرکه ، عموماً بشرک ،  
 دائماً قوشدینی صوک مقصده یوکسلاک ایچین ؛  
 طوته جق سلسله اقوامه دکلدر هب بر ؛  
 بلکه هر ملت ایچین آنجق او « ماهیت » در ،  
 که قوبار کندیسنک روح عمو میسندن .

فیاسوف هپسی ؛ فقط پک چوغنک مکتبی یوق !  
 شیمدی اللهه سو کر .. صوکره براز بول پارده ویر :  
 هیچ اوتانماز ، پروتستانلره زانغوچلق ایدر !  
 او بنم الک ابدی خصم اولان روسیه بيله ،  
 حقی تسلیم ایدلم ! هیچده دکلدیر بویه .  
 متفئنلری تا کشفه قدر طیرمانیور ؛  
 ادبیاتی آکیلدقجه زمین چالقانیور .  
 قدرتم یتسه اکر ، اون یدیسندن یوقاری ،  
 ادبا نامه کیم وارسه ، حدوددن طیشاری  
 آتارم ، هم طاقارم بویته بهنامه نی :  
 او قویان یافته نی البته چیقارماز سسینی .  
 صوکره بر طرز تلافی بولورم : - کرچه غریب -  
 قونطورات عقد ایدرک روسیه دن اون اوزبش ادیب  
 کتیریر ، یازدیرم ملت ایچون برچوق اثر !

غالباً بحثی دکیشدیردی بومزعج سوزلر ..  
 زده قالدقدی؟ اوت، اورتهده برپیس اوچوروم  
 وارک ، کوندن کونه دهشتله نیور ، قورقیورم ،  
 - قاپادیلیازسه کلوب بریره شاید افکار -

بر آدم وارمی یتشمش ایچکزدن ، بر تڭ ؟  
 متفنن طانیلان اوچ کیشینک قیمتی ده .  
 منحصر آکلادان ، دیکله مه دن تقلیده !  
 کیم مساعیسنی برغایه وار دیردی ، هانی ؟  
 کوسترک پایه تحقیقه تعالی ایدمنی ؟  
 نظریاته بوغولمقله کچن عمره یازیق ؛  
 عملی قیمتیدر قیمتی علمک آرتیق .  
 بو حقیقتلری لکن کیم اوقور ، کیم دیکار !  
 سیوریلن زوبه لرك هپسی بش اون سوز بلار ،  
 دوشونور « دینی نصل بیقمالی بونلرله ؟ » دییه .  
 بویله بر مقصد ایچون چوق بيله اعدادیه !

ادبا کز هله غایتله بایاغی مخلوقات ...  
 خاکی ارشاد ایده جڭ او یله می بونلر ؟ هیهات !  
 کیمی غربک یالکیز فحشنه حسبی سیمسار ؛  
 کیمی ، ایران مالی دیر ، کهنه آلیر ، خورده ساتار !  
 اسکی دیوانلریکیز طوپ طولو اوغلانله شراب ؛  
 بیرادن ، فاحشه دن باشقه نه در شعر شباب ؟  
 سرسری : هیچ برینک مسایکی یوق ، مشربی یوق ؛

ناسك افكارى - كه افكار عموميه اودر -  
 كيتمسين كندى يولندن .. بونصل قابل اولور ؟  
 آجيلوب كيت كيده آرتيق ايكي حزبك آره سى ،  
 بك طبيعى اوله رق كلدى نزاعك صيره سى .  
 بيلديريلر كې ايندكجه « بين » دن شدت ،  
 بريانار طاغ كې فيشقيردى « يورك » دن نفرت .  
 اويله مدهش كه خصومت : متفكر طبقه  
 هر نه سويلرسه فنا كنده آرتيق خلقه ،  
 هم اونك ضدنى يايلاق ابدى معتادى .  
 برفلاكت بوكيديش ... لكن ايشك بربادى :  
 متفكر كچينلرده كى طاشقينلقدن  
 كلدى افكار عموميه مهلك برظن :  
 « بوفسادك باشى هپ فن اوقومقدر . » ديديلر ؛  
 اوني محو ايميه قالقيشديلر آرتيق بوسفر .  
 نه به علمك آدى يوق قوسقوجه ملتده بوكون ؟  
 چونكه افكار عموميه عليهنده بوتون ؛  
 چونكه يرلشمك ايچون كزدىكى يرلرده قنون ،  
 او كچه غايته بويوك حرمت آوار ، صوكره سكون ..  
 عصر حاضرده كچن قنلره صاحب دينه جك

دو یغولر حیقه مالی هپ عینی قالبدن ؛ یعنی  
اجتماعی ، ادبی حاصلی مرسته اده  
غربنی تقلید ایده مزسه ک ؛ نه دیسه ک بهوده .  
برده دین قیدنی قالدیر مالی آرتق ، زیرا  
بوتون اسباب ترقیمزه حائل او بلا ! »

کله لم شیمدی نه مرکزده عوامک حسی ..  
شبهه یوقدرکه تمامیه بوفکرک عکسی :  
کوره نک نه یسه ، اونک حکمنه منقاد اوله رق ،  
غربک افکارینی ، آتارینی دشمن طایبق .  
یکیلک نامنه وحی اینسه قبول ایلامه مک .  
شویله طورسون او تجددکه طیشاردن کله جک ،  
کندی ملیتنک کندی محیطنده طوغان ،  
یرلی ، هم حقلی تجددلره حتی عدوان !  
مشترک حسی بودر ایشته عوامک سزده .

متفکرلریکز طوتدینی یا کلش ایزده  
اویله صاپلانندی که آلدیرمادی برباشقه سنه .  
هیچ او کیتسینده دونوب باقمایه رق آرقه سنه ،

هم نهدن ياسه كلوب ايكليلهلم ، صيزلايهلم ؟  
 دردېكز نهيسه ، دوكلڅ اورتهيه بر آكلايهلم .

سزده ارباب تفكرله عوامك آرهسي  
 پك آچيق . ايسته بودر بنجه وجودك يارهسي .  
 ملتك يېني صايارسهق متفكر قسمي ،  
 بيلمه من لازم اولور خلق ده البت جسمي .  
 رجاعت كه دماغنده دون خسيات  
 جسمنك كيله براولماز ، طورور آهنگ حيات ؛  
 فاجك اعراضى كوسترمهيه باشلار اعضا .  
 بويله بر بنيه ايجون عاقبت البته فنا .

متفكر كچينلر نهدييور سزده باقك :  
 « مدنيتده تعاليسى عموماً شرقك ،  
 يالكز بر يولى تعقيب ايدهرك قابلدور ؛  
 باشقه يوللرده سلامت آرايان غافلدر .  
 باقهرق هانكي زميندن يورومش آوروپالى ،  
 عيني ايزدن صاغه ، ياخود صوله هيچ صابماملر .  
 غربك افكاريني مال ايتملي شرقك يېني ؛

اَل آچوب يالوار يورلر يكي صاحبلرينه ! ۱۸ |

.....

.....

.....

بوسزك آغلامه كيز بكمزدهدى برديكيرينه :

اندلس تاجي آلدن آلتان بختي قاره ،

صاووشوركن ، او كوزل ملكي ويروب اغياره ،

طيرمانير برقاينك صيرتنه ، اطرافه باقار .

براقوب چيقديهي جنت كبي زمرد اووالر ،

باشلار آغلامه يه بچاره يي هونكوز هونكوز :

قارشيدن والده سلطان بوني پك حقتي كورر ،

ديرکه : « چارپشهادك اركك كبي دشمنلرله ؛

شيمدي ، هيچ يوقسه ، قادينلر كبي اولسون آغلا ! »

بيرايك مامئي ، ياهو ! براقك فريادي ؛

آغلامق فائده ورسه يدي بابام قالقاردی !

[۱] برزمادن بري ايچين ايچين آغلایان جماعت بولوحه نك قارشيسنده

فرياديني ضبط ايدهمدي . معبدك ايچي پر محشر كريان حالي آلدی . او

هاي وهوي آرمه سنده اختيارك ، بر مدت ، نه سويلديكي ايشيدبه مدي .

نهايت ، اوده بش اون دقيقه بكمه به مجبور اولدی .

آزىچق بىلامك ايچون قدرىنى استقلالك ،  
باقىكىز چهره مشنومنه اضمحللك :

يارىلوب صانكه زمين اوغرايويىرمش يرير ،  
بيك سفيل اردوكة افرادى : بوتون عائله لر .  
هپسى آچ ، برپارملر يوق ، قادين ارلك چىپلاق ؛  
سوقاغك اورتهسى او ، قالدريمك صيرتى ياتاق !  
كزييور چيكنه يهرك بونلرى يوزلرجه كوپك ؛  
ساتىلق جوهر ناموس آرييور : كار ايدمك !  
سن ايشك يوقسه نماز قيلمق ايچون مسجد آرا ...  
كىمى جامعلرك آرتق قوجه مان بر اوپرا ؛  
كىمنك كو كسنة خاچ ، بويننه طاقشلىر چاك ؛  
كىمى اولمش بالو ويرمك ايچون اعلا ميدان !  
اورويور باندو شوقارشيمده طوران منبرده ؛  
او ، سزك سجده يه باش قويدىغىمىز ، مرمرده ،  
دبشى ، ارلك بر آلاى بوقلى آياق دانس ايدىيور !  
عشوملر ، قهقهه لر قبه يى كومبوردىيور !  
حولى باشدن باشه بيكلرجه ديلنجيله طولو ..  
اسكى صاحبلىرى ملكك قپامشلىرده يولى ،

قیشله لر اولره ، عسکرده اهاالییه دونر !  
 طورماسین صوکره قازان قالدیره طورسون اردو ،  
 دشمنک صفاری چیکئر بومقدس یوردی !  
 انیا یوردی بو طوپراق ؛ شهدا بر جی بویر ؛  
 بریقیق تر به سنک اوستنه مولی تیتئر !  
 طیشی باشدن باشه بر نسل کریمک یادی ؛  
 ایچی بویدن بویه میلیونله شهید اجسادی .  
 او یله مشبوع شهادت که بو او کسوز طوپراق ؛  
 فیشقیران اوتلری بر صیقسه آدام قان حیقّه جق !  
 بویه بر یوردی الندن چیقاران نسل سفیل ،  
 یرک اوستنده محقر ، یرک آلتنده رذیل !  
 هم وطن کیتدیمی ، بو قدر سزه بر بشقه وطن ؛  
 چونکه میراث یدی سائل قوغولور هر قاپیدن !  
 کوجیه یکن قوجه بردولته قورمش بنیاد ؛  
 چرکه حالنده می کورسون سزی قالقوب اجداد ؟  
 « چرکه حالنده » .. دیدم .. قورقارم اونندن ده تباہ :  
 سلطنت دور یله جک اولسه ، عیاذاً بالله ،  
 او یله ایکنرئج اوله جق عاقبتک منظره سی !  
 که تصور بیله وجدانلر ایچون یوز قاره سی !

قلاب پا كنده طويارمش اومصيدن آجي ؟  
 سزندن البته اولور روح بي دعواجي .  
 اي جماعت ، اويانيك ! يوقسه ، همان كون باته جق .  
 اويانيك ! قورقيورم : ليل ندامت چاته جق .  
 نه واپورلرله ترنلر سزى بيدار ايتدى !  
 نه ده طوپلر بودرين اويقويه بركار ايتدى !  
 سزى كييم قالديره جق ، صوريمي اسرافيلك ؟  
 ايتيمك .. مملكتك حالى فنا لاشدى .. كليك !  
 كليك الله ايجون اولسونكه زمان بحر انلى ؛  
 پرده نك آرقمسي - مولى بيلير اما - قانلى !  
 سزكه صوك لمعه اتميديسكز اسلامك ،  
 دايانيك غيظه آرئق مدنى اقوامك !  
 شيمديلك صاحبه سبب اردو كزك قوتيدر ؛  
 برده وضعيت ملكيه كزك قيمتيدر .  
 بوتذبذبله او قوت ده فقط صارصيله جق ..  
 چونكه عصيانلرى باصديرمايه مأمور آنجق !  
 اردو مادامكه افراديغى ملتدن آلير ؛  
 مامتك كشمكشندن ناصيل آزاده قالير ؟  
 اويله در ، مملكتك حالى دوزملزسه ا كر ،

یوق که هیچ برایشیدن، ... ملت مرحومه صاغیر !  
 بر دکل نحو ایدیلن دولت اسلامیہ ...  
 کبردیلمر عینی سیاستله بوتون مقبرہ یہ .  
 کیرمہدن تفرقه بر ملتہ ، دشمن کیرمہ من ؛  
 طویلن اوردنجه یورکار اونی طوب سیندیرمہ من .  
 براقیک اسکی حکومتلری ، میدانده کینر  
 یتیشیر ، شویاہ باقوب عبرت آلان وارسه اکر .  
 ایشته فاس ، ایشته تونس ، ایشته جزایر ، کیتدی .  
 ایشته ایرانیده تقسیم ایدیورلر شیمدی .  
 ایده جملکر ، بوده غایتله طبیعی ، زیرا  
 یاشماق حقنی قوتلی یہ ویرمش مولی .  
 مسلمان ، فرقه بلاسیله زبون بر قومی ،  
 مدنی آوروپا اوج لقمه ایدوب یوتمازی ؟  
 ای جماعت ، یتر الله ایچون اولسون ، اویالک ...  
 سسی پک مدھش اوتر صوکرہ قولاقارده چاکک ؟  
 ارضی اویناتندی یرندن ییقیلیرکن ایران ..  
 بایکہ بر قیل بیله اورپر مہدی سزدن ، بونقان !  
 هیچ صیقیلمازمیسکنر حضرت پیغمبردن ،  
 کہ اوزاقلرده کی بر مؤمنی انجنتسه دیکن ،

سو یله دوب بشقه مالکده کی محکومینی ..  
 حاکمیت نه ایش ، اوکره نیکیز قیمتی .  
 یوقسه ، اونسر نه شو دنیا قالیر اسلامه ، نه دین ...  
 قوشاتیر ملت محکومه بی خسران مین .  
 مسلمانان سزی غابت صیقی ، غایت صاغلام ،  
 باغلامق لازم ایکن ، آکلادم ، آکلایه مام ،  
 آریلق حسی فصل کیردی سزک بینه کزه !  
 فکر قومیتی شیطانمی صوقان ذهنکزه ؟  
 بررندن متفرق بوقدر اقوامی ،  
 عینی ملیتک آلتنده طوتان اسلامی  
 تملندن ییقه حق زلزله قومیتدر .  
 بونی بر لحظه اونو تمق ابدی خیتدر .  
 آرناوودلقه ، هر بلقله بوملت یورومز ..  
 صوک سیاست ایسه تورکلک ، اوسیاست یورومز !  
 سزی برعائنه افرادی یار ایش یارادان ؛  
 قالدیرک آریلق اسبابی آراتق آرادن .  
 سز بود عواده ایکن یوقسه ، عیاذاً بالله ،  
 اجنبیلر اوله حق صاحبی ملکک ناگاه .  
 دیه طورسون آتالر : « قلعه ، ایچندن آلینیر »

نسل حاضر بونی حریت وجدان صانیور !  
 قادین ، ارکاک قوشیور بورچ ایدرک اوروپایه ..  
 بیله م آسیا سزک شیعقلر ایچون پکمی صایا ؟  
 حقه تفویض ایله اوچ دانه یتشمش قیزی ؛  
 « آنالاق علمنی اوکرتک ایچون » بالدیزی  
 طاشیاندیر بیله وار پارسه یوکسونیه رک ..  
 ایش بویوک ، اجر دده نسبتله عظیم اولسه کرک !

شبهه سز بیقادی اوخلیلاری مشهور داتم ...  
 بن فقط کندی می برمدت ایچون آلداتم :  
 غلیاندر .. غایان کندی می قالماز منطق ..  
 صو بولانمازسه دورولماز .. هله صبرایت آزیحق ..  
 اینی اما نه قدر بکله مش اولسه ک ، ایشلر  
 اکیسندن دها یرباد ، اییاشمک نه کزیر !  
 وطنک طاقی یوقدر او قدر اهماله :  
 طولو دیزکین کیدیور باقسه ک آاضمحلاله !  
 ای جماعت ، اویانیک ، اویرر آرتی اویقو !  
 یوقدر سزده وطن نامه هیچ بردویغو ؟  
 دوشمه دن بچه خذلانه استقبالك ،  
 بیایکیز قدرینی حریتک ، استقلالک .

چاملى بل صانكە شەر : ضابطە يوق ، رابطە يوق ؛  
آقسە قان سل كې ، بر دىندىرە جك واسطە يوق .  
« ذوق حرىتى اونلر دھا چوق آكلاملى »

دېيە مەكتەپلىرك مەكتەپى تەكمىل قاپالى !  
عامى تضييق ايله تعليم ، اوده براستېداد ...  
ھايدى اويلايسە چوققلر ، ابدىآ آزاد !  
نطقە كەلش اوتە طورسون خواجلەر برياندن ..  
صحنەدن صحنە يە قوشمەقدە بوتون شا كردان .  
كور چييان نشترك آلتندە نصل باطلارسە ،  
ھې آغزلر دە شيلوب ، كيمدە نە جوھر وارسە ،  
صاچيور اورتە يە ، ايستر تميز ، ايستر كيرلى ؛  
قالمايور كيمسە جكك مضميرى آرتق كيزلى .  
دالفاووق دورى دكل ، اسكى قصائد يرينه ،  
ادبا كز آنا عورت سو كيور بر برينه !  
درلو آدلرلە چيقان نامتھاي غزئە ،  
آيرىلق تخمى بول بول آتيور مملەكتە .  
ايت ياشدیرمك ايجون طوبراغى غايت منبت  
بولەرق ، فيحش اكيور صالە كزن برسورو ايت !  
يورويور دینە بش اون مسخرە ، آلقیشلانیور ؛

غایبان کلدیتی ، منطق صاوووشورمش .. طوغری :  
 واردی عئلندن اوگون هرکیمی کوردمه زوری .  
 کیمسه فرقنده دکل ، آکلاشیلان ، یادیغنک ؛  
 قفالر توتسولو خایا ایله ، کوزلر قیزغین .  
 صانکه زنجیرده کیلر هپ بوشانوب زنجیردن ،  
 بیقیویرمش ده تیمارخانه نی حیقمش بردن !  
 زورنالر شهرک اهلینسی طاقمش پشنه ؛  
 یدیسندن طوته رق تا دایانیک یتشنه !  
 الی بایراقلی آلایلر یوروپور دوت کچکلی ؛  
 اک آغیر باشلیسنک بزبلی اکسیک ، بللی !  
 اوتیوز هرطاشک اوستنده برر دیللی دودوک .  
 دیکلیوز قاپلامش اطرافنی یوزلرجه هودوک !  
 کیم نسویلمسه ، همان ال اوروب آقیشلانجق ..  
 — یاشاسین !

— کیم یاشاسین ؟

— عمری اولان .

— شاق ! شاق ! شاق !

نه دواژده حکومت ، نه اهلایده برایش !  
 نه صنایع ، نه معارف ، نه آلیش وار ، نه ویریش .

ياشاماڭ يوقسە امين اولكە نوباربار چئەسى ،  
مدنى آدروپانك دامن عرفانئە :  
آسيانك بائكە اوڧرماتق عرېستانئە ،  
لائئە حالئەكى بردولتە واردر مدفن ...

آكلايوردىمكە : حريف چاتلايەحق ياسئىدن .  
انتقامك اولاماز بويلە مساعد صيرەسى  
دييە ، نرەيسە بولوب خىصمىك آرتاق يارەسى ،  
باشلام دشەيە .. لىكن بوحدل باشلايەلى ،  
ديكلىورمش بىرى شاهين كېى بر آفغانلى .  
واقعا روسجە تىكلم ايديوردق اما ،  
كورويورمش : حريفك جەرەسى غايئە فنا ..  
جاي سمارلرېنك ھېسنى بردن يېقەرق ،  
روسى غيرتلاقلايىورمىمى ؟ آمان ، ائىمە ، براق !  
دېمەدن ، شاشقىنى ياغمور كېى ايىلاتدى حاجى !  
نە تحفەركە : ظھور ائىمدى بردعواجى .  
ايتسە ذاتا نە چىقار ؟ حق ظيپىركدر ياللىكنر ؛  
دو كولن محكمەلردن قوغولور ، چونكە جىلئىز !  
برە استانبولە كلىدمكە : بوتون چارشى ، بازار  
نەرەدن چالقانىور ! اويلەيا .. حرىت وار !

ایشته خایالریک جانلی یرنده ایکن ، اوف ،  
 نیکس ایدوب قارشیمه چیقمازمی اوعلت موسقوف !  
 کوزلرم چوقدن آجیق اولماسه ، دیردم : کابوس ..  
 ایی اما نرمین بیتدی بوقورناز جاسوس !  
 آفاق اوستنده دیکیلیمس ، کوزیتک تا ایچنه  
 باقیور ، همده او شیمشک کبی کوزلرله ینه !

— جلییم ، کل باقلم ، کل .. دیکیلوب طورمه چای ایچ ..  
 خسته جانلاندی ، نه دیرسین ؟ بونی اوممازدک آهیچ ..  
 قهرمان ملتی کوردلایا : بر آرز سیکلکیندی ،  
 لئس یین قارغهلرک سسلری بردن دیندی !  
 اسکی سودالری ، قابلسه ، اونوتسون روسلر ..  
 — نه دیدن؟ آ کلامادم ! هی کیدی خلیاجی تاتار !  
 قهرمان ملتی کوردک ... دیدیکک کارمی ؟  
 سکا سویلرسه اکر شیمدی دوشوندکلریمی ،  
 ابدیاً بوخیالاته وداع ایلرسین .  
 -- یاسنک ووتقاجیلردنمی خیر نکارسین ؟  
 --- خسته جانلاندی ، اوایش بیتدی . دیورسین ؛ هیهات !  
 اوله ماز بویله سفیل امت ایچون حق حیات .  
 طویولان نغمه حریت اونک صوک نغزی !

ایشلیور فابریقه‌لر ، یزلی قماشلر طوقیور .  
 کیجه کوندوز باصیور ملتہ نافع آثار ؛  
 عادتاً مطبعہلر براویومان خدمتکار .  
 مالکی باشدن باشه اعمار ایدہ جک شرکتلر ؛  
 خلقک ارشادینہ خادم یکی جمعیتلر  
 طورمایوب ایش بولیور ، کوستریور ، اوغراشیور ؛  
 کیلر ساحلہ بویدن بویہ ثروت طاشیور ...  
 حصیر اوستندہ بورؤبالری کورمکده ایکن ،  
 ایکی ملعون کوزک آلتندہ آیللم بردن !  
 مسلمان دشمنی برروس طانیرم چوقنددر ..  
 نردہ کورسہم ، قاجارم ، چیفته‌لیدر چونکہ قاطر !  
 ہلہ عثمانیلرک نامی آکیلدجہ بیتر ؛  
 نہ اکر قابل اولور صیرتنہ وورمق ، نہ سمر !  
 روسیہدہ ایکن بنی کوردکجہ کلیر ، دیردی : « امام ،  
 اوقوسن بوقسہ ایشک .. اولدی سزک خستہ آدم !  
 جیقیمیور وارث مشروعیده بزدن باشقہ ... »  
 بنی قاچ کردلر آغلاندی بوخنزیرجہ شاقہ !  
 ینہ لاحول دیوب کچمہدہ قالدہ مضطرب ؛  
 چونکہ آلت اوست اولہجق بونجہ تصورلر وار ..

آزېجق كنده ، اعصابه كلكده سكون ،  
 دوندی وضعیتی بردن بره ، باقلم ، يولك :  
 بر كون اول يتيشوب طالمق ايچون سینه كزه ،  
 بويلادم ساحلی : ساحلان آچيلدم دگزه .

كمی انكینده ايكن بنده : انكیندی خيال ؛  
 كوثر ايچمش سوفينك حالنه بکزر بر حال !  
 عمری خيسته جهنمه کچن خانه خراب ،  
 ویرسه لر جنتی شاشقین کبی چکمزیا عذاب ؛  
 بنده روحده کی ظالمتری آرتق قوغدم ؛  
 ان بويوك خصم اولان یاسی نهایت بوغدم .  
 بحر عمانده هنوز چالقانیورمنس تکه نه ...

آندی خلیا بی تا مرمره ساحلارینه !  
 کورویوردم ، ایکی اوچ بیک میل آچیقدن باقه رق ،  
 شو سزك قاب قاره استانبولی قاردن ده آق .  
 پارلیور آلی اوزاقدن آیک اون دردی کبی ؛  
 کولیور : عشوه سنك جاذبه لر منجذبی .  
 نه کزر شهره « مزارلق » دیدیرن اسکی سیات !  
 دره لردن ، تپه لردن آقپور نور حیات .  
 صاییمز مکتب آچیلمش : قادین ، ارکک او قویور ؛

صبره کلسین ، اوزمان وارمی یورک ، آکلار سین ! »

حیدر آباد ییتیشدم که ، بوتون هندستان ،  
 « ویردی قانون اساسی بی نهایت سلطان ! »  
 دییه بردن بره چالقادی . اینان ، قابلی ؟  
 هیچ اوبیکلرجه خواطر کیررکن ایچیمی ،  
 برجیلر « بلکه ! » فصل هیسفی تشکیل ایتسین ؟  
 آکسزین باشلادی یینمده امیدک ، یاسک ،  
 طرغدیغمدن بری هیچ گورمدیکم برحر بی ..  
 اونه مدهش خلجانلردی آمان یار بی !  
 ویردی قانون اساسی ... بوچیقار رؤیای ؟  
 یوق جانم اویله دکل : ملتک استرحامی  
 شکل تهدید آکیورمش ، اوده مضطر قالمش ...  
 هانکی ملت عجبا ؟ هر نه ایشتهسک یا کلش !  
 جوشه کلدکجه فقط عینی ترانه یله جهان ،  
 کوردم آرتق دونن ایشلرده یداللهی نهان .  
 بونه شاهک ایشی ، یارب ، نه سپاهک کاری ...  
 بوسنک قدرتکک حوصله چاک اسراری !  
 ملتک طالع کریانی آرتق کولدور ...  
 اغلام صوگره چوچقلر کی هونکور هونکور .

کوز یومولقله کور اولماز ؛ کولک آلتده آتس  
 نه قدر قالسه بونالماز : هله بر آج، هله انس !  
 شوئی او کړندی که انیکلتره تحصیلی بکا :  
 ملتک ، مایکتک بویله سفیل اولماسنه  
 بر سبب وارسه ، خواصک کربدن باقسیدر ..  
 یوقسه ، شرقک بوذک عنصری هر فیضی آلیر .  
 مسلمانانق کبی ، وجدانلره غایت یوکسک  
 فکری الی ساده براسلوب ایله تلقین ایده جک ،  
 دین فطریسی اولان ملتی ارشاده نه وار ؟  
 دها یوکسکمی عجب شرقی اذن فطرتلر  
 قابلیتجه ؟ خایر ، بن بوکا اصلا قائم .  
 آدام ایستر یالکیز ایتمیه بر قومی آدام !  
 طوغرو یول ایشته بودر ، کل ، دیبه سن بریوروده ،  
 اوزمان باق نه قوشانلر گوره جکسین سوروده !  
 اولایینه بر فیکر نزیه آتلا یه رق ؛  
 هانکی بر مسلمانک کوکسنه طوتدمسه قبولاق ؛  
 شوئی طویدم که : اونک ، هیچ سسی جیقمماز ، قلبی  
 الی تمیز حس ایله اورمقدمه چو جق قلبی کبی .  
 سینهلر غیظلی فاش ایتمیه طورسون وارسین ؛

مېزبانك نه حزين چيقدى شو سمس قلمبندن :

« آه بز خبره يارار عنصر ايمان دكلز ..

هندك اسلامى تركلرله قياس ايتيكلز !

اونلرك روح شهامتله جوشان قانلرى واز :

يزده يوق اويله صميمى عصبيت ، او طامار .

يو آغير ذلته عقبايه قدر محكومز ..

طويميور چكدكى خسرانلرى زيرا چوغمز !

وارسه اميدميز عثمانيلرك شوكتيدر .

اونى بركره ايشتهك .. بوسعادت يتيشير . »

يخى آغلاندى حريف. لېكن اونك كنچ اوغلى

ديدى : « يوق ، اويله دكل ؛ سينه ملتده طولو ،

غليان امرينه آماده حيتلى يورك ؛

شو قدر واركه هنوز كندىنى كوسترميهك .

كيكور شيمدى اسارتله ديبوب ايامى ،

مسلمانلر كې ماضيسى بويوك برقوى

ابدى ذلته محكوم ايدهم طوغرىسى بن .

دها بچاره مى يز يوقسه مجوسيلردن ؟

دييه جكسينكه : عصر لرجه سفيالانه حيات

سوندورور ميل معالى ني نهايت .. هيهات !

طاقتم بیتدی ده واز چکه ده مضطر قالدیم ؛  
 قالدیم اما ینه هر خفله آز چوق طالدیم !  
 بسلیورمش ، برکت ویرسین ، ابو اقلیم قدیم ،  
 «رحمة الله» . معادل دهها یوزلرجه حکیم .  
 روح ادیانی کورور ، حکمت قرآنی بیلیر  
 علما وارکه : حضورنده بوکون غرب اکیلیر .  
 هله حیران قالیر انسان یتیشن کنجیله دهه :  
 بونلرک برچونگی تحصیلی انیله کرده  
 یتیرر ؛ سوکره کلوب ملتک روحی اولور ؛  
 چونکه عزمندن ، اولوم چیقسه دهه ، دونمز ، صوقولور .  
 اویله مایمون نبی تقلید ظواهر طانیاز .  
 دینی ، عرفانی یتر ؛ باشقه مفاخر طانیاز .  
 بنی وار ، شایقه سی یوق ؛ صنعتی وار ، طیرناغی یوق ؛  
 شرع معصومه اولان حرمتی بندن بیله چوق !  
 بویله اولاد اوقوتان ملتک استقبالی ،  
 حقلیدر آلمایه آغوشنه استقلالی .  
 یارین اولمازسه ، اوبرکون آله جقدر مطلق ..  
 اوزاق اولمش نه چیقار ؟ واریا برآتی اوکا باق !  
 حیدر آباءه کیدرکن ، بنی تشیعه کان

اوده صاحبلىرىنىڭ نازىق اولاق اذنىلە .  
 دىكىلۇب ساحلە بىكلىر جە بصىرت ، امعان ؛  
 نەقدىر مسخرەلىق وارسە قوغۇلۇش قاپىدن !  
 باقىلان امتە برقىمىتى حائزسە يورور ؛  
 مودا شەكىلدە كلن سىئە كىر كەدە چورور !  
 كىچە كوندوز آچىق اولر ، قاپىلر ماندالسىز ؛  
 ھەركىسك صندىغى ميدانده ، بىلىنمىز خىرسىز .  
 يا او محوىتى انسان كوردەمىز بىردە ..  
 « توغو » نك اومدىغىكىز طورىمى واردى ؟ نردە !  
 « كىدەلم ! » دىر ، كوتورر ؛ صوكرە كلوب تايانمە ؛  
 چاى بوشالتىردى بن اىچدىكە ھەم فىجانمە .  
 مسلمانلىق ، صانىرم پارلايدىقدىر اورادە ؛  
 سادە عثمانلىلار غىرتى لازم آرادە .  
 مىسىونىرلر كىچە كوندوز چاللىشىر كىن ، عىجبا ،  
 اوطوروب وحى الھىيىمى بىكلر علما ؟

ھندى باشدن باشە كىزمىكىدى مرادم ، لىكن ،  
 نردە اولسەم ، بنى تعقىبى يوزىدن پولىسك ،

شو قدر سويلييم : دين مينك اوراده  
 روح فياضى يايلىمش ، يالكز شكلى بونا .  
 سز كيدك ، صفوت اسلامى ژاپونلرده كورك!  
 او كوجوك بويى ، بويوك ملتك افرادى بوكون ،  
 مسلمانلقدەكى اركانى صيانتده فريد ؛  
 مسلمان دينك ايچون اكسيكى آنجق توحيد .  
 طوغرولق ، عهدە وفا ، وعدە صداقت ، شفقت ؛  
 عاجزك حقى اعلايه صميمى غيرت ؛  
 اك اوراق شيله قناعت ، چوغە قدرت واركن ؛  
 ينە افراط ايله ويرمك ، ويرن اللر طاركن ،  
 كيمسەنك عرضنه ، ناموسنه يان باقمايەرق ،  
 يدى قات ايلارك اولادىنى قاردش طانيمق ؛  
 « اولەجكسين ! » دنيلن نقطەدە مردانە ثبات ؛  
 ىرى كلسين ، كولهرك ، اويناىەرق ترك حيات ؛  
 احتراصات خصوصيه نفرت ؛ حتى  
 نفع شخصى يى عمومك كنه هريرده فدا  
 ايدويومك كې چوق نادرە كوردم اوراده :  
 آدمك اك تميز احفادينە مالك بر آطە .  
 مدنيت كيره بيلمش يالكز فنيە ..

چونکه قیدنده دکل هیچ بریمز معنائك !  
 یا اچار نظم جلیلک ، باقارز یا راغنه ؛  
 یا خود او فلر کچرز بر اولونك طویراغنه .  
 اینمه مشدر هله قرآن ، بونی حقیله بیلک ،  
 نه منزارلقده او قونمق ، نه ده فال باقمق ایچون !  
 بو حوالیده کیلر پك یا یا قالمش دینجه ؛  
 او یله قرآن او قویورلرکه : صانیرسین چینجه !  
 بوتون عادتلری آیین مجوسی یه قریب ؛  
 بر شهادت کتیر لرلر ، اوده اولدجه غریب !  
 یا لیکیز ، هپسی ده حرمتله آکار نامکیزی .  
 هیچ اونو تمام ، صاریلوب خرقه مه بر چینلی قیزی ،  
 نه دییور آکلامادم ، سویلدی بر چوق شیلر ؛  
 صوکره مأیوس اوله رق اغلادی .. ییچاره مکر ،  
 بکا سلطانی صورارمش ده ، نصلدر ؟ دیرمش .  
 یول یاقین اولسه ایمش کله بی ایسترلرمش !

صوریکنز ، شیمدی ، ژاپونلرده نصل ملتدر ؟  
 اونی تصویره ظفریاب اوله مام ، حیرتدر !

عجباً ميل تعالى نه ديتك اونلرجه ؟  
 « بويله كوردك دده مزدن ! » سسى ميل اونلرجه  
 قفادن عيني تهورله ، باقارسين ، چيقيور !  
 عرش آمالي بوسس تاملندن ييقيور .  
 كوره نك هم يالكيز چينده مي صالحين ؛ زرده !  
 هپ مصاب عالم اسلام او دواسر درده !  
 كتيرك مغرب اقصاده كي بر مسلماني ؛  
 برده چين سورينك آلتده اوزانمش ياتاني ؛  
 دبكلاهيك هر برينك روحني : مطلق كله جك ،  
 « بويله كوردك دده مزدن ! » سسى تيترك ، تيترك !  
 « بويله كوردك دده مزدن ! » سوزي ديناً مردود ،  
 عجباً ساحه تطليقي نه دن نامحدود ؟  
 چونكه بز بيلميره ز ديني . اوت ، بيلسه يدك ،  
 چاره يوق ، كوستره مزدك بوقدرلق سر سملك .  
 « بويله كوردك دده مزدن ! » ديه اضمحلالی  
 بويلايان برسوري ملنلرك اولسون حالي  
 عبرت اولماز بزه ، هركون اوقورز از برده !  
 يوقسه ، برمقصد آرانمازي بو آيتلرده ؟  
 لفظي محكم يالكيز ، آكلاشيلان ، قرآنك :

بالکتر ، شعرینه موضوع ایکی شیدن بریدر .

قوجه ملت ! ادبیاتی لواطه ایله زنا ؛

رایج اسلوبی ده مستانه ، ذلیلانه ادا !

صوکره تنقیده کیریش : هپسی تصوفله طولو :

واری صوفیه ده بیلیم که اباحیه قولی ؟

ایچیلیر ، درلو شناخت یاییلیر ، بی پروا ؛

حافظک اورطه ده دیوانی کتاب الفتوی !

« کوکل ایختمه ده کیفک نه بی ایستره بجر ! »

عرفا مسلکی ؛ اهلا ، هم اوجوز ، هم ده شکر ! [۱]

شوقدر وارکه شبابنده حماست ، غیرت

باشلامش .. برکون اولوب پارلایه جقدر البت .

اوزمان ایشته شو طویزاق یکیدن ایشلنهرک ،

یوفیلیرلر کی بیکارله فدان بسله یه جک .

چیننده ، مانچور یاده دین برکوره نک ، باشقه دکل .

مسلمان عنصری غایت کری ، غایت جاهل .

[۱] « مباش در پی آزار و هر چه خواهی کن

نکه در شریعت ما غیر ازین کنایه نیست . »

بوحوالیده جهالت نه قدر چوقسه ، نفاق  
 نه ها صالحین، ده ها دهشتی .. عموماً اخلاق  
 - « يك بوزوق ، آز كله جك - نامتناهی دوشگون !  
 اويله مردارینی کورمکده که انسان فحشك ؛  
 براقك سويلنه من : موقعمز جامعدر ؛  
 باشقه ير اولسه ده تفصیله حیا مانعدر .  
 یا تعصب ! یا تعصب ! او قدر مستخرجه  
 بریول آلمش که ، باقارسین ، باشی مسواکلی خواجه ،  
 متخصصکن ادبسنز لکک اشکالنده ،  
 اے اوافق شیدن اولور دینی همان رنجیده !  
 ملئک خیری ایچون هر نه دوشونسه ک : بدعت ؛  
 شرعی تغییر ایله ترضیل ایسه - حاشا - سنت !  
 آرتق اللهمدن اوتانماز ، هله پیغمبردن  
 هییج صیقلماز کورونن بویله یئسنزلردن  
 چکه جک مملکتک حالی نه اولماز ، دوشونک !  
 صاییمز مدرسه وار کرچه بخاراده بوکون ..  
 اوقوناندن نه خبر ؟ اون پاره ایتمز فنلر ،  
 که نه دنیا ده سوران وار ، نه ده عقبا ده کچر !  
 ادبا طوغروسی يك چوق ، کیمی کورسه ک : شاعر ؟

طور مه نك وقتى دكدر. هادى، قالدیر طابانى ! «  
 بر اشارتله چو جو قلدلر طاغیلوب درت کوشه یه ،  
 کیردیلر هپسی ده غایتله امین بر دلیمکه .  
 اولنرك نوبتی کچمش ، صیره کلشدى بکا :  
 یولی طوتدم یالکمز طوغروجه ترکستانه .  
 کیجه کوندوز یورودم بولمق ایچون طاشکندی ؛  
 کچدیکم یرلری تعداده محل یوق شیمدی .  
 اوزانوب صوکره بخارایه ، سمرقنده قدر ؛  
 اسکی دنیاده باقیندم نه عالملر وار ؟  
 صورمايك کوردیکم عالملى ، هیچ سویله میم :  
 یادی تمکینمی صارصارده قان آغلار یورکم .  
 او بخارا ، او مبارک ، او معظم طوراق ؛  
 ذلک قویته کیرمش اویویور مستغرق !  
 ابن سینالری یوزلرله طوغورمش اقلیم  
 برچو جق ویرمیور آغوشنه علمک ، نه عقیم !  
 او رصد خانه دنیا ، او سمرقند بیله ؛  
 اویله طالمش که خرافاته او باضیسیله :  
 آی طوتولسون : « قو غالم شیطانی قالدیک ! » دیه رک ،  
 دونبه لک چالمده بیکارجه قادین ، قیز ، ارکاک !

آل اوقوت ، آوروپا تحصیل دیسینلر ، کوندور ؛  
 .وتسکدن بوله رک نامتناهی پاره ویر ؛  
 صوکره بر باوکه : مکر قارغه ایمش بسله دیکک ؛  
 هم ناصل قارغه ؟ دکل اویله سنک بلله دیکک ؛  
 ساده برفچشمز اکسیکدی ، اوت ، روسلردن ..  
 اونی اکمال ایدیوردکی ، بزمدر میدان ؛  
 قیزیمک عفتی بآتمقده رذیلک گوزینه ..  
 آجیرم توکروکه بالله توکورسم یوزینه ؛  
 دیش اولسهیدی اگر : « قیزلره مکتب لازم ..  
 شوقدر ویرمایسک . » قهر اولهیم قاجازدم .  
 الویزیر صاردیغمز بونلری خلقک باشنه ..  
 بن مزارمده حضور ایسته یورم باقسه کز آ ؛  
 سزده انصاف ایدیکز : اویله یا آرتق نه دیمک ؛  
 زنکین اولدق دییه لعنت صاتون آلمق می کرک ؟

ایشته بز بویله دیدینمکده ، چالیشمقده ایکن ،  
 بر سحر وقتی کلوب اوچ آیشی بیلدکلردن ،  
 دیدیلر : « شیمدی حکومت باصه حق مطبعه کی ..

ینه ویرمزسهم ا کر ملت ایچون ، نامردم .  
 یالکیز ، اهلنه کیتسین بو امکار .. اولور آ ،  
 ایش بزم آوروپا یاراننه بکیزر صو کره !  
 حالی اصلاح ایدم جکار ، دییه رک قاچ سنه در ،  
 بکیوب طور دیغمز زوببه لرک حالی نه در ؟  
 کلدی بردانه سی اقشام ، هذیانلر قوصدی !  
 دو کیوردم ، برکت ویرسین ، ادبسن صوصدی .  
 بر سلامت یولی وارمش .. اوده نه یش : مطلق  
 دینی ، ملیتی کو کدن قازیوب روسلاشمق .  
 اوزمان ایش بیته جکمش .. اوزمان قیزلریمز ،  
 شو ، طوتوند قمری غایت قابا ، پک معناسز  
 اورتودن صییر یله جق .. صو کرده ارککلردن  
 آنالقی علمنی محصیل ایدم جکمش .. ذاتاً  
 مسلمانلر اوسیدن یوسفالتمده ایش :  
 که قادین « سوسیته » بیلیمزمش ، اسارتده ایش !  
 دین ایچون ، ملت ایچون ایش کورم جک آچاغه باق :  
 دینی پامال ایدم جک ، ملتی روسلاشدیره جق !  
 بونی موسقوفده یاپار ، شیمدی رضا کوستردم ؛  
 باشقه بر معرفتک وارسه خبر ویر کوردم !

روسلرك حال بوكه نىستلىرى غايت دوندر .  
 اغنيا ، ظن ايدرم ، سزدهده آز چوق اوله جق ..  
 شوقدر واركه چوروك تخته يه باصمازلر آياق !  
 فقرا كز قيلور ، عئلنه كلدجه صلاة ؛  
 اغنيا كزده ادا ايلسه اولمازمى زكاة ؟  
 شويله طورسون بوتمنى يه قولاق ويرمه لرى ،  
 صدر اعظم پاشا كز فطره آلير ويرسه برى !

صوكره زنكىنلر من : « هايدى كيمك ، فن كيتيرك . »  
 ديه ، هرايسته يه نك شخصنه بيلم قاج بيك  
 روبله تخصيص ايله سوق ايلديلر آوروپايه ؛  
 بك فداكار ايدى همشهريلم طوغروسى يا .  
 بو كيدن قافله دن برچونى جدا تحصيل  
 ايدهرك دوندى . فقط كلدى كه اوج بش دى سفيلى ،  
 هپسنگ نامنى تلويشه بحق يتدى ..  
 كوندرنلر نه پشمان اوليورلر شمدى !  
 هيچ اونوتمام ، كووه نوب كيرديكم آدم ياننه ،  
 اك جوهره زنكىن ايكن شويله جواب ويردى بكا :  
 « كونده اون كره كاوب ايستديكز ؛ هپ ويردم . »

اوسته آثاري ویردکجه، چوجوقلر باصدي ؛  
 آلتی آی صوکره بزم مطبعه نك چيقدی آدی .  
 کوکسی ایمانی بتس اون دانه فدائی کله رك ،  
 دیدیلر : « سن نه باصارسهك ، اونی توزیم ایده جك .  
 واسطهك ایشته بز ز ؛ قورقوله جق شی یوقدر ..  
 پاره لازمه ده بیلدیرکه ویرنلر بولنور . »  
 بر جریده یله همان باشلایویردم وعظه .  
 چونکه اك باشلیجه یول خلقی بودر ایقازده .  
 مدنیته کی انسانلر ایچون مطبوعات  
 کبی کرسیء رشادت اولاماز کن ، هیبات ،  
 کورولن سزده ، نه حکمتسه ، تماماً عکسی !  
 اك فنا بر جریان کوسترییور اك ائیمی .  
 مسلمان عنصری ذاتاً اوبانیقدر اوراده ؛  
 بزده برواسطه تشکیل ایندیویردک اراده .  
 پاره سزلقدی بذایتده ایشك قورقولوسی ..  
 اغنیا آلتونی بذل ایتدی اتکلر طولوسی .  
 آچدی اولدجه کوزل مدرسه لر ، مکتبلر ؛  
 او قویوب یازمه بی تعمیمه چالیشدیق یریر .  
 تاتارک یوزده بوکون آلتشی حقیله او قور ؛

یاخود اشکینجه لرك دورلوسی تطبیق ایدیان ؛  
 نه صولوق وار ، نه ایشیق وار ، نه اوطور وار ، نه طوراق ،  
 ایکی اوچ یوز قولاج آلتنده یرک ، هم چیپلاق ؛  
 هم ده آج ، ایشادیلوب اولدیریان مظلومین  
 بولدی مایونلری دیرلرسه ، یالاندر ، دیمه یك !  
 بیلیمورلرکه بوشدتلرک اولماز - تکمی :

کوز ییلار اوکجه ، فقط صکره قانیق سار اولوسی .  
 صانیورلر قفا کسمکله ، بین ازمکله ،  
 فکر حریت اولور . هی کیدی شاشقین خذله !  
 دها قوتله نیور قانله صولانمش طوپراق ؛  
 اکیان کوکده لرك هپسی یارین فیشقیره جق !  
 هانکی معصومک اولور خونی بودنیاده هدر ؟  
 یوقسه قانون الهی بی ده یرتارمی بشر !

اولا کیزلیجه بر مطبعه تأسیس ایتدم ؛  
 بش اون اوکسوز بوله رق باصمه جیلوق اوکرتدم .  
 قلمم چوقجه پوروزلیدی ، فقط چاره سی نه ؟  
 شم دیک مقصدی آرزوق یتیشیر تأمینه ،  
 دییه رک ، هر نه بیلیر سه م ، کیجه کوندوز یازدم ؛  
 او قویانلر او قدر چوقدی که هیچ او نمازدم .

ایشیدوب ، یاتدینی یردن آزیحق سیمکینسین !  
 یوروویور ، آلتی چوروک طوپراغه کلش ، سیار  
 برمزarlq کبی : هرناصیه برسنگ مزار !  
 طویمامش قاینی دینن طویغویی وجداننده .  
 منطبع جملهسنگ جبهه خسراننده ،  
 « نه کلندن خبرم وار ، نه کیدندن خبرم ؛  
 سرسری کونه کاملدن بری سرسم کزرم ! »  
 شعری . کویاکه بوسوز باشدهکی جانمزی بینک ،  
 طوغمه دن رحمت مولایه کوچوب کیتدیکنک ،  
 دست قدرتله یازیش ازی خاطره سی !  
 « کلیور روحک ایچون فاتحه چکمک صیره سی ؛  
 یازیق ای ملت مرحومه ! » دیدکن صوکره ؛  
 آنلادم روسیه یه کیتمکده اولان بر واپوره .

اوزمان روسیه ده غایت صیقی راستبباد  
 واردی . هرکیمده سزرلرسه براز استعداد  
 خاقل ارشاده ؛ باقارسین ، یوق ایدرلردی اونی .  
 مدنی اوروپا بیلیم نه یه کورمزدی بونی !  
 سونکو ، قورشون کبی کسدیرمه اولوملرله اولن ؛

بلکه اوچېش کښی اولسون بولور ارشاد ایدرم ،  
 دییه اطرافه باقندمسه ده ، اندیشه لرم  
 انقلاب ایلدی برنامتناهی یاسه ،  
 کورونوب صورت حقدن کیمی سویلتمسه .  
 اکثریت قفاسز ؛ وارسه برازینې اولان :  
 « بو حکومت شو اهالی یه یچیلیمش قفتان !  
 کیمه درد آکلاده جقسین ؟ هادی آکلات شیمدی ..  
 بنمی قالدیم ، نه مه لازم ! » دییه رک یان چیزدی .  
 حسن ظن ایلدیکم برایکی فاضل خواجه نک  
 ایسته دم فکرینی آچق ؛ دیدم : « آرتق او یانک !  
 مملکت محو اولیور ، دین ده برابر کیدیور ؛  
 سزه قرآن ، باقیکنز ساده اوزاقدن می دیور ؟ »  
 — مملکت محو اوله جق ، اولمایه جق .. باشده کیلر  
 دوشونورلر اوکا موجود ایسه برچاره اکر .  
 کله لم دینه : نه ممکن چالیشوب قورتارمق ؟  
 بدأ الدین غربیاً ... سوزی البت حقیقه جق .  
 دیدیلر . یوقلایه یم شمدی عوامک ده براز ،  
 ندر افکاری ، دیدم . هی کیدی اوردم طویماز !  
 اولیه طالغین که ، مکر صورینی اسرافیلک

ترده میخانه جی ، آج کوزلی ، طقوز یوزلی شیریر  
 وارسه ؛ مایین هایونده یابالا ، یاوزیر !  
 امتک حالنه باقدم که : یورکلر یاره سی !  
 نه بر اکملک یدیرر ایش ؛ نده اکملک پاره سی .  
 قیشله یوق ، دائره یوق ، مدرسه یوق ، مکتب یوق ؛  
 نه قیلیمچ وار ، نه قلم .. هر نه ضرور ارسه ک ، هپ یوق !  
 قالماش تربیه عسکرده . نصل قالسین که ؟  
 برینک عمری ملازملقده کچرکن ، اوتنکی  
 دها مکتبده ایکن طیّ مراتبه فریق !  
 بر مشیرلکمی وار ؟ الله ولی التوفیق !  
 هله علمیه باباغیدن سکیز اون قات آشاغی ؛  
 باب فتوی دنیلن دائره امیّ اوجاغی !  
 آننه قارندن اجازتلی ؛ بشیکدن ملا ؛  
 دولاییک برده صاریق : هایدی رئیس العلماء !  
 وکلا نهیدی یا ؟ جاسوس ، مزور ، قلاش ؛  
 طانیاز فیکر دیانت ، طاشیماز عقل معاش ؛  
 کوچ اوقور ، هیچ یازه ماز برسورو خیرسز چته سی . .  
 هانی ، جان صاغانغیدر طوغروسی بوندن اوتنه سی !

یوقسه آرام ایده مزدم . بکافیه اده طورمه ،  
 یورو ، عز مکده دوام ایت . . . دییه ویرمزدی امان ،  
 برصدا بئلکمک فیشتیروب ائماقندن .  
 او صدا ایسته بنم غیرت دینه مندر ،  
 که یانا طاغ کبی برحوشدیمی ، آتس کسیلیر  
 سینم آرتق ، طورمه مام ، دیکلنه مم بریرده .  
 جان ، وطن ، عائله حسیله تقید نرده !  
 هیچ بنم عزمه حائلمی اولور مش بونلر ؟  
 باشقه یوق ایستدیکم ، برألم وار ، اوقدر .  
 برزمانلرینه استانبوله کلشدم بن .  
 حاله باقدقجه فقط ، ملتک آتسندن  
 پک درین یاسه دوشوب روسیه یه کچدم تکرار .  
 کچمه یدم ایده جکلردی یا ذاناً اجبار !  
 صیغمیور الک بیوک اندازمه ایشلر آرتق :  
 سلطنت نامه ، دین نامه بیک مسخره لاق ..  
 نه فلاکت ، نه زالتدی او دورک حالی !  
 باشده برقوقله ، بوتون ملتک استقبالی  
 ایکی اوچ قوقه چینک کیفنه محکوم اولمش :  
 برسیاست که دیدیکلردی ، امینم ، قاره قوش !

نه صباحت ، نه مهابت ويريور ياربي !  
 هله كوزلر ايكي محراق سهاويدركه :  
 برشعايله آلولنديريور ادراكى .  
 آه او كوزلردن اينن خزمه نور انورك ،  
 باغلى هرتار فسونكارينه بيك روح زبون !

— بنى كرسیده كوروب وعظ ايده جك صانمايكنز ؛  
 چونكه عالم دكلم ، شكلمه آلدانمايكنز !  
 دينك احكامنى ذاتاً غلما كز سويلر ،  
 آكلاتيرلر سزه برمشكلكنز وارسه اكر .  
 بكا سز عالم اسلامى صوروك ، سويليهيم ؛  
 چونكه هيچ بريرى يوق كيزمديكم ، كورمديكم .  
 شرفدن باشلايه رق مغرب اقصايه قدر ،  
 آسيانك ، آوروپانك آفريقانك زرده كه وار  
 مسلمان سا كن اولان بريرى ، مطلق كيتدم ؛  
 هپسنگ حالنى ، ماضينى تدقيق ايتدم .  
 بنى يورمشدى بويالارجه سورن يولچيلغاك  
 دها باشلانغيچى . . ليكن كبره يدم يورغون ،  
 او زمان بلهكه دوام ايليه مندم يومه ؛

گولکه شکندہ کی اشباحہ آمین ویریور :  
 تپہ دن طیرناغہ ذرات وجود اور پیریور .  
 ایکلیور نالہ غبرت در و دیوارندن ،  
 دار طویدقجہ کلن صیجہ بی دیارندن .  
 روحلر یانمہ دہ بی تاب تجلی قالہرق ،  
 دیدہ لر نامتہای ، ابدی مستغرق .  
 آکسزین بر ایری سس طالغہ لایوب محفلدن ،  
 قلب معبدہ او یاندیردی نہ محرق شیون !  
 بردہ باقدم کہ : او ہر صفدن اوزانمش قوللر  
 وارہ جق سانکہ یاروب بوشلغی مولایہ قدر !  
 شیمدی اوچ بیک کیشینک سینہ معصومندن  
 قویان « آمین » صداسیلہ اجابت لرزان !  
 عاقبت اوقشانوب ایدی تضرعہ جیہ ،  
 دودی کرسی یہ او آوارہ جماعت ناکاہ .  
 کیمدی کرسیدہ کی ؟ بر پیر آہی سیما ،  
 کہ جینندہ دمام اور پیور قلب دہا .  
 ہم بیاض حیہ پاکلہ بیاض دستاری ،  
 او کنیش آلی ، او ہمرنک سحر دیداری  
 ہر طرفدن قوشادوب بدری صاران ہالہ کی ؛

لیکن اسرارہ پورونمیش کبی مہم کورونوب ،  
 فیکری بی تاب تلقی براقان آیاتک  
 قالہرق ملہم آوارہ سی حسیاتک ،  
 دالغہ لانسین دہ دکنزلر کبی قلبیکدہ خدا ،  
 کورمسین دیدہ لرنک رنک ہوس ، رنک سوی .  
 وجودہ کل ؛ وحدتہ دال ، عالم کثرتدن اوزاق . .  
 یالکنز صانعی کور ؛ صنعتی ، مصنوعی براق !  
 بندہ بریر بولہرق شویلہجہ تنہا قالہیم ؛  
 وارلغمدن کچہیم ، محو تماشاولہیم !  
 معبدک جہہ جدارندہ کی لوش پنجرہلر ،  
 کونشک حزمۂ عریانہ اورتوب اسمر  
 بر بولوط ، یاغدیریور داخلہ بیک ظل وقور .  
 او اینن پردۂ سیال آرمسندن منظور ،  
 قوجہ بر محشر ایمان کہ ازلدن مدهوش . .  
 سینہلر وجد ایلہ پر جوش ، دوداقلر خاموش !  
 دیز چوکوب مرمرک اوستندہ یالین قات حصیرہ ،  
 بکلیور ہپسی مناجاتی نمازدن صوکرہ .  
 ہاسیور جو مہیندہ بو وحد تزارک  
 ہادی نفخۂ رحمت کہ او بیکلر جہ ییغین

غرايتدر طاشيان باشيري اوستنده اونی .  
 قهرمانلرکه عصرلر بوکه مز بر قولی !

معبدك - شيمديكي تعريفه اولورسه قائل -  
 مستطیل اولسی ایجاب ایدمك ! اویله دكل :  
 شو ، ستونلر آنا دیوارینه باغلانمق ایچین ،  
 آره یرلردن آتیلمش متعدد كمرك  
 دوش منقادینه شاهانه اوطورمقده اولان  
 قبهلر یوقمی یا ؟ اونلر بوکا ویرمز میدان .  
 زدن ایجاب ایدیور صوکره بو آواره ذها - ؟  
 اوقدر اینجه طوتلش که تناظرده حساب :  
 خارجاً قبهك او-تندن این خط مناس  
 ایدیور هر ایکی جانبده تمایله تناس  
 ظرفینده کی صنعتلی یاریم قبهلره .

آرق ای سوکیلی قاره ، اوطوروب اورته یرد ،  
 جبهه دیوارینه باق ، جاملره باق ، منبره باق ؛  
 صوکره محراب ایله محفللرد ، کرسیلره باق .  
 ایشته هر گوشه ده ، هر یرده دمام کورونوب ،

دوشه یڼ بونجه کمر لرله ستونلرده ، وقور  
 بر تناظر یوره حق حده واریرکن باقانی ؛  
 یالکز ایچ قاپنک اوستنه موضوع اولانی ،  
 - قاپی حقیله کورونسون دیبه رنک اولمالی که -  
 بر سیاق اوزره آتیلمش ، صیره لائمش اونه کی  
 قبه لر دن دها یوکسک ، دها واسع طور ویور .  
 عینی هیئتلی قاناتلر کوزه تکرار اورویور .  
 آشار آشار اشیکندن بومصنع بابک ،  
 شو یاریم قبه - که پیرایه سیدر محرابک -  
 چارپیور چشم تماشایه ، اصل قبه دکل .  
 شیمدی بر چفت آرایورسک اوکا : زیرا قابل  
 اوله ماز فکر تناظر کری قالسین بوراده .  
 او یاریم قبه نک ابعادی قدر ابعاده  
 سمت راسکده طوران عینی مظهر بوله رق ،  
 « بو یاریم قبه لر البته آجیق طور مایه حق ،  
 مطلقا برکشه جکدر » دیبه بش خطوه قدر  
 آتار آتماز کورویور قبه یی حیرتله نظر .  
 شو بویوک قبه دایانمش او یاریم قبه لر  
 صانیلیر او آجه . . دکل ! ایشته شو درت یکپاره .

تره دن؟ هایدی شاد و روان قاپیسندن کیرملم :

بر مصنع کمر ، اوستنده قورولمش توحید ؛  
اونک آلتنده بر آیت که : خدادن تأیید ،  
امر موقوت صلاتک بزه قطعیتنه .  
شویله بر باقدیمی انسان قاپینک هیئته ،  
اولا هرا یکی یاندن اولیور چهره نمون :  
متناظر ایکی محراب ، ایکی آزاده ستون .  
صوکرده کوز یو کشلایور طوغرو یاریم قبه لره ،  
که دایانمش بری صاغدن ، بری صولدن کمره .  
استلاقیتنه دونانمش اوحزین سینه لری  
اوقشایوب نور نظر ، کچدیمی آرتق ایلری ،  
کلیور قسماً آچیلماش ایکی هیبتلی قانات ،  
که تعاریجی ، تلافیی نه مدهش صنعت !  
صانکه مولی متفکر ، قوجه مان بر بینی  
آچیورمش بزه کوسترملک ایچون هریرینی .  
کورویور شیمدی نظر کیردیمی در حال ایجری :  
عینی ابعاد ایله تثبیت ایدیلبان قبه لری .  
حولینک سناحه عربانه بیک سایه نور

ان تميز يرلرى ان گيرلى آياقلى چيكنر ؛  
 بشریت يکى بر دین طانیوب الحادی ،  
 بشرک حافظه سندن سایلینیر حقل آدی ؛  
 کومولور حفره تاریخه معالی ... لیکن  
 ینه تک بر طاشی دوشمز شو خدا لانه سنک ؛  
 ینه انسانده نامحرم اولان بیکنه ،  
 بو حریمک ابدیاً کیردمن سینه سنه ؛  
 ینه یادنده کی مولایی شو دوت دانه منار ،  
 قابه مربوط برر دیل کی ایتر اقرار ؛  
 ینه مضییه کومولمز بومعظم جهره ؛  
 لئس دکدرکه آتیلین او عمومی قهره !

شیمدی ای سوکیلی قاره ، آزیحق وقتک ! کر  
 وارسه .. ممنون اوله جقسین - بی تعقیب ایدیور .  
 کیره درز قویته ، دوشسه ک بيله شاید یورغون ،  
 قارشیدن باقیدیغمز هیکل نورانورک .  
 کوره جکسک : او حریمک ابدی ظلنده ،  
 روح صنعت او چیور ابر سحر شکنده !  
 « کوردیکم وار .. » دیمه ! کل برده برابر کوردم .

او ضیا عالمی بیاض که قارا کلک نه دیمک ؛  
 او خدا لانه سی کیرلندی ، کیرلیمه جک .  
 وئک امواجی عیساتی بوتون استیلا  
 ایدیک قاباسه آزاده شواهن حتی ؛  
 بو-مالرده یوزن شاهقه نک دامانی  
 ینه کورمن او قودورمش دیکیزک طالع سنی .  
 یرک التتده یاتان زلزله لر فیشقیرسین ؛  
 یرک اوستنده طوران ولوله لر خایقیرسین ؛  
 حق صوک صدمه قهریه ده ویرسین بطلان ؛  
 یقه سنه ن طو ر ق عصمتی چکسین خسران ؛  
 « فحر آتی » ذیلوب ، مات مرحومه ایچین ،  
 شب رحلت کبی مظالم کورونن برنسلک ،  
 ذوق سفایسنه منقاد اوله رق حسیات ،  
 نه یورکلرده شهامت ، نه شهامتده حیات  
 قالماسین ؛ حاصلی ایسترسه بلا طوفانی  
 قابلا سین جوشه کئوب هر طرفدن وطنی ..  
 ینه کرسی مهینده ساجانیه  
 قله جق ، اینیه جکدر او ملوث درمیه .  
 یتقیلیر بر کون اولو . مدرسه لر ، معبدلر ؛

براق اطراف ده قارشیکده طوران معبدیه باق : (۱)  
 باشقه بر ساحله کهوارده اموالچندن  
 بویله شهدانه جیقار مشمی یاقینلرده زمان ؟  
 نه سحر یارده صنعت که ازلدن مخمور ..  
 لب دریادن اوچان بر ابدی خنده نور !  
 صانکه عمان بقانک ازلی بر موجی  
 یو کسلیر کن کوکه طونمش ده کسلیمش ایجی !  
 یو کهر یاره نک ابعاد سماویسنده  
 یورولان دینلرک خا که نیدن اینسین ده  
 نوله طالسین یکیندن ؟ ایتمه ، یاز یقدر ، اولماز ؛  
 غریبه توجیه ایدییور کل اونی سن شیمدی براز :  
 دوش سنکیتمه علمک باصه رق یو کسلیمش ؛ (۲)  
 افق بر طاغ کی سد ایله ییویرمش ، مدهش ،  
 ایتلره حاکم شو مهیب آبدنه نک ،  
 یالکنز شهری دکل ، ذهری طوتان شانی ، سنک  
 صانیرم ذوق بدیعگی یتر تطمینه ..  
 طورمه اویله یسه ، عروج ایت او ضیا عالمه .

(۱) یکی جامع

(۲) ساپامیه جامعنک تمللرندن برسمنی ده مدرسه لر تشکیل ایدر .

ساحلك باش باشه ويزمش ، دوشون ، پيس ، ارسي ،  
 آغلامش يوزلى ، حيريت اولرى طور دجه ، سزك  
 ايچكزدن آجى شيلر كچه جك هپ .. لكن  
 باق بنم اويله دكل . سزده براز شاعر اولك !  
 مثلا كچديككن يالپه يابان تخته يولك  
 حيد مرحومى عجب صالمى ديمكدن نه چيقار ؟ (١)  
 كليكنز فرض ايده لم بز بونى : سايح بولوار !  
 كويريلر آصمه ايمش اوروبا آفاقده ..  
 وارسون اولسون ، اوده برشيمى ؟ بزم شرقكده  
 بويله طالديرمه اولور .. هم آچيكز آنارى ،  
 كويرينك زرده كورلمش ، هانى ، تحت البجرى ؟  
 آكلادم : بن نه قدر شعره اوزنسه مده ، ديمك ،  
 سى ، اى سوكيلى قاره ، بوتاقى يك يك  
 آزيچق كولدوره جك .. يوقسه اوبريانده حزين  
 بيك حقيقت صيريتير كن قييسندن دكيزك ،  
 ديه جكسك كه : « خبالك ىرى يوقدر .. بوشنه ! »  
 ياشو تمثال الهى ددمى كيتمز خوشكه ؟  
 اويله تعذيب نكاه ايله مه بدبين اوله رق ،

## سایانه گرسینه‌ده

قارده‌نم فغان خواجه‌یه

کو بزدن چوق کچرم ؛ هم نه قدر کچدمسه ،  
نه سوق ایتدی بر کره‌جک اولسون یاسه ،  
نه خایجک او یوصون چهره‌لی مسکین مولری ؛  
نه اونک خلقته کوسمش کبی طوزغون کناری ؛  
هر کسک حسی بر اولماز . مثلاً قارشیدمکی



ایک نوجو کتاب

# سایمانہ کرینڈہ

اوچنیجی طہمی

رجب ۱۲۳۶ھ



# صفحات

محمد غاکف

اوچنیچی طبعی

نجم استقبال مطبعہ سی

برنجی کتابک صوکی

# مندرجات

| صفحه               |     | صفحه               |
|--------------------|-----|--------------------|
| مقدمه              | ۵   | مقدمه              |
| فانح جامعی         | ۷   | فانح جامعی         |
| خسته               | ۱۳  | خسته               |
| توحید              | ۲۰  | توحید              |
| کوفه               | ۲۸  | کوفه               |
| طور مایه لم        | ۳۴  | طور مایه لم        |
| حصیر               | ۳۸  | حصیر               |
| کچینه بلاسی        | ۴۲  | کچینه بلاسی        |
| میخانه             | ۴۶  | میخانه             |
| مزارلق             | ۵۵  | مزارلق             |
| بایرام             | ۶۲  | بایرام             |
| حسبحال             | ۶۸  | حسبحال             |
| سلمی               | ۷۴  | سلمی               |
| ابراهیم بك         | ۷۹  | ابراهیم بك         |
| عزم                | ۸۹  | عزم                |
| سینی بابا          | ۹۲  | سینی بابا          |
| انسان              | ۹۹  | انسان              |
| کورنیزن            | ۱۰۳ | کورنیزن            |
| مجم شاهی           | ۱۰۷ | مجم شاهی           |
| استبداد            | ۱۱۳ | استبداد            |
| حریت               | ۱۲۴ | حریت               |
| قوجه قاری ایله عمر | ۱۲۷ | قوجه قاری ایله عمر |
| اذانلر             | ۱۳۸ | اذانلر             |
| جانان یوردی        | ۱۴۳ | جانان یوردی        |
| برمرثیه            | ۱۴۷ | برمرثیه            |
| درواس              | ۱۵۲ | درواس              |
| محلہ قهوه سی       | ۱۵۸ | محلہ قهوه سی       |
| کوسه امام          | ۱۷۳ | کوسه امام          |
| نظم بارچه لری      | ۱۸۳ | نظم بارچه لری      |
| آخرت یولی          | ۱۸۹ | آخرت یولی          |
| استغراق            | ۱۹۶ | استغراق            |
| آمین آلائی         | ۲۰۰ | آمین آلائی         |
| حسبحال             | ۲۰۴ | حسبحال             |
| بیک                | ۲۰۷ | بیک                |
| یشجی اختیار        | ۲۱۳ | یشجی اختیار        |
| اعتراف             | ۲۱۴ | اعتراف             |

## اعتراف

صفحاتده اکر شعر آریبوره ک ، آرامه ؛  
یا لکن بریری وارد در که حزیندر . . کوستر !  
کوفه ؟ یوق . قهوه ؟ خایر . خسته ؟ دکل . هانکیسی یا ؟  
اوچ بوجوق نظمه کومولش قوجه بر عمر هدر !

## بمشجی اختیار

سنین عمر شداڻد کزینی اولمالیدر ،  
جین پاکنه پیرک بوچین یامی ویرن .  
النده طار تیسی ، دوشنده ملک سیاری ؛  
پوروور .. اوکنده مزار ، آرقه سنده بیک شیون ؟  
زمان اولورکه ، اوزاقلرده برسر اب مضی  
نمایشله ، کوزندن کچر خیال وطن ؛  
سونوک نگاهی بیدار ایدردی بلکه امید ،  
خیاله اولسه مساعد بومشی تاب افکن !  
چکر شوباری حیاتجه هب حیاتی ایچون ؛  
بیلنسه آه شوبار حیاتی چکمه نهدن ؟ ..

بېك قولنده ، حصارلرده برزمان ياتدى .  
 فقط نه چاره ! كلوب چاتدى وقت استرداد ،  
 قيزك نظرلرى بيهوده ايتدى استمداد .  
 جيله ايستدى اصرار ايدوب امانتى ،  
 چوجوقده وىردى ، فقط كورمليدى حدىتى !  
 بويوك قيزك ازيوردى غرور معصومى ،  
 بېك النده كزركن ، شو طفل محرومى .  
 آغىركلير او كالبته قارشيدن باقمق .  
 صوقولدى باق ينه ، هيچ شېبه يوق كه : يالوارم جق ،  
 « بېكى وىر » ديه ، لكن بن ايله نم ابرام .  
 خاير ، دكل بوادا براداي استرحام :  
 « بېكى وىر ! » ديتسونمى او چنچيسنده قيزه ؟  
 مكر حقوقده بيليرمش باقىك شو صايغيسزه ! ..

دییوب فریده یه کرها اوزاتدی قیز بیکى .  
 فریده نك یوزى كولشدى ، باقدم ، اییدن ایی .  
 سویندی ، اوینادی ، لکن بومستعار سرور  
 سورکمز اولدی ..

— ویر آرتیق!

— آجیق ده، نه اولور !..

— باقیکدی بك بابا ؟

— قیز، ویرده صوکرده دن ینه آل ،

مال اولماز انسانه ، عادت دکل ، امانت مال .

تکرر ایتدی بر آزدن شو یولده عینی رجا :

— بیککی ویرینه اولمازمی؟ اوینایم آبلأ .

بن التماسی دریغ ایتدم ایکنجی سفر .

— چوق اولدی بك بابا، یا ! صوکرده هر زمان ایسترا!

-- دمینه آلدی ، همان ویردی ، سن ده کوردکشا ..

سن آبلأسك نه قدر اولسه ..

— باشقه ویرم آما ،

چابوق ویررسهك اکر آل ده اوینا قیزهایدی ..

فریده نك بوسفر کیفی پك یولنده یدی .

ایچه داندیخی لر یاپدی ، خیلی حو پلاتدی ؟

اوقانلی جانلی بک اولش عادتا کوتوروم ..  
— بو اولش آرتیق آیول، آل کوتورده باغچه په کوم!

فریده قالدی بیکسز ، جیله نك کی فقط ،  
کوزل کوزل طور یور ، اولیور نه کور ، نه سقط .  
کونک برنده برابرجه اوینایور لرکن .  
آلوب فریده حزین بر نیاز طوری همان ،  
— بیککی ویر ، آجیجق اوینایم قوزوم آبالا ..  
دیمزمی ؟ قیز بوکا دنیاده کوسترمی رضا ؟  
— ویررمی یم سکا بن هیچ بیککی یغمامی وار ؟  
— عنادلق ایتمه قیزم ویر ..  
— آلیرسه صوکره قیرار .  
— فصل قیرار آجام ؟ ایتمه اویناسون ویریور .  
— اولورمی بک بابا ؟  
— البت اولور .

— قیرارسه اکر ؟

— یارین صباح سکا بن بشقه بر بک، آلیرم.

بزم مداخله دن صوکره، اوینا آل باقالم ..

ياتارميسك سنى خنزير ؟ قابارميسك كوزىكى !  
 آجىق ده ديكلسهك اولمازمى آنهك سوزىنى ؟  
 قاپاندى ايشته كوزك . . اوح ، شيمدى آرتىق يات!  
 بىك نه ياپدى بيلنمزه ، صكره دن پات پات  
 داياق صدارلى عكس ايلش اوبر اوطه يه .  
 كوزل كوزل اويومش اولسه قيزده دوكمزيا .

كلنجه بن اوه آقشام ، فریده بك دوشكون  
 كوروندى . آبلاسى بن صورمه دن آتيلدى :- بوكون  
 نه ياپدى ، بك بابا ، بيلسهك . . زوالليجق بىكه ؟  
 — نه ياپدى ؟

— دوكدى براعلا ، صوكنده قيردى .

— نه يه ؟

— بيليرمى يم ، اوکا صور . . قيزكتير بىكى هادى !  
 فریده قاچدى يانمدن ، كتيرمك ايسته مدى .  
 چيچك چيقارمسه دونمش ، كتيرديلرکه ، يوزى ؛  
 برر قفس كې قالمش اوقوش باقىشلى كوزى .  
 باشنده صاچدن اترىوق ، آياق طوپال ، قوللر  
 اوموزدن اويناميور ، كيم بيلير نه علتى وار ؟

سرور وشوقی بر کورملیدی یاورولرک !  
 طوروب اوطورمدیلر هیچ . دیدم : « یاتک ده یارین  
 بوتون کون اویناییکز .. » زده ! کیم یاتار ؟ اوکیجه  
 — یمکده صیزمه یه مألوف اولان — فریدهجه  
 قبول اولنیه حق سوز اولورسه ، یاتمقدی .  
 یاتارمی هیچ ؟ اونصل حسلی بر یومورجاقدی !  
 فریده ، دردینی طولدیرمامش . جیله ، یدی  
 یاشنده یوقسه ده جدا خانم طورلی ایدی .  
 بویوک قیز اوینادی بر پارچه ، صکره دن یاتدی ؛  
 کوچوک صباحه قدر هپ بیکنی حوپلاتدی .  
 نه نی دن آلیورمش ، نه اویله حوپپالادن ..  
 « ایشیل ایشیل باقیورآ ! بیک دکل ، آفاجان ! »  
 صباحه قارشو توکنمش بحالی یاوروجوغک :  
 میشیل میشیل اویویور .. دکمیک امان اویوسون .

بیم بولمیدیم برزمانده قیز اویانیر ؛  
 بیک اویومتق ایچون اوده اوچ ساعت قابانیر .  
 — امانده پک یاراماز ، اویقو صیچرامش باشنه !  
 باقیک بشیک ده کتیردم ، باقیک یاتارمی شوکا ؟

بېك  
ياخود  
ممه قرار

بزم جميله فریده یله بر صباح کله رك ،  
« اونوئمه بك بابا ، آقشام بر رجوتوزلی بېك  
کثیر ، قوزوم .. » دیدیلر . بنده قیزلرك کیفی  
قیریلماسون دییه رد ایتدم شوتکلیفی .  
کیراز دوداقلی ، اوزوم کوزلی ، ایجی دیشلی ، ایکی  
ادالی یوصمه کتیردم . امان او اقشامکی

اوت ، معلوم اولانلر اولمایان شیلرله بر نسبت  
ایدلمش اولسه ، غایت آز چیقار اولکیلر البت ،  
فقط جاهلله عالم بوسهوتون نسبت قبول ایتمز :  
او برکورددر ، بو لکن ملوغرو یولدن هبیچ عدول ایتمز .  
دیور قرآن : « بیلنلر ، بیلمینلر بر دکل . . هیات  
نصل یکسان اولور ظلمتله نور ، احیا ایله اموات ! »  
بو حکمتلر بدیهیدر سنک عندکده البته ؛  
فقط ، چوق سودیکمدندر که ، تکرار ایلدم ایشته .

صدددن غالباً آیرلشم .. سوز نهیدی اخطار ایت ،  
طالارسهم نور دیدم ، بویله بعضاً ، طورمه بیدار ایت .  
اوصاندک سنده کرچک حکمتمدن ، حسب حالمدن ؛  
بش اون سوز قالدی لکن دیکله نظم بی مألدن :  
دیورلر : « اعتراف بجهل ایکن تحصیلک انجاسی ،  
نه در بیهوده اتعاب ایله مک شهبال اقدامی ؟ »  
اوت ، لکن واروب سرحد معلوماته بر انسان ،  
او غایتدن دیمک لازم که : « یوق عرفان ایچون امکان ! »  
حقیقی اعتراف آلتنده پارلار ظلی عرفانک ؛  
بودر انسانلغک معناسی ، اک صوک ذوقی وجدانک .

مسوٽڻر اڃون دنيا ده محو اولق طبعيدر . [۸]  
 بو برقانون فطرتدرکه يوق تاويلي : قطعيدر .  
 صايقن اي نورديدهم ، جگهسين بيهوده ايامک ؛  
 چاليش حالک مساعدکن . . . بيلنمز چونکه انجامک .  
 ديورلر : « عمری انسانک يتيشمز کسب عرفانه . . »  
 بوسوز لکن دکلددر هر نظر دن پک حکيانه .  
 محققدر يانسانلر اڃون برغايه آمال ؛  
 ايدنلر عمرينک ساعاتي حقيقه استعمال ،  
 ظفرياب اولماسون ايسترسه وارسون اصل مقصوده ،  
 دوشر بيک مقصد ادراک ايله يوب برطل ممدوده .  
 اوت ، هر درلو معناسيله عرفان طور دورور عزمي . .  
 فقط انسانلغک معناسي اولسون اوکره نيلزمي ؟  
 جبليدر تحري حقيقت حرصي آدمده ،  
 اونک محصوليدر مشهود اولان آثار عالمده .  
 عطالت فطرتک احکامنه مادام عصياندر ؛  
 چاليشسون ، طور ماسون هرکيم که دعواسنده انساندر .  
 ظهور ايتمکه هر معلومه قارشي بر آلاي مجهول ،  
 نه دن اولسون او معلوماتي ادراک ايله ين مدخول ؟  
 [ ۱ ] « هلك المسوفون . » حديث

## حسب حال

« ماضی قات ؛ والمؤمل غیب ،  
فلك الساعة التي انت فيها . »  
بویوک برشاعرك دستور حكمتدر شو اخطاری ؛  
ولو طویمش ده اولسهك یولسز اولماز شیمدی تکراری :  
« بکن چمشدر آرتیق ؛ آن مستقبسه مهملدر ؛  
جیاتنكدن نصیبك : برشو چمك ایستهین دمدر . »  
أوت ، ماضی به رجعت ایله مك برکره امكانسز ؛  
امیدك موکره استقبال ایچون صاعلامی ؟ يك جانسز !  
بوكونلك ایش بوکون لازم یاییلمق ، یوقسه فردایه  
براقشسهك . . اوفر دالر اولور پیوسته عقبایه !  
بم اون بش ییل اولدن قالان ایشلر طورور حالا ؛  
یارین برباشلا یوب یاپسهم دیمشدم ، باق ، دمین حتی !

— سزای هیاکل بی روحی دورماضینک ،  
 دیکیلمه یك یولنه کاربان آیینک ؛  
 نه در طریقنی کسمکده بویله استعجال ؟  
 طوروک ، ایلرلسون الله ایچون، شو استقبال .

یایوب جهانلری اوینا تمق اقتدارنده !  
 کلیرده سایه امداد حقدہ برکون ، بو  
 کیرر دیار معالی یه طوغرودن طوغرو .  
 بو آنجق ایسته ، اکروارسه ، شانلی بر اوردو !  
 اوت ، ایلرله مک ایسترسه کارمان شتاب ،  
 یولنده طورمایه گلز . اوچونکه طورمایه رق  
 صباح سرمد آتی یه ایله مکده شتاب ؛  
 اوچونکه ایستیه منز حاله قاتلانوب طور مق !  
 اونک قدومی ایچون نازنین استقبال  
 آچارده سینه ، او اولمازمی پرکشای وصال ؟  
 طورورمی آرتق اونک قارشیسنده ماضی ، حال ؟  
 فقط اوز مزملر اوچدی هپدودا قلردن ..  
 سرودنشوه بو عالمده پک سورکه مزدرا !  
 آغیر آغیر کچورکن آلائی سواقلردن ،  
 کلیرده جاده نک آغزنده میخلانیر ، دیکیلیر  
 مهیب منظره بر آنلی شانلی کردونه ؛  
 ایچنده بودره لی اوچ قانلی چهره ! نه یسه یینه ،  
 یول آچدی بر ایری سس موکبک کچوب اوکنه :

اڤ اوکده، رحله سی آغوش احترامنده ،  
 آغیر آغیر یورون برطوقوز یاشنده ملک ؛  
 بش اون آدیم کریدن ، زیب واحتشامنده  
 شفق ضیالری حتی افول ایدوب کیده جک  
 قدر لطیف ، ایکی معصومی بر آچیق یایطون  
 وقار و ناز ایله چکمکده ؛ آرقه سنده بونک ،  
 کوچوک آدیملی یامان برطابورکه خیلی اوزون !

اوروحدن دها صافی اولان یورکلردن ،  
 زمان زمان بر آلهی ترانه یوکسلور ؛  
 بوجوش صفوتک عکسیله تا ملکلردن  
 زمینه طوغرو بر « آمین ! » صداسیدر کلور .  
 محیطی هر برینک بر صباح نورانور ،  
 بوتون بوقافله افرادی ، برسرود سرور ،  
 یاروب اوکنده طوران خلقی متصل کیدیور !

یوبر کتیبه معصومه درکه ای ملت :  
 سلامه طورملیسک شانلی رهگذارنده ؛  
 بوبر جناح که : آتیده براوفاق حرکت

## آمین آلائی

« کوزم که قانہ بویاندی ، شرابی نیلیهیم ؟  
شرابی نیلیهیم ؟  
جکر که اودلره یاندی ، کبابی نیلیهیم ؟  
کبابی نیلیهیم ؟  
نه یاره یارادی جسمم ، نه با که ، بیلمم هیچ !  
مالهی بن بو بر آووچ ترابی نیلیهیم ؟  
ترابی نیلیهیم ؟  
آمین ! آمین ! »

بوجوششلا اوطالغین حوض سیمینی اویاندیردی ؛  
 صبا انقاس سودا پروریلہ طالعہ لاندیردی .  
 آچیق لردن کلن امواج پیدر پیله ، ساحلدن  
 دمام اولدی وجد افزا حزین برنغمه ، برشیون .  
 قولاق ویردم او آهنگه : مکر آهنگ شعرکمش !  
 اوجوششزاراولان قلزم : سنک عمان فکرکمش .  
 کونش : روحک ایمش ؛ برحزمه شککنده اینن نوری :  
 او منبعدن خروشان سانحه کمش طوغریدن طوغری .  
 تجلی ایتدی آرتیق ، آکلادم : سنسک بوتون دنیا ..  
 بوسنلکده فقط ای یار غائب ، بن نهیم آیا ؟

لیالك سینه‌سندہ خوابہ طالمش نازنین اسحار ،  
 ایدر کیسوگہ یاصلامش جیین پا ککی اخطار .  
 نگاهکدن صاجیلمش لمعه‌لردر پیش حیرتده  
 یوزن اجرام نورانور بحر سرم‌دیتده .  
 زمین لبریز آتارک ؛ سماپامال انوارک ؛  
 عوالم هپ مرایای نظر پیرای دیدارک .

چکیلیمک ایسته‌مش‌ده صبحدم برجای تنهایه ،  
 اوطورمش ساحل دریایه ، طالمشدم تماشایه .  
 هنوز آفاق آچیل‌مشدی ؛ سما مخور ایدی . حتی  
 نمایان اولما‌مشدی خوابگاهندن کونش حالا .

درین برصمته مستغرق ، لب‌دریاده هیبچ سس‌یوق..  
 صباطورغون ، صولرطورغون ، بوتون اشیاده‌طورغونلق !  
 اوفرش نیلکون اوستنده ، طفل نازنین واری ،  
 اویورکن دایه بیدار صبحک طفل انواری ؛

کونش ، پیشنده طاغلر پرده‌دار اولمش ، حریمندن  
 کورونمش ، صوکر اشهر اهنده یوکسلم‌شدی تدریجاً .  
 تعالی ایله نیجه برزمان بالای قدرتده ،  
 ضیالر موج اولدی اوپهنای رکودتده .

کجیر پیش خیالکدن که جوشا جوش بر عمان :  
 نشاندر یوکسلن هر موج طوفان خیزی بر طاعدن ؛  
 اولوم وار ، قورتیلش یوق ، ساحل امداد اوزاقلرده ؛  
 دمادم روح تیتیره قورقودن طونمش دوداقلرده .  
 او جوشقون عنصرك صولتلیله اوغراشان کیمسه ،  
 فصل ایلر تهالك برکنار تسلیت کورسه ؛  
 محاط لجه یأس اولدیغم بر بویله حاملده ،  
 سنك طیفكده عینیله اوساحلدر خیالده .

دوشون آواره بر مادرکه: اولادندن اولسون دور ؛  
 تحیل ایله یاخود بریتیم خانمان مهجور ؛  
 اوبد بختك فصل اولادی هیچ کیتمزسه یادنن ؛  
 فصل چیقمازسه مادر اوکسوزك بر دم فؤادندن ؛  
 بنم یادمده ای آرام جان ، یادگزینکدر .  
 نه یاپسه چونکه منظورم سنك فیض مبینکدر :  
 چن امواج نورکدر ، فداتر یال وبالکدر ؛  
 صولردن عکس ایدن صورت جمال لایزالکدر .  
 خرام نازنینکدر اورقصان موجه لر جوده ؛  
 مطرا نکهتکدر کیزله ن ازهار خوشبووده .

## استغراق

تصور ایت که مظلّم بر شب اجرام ناپیدا :  
یا تار هیبتلی آغوشنده دورادور بر فیفا ؛  
دوشن کمرآه ایچون یول بولمه یوقامواج ظلمتدن ؛  
کیدیلمز .. هرآدیم آندجقه بر کرداب اولور رهزن ؛  
اوریکستانه باتمش ، چالقانان سیاح آواره  
فصل مشتاق ایسه بر نوره ، بر نجم رها کاره ،  
سکا ای لمعه امید بنده او یله مشتاقم ؛  
کورون بر کره زیر ایلک قارا کلک اولدی آفاقم ؛

قارباردی سینۀ غبراده برخراج الیم !  
 اوت ، چیان ، که یاتان طویمیورسه دهشتنی ،  
 دونکده آرقهده کندن سوروک فجاعتنی !  
 سکون ایچنده اویورکن شور ییغین طوبراق ،  
 الی الابد اوکوچوک روح چیرینبوب طوره جق ! ..

كفن بردوش كچمشلر ، قالان عريان سفالتلر !

بابام ، قاردشلم ، اولادم ، عمجهم . . . بلكه بونلردن  
معزز بيلديكم قيمتلى برچوق يارجان آلآن ،  
بوطاشدن عطف ايدر ظن ايلرم دنيايه صوك امعان ..  
بنمروحم بوهيكلدن طويار خاموش بيك افغان !

مرير سلطنتلر دور يايير ، آلت اوست اولور دنيا ،  
مشيد برج و بارولر دوشر بربر ، بوطاش حالا ،  
زمانك دست تخريبيله ، طور مش ، ايلراستيزا !  
بوتون موجوده حاكم بر عدم تمنا ليدر گويا .

نماز قيلندي ؛ دعا بيتدي . كاربان ، يولنه  
دوزلدي ، تخت ممالك كيروب برر قولنه .  
بو آخرت يولي آنجق ياريم ساعت سوردی ؛  
كيرنجه عالم امواته يولجیلر طوردي .  
جنازه ايندي اوموزدن ياواش ياواش ، صوكره .  
صوقولدي سرويلرك اورتە سنده برچوقوره .  
آتيلدي اوستنه اوچ بش كورك عظام رميم :

دایانمپور اوچ آدیمن زیاده دوش بشر !  
 آغیر آغیر کیدیور کن جنازه قافله سی ،  
 نهایت اولدی مصلی برنجی مرحله سی .  
 چیقنجه اوستنه صوگ منبرک خطیب ممات ،  
 آچیلدی دیده امانه پرده پرده حیات .

سریر واپسینکدر شونی پروا اوزانمش طاش ،  
 که نرمین خوابکا هکدن چیقار برکون اورورسک باش !!  
 آلندن یوق خلاص امکانی مادام الحیاة اوغراش ..  
 سنک برسد راهکدر، آشیلماز .. مقتدرسه ک آش !

مصلی : منجمد برموجیدر اشک یتیمانک !  
 مصلی : آهیدر، برجسته ، ماتمزار دنیانک !  
 مصلی : منبر تبلیغیدر انسانه یزدانک ..  
 مصلی : درس عبرتدر طورور پیشنده عرفانک ..

بومنبردن اینر ناسوته اک مدهش حقیقتلر ،  
 بوردن یوکسلیر لاهوته اک خالص قناعتلر .  
 جوارندن کچر ظلمتده بی پایان خیالتلر :

باقارمی بر طاشک اوستنده طورمش آغا  
 جناز، دوش جامتده چالقه لاندجه ،  
 او تخته پاره یه بکزرردی دوشمش امواجه  
 فصل طویار که اوزاقلرده ایگله ین قادینی  
 فصل کورور که یتیمک خروش ایدن یاشو  
 بومای وهوی قیامت نمون ایچنده سوز  
 صمیم خلقتی سوزان ایدن اینن بشر !

دکلهش اویله کنیش ناله نك حدودی مکر  
 سوقاق بیتوب دونولور کن کسیدی ماتملر  
 او تخته پاره جامد ، او اغبرار صموت ،  
 کذر کهنده کی اشباحی بر مهیب سکوت  
 ایچنده ترک ایدرک متصل شناه ایدیور .  
 زمینه باقمیور آرتیق ، سما ، دیوب کیدیور  
 بومحکمک نهیه صیق صیق د کیشین افرادی  
 سوالی فکره بویوک بر حقیقت آ کلاتدی  
 اوت ، بقا اژه جک جسم زار فانی بی ،  
 وجود چکمیجک عمر جاودانی بی .  
 بو بار مدهشک آلتنده تیره یوب دیزلر ،

— تمام اوتوز سئەدر قومشویزده بر کره ،  
 قیزوبده « ای ! » دیمش انسان دکلدی ، همشیره !  
 — زواللی رمزیه ! بوینک بوکولدی اولادم . .  
 — بابام نه اولدی ؟

— باباک . . . اولدی !

— ایتمه عایشه خانم ،

بوسویله نیرمی یا ؟ هجران اولور زواللی قیزه . . .  
 — آیول ! شو او کسوزی برپارچه جق آووتسه کز آ ..  
 آچیکده جومبایی اطرافه باقسین اغلاماسین . .

کوروندی جومباده ، باقدم که : طومبالاق ، صاریشین  
 سویملی برکوچوجک قیز . . بشنده آنجق وار .  
 طونوق یا ناقلری اوستنده پارلایان یاشلر ،  
 زواللینک اریین روح بی کنهای ایدی !  
 بنم اومرثیه یادمدنه آغلیور ابدی .

سفینه یاره که : صیرتنده موج بی حسک  
 یوزر . . او کنده عدمدن نشانه برانکین  
 چکر طورور اونی ساحل جدا آچیققرینه ؛

طویولدی سو کره امامك ندای مغمومی ،

دیوردی : — سویله ییک الله ایچون شو مرحومی

صل بیلیرسکیز ای مسلمانلر ؟

— ای بیلیرز !

— یارین حضور الهمیده طویلانوب همیکز ،

بو یولده حسن شهادت ایدرسکیز یا ؟

— اوت !

— امام افندی ، حلاللوقده ایسته مرحمت ایت . .

— حلال ایدك هادی او یله یسه شیمدی حقکیزی . .

— حلال ایدك هادی بکلتیمیک آدامجغیزی !

جامعتك یورکندن قویوب « حلال اولسون ! »

ندای صفوتی ، بردن جنازه آه درون

مثالی اوغرادای ، اودن فضا ده یوکسلدی .

ایمچرده باشلادی بر جوش نوحه در شیمدی !

باش اورتوسيله قادینلر کوزوکدی پنجره دن :

— براقدك او یله می اك صو کره قارده شم بزی سن !

— ییقیلدی دوستلراؤم ، بارقم .. آه کیتدی قوجه م .. !

— دایم ملک کبی انسانی ؛ پن فصل پانام !

## آخرت یولی

موقافده ساده بر « آمین ! » صداسیدر کیدیور :  
مخله خلقی بیریکمش ، امام دعا ایدیور .  
صیق بر او ؛ قابینک ایچ یاننده بر تابوت ،  
شنده ایکله یین آوازی دیکلیور ، مبهوت .  
یئلدی : « فاتحه ! » ، آمین کسیلدی ، بر کیزلی  
یکیتلی باشلایهرق ، هر کسک اوزانمش آلی  
جبین حزنی بر کره او قشایوب ایندی ؛  
دینکی زمره لر بر زمان ایچون دیندی .

## ترجمہ در

کندی فریادمدر آنجق سس ویرن فریادیمه ..  
 کیمسه لر یوق ، آشنادن بوسبوتون خالی دیار .  
 « زده یارانم ؟ » دیورکن بن بلند آوازایله ،  
 « زده یارانم ؟ » دیور وادی ، بیابان ، کوهسار !

## ترجمہ در

نهفته قلب کتومنده لیل دیجورک ،  
 سنکله بز ایکی آواره سرّ ایدک کویا :  
 که تا ابد قاله جق محنتی نظرلردن ،  
 مکرکه اونلری ایتسین لسان صبح افشا !

## خسران مبین

بن مکتبه باشلانیدیغ ائشاده ، دیوردی  
 رحمتی بابام ، « آدم اولور اوغلم ایلرده . »  
 آننهمسه ، اوطورمش ، باشالقلر قورووردی ..  
 آدملیکی کچدک ! باشالق اولسون ، اونزده ؟  
 آمالی تضاد اوزره کیدرکن ابوینک ،  
 هپ بویله هدر اولماده اطفال آره یرده !

تلقین ای دیور لسان حالی !  
 اوندن ده آلمیورسه عبرت ،  
 یوق بردها آلمق احتمالی !  
 بیکلرجه وجود نازنینک  
 بر سروی خیال یال و بالی ؛  
 بیکلرجه سرسماکزینک  
 برقبضه تراب اولور زوالی .  
 هر سنک مزار بیک حیاتک  
 فانیله قارشى انفعالی .  
 کورسونده بوانقلابی انسان ،  
 دهرک نه در آکلا سین کمالی !  
 زائر بو حقائقک اوکنده  
 حالامی بر اقامدک خیالی ؟

کل ، بلبل

قوندیغی هر غصن تر، منبریدر بابلک ؛  
 زمزمه کوش ایتدیکک خطبه سی فصل الخطاب .  
 رنگ حقیقت نه در ، فرق ایدن ابصار ایچون ؛  
 غنجه ده مطوی طوران هرورق ام الکتاب .

مؤدا بریشان ، ادا مبتذل .  
 طبیعی او غایتله یازلاق بولور ؛  
 او قور ، دیکله تیر ، سویله تیر ، غشی اولور .  
 براز سوکره باصدیرمق ایستر ، فقط  
 صاقین اولماسین اک اوافق بر سقط  
 دیوب ، بر مکمل منقد آرار ،  
 نهایت ظریفک برندن سورار .  
 کوزه تمز بو آدمده خاطر ، حضور ،  
 بولور لفظ ومضاده بر چوق قصور ؛  
 حریف شیمدی تیقیده حدتله تیر .  
 رذیلانه آرتیق نه لر سویله تیر !  
 براز دیکله یوب سوکره باق ، دیر ظریف :  
 سزک نثریکز نظمکزدن لطیف !

بوده بر مزار طاشی ایچون یازلش ایدی :

یارب نه خطیبدرکه مقبر :  
 انسانلره اک درین مالی ،  
 بروحی بلند قدرتیله ،

ایده‌یدم ، دیر چکر سین اختیار ی بر ییغین آلام !  
 ا لر اوج کونلک استقیال ایچون فردای آ کازسهک ،  
 هدردر ، قورقارم ، دنیاده اصرار ایتدیکلک ایام .  
 حقیقی بختیار آنجق او آدمدرکه ، دنیادن  
 کیدرکن ماملک نامیله ترک ایلر بویوک بر نام .  
 آلهی ! طوغرو بر مسلک فصل بولسونلر انسانلر ،  
 حقائق هب طورورکن پرده پوش ظلمت اوهام ؟

بر رسمک آرقه‌سنه یازلمش ایدی :

کیمینک یاد احترامی قالیر ،  
 کندی کیتدکده جانشینی اولور ؛  
 کیمینک بر ییغین مبرانی  
 طوپالانوب هیکل متنی اولور ؛  
 کیمینکده اولانجه‌خاطر می :  
 بویله بر سایه حزینی اولور !

شاعر حضورنده منقد :

دوزر یاوه کو برحریف برغزل :

— اوسطه، بونه ؟

قیب قیزیل بر بويا چكدك اوطه نك هریرینه !

— بورسم ، عسکری باصمقده ایکن فرعونك ،

بحر احمر یاریلوب کچمه سیدر موسانك .

— هانی موسی به آدام ؟

— چیقمش افندیم قارایه .

— فرعون زرده ؟

— بوغولاش .

— یا بو قان رنکی بويا ؟

— بحر احمر آی افندیم ، یشیل اولماز یا بوده !

— چوق کوزل لوحه ایمش ! طوغروسی شنلندی اوطه !

بر مزار طاشنه یازاش ایدی !

شو فانی زندکانیله حیات جاودانینك

تلاقیکاھیدر مقبر دینن صوك منزل آرام .

حیات اولمكله یتیمش اولسه ، برشی آ کلاشیلمازدی ؛

اوت ، بر عمر ثانی وار : دکل خلقت عبث مادام .

سن ای غافل بشر ، عالمده بر تأمین استقبال

## نظم پارچه لری

رسم حقی !

بر زمان واردی یا تاریخ مقدس موداسی ..  
یکی یابدیر دینی کوشکک بویوجک بر او طه سی ،  
مطلقا اسکی تصاویر ایله زینت لنسین ،  
دیه رسم آرانیر خیلی زمان بر زنکین .  
بری پیدا اوله رق ، بن یابارم ، دیر ، قولنی  
صیغایوب آقشامه وارماز ، سکز آرشون چالونی  
صیوار اما نه صیوار ! صاحبی دیر :

ایسته کوردک یا ، حریف « سایه حریتده ،  
 دییه رک باشلایه جق هر نه دیسه ک ، تهدیده !  
 اسکیدن واردی یا میدانده کزن ایپسز لر :  
 هانی بر « سایه شاهانه ، چکوب هر بوقی یر ا  
 اونلرک بر چوغی احرار عظام اولدی بوکون ،  
 مستبد ، ناه قفا بز لر .. کرم ایت ، حالی دوشون !  
 بوجهالت یورو مز ، عصره باقک : عصر علوم !  
 باشلا یک تربیه عائله لردن ، او غلم .  
 ساده حریتی اعلان ایله برشی چیقماز ؛  
 فکر حریتی هضم ایتدیر یکنز خلقه براز .

دها ممنون اوله جقدم او دو کونسز بلکه .  
 زرده قارشیمده طورور قانی یمک طوریه ؛  
 اوکسوز آغلار صانیرم چالنی یی طویدم می هله !  
 بونه دن ؟ چونکه نکاحک صوکی ارکچ بوشامق ؛  
 یاخود آقشامکی کلنلر کی خیر کور یاشامق !  
 دوکون اولسهیدی نه اعلا ایدی تک بربرده ،  
 آیریلق فصلیده وار صوکره بونک محکمهده !  
 نه قادینلر ، نه سفالت طوغورانلر کوروروز ؛  
 ایشته بیکرله چوجوق ، هم بابا صاغ ، هم اوکسوز !  
 اوچ صنف خلقه ایچم پارچالانیر ، هم نه قدر !  
 اختیارلر ، قاریلر ، برده کوچوکلر ؛ بونلر  
 مرحمت کورملی ، یوز کورملی انسانلردن ؛  
 یوقسه ، انسانلی بیلیم فصل آکلار انسان ؟  
 سوزی برپارچه اوزاتدمسهده ، اوغلم ، خوش کور !  
 هر زمان دردیمی دوکمک بکا زیرا کوجدر :  
 کیمسه سویلتمیور آرتیق بزی ، باق سن درده ؛  
 « مستبد ! » دامغاسی وار شیمدی بوتون اللرده .  
 برفنالق کوره رک ، یامه ، دیسهک آلنکه تا  
 اینیور خط جلیسیله حمیدی طغرا !

— کیتدیله نه یسه .. دعايت که : اوجوز قورتولدک  
 بعضی دعوالر اولور قیش کیجه سندن ده اوزون !  
 دیکله دک ، کوردک آ اوغلم ، نه بوزوق تربیه من !  
 نه یاپوپ یاغلی ، انسانلی او کرتیلی یز .  
 بو اوکوز قومی او یاندرمه ده در وارسه فلاح ؛  
 هانکی برملته باقسه ک : او یانیق .. چونکه صباح !  
 هله بیچاره شریعت ، نه کوزل آلت شر  
 اولیور ، ملعت اربابنه دوشمشسه اکر !  
 کولکه سندن بیله قورقوب باغیران برأودک ،  
 اوتوز اوج ییل بزى قوقوتدی « شریعت ! » دییه رک  
 وحدتی مخلصکز ، الله عصا چیقدی حریف ،  
 بر آلاى ضابطی کسیدردی . سبب ؟ « شرع شریف ! »  
 قاری دوکش ، بوشامش ... « امرالهی » نه دینیر ؟  
 بونلرک هپسی امین اولکه جهالتدندر .  
 بکاصور مملکتک حالنی ، بن سویله یهیم :  
 برامام ، چونکه ، بیلیر اولری .. ها ! برده هکیم .  
 کل نکاح قی ، دیمسینلر دییه بعضاً قاجارم ..  
 دوکون اولماز می ، کلیرلرده بوتون قومشولرم :  
 ینه قوندک خواجه ! دیرلر ؛ اونى بیلمزلرکه ،

چاماشیر ، تخته ، يملک ، زده ؟ آتش ياقايه جق .  
 بونلرک هېسنى يايىق سکا حاند « شرعاً ! »  
 چوجوق امزيرمه يه حتى اوله جق برسود آنالک!  
 بوشارم ، اولنيرم بختنى آرتيق قاپاده ،  
 حق نه ويرديسه ييوب خوش کچينک بر آرياده .  
 آل کوتور هايدى !

قىزم کل .. هله باق ، کل ، ديورم !  
 خاطر م يوقى ؟ عنادلق ابي اولماز ياوروم ..  
 سويلدم ياييه جق بردها .. محجوب اولمش ..  
 بويله شيلر اولاغاندر ..

— نه ديسهم ، هېسى ده بوش :

بو بنم آلنمه بر کره يازيلمش ..

— اويله !

— غازى کوسترسه که عاصم ! کيديگنر دولته .

نەزمان جامعە كىردك ؟ ھانى تەك بىرخىرك ؟  
 بىر قىزىل باشلە سەنك وارمىدر آرىك ، غىرىك !  
 آغزى مىخانەيە رىخت اوقودوركن ، ھەباق ،  
 بىكا كەش دە شىرىعتىچى كسىلمش . . . آواناق !  
 ھانىكى بىسىئە يوق دفتىر اعمالكەدە ؟  
 وارمى انسانلغە دائىر برايش افمالكەدە ؟  
 مسلمانلقدە شىرىعت بونى امر ايتىش ايمش :  
 ھم آلير ، ھەمدە بوشارمىش ؛ نەقدىر سادە برايش !  
 قارى تطليقى ايجون باق نەدىيور بىغمبىر :  
 « بىر تلاق اولدىمى دىيادە ، سەلار تىترىر ! »  
 ايكى اولنسى نە وارمىش . . بو ، ينىر ھەرزەمىدر ؟  
 واقعا بەمضاً اولور دردە قدر اولەنىلير .  
 بوىكىمەك خىزىچى ، آسرىم ، ھەلە بىركە دوشون !  
 تەك قادىن چوق سكا امثال اولان ار كەكلرايجون .  
 ھانى ثروت ؟ ھانى صىحت ؟ نە آراسەك مەفقود ،  
 طام طاقىر بىركىسە وار اورتەدە ، بىر صىققە وجود !  
 سەن دعا ايتكە « شىرىعت ! » دىيور اودە قارىك :  
 بوقسە ، بوىنىكەدە بوىكون زورجە كىزدەك بولارك !  
 قارى ايش كورىمەجك ، وارسە بىچك ، باقايەجق ؛

دوکه جکسک ، نه بوشارسک؟ بوشادک ، دوکمک نه؟  
مکناه ، هم ده عیب ..

- باقه اونک سن سوزینه ،

دوموزدر اونی بیلسهک !

- نه سی وار ، خیرسزمی؟

قسه یوزسزمی ؟

- دکل هیچ بری . . لکن جانمی

یقدی آقشام « ایدهم ، اوسته اولمه ! » دییه ،

دیمک ! درده قدر اولنیر ارکک . دیمه

له دن باشلادی شرّ تلکه ... قیزمازمی ققام ؟

قوصدینگ هرزه بی یوتسون دییه ، هی سرسم آدام!

وکیورسک ، بوشایورسک ایلک اوکسوز قیزی..

قلی برکریه یا ! انسان بوشاماز حقسزینی .

بوشاماز ؟ اماده یاپدک ! یاشریعت ، نه ایچون

ه اولنمه بی تادرده قدر امر ایتسین ؟

کی آلسه نه چیقار سایه حریتده ؟

باشمشه م ، جانم ایستر بوشارم البته .

شته میدانده کتاب ! هم آلیرز ، هم بوشارز !

طاره کلدکمی ، شریعت ! صوص اوغلان افطانسز!

- نه کبارلق بوبکم ؟ بردعوت

یتیمور ، اویله می ؟

- یوزغوندم افندمده ...

- اوت ،

خبر آلدق .. اوفقط سزجه بویوک برشیمی ؟  
اون قادین دوکسه یورولماز . بنم احسان بکمی  
بیلیرم بن نه طوسوندر !

- خواجه ، باق ، بن قیزارم !

سزه خلط ایتمه دوشر .. دوکش ایسم کندی قاریم .  
کیقم ایستر دوکرم ، سن دییه مزسک : « دوکمه ! »  
بو ، تجاوز صایلیر طوغروسو حیثیتمه ...

- هانکی حیثیتک اوغلم ؟ اوده وارمش دیسه که !

بکمک شیمدیکی حیثیت موهومه سنه

دییه جک یوق .. یالکز راحت آرارلرسه اکر ،

بویله کلقتلی قیود آلتنه هیچ کیرمه لر !

- سن امام ، صاحجه لیورسک .. یتیشیر ، آرتیق طور !

بنی اصرار ایله دعوتده کی مقصد بومیدر ؟

- حرمک کلدی دمین آغلایه رق ، صیزلایه رق ..

- کوزی چیقسین دوموزک ، پاتلا سین ایستره ، براق !

آغلادم ، مرحمت ایت ، یاپمه ، دیدم ... کیم دیکلر!  
 بوشامقمش بنی دوندن بری افکاری مکر .  
 اوچ چوجوق آنه سی ، امزیکلی قادین ، تک باشنه  
 قوجه بهر خانه بی سیل سین ده ، سوپورسون ده سکا ،  
 ینه سن بیل میه رک ، ظالم ، اونک قیمتی ،  
 ده نه بیچاره ده قالقوب قولکک قوتی !  
 — طور قیزم ، آغلامه سن ، شیمدی خبر کوندریرم .  
 قاری دوکمک نه قولایمش ! اوکا بن کوستیرم .  
 — چاغیرک بکچی بی !  
 — احسان بکی بیلدک یا ، ممش .  
 هادی کیت شیمدی کتیر ...  
 — قهوه ده یوق ..  
 — اوده ایمش ؛  
 شیمدی کلسین .

— کله تم ، کندیمی کلسین ! دیدی .  
 — یا !  
 بن کیدر سه م ای قاجاز ! هادی کیت سویله اوکا ؛  
 شیمدی کلسین !

قهوه‌لر ، نارگیله‌لر ، انقیه‌لر ، شربت‌لر ؛

روحي لبریز صفا ایلجه‌جک صحبت‌لر ،

هیبسی مبذول ایدی مجلسده . نه‌اعلا ! دیرکن ،

قابی شدتلی چالینمازمی ؟

— باقیك، کیم ؟ ذاتاً

اودکل ، خان‌کی برنی ! کیجه‌کوندوز ایشلر ...

کونده‌رک قهوه‌یه ، عاصم ، کلن ارککسه اکر .

— احمدك آنه‌سی گلش ...

— فصل احمد ، اوغلم ؟

— هانی بزده‌یدی بوکون ...

— ها ! کوچوک احمد ... معلوم .

بزه عائدکل او یله‌یسه .. خبر ویر ایجری .

— کیر ، دیدم ایسته‌میور ؛ سن بکا کوندردی ،

دیه اصرار ایدیور .

— کیرسه‌که همشیره خانم ..

— وارمايك اوستمه !

— نهك وار آقوزوم ، اكلایلم ؟

— نه‌ققام قالدی دایاقدن ، نه‌کوزوم هپ‌شیشدی .

قارشى قویسه‌یدم اکر مطلق اینم بیتمشدی .

## کوسه امام

— قارده شم علی شوق افندی خواجه یه —

علمی آز ، کورکوسی چوق ، فطرتی یوکسک برامام  
طایریم بن ، که حیاتنده طایتتمشدی بابام .  
« کیم بیلیر ، شیمدی نه عالمده بنم شانلی کوسه م ؟  
کورمدم اوچ سنه در ، باری کیدوب برکورسه م ... »  
دیه رک ، دون کیجه کوچ حال ایله بولدیم اویخی .  
قوجه انسان ! نه شطارتله قبول ایتدی بنی :  
— کل آیول کل ، خواجه زاده م ، بزی احیا ایتدک ..  
نه کرامتجه تصادف ! سنی آکدقدی دمین .

دایم دیمشدی که : کوردم ، خیار حدیثه ده وار .  
 — حسن ، بزم یکی داماد نه اولدی آکلامدق ،  
 کورونمور ؟

— قاری قویورمیور: حریف، قیلیق !

— اونده چاکچاک ایدن ارککک ده عقلنه شاش ...  
 لاف آکلاماز دیشی مخلوق ، طورمه سن اوغراش !  
 — کیم اوغراشیر آبابام ؟ بونجه ییالق اهلیم ایکن ،  
 آدام حسابنه قویمام بزم کور اوغلنی بن .

.....

.....

طاوانک پروازی آلتنده کی طوپراق یووادن ،  
 باقیور بونلره شخور تعب خیلی نظر :  
 « یاسزک بر یوواکز یوقی ؟ » دییور آکلاشیلان ،  
 دیشی ارکک چالیشان یاورولی قیرلانغیجلر ...

— آت شوپیی .

— نه دن ؟

— یالان یازیور اوغلم اونلرک هپسی .

— یاطوغری یازسه آصارلر .. نه اولدی وولقامجی ،  
اونوتدیکزمی ؟

— براق ، بوش بوغازلق ایتمه حاجی !

شوقارشیدن کوزهدن فسلی ایشته آغزی قاره !  
— خایر ، دیمه اودکل ...

— طورمه سن بلاکی آرا !

— جانم لطیفه یاپار ، بیلمیورمیسک عمری ؟

— براز راحتسزم احمد ، یاقک بنم فزی !

طویولدی بر ایری سس ، آرقه سندن استغفار ..

مکر کیرتی ایمش !

— پک شفالی شی شوخیار :

جاجیق یدکی نه حکمت ، حاضر همان تفتیح ...

— اوت شفالی یمشدر ...

— یمشی ؟ لاتشبه !

— کناهه کیرمه ! تفاسیرده اوپله یازمشلر ..

— قویمورمی مدرسه یه ؟

— قویارمی هیچ؟ عربی شیمدی کیم او قور آرتیق ؟

— اوت ، کاوورجه یه دوشدک ده صانکه ایش یایدق!

— بنایه اوج سنه کیتدمدی . هی زمانلر هی ! ..

علمده قالمادی . . .

— ذاتاً نه قالدی ؟ هیچ برشی !

— محله مکتبی لازمدر اسکی یولده بزه ؛

نلک ، نسخ بیتور یوقسه هپسی . . . کیفکزه !

— اون اوج یاشنده ایدم آلدیغ زمان کتبه ؛

کچنده سن نه بیلیرسک ؟ دیمزمی برزوبه !

دیدم ، اوغلان سنی کل بن برامتحان ایدیم .

اوطورده یاپ باقالم شویله برقیباق تم .

— فصل ، بجر دیمی ؟

— قابلمی ؟ رب یسری بن ،

تمام بش آیده دیکشدمدی قالفه مز صاغ ایکن .

— نه در الکنده کی یا هو ؟

— جریده .

نەدرکە، طور تفکرده وار بویوک برفرق:  
 کیمنده ال آياق اصلا قاریشمايورکن ایشه ،  
 کیمنده طورمایوب ایشلر بنان اندیشه !  
 نصلکه: بورننه اولمش ده فرجه یاب دخول ،  
 تحریات عمیقە یله متصل مشغول !  
 مهندس اوللی مطلق شواق صقاللی آدام :  
 محیط دائره شکلنده اوجکە بربالغام  
 توکوردی ؛ صوکره ، بویندن اوزون ، عصا سیاه  
 ماسلر چکەرک قویدی بشقه برشکه !

آياق تریله جلالانمه تخته پیکلره ،  
 کلاهی ، فسلی دیزلمش که بریغین چهره :  
 نصیب فکر و ذکادن برنده یوق کولکه ؛  
 دیوولامش بوینلرده حس دینن ملکه !  
 -- آمان جانم ، شو بزم قومشو اما اوغراشیجی !  
 -- نه بلله دک یا افندم ؟ اونک براسمی حاجی !  
 -- چوجوغی ها مکتبه ویردم، ها ویردمدی، دیه  
 سوقاق سوقاق کزییور ۹۰۰

اوت ، دیسهك بيله، دیرلردی : صوص بهی کوهزه !  
 — اوتوز یاشنده ایدم بلكه ، آننه سز طیشاری  
 قولای قولای چیه مازدم : دوکردی چونکه قاری !  
 بوکون اون آلتی یی طولدور مامش یومور جاقلر  
 اودون یمز ایی بیل ها ! کبرسه قارشی قویار .  
 کچنده دوکمک ایچون یوقلایم دیدم کریمی . .  
 براق ! اشك دکلم بن دیوب دیکیلزمی !  
 دایاق اشکر ایچونمش ، آدام دوکولزمش . . !  
 — یابز ، سوزم اوکا ، مرکیمی یز ، بکر ، بونه ایش ؟  
 دوکردیلر بزی هرکون ده قارشی قویمازدق . .  
 بن اویله تربیه اولدم .. قولایمی انسانلق ؟  
 — طوقوندورورمی ، نه ممکن ، ایل اوغلی هیچ آدامه ؟  
 اومسلمانلری سن شیمدی ، هی قوزوم ، آرامه !

کورولتوسز اویون ایسترسه کز کلک دامایه :  
 زواللی آچمازه دوشمش . . . . باقیك حسابلامایه !  
 اویونجینك بری دالغین ، النده طاش طورویور ،  
 اوبر اویونجی ده لاینقطع بییق بورویور .  
 سیرجیلرده ده سس یوق ، عمومی مستغرق . .

— يمينىز اوينايا مازلرگه آم چو جوقلر آم !  
 قارىشما سەك ايشك اولماز دكلى ؟ سنده بوناق !  
 — كلير سەم اوكرەديرم شيمدى . . .

آي شو بامينه باق !  
 كلوبده اوكرەده جكمش . . . مزارجى محمودە كيت !  
 براوفلە سەك كيدە جك ها . . . تيرىتى ، سادە تيريت !  
 — زمانە پىچلىرى ! كوردك يا ھېسى بىسەلەسز . . .  
 نەصايىنى وار ، نەحيوا وار . اكر بزم ايشمز  
 بو قالتابانلرە قالمشە وای بىم باشمە !

— حريف بلایە صوقارسين دير يلدانوب طورمە !  
 — مزارجى محمودە كيت ها ؟ باقك ايت اوغلنە بر !  
 كفرباز آلجق ، ادبىز . . . بوسويلە نيرمى بكر ؟  
 — يولنجه تربىە ويردك يا آفرين حسن آغا . .  
 — براقسلر بنى چوقدن ماريزلە مشدم يا ! . .  
 مزارجى محمودە ها ؟ وای باباسنك جانە !  
 بونك ياشنده ايكن بز بويوكلك يانە  
 او قورده اويلە كيرر ، هم آياقده بىكردك ؛  
 اوطور ديمزسلر ال پنجه سادە دىكردك .  
 خاير ، بو بويلە دكلدر ديمك نە حدىمزه !

— هیچ صیقله، اولدی دوشش!

— المده یوقی دییور؟ جک بابام!

— آمان شش بش!

— همان ده بولدی به! کلسین. حسابلایوب طورمه!

— بی یارتی یکدی یا آقشام، دیکیز کلیک قورومه!

— دوشله باغلیورم.

— یغما یوق!

— الکه کی نه؟

— سه یك.

— آمان طوروك او یله یسه: پنج ویک، دومینه!

میزیجی دیندی، سنسین دییور، باقک آغالر:

قیریقمی سویله یك، الله ایچون شو، جانم زار؟

— قیریق!

دکل!

— علم الله قیریق!

— دکل بالله!

خريطة واری آچيلمش اڭ اورتە یرده داما ؛  
 بیاضمی طاشلری یاخود سیاهمی ، هیچ صورمه !  
 خطوطی : غیر معین حدودی مملکتک :  
 نظرده خلیجه ادمان کرک که فرق ایتسین !  
 دلیکلرنده کی پیسلک لبالب اولسه ، ینه  
 باقنجه بونلره غایت تمیز قالیر دومینه .  
 دلیکلی چکمجه وارها ! دمیر باش اشیدان ؛  
 یاننده برده قولاقسز تکی . . اونوتمه آمان !

— آصیلدی بک قوزه !

— بسبالی ، باق صیریتدی آوال ؛

— باجاق الکده می ؟

— قیر ، حمدی سنده طاغلی بی آل .

— اوغلان ! قاپاقده ایمش طاغلی .. های کوپک اوغلی کوپک !

— کوپک اوغلی کندیکه بکزر ، اوزون قولاقلی اشک !

— سکزلی ، اونلی نه چکدکسه ویرده حوریایی طوت .

— حلیم ، نه اوغراشیورسک ؟ بوچیقماز ایشته قاپوت !

— چهار ویکمی او طاش ؟

عرب اوزنکی یه چالمش شاه اسماعیل کرزی ،  
 آغاجده باغلی طوران قیزده ایشته شیمدی کوزی .  
 فراقلیدر کرمک « اوف » دیر دیمز یانیشی ،  
 فقط شو « آه من العشق » ه کیم طورور قارشى ؟  
 کلنجه ازرقه بانو دینن عجوزه قادین ،  
 کولونکی دوشمش لندن زواللی فرهادک !  
 کورورده بویله رفاعی یی : الده قامچی ییلان ،  
 بیاض بر آرسالنه بینمش ، طورورمی هیچ دده جان ؟  
 باقیکدی باق حاجی بکتاشه : ده دیمش دیواره !  
 رسم بیتنجه کلیر شبهه سزکه بیتنه صیره .  
 برر برر اوکو ممکنسه ، صوکره معنی ویر . .  
 خایر ، خلاصه سی کافی ، یکونی عمره سورر :  
 بداهة قوصولان هرزه پاره لکه دوشون ،  
 این زمان دهالازمدی هرزه اولمق ایچون !

اوطورمه دن ایچی یاغ باغلامش بو دور ماصه نک ،  
 یایلیمش اوستنه بر چوق کاغدهک : اوینایانک  
 النده یاغلی مشین ظن ایدر کورنجه آدام .  
 یا طاوله نک کیری ؟ قابل دلددر ، آکلاده مام !

اونكده اوستنه رافدن اينرکه بر زنيل ،  
 سيچيمله قولبنه ايلککلی چفته مستيله  
 زمان زمان جوشه رق بر سماع ايدر شويله !  
 ديوارده اسکی اوجاقلر قدر کنیش بر اويوق ،  
 ايچنده جاملی دولاب وارکه رافلرنده نه يوق !  
 برنجی قاتده سولوك بسله نن بويوك قاوانوز ؛  
 اونك ياننده قان آلتی ايچون بش اون بويونوز .  
 ايکنجی قاتده بوتون کريدنلر ، اوسطوره لر . .  
 ديمک که قهوه جي هم ديش طبيبی ، هم پروکار !  
 اينانمادکسه دکلدردردک صيره سی ؛  
 اوزون لاقيردی يه حاجت نه ؟ ايشته موسطوره سی :  
 چکر کن اتلی کميکلرله آيريلوب چکه دن ،  
 صوکنده بر ايه بوی بوی ، اونر اونر ديزيان  
 زواللی ديشلری سن ماهيه بلله دکسه ، دکل ؛  
 برر مزاره اشارت دوشون که هر قنديل !  
 اوچنجی قاتده طورور ساده حاوی بوغچه لری .  
 صاغنده جام دولابك حجره حجره بیت پازاری .  
 ديوارده دورلو رسملر : آليکدی چاملی یلی :  
 قاچيرمش آيوازی آغلار کور اوغلي رحمتلی !

چامورلی بر قاپی ، اوستنده بر ده کیرمی دایک ؛  
 او کنده تختمی ، طوبراقی ؟ صورمه ، پیس برایشیک .  
 شو کوردیکم یر ایچون هر نه سویلسهک جائز ؛  
 آخورله فرقی : اویملکیدر ، بویملکسر !  
 زمینی یوز سنه اول دوشنمه مالطه ایش . . .  
 « ایش » له سویلیورم ، چونکه آکلامق اوزون ایش :  
 اوبرقاریش کیرک آلتنده هانکی ، معدن وار ؟  
 طاوان آجیق قوقه رنکنده ؛ صاغلی صوللی دیوار ،  
 ماوون جلاسنه باتمش توتونله نار کیله دن ،  
 دومان ، اوجاق کبی چیقمقدہ چونکه هر لوله دن .  
 دیکیلمش اورتیه ، بوینندن اوستی آز قویو آل ،  
 وجودی قاب قاره ، لیلک باجاقلی بر مانغال .  
 شو وار که بیلمین انسان کورورسه بردن ا کر ،  
 « بالقجیلک قاره صاچدن یاپیلمه هیکلی ! » دیر .  
 کنارده ، بیکه لک آلت باشنده بر کیرلی  
 طومار سورو کله نیور ، بری تاق که بسبللی :  
 چکیلمش اوستنه یا غمور لغمسی بر پیرتی ،  
 که غالباً کووه دن لیمه لیمه هپ صیرتی !  
 قورور بو اورتونک اوستنده یاغلی بر مندیله ؛

وجود امانت حق ، طوغرو ، همده جنتك ..  
 بو قهوهلر كي جنتده مسلمينه كديك !

« حیات عالمه » اسمنده بر معیشت وار ؛  
 سعادت آنجق اودر . . . دینسه ، هانکیمز آكلار ؟  
 حیات عالمه دنیاده اك صفالی حیات ،  
 فقط او عالمی بزلر طانیرمی یز ؟ هیهات !  
 صباحلین دولاشوب بر قازانجه خدمتله ؛  
 اوکده آقشام اوطورسهك کمال عزتله ؛  
 قاریك ، چوجوقلرك ، آننهك ، باباك ، کیمك وارسه ،  
 بولندیغك یری بر حلقه رسم ایدوب صارسه ،  
 سرای جنتی لانه کده کورسهك اولمازمی ؟  
 ایچنده حس طاشیان قلب ایچون بو ذوق آزمی ؟  
 قاریك : ندیمه روحك ؛ چوجوقلرك : روحك ؛  
 آناك ، باباك : برر آغوش التجای مصون .  
 صیقیلدك اویلهمی ! لکن براز آلیشسهك اکر ،  
 فضا قدر سکا واسع کلیر بو طار چنبر .  
 نه وار شو قهوهده بیلمم که صیغمیورسین اوه ؟  
 کلکده بر باقالم . . . بو یورك ایشته بر قهوه :

بوتون رذائل تاریخمزله مالیدر .  
 نهدن مفاخر اسلافه قهر ایدوب ، یالکز  
 ملواتنه ماضیمزك صاریلادهیز ؟  
 سبات ایچنده می کچمشدی عمری اجدادك ؟  
 خایر ، او جیل نحبك ، او شانلی اولادك  
 دامارلرنده شہامت یوزردی قان یرینه ؛  
 یورکلرنده اولوم شوقی واردی جان یرینه .  
 فقط بز اونلره عائد نه وارسه الله ، یانلیق ،  
 برر برر ییقه رق قهوه خانہ لر یابدق !  
 بوتون هیا کل صنعت یتیشدیرن شرقك  
 زمین فیضی نصل شوره زاره دوندی باقك !  
 نه خسته خانہ سی قالمش زواللی اسلافك ،  
 نه بر عمارتی ، بیتمش الله اخلافك .  
 قانالرك ایزی یوق ، کوپرلر خراب اولمش ؛  
 سبیللر قورومش ، چشمه لر سراب اولمش !  
 او قهرمان بابالردن طوغان بو نسل جبین  
 نه کیرودار معیشت بیایر ، نه کدیمین !  
 عذاب ایچنده قالیر سعیی کورسه رؤیاده !  
 نیچون یوروملی ذاتاً « اولوملی دنیا » ده ؟

اورور زواللی بی تاقلبنک صمیمندن !  
 محله قهوه‌سی حالا نیچون قاپانما ملی !  
 قاپانسین الویرر آرتیق بوپرده پک قانلی !  
 خایر ، بوپرده ، بوشرقک باقیامیان یاره‌سی ،  
 — کدلوٹ خون خیشیله ملکه یوز قاره‌سی —  
 حیاتمزد کدیکدر « کدیگلی » نامیله ،  
 آچیق طورور قوجه بر قومک اهتمامیله !  
 صاقین فرنگی‌یه بک‌زتمیک فجاعتنی :  
 بوقرحه ملتک اتمکده روح غیرتی !  
 محله قهوه‌سی شرقک حریم قاتلیدر !  
 محله قهوه‌سی خلقک مزار اولیدر .  
 زواللی اُمت مرحومه اولمه‌دن کومولور ،  
 سوزر بو حفرده ادراکی ، صوکره کندی اولور .  
 محیط لوئنه طومش که او یله منظر دله :  
 کیرنجبه نور نظر سیم سیاه اولورده چیقار !  
 یاتار زمین سفیلنده اڭ کثیف اشباح ،  
 یوزر هوای ثقیلنده اڭ خبیث ارواح .  
 دهان لعنته بکزر یاریقلریله طاوان  
 قوصار ایچنده نذر وارسه خاطراتندن !  
 او خاطراتی ده ظن ایتمه‌یک ، معالیدر ،

## محله قهوه‌سی

قارده‌شم حسین عونیه

« محله قهوه‌سی ! » عثمانلیلر بیلیر نه دیمک ؟  
تصور ایتمه صاقین « کورمدم ، نه در ؟ » دییه‌جک .  
دیلنجی شکلنه کیرمش بوسینسی جانیلر ،  
بو ، کوندوزین بیله یول ویرمین ، حرامیلر ،  
آدیم باشنده دیکیدکجه پیش عزمنده ،  
فلاح امتی امکان قالیرمی آمیده ؟  
اوت ، دیلنجی صانیر سیر ایدن قیافتنی ؛  
فقط بر اونلغه آغوش آچان سفالتنی  
کوروبده رفته شایان ، براز صوقولسه ، همان

خالقك مى ، سنك مى ، خالقك مى ؟  
 اللهك ايسه اكر بو ثروت ،  
 بزلرده اونك قوليكن ، البت  
 برپاي طلبنده حقمز وار ..  
 انصاف اوله ماز بو حقي انكار .  
 خالقكسه شوبى نهايت اموال ؛  
 وير ، ايتمه حقوق غيرى پامال .  
 يوق ؛ بويله ده اولميو بده كندى  
 مالك ايسه - چونكه فضله - شيمدى .  
 بيوايله ره تصدق ايله ...  
 دردنجيسى وارسه هايدى سويله !

مبهوت ايدرك هشامى صوك سوز ،  
 حضاره ديمش : كللك بولك سوز !  
 يوق بنده جواب رده قدرت ..  
 حيرت ، بوجوان دهايه حيرت !  
 ايجاب ايدبوركه شمدى انصاف :  
 مسئولى همان اولنسون اسعاف .

اولادینی امزیروب اویوتسون .  
 ظنم، بزه منفعل که مولی :  
 بربادیه خلقی یاندی ، حالا  
 برطامله صو اینیور سمان ،  
 شبنم بیله دوشمیور دعادن !  
 بیکلرجه دعایه براجابت  
 کوسترمدی بارکاه رحمت .  
 آرتق سکا التجایه کلدک ،  
 رد ایتمز ایسه ک رجایه کلدک :

کورمکده یز ای امیر عادل ،  
 - انکاری بونک دکل یاقابل -  
 یوق سنده کی احتشامه پایان ؛  
 بزلسه آلا ی آلا ی سفیلان !  
 بریانده دیمک که فضله وار چوق ؛  
 حیفاه که اوبرطرفده هیچ یوق .  
 اویله یسه براز توازن ایستر .  
 اوّل بنی دیکله ، صوکره حق ویر :  
 نردن بولدک بواحتشامی ؟

« اوج ییل متهادیا قوراقلر ،  
 امثالی کوروله مش صیجاقلر ،  
 سامانغزی قوروتدی کیتدی ؛  
 مزروعانک عمومی بیتدی .  
 بیکرله چادیر قاپاندی قالدی ،  
 چول محشر موت شکلی آلدی !  
 شهریلری بسلهین قبائل ،  
 کوی کوی کزیور ذلیل وسائل !  
 حاتمیره جود ایدن او عربان  
 نان پاره یه جان ویرر بوکون ، جان !  
 چیپلاقلری کیدیرنده عریان ،  
 کوملکسزدر ذکور ونسوان !  
 آچلق اجلک ظهیری اولدی :  
 باشند باشه چول جسده طولدی .  
 هرکوشده بیک آجیقلی فریاد . .  
 یوق بر یردن صدای امداد .  
 شبان بوتون اختیاره دوندی !  
 پیران برپا مزاره دوندی !  
 یوق والدهلرده سوت که: طواتسون ،

دیر : کلسینلر سرایه شیمدی .  
 برلکده چوجوق طالار حضوره ،  
 او تلجه دعا ایدرده صوکره ،  
 هیچ پرواسز کیرر کلامه . .  
 لکن بو تخف کلیر هشامه ؛  
 دیر : صوص آچوجوق ، بویوک طورورکن ،  
 سوز صادر اولورمی هیچ کوچوکن ؟  
 درواس اوزمان کلامی تکرار  
 تسخیر ایله دیر : « ندر بو آزار !  
 مقیاسیمیدر ذکوتک سن ؟  
 درواسی چوجوقی ظن ایدرسین ؟  
 بردیکهده صوکره کور چوجوقی ؟  
 انصاف ندر او سزده یوقی ؟  
 بن سویلیهیمده بر افندیم ،  
 صوصدورمق الکدهدر افندیم . »  
 درواس باقار ملکده سس یوق ؛  
 مجلسده دکل که سس ، نفس یوق ؛  
 معتادی اولان طلاقنیه  
 ناشلار سوزه اسکی شدتیله :

برقریه ده طویلا نوب ، دېمشلر :  
 طور د قجه هلا کمز مقرر .  
 مادام شیوخی یز بو خلقك ،  
 قالقك كیده لم هشامه ، قالقك .  
 برطویسه خلیفه من بو حالی ؛  
 وار مرحت ایتك احتمالی .  
 هیچ آق صقالیله بر آلا ی پیر  
 ایلر ده امیره حالی تصویر ،  
 کور من می او ، خالق رحمة شایان ؟  
 سلطانسه ده طاش دکل یا : انسان !

تکلیفی قبول ایدر بوتون ناس ؛  
 دیر لر ، یالکیز : «بولونسه درواس .  
 سنآدها بك، چوجو قدر اما  
 اولماز او قدر طلاق اصله» .

وقتا که کیرر شیوخ شامه .  
 در حال خبر کیدر هشامه :  
 دیر لر که ، بش اون قبیله کلدی .

## درواس

ديرلر : امويه دن هشامك  
دورنده ، ياقينلرنده شامك ،  
اوچ ييل اكين اولماش قوراقدن .  
جان قيدينه دوشمش آرتيق عربان .  
هر خيمه مزار اولوب قايانمش :  
آلتنده بش اون قديد اوزانمش !  
باقمش كه مشايخ قبائل :  
صيريلمايه جق بودرد هائل ؛

کوشمده بوتون ترانه شیون !

شیون دمی نای نغمه کارک ،

شیون جریانی جویبارک ،

شیون سسی باد بی قرارک ،

شیون بکا آه یادکارک . .

سن کوکلری خنده زار ایدرکن !

ای خاطرہ سیلہ روح، لبریز ،  
عندمدہ بو کائنات ہب سن !

ای لمعۃ شعلہ الہی ،  
ای صبح ابد قرار کاهی ،  
هیچ بولایہ تابشک تناهی ،  
انواریکہ کلسون تباهی . .  
بر بویلہ بقا کی ایسترم بن .

سونمز یانان احتمالی یوقدر ،  
سونمک سوزینک مالی یوقدر . .  
یوق ، ناره دیم زوالی یوقدر ،  
نورک فقط اویلہ حالی یوقدر .  
اولماز او کا هیچ عدم نشیمن .

ای خاطرہ سیلہ قالدیغ یار ،  
آرتیق آره مزده برجھان وار !  
سن کوکده صفا کزین دیدار ،  
بن یرده عذاب ایچنده یزار !

شفق که خاطره اغترابیدر ، نه حزین !  
 بوتون مکان، نظر مده او روحه زهتگاه ،  
 اگر چه یوکسلهرك اولدی لامکانده مکین .

ای اصلنه التحاق ایدر نور ،  
 سنسک بکا هر طرفده منظور ؛  
 اولسه كده ظلال ایچنده مستور ،  
 بر آن دكلم او لمعه دن دور :  
 روحده ابد قرار شعله ك .

مواج صباحتك سحرده ،  
 برق اورمه ده ناصیه ك قرده ؛  
 شب صحن حرمسرا گه پرده .  
 مطوی اوراق ورد ترده  
 بر شمه كتاب نكته كدن !

نغمه كدر ایدن ریاحی تهزیز ،  
 سندن بو نوای شورش انکیز !  
 طیفك بنی ایلپور سحر خیز ..

خیالی یاد حزینده ، روحی بالا کرد ،  
 وجودی بستر مقبرده اغتراب کزین . .  
 تحلل ایلدی کویا اونور یکپاره ،  
 نگاه بارقه بین اولدی برده خارقہ بین !  
 بر آسمان جلالک محیطی اولدقجه ،  
 نظردہ عرش ایله یکسان اولورسه چوقی زمین ؟  
 کتابہ سنک مزارندہ هپ کتاب لدن ؛  
 سراج ، فوق سرندہ ضیای نور یقین .  
 ستونی مرقدینک حقہ یوکسلن تهلیل ؛  
 رواقی مشهدینک نازلالت عرش برین .  
 زمین خاکنه فراش دست ناز نسیم ؛  
 فضای قبرینه ساقی سحاب نثر آیین .  
 نجوم ، تربہ سنک تربہ دار بیداری ؛  
 بہار ، لحدینہ پوشیدہ سترہ رنگین .  
 آچیلمادن قورویان غنجه عذاری ایچون  
 سحرده نوحہ بلبل ترانہ یسن !  
 هوادہ موجه سیدر شہر ملائکہ نک ،  
 ایدن ریاح دکلدن بو سرویلکده انین .  
 لیل او طیف لطیفک حریم عصمتیدر ؛

## بر سر سیه

[ هنوز ، اون طقوز یگر می یاشلرنده ایکن بو جهان ظلمته  
وداع ایدم رک ، عالم نورانور دیداره یوکس-ان یار جانم حلی  
حقنده ]

نهایت اولدی نظردن نهان او نور مبین ،  
پینده قالدی افقلرده بر خیال دفین !  
زوال ، او امر طبیعی کماله درپیدر :  
فضاده یوکسلن انجم اولور افوله قرین ؛  
فقط بونجم امل صانکه برق خاطف ایدی ،  
که بردن ایتدی غروبيله افقی لیل آ کین .  
تنزل ایتدی ناسوته ، دوندی لاهوته ؛  
کینه پایه اجلالی اولدی علین .

ای ماتم یایدار سویله ،  
 ساحه کده کی نوحه دینیمورمی ؟  
 ای ابر سما کزین سیار ،  
 یادکده میدر او نازلی رفتار ؟  
 ای ضربه باده قارشی، رعشان،  
 انشاد اینین ایدن نهالان !  
 بر شعر روان اولوبده جانان ،  
 کچمزمی بو کولکه دن خرامان ؟  
 ای دلبر مهربان ، ظهور ایت . .  
 عمرم کبی آکسزین مرور ایت !  
 یا قلب فضایه بر خطور ایت :  
 آفاقی لمعه لمعه نور ایت .  
 بیک نوحه جان ایچمده پر جوش ،  
 ککدم بو غریب یورده ، مدهوش .  
 فریادیمی یوقی دیکله یین کوش ؟  
 یارب ، بونصل جهان خاموش :  
 بر « یوق ! » دییه جک صداده یوقش ! . . .

قارشیمده پاریلداده کله سوندک !  
 کیمدن صورهم که زرده دلبر ؟  
 بر صمت عمیق ایچنده هریر .  
 جانان ! جانان !.. دیدم ، یورولدم ؛  
 بن عکس ندایه قائل اولدم ،  
 لکن اوده یوق ! اصم و ابکم  
 طاغیر ، دره لر ، بوتون شو عالم !  
 ای سودیکمک سویملی یوردی ،  
 حالك بکا شیمدی طوقوندی !  
 آج سینه کی : یاد نکهتندن  
 بر شمهیه قائل بو کون بن .  
 بر وقت او شمیم ناز پرور  
 تا صبحه قدر یامده بکلیر ،  
 — امیده ویروب بقا صبحی —  
 سرمست صفا ایدردی روحی .  
 هیات او نسیم صاف شمدی ،  
 نازان نازان سمایه کیتدی !  
 ای لانه تارمار سویله ،  
 جانان سکا آرتق اینیورمی ؟

یارب ، نه ایچون او لمعه نابود ؟  
 یارب ، نه ایچون بو سایه ممدود ؟  
 یارب نه ایچون حریم جانان  
 اوستنده بو پرده پرده هجران ؟

لکن کورونن کیمک خیالی ؟  
 جانان کبی طبقی بال و بالی . .  
 کیسوی سیاه تارماری  
 آلتنده جبین لمعه داری ،  
 ظلمتار ایچنده صبح مخمور ؛  
 یا کوز بیکنده نظره نور ؛  
 یا ابر بهار ایچنده جوآل  
 باران شکنده درسیال ؛  
 یا سینده هر زمان جوشان یاد ،  
 یا قید بدنده روح آزاد .

ای طیف نکه فری یارک ،  
 اولمازمی بر آن ایچون قرارک ؟  
 هیات ، سراب شوقه دوندک . .

## جانان یوردی

ایوآه ، ایصسز دیار دلبر . .  
هرکوشه سی برمنزار مغیر !  
اوچش ده ایچنده کی ترانه ،  
قالمش سس سز بر آشیانه .  
یریر مدفون طورور امللر ..  
کویا که قیام حشری بکلر !  
یارب ! نهیه بویله بر بیغین خاک  
اولمش یاتیور او بقعه پاک ؟

مناره‌لر بکا گلشدی صور اسرافیل :  
 محیطه چکمش ایکن دست شب ، ردای ثبات ؛  
 اویاندی قارشیکی اولرده لمه لمه حیات .  
 اویاندی صکره عوالم ، اویاندی روح صباح ؛  
 اویاندی خواب عدمدن برر برر اشباح .  
 اویاندی بنده‌ده بر شبچراغ ظلمتسوز ،  
 که تابدد اوله‌جق فیض حقله سینه فروز .  
 تصور ایله‌مم آرتق زوال او مشعل ایچون . .  
 مکرکه نور الهی افول ایدوب کیتسون !

ردا بدوش سکونت او کده هپ صفحات .  
 کوروب محیطی طالغین خوش بروجده ،  
 او حالی بنده تماشایه طالدم آسوده .  
 نکاهی مست ایدیورکن بولوحه نخور ،  
 افقده یوکسله رک بر صدای دورا دور ،  
 یایلدی روی زمینک او آنده هریرینه ،  
 صوقولدی لیل کتومک بوتون سرائینه .  
 جهان نائی بیدار و بی قرار ایتدی ،  
 ظلام ایچنده نه عالملر آشکار ایتدی !  
 او یوکسلن سسی تکریره باشلایوب ابعاد ،  
 طویولدی سینئه شبدن مدید بر فریاد .  
 سمایه چیقدی او فریاد، آه امت اولوب !  
 سمدن ایندی او فریاد، روح رحمت اولوب !  
 اوزاقدن آکدیریورکن، دمین، هیولانی ؛  
 سماعخانه لیلک برر کوچک نایی  
 کبیدی شیمدی خیالده هر منار مهیب . .  
 او طاش یورکده بوسوزشلی نغمه لر نه غریب !  
 او نایپارم رک صکره هپسی همدم اولوب ،  
 او یاندی روح سکوننده بر عظیم آشوب .  
 جوشنجه عالم جامده صیحه تهلیل ،

باقارسك برده كلبانك آلهيدن طولوب كردون ،  
اوتنهايي سوداوي اولور الله ايله مسكون !

اينوب وقتا كه ليك دست استيلاسي غبرايه ،  
سرر دنيايه ظامتن عدم شكلنده بر سايه ؛  
نظر مدهوش و مستغرق كيدر كن زير وبالايه ،  
دوئر ، « الله اكبر » جوشي يوكسلدجه مولايه ،  
او مظلم سينه خلقت تجليزار سينايه !

سنگ دم چكميور يادكله لبريز اولمه دن ابعاد ؛  
نه مدهش سلطنت يارب ، فصل آسوده استبداد !  
او استبداده حرمدر اذائلر ، سبجهر ، اوراد . .  
خير ، سن روح رحمتك ، بوسلارسندن ايستر داد ،  
ويرر ميدك ، اكر داد ايتسهك ، فرياده استعداد ؟

غنوده روح طبيعت صميم ظلمتده . .  
ستاره لر بيله بالاي سرمديتده  
ياواش ياواش اويومق ايسته يور يوموب كوزيني ،  
سحر سهارك آلتنده ، آچيور يوزيني !  
فراش ليده دينمش بوتون اينن حيات ،

بوتون آهنگ خلقت یاد ایدرکن حق از بردن ،  
 وجاهی فیض آلیر آرتیق اونورالنور از هردن :  
 هویدا شیمدی جاناندر سحر دن ، شام اسمر دن !

سحر وقتنده موجودات ، نوشین خواب ایچنده یکن ،  
 بوروحانی نوا آفاقی موجا موج ایدوب بردن ؛  
 محیطک قلب خاموشنده باشلار برحزین شیون .  
 باقارسک هر طرف ظلمت ، فقط برظلمت روشن !  
 سما بیدار ، هر ییلدیز جمال الله برروزن !

معیشت قید جانفر ساسنک محکوم ییزاری  
 اولان بیچاره لر کوندوز بو یاد مرحمتکاری  
 طویار سرمست اولور کورمش قدر فردای دیداری !  
 اونشویه یله ، یورولمق شویله طورسون ، الک آغیرباری  
 سوروکلر کورمه دن ، کوسترمه دن ییلغینلق آثاری .

کونش مغرب کزین اولمش ، سما اسمر ، افق کلکون ؛  
 زمان طورغون ، زمین مغیر ، جهان ده بسته ، جان محزون ؛  
 غریبلک رونما یریر ، سکونت دمبدم افزون ..

## اذانلر

« اختلاف مطالع سبيله كره اوزرنده  
اذانلر زمان يوقدر . »

زمان كچمزكه يوزبيكلرجه قلك وجدسكرانى  
زميندن يوكسلوب ، كوكلرده وحدتزار يزدانى  
آراركن ، دهشت آكين ايتسون برصيحه وجدانى .  
نه لاهوتى صدا « الله اكبر ! » صارصيورجاني . .  
بوبركلبانك حقدرد ، چوقميدر ايكلتسه اكوانى ؟

بولاهوتى صدا چيققدقجه جوشاجوش اولوب يردن ،  
اينر اسرار قدرت كبريا طوريله كوكلردن .

یوزی کولمشدی تیزه نك ، باقدق ،  
 بزده چیققدق وداع ایدوب آرتیق .  
 هیچ کورونمکسزین کلوب کچنه ،  
 طوغری ایندك خلیفه نك اوینه .  
 - شیمدی زرده یسه کون طوغار ، کیتمه .  
 دیکله دم بنده : کیتمدم یریمه .  
 ایتدی آز صوکره صبح ولوله دار  
 اویویان شهری کاملاً بیدار .  
 اوکله کچمشدی ، چیققدی کلدی قادین .  
 - غالباً تیزه اویقوسز قالدك !  
 کیمدی اقشامکی ، آکلاینجه قاری ،  
 چیقجه جق طوتماسهم همان طیشاری .  
 - تیزه عفو ایلدك دکلئ بنی ؟  
 - بویله کوستر فقط عدالتکی ..

سجود طور خشوعنده ، متصل سوپورور ؛  
 ایچنده روحی یانارکن یوزنده ترکوپورور ؛  
 دوزر محیط نکاهنده توده توده دومان ،  
 بولوط کچر کبی نجمک خیاط نورندن !

اوجاق طوتوشدی ، یتک پیشدی ؛  
 — وارمی تیزه قابک؟

کتیرده ایندیرهلم ..

— واربیویوکه برقاب ، آلیک .  
 یتک صیجاقدی فقط کیم طوروبده بکلیه جاک !  
 عمر چوجوقلره بربر یدیردی اوفلیه رک .  
 کسیلدی خیمهده ماتم ، اویاندی روح سرور :  
 اویاوروجقلره باقدمکه اویناشوب طوروبور !  
 عمر بوعلمی ، بی تاب ، سیره طالمشدی ..  
 دیدم : صباح اولیور قالقهلم ..

— اوت ، هایدی !

یارین امارتدکل تیزه ، اوکلهین بنی بول ؛  
 امیره سویلرز ، البته خیر اولور مأمول .

— اوزاقی یول ؟ دها چوق وارمی ؟

— آنجق اوج بش آدیم .

مجالى قالماش آرتیق زواللینک .. باقدم :

اولانجه عزمنی تحکیم ایدوب ، نفس نفسه ،

یاواش یاواش یورو یور . کلدی بیک بلا نهیسه !

صوقولدی خیمه یه ، ایندیردی آرقه سندن اونى :

— بیراقده دستی یی یرلشدیرک کناره شونی .

عمر همان طاشی چوملکدن ایندیروب آتدی ؛

اوزاندی دستی یه ، باغ قویدی ، صوکره اون قاتدی .

اوطورمق ایسته دی لکن بلایه باقکه : اوجاق

همان سونوب کیده جک ..

-- تیزه ، یوقی هیچ یاقه جق ؟

قادرین کتیردی بش اون پارچه یاش اودون عمره ؛

عمرده اونلری یاقق ایچون اکیلدی یره :

اوجاق توتر ، عمر اوفلر زفیر حاریله ؛

زمینی لویه بیضای تارماریه ،

عمر طویولماده هر قلبك انكسارندن؛  
 عمر قوغولماده هر مائك جوارندن !  
 عمر خليفه ايكن باشقه كيم اولور مسؤل ؟  
 عمر نه ياپسين، آلهي، بوتون اودر مسؤل !  
 عمر دن ايسته نيور بگله نن محمد دن ..  
 عمر ! عمر ! فصل آلك بوبارى دوشكه سن !

— سن آلماسهك عجباً كيم كلوب ده سندن ايني  
 اداره ايله جك دوشديك بومعركه يني ؟  
 اوت ، عدالتى « مطلق » خيال ايدرسهك اكر ،  
 عمر دكل يانه اولسهك براق كه هپسى هدر !  
 بشر عدالتى « مطلق » تخيل ايلرسه ،  
 كورور اميدىنى محكوم هر زمان ياسه .  
 سن اى عمر ، نه ملكسين ، نه برامير ظوم ..  
 فقط الكده نه وار ؟ فطرة بشر مظلوم !  
 كورور بروج سمانك بوتون ستاره لرى ،  
 ظلام ايچنده ، يوك آلتنده ايكه ين عمرى !  
 حضور حقه چيقاركن بو اونلى جبهه كله ،  
 دكل زمينى ، كتير شاهد آسمانى بيله !

بودستی یاغ طولودر ، الویرر او یوکده سکا .  
 چووال خلیفهده ، یاغ بنده . چیققدق آنباردن ؛  
 کلیدلیوب کری دوندک دمنیکی یولاردن .  
 مسافه باقدم اوزون ، یوک آغیر ، عمر یورغون .  
 دیدم که : سن بیراق آرتیق ، چووال بنم اولسون .  
 - خایر ، یورولسه دکل ، اولسه یاردیم ایتمه صاقین :  
 وبالی کندینه عانددر ابن خطابک .

قادین نه سویلیدی ، عباس ، ایشتمدکمی دمین ؟  
 یارین ، حضور آلمیده ، کیمسه لر عمرک  
 شریک خبیثی اولماز ، بوکونلک اولسه بیله !  
 اوت ، خلافتی یوکلنمیه یدی وقتیه !  
 کنار دجلهده برقورت آشیرسه برقویونی ،  
 کلیرده عدل الهی صورار عمردن اونی !  
 براختیار قاری بیکس قالیر ، عمر مسئول !  
 یتیمی کریئه خسران آلیر ، عمر مسئول !  
 بر آشیان سفالت باقیلما یوب کوچسه :  
 عمر قالیرینه آلتنده ، هییچ دکل کیمسه !  
 زمینه غدر ایله برطامله قان آقیتسه بری :  
 اوظامله برقوجه کرداب اولور بوغار عمری !

« آجز ! آجز ! بزه برلقمه اولسون اكمك وير ... »  
 « صوصك آياورولرم، ايسته اولدى، شيمدى بيشر ! »  
 كيدوب ده سويليه يم ها ؟ . . ديلنجياك يابه مام !  
 عمرده كيم ! بنم اوندن كريم آدامدى بابام .  
 اولورده يوز صويي دوكم سرك خليفه كزه ! ...  
 عمر بوزولدى فنا حالده :

— حقليساك تيزه !

آوت چوجقلى بن شيمديجك كيدر كليرم.

خليفه او كده ، بوسوز لرله مندهش ، نادم ؛  
 بن آرقه سنده ، پریشان ، چا ديردن آيرلوق .  
 صباحه قارشى بر آز باشلامشى آيدينلق .  
 كويك كوپكاري اژدر مثالى صالدير ييور ،  
 براق ييور بزي يولدن ، فقط كيم آلديريور !  
 مدينه نك طالهرق منحنى سواقلرينه ؛  
 دونوب دونوب هله كلدك ذخيره آتبارينه .  
 خليفه كيردى آچوب ، بن ده كيردم امريله .  
 آراندی هريرى برموم ياقوب على المعجله .  
 — شو تك چو وال اونى كوردكيا ! هايدى يوكله بكا :

— یابن یتیم آووتورکن ، امیر اویورمی کرک ؟  
 رعیتز، اوکا بزلر ودیعة اللهز ؛  
 کلوبده بر آرامق یوقی ؟

— حقلیسین ، یالکز ،

زوواللینک ایشی چوقدر ؟ زمان بولوب کله مز ؛  
 کیدوبده سویله مه مشسه که نه حالده سین بیله مز .  
 — نیچون خلافتی وقتیه ایله مشدی قبول ؟  
 صوکنده بویله چوروک عذری کیم طوتار مقبول ؟  
 زوواللینک ایشی چوقمش ! . . . ندر ، محاربه می ؟  
 ایشیمه سنده جوارگده ایکله یین المی ،  
 مدینه خلقنی عریان براق ، مصرده دولاش .  
 غزا ! غزا ! دیه کیت صوی جهانی ، کل پایلاش !

چو جو قلرک یکیدن یوکسلنجه فریادی ،  
 قادین تهوری آرتیق جنونه واردیردی :  
 — بونوحه لرکه چیقار تابولو طلرک ایچنه ؛  
 عمر ! صواعق تلغین اولور ، اینر تپه که !  
 یتیمک آهنی یاغمور دعاسی ظن ایتمه :  
 اوصیحه رعد قضادرکه کوندیرر عدمه !

براز یمك قومپورسك ؟

— یمك می ؟ چوملكی سن

تیریدی ظن ایدیورسك ؟

— نه دریا ؟

— ساده صودر ؛

دیبنده بر قوجه مان طاش فیقیر دایوب طور و یور !

غرض چو جو قلمری آلداتمه در او یو تمق ایچون . . .

— کوزل ! فقط قوجهك، اوغلك، خلاصه، یوقی سنك

برار ككك ؟ بونه حال !

— هپسی اولدی . . کیمسه م یوق .

سنگمیدر بو کو چوكلر ؟

-- طور ونلرم .

— نه ده چوق !

آدام امیره کیدوب سویله مز می حالی ؟

— آه !

امیره او یله می ؟ محوایتسین عن قریب الله !

یا قینده رایت اقبالی سر نگون اولسون . .

عمر بلا سنی دنیاده ایسترم بولسون !

— نه یابدی ، تیزه ، عمر بویله انكسار ایده جك ؟

طورويور ھراوڭ اوڭندە عمر ،  
 دېڭليور ، بىخبر ايچردە كيلر :  
 چىمدىك اڭ سڧىل برباپىي ،  
 يوقلايوب صاڭلى صوللى ھرقاپىي ،  
 كلكىك آرتىق مدينە خارجنە ؛  
 برچادير كوردى اوردە طوردىينە .

اوجاق باشندە اوطورمش براختيارجە قادين ،  
 « آجز ! آجز ! » دىيە فرياد ايدن چوجقلىرىنىڭ  
 قارىشىدىروب طورويور متصل نوالەسنى . .  
 زمان زمان طويوروب كرىيە پوش اولان سسنى ،  
 دىيور : - آياورولرم ، ايشتە شمدىنچك پيشەجك ..  
 فقط نەھال ايسە بردرلو پيشمىوردى يىك !  
 طيشاردە طوردينى مدتجە ھپ اونالەلرى  
 طويىجە طالدى عمر برسازم ويروب ايچرى .  
 سلامى آلدى قادين پىك بشوش بريوزلە .  
 — چوجقلىرىك نە ايچون ، تىزە ، آغليور بريە ؟  
 — بوكون ايكنىچى كون آج قالدیلر . . .  
 — اوحالەدە ، نەدن

۳. بیاض برردا ایچنده نهان ،  
 کایور متصل او طیف کران .  
 بن صو قولدم ، اوکلدی ، یا قلاشدق ؛  
 طورمادن قارشیدن سلاملاشدق .  
 دوشونورکن سلام آلان سسنى ،  
 او هیولا اوزاندی طوتدی بنی :  
 برده باقدم ، عمر دکلی ایمش !  
 — یاعمر ! بویله کیچ وقت ، بونه ایش ؟  
 — شو محلاتی دوره چیقدیم بن ؛  
 کل برابر ، دولاشمق ایسترسهك .

دوش معصومی سایه پوش حضور ،  
 قوجه بر بلده بی تلاش وقتور  
 او یویورکن ، عمر صیانت حق  
 کبی اطرافی دور ایدوب طوره جق !  
 اوسمار قدر باند جبین ،  
 ایکی شب زنده دار کوزلرینك  
 یارلیور انعطاف نوریله :  
 نجم ساهرده سانکه برهاله !

## قوجه قاری ایلہ عمر

استاد نجیم علی اکرم بک

واری عباسی بیلیمین ؟ . . یوقدر .

اوصحابی بی دیکله ییک، نه دیور :

برقارا کلک ، صوغوق کیجه یدی ؛ ینه

عمرک کیتیمک ایسته دم اوینه .

کچ وقت، کیسه سز سواقلردن

یورویوردم ؛ اوزاقدن اولدی عیان

— قلب لیلک مهیب رازی کی —

آکسزین بر مهیکل اعرابی !

« یاشاسین ! » سسلری افلا که قدر یوکسلور .  
 کوره رک یایمه دکل هم ، نه طبیعی اطوار !  
 شویومور جاقلره باق : صانکه ازلدن احرار !  
 — باغیرک هایدی چوجو قلر ..

— یاشاسین حریت !

دیرکن آلقیش کلیور ؛ صوکرده نوبت نوبت ،  
 یاوطن شرقیسی ، یاخود اوکا بکزر برشی  
 اوقونوب هرکوشه چین چین اوتیور .. هی کیدی هی !  
 بر مزارلق کبی طالغین یاتیورکن دهادون ،  
 شوسوقاقلرده بوکون طالغه لانان روحی کوروک !  
 -- بزده کیتسهک آزیجق ، اغابا ، اولمازمی ؟  
 — کیدک .

چوق قوشوب ترله میک ها ! آمانک دقت ایدک .

ایکی قاردش طالهرق لجّه اطفاله همان ،  
 ایکی دردانه عصمت کبی یوزمکده ایکن ؛  
 باقهرق آرقه لرندن بوکوزل یاورولرک ،  
 دوندی بردن بره سیاسی طوران اختیارک .  
 نه ایچون آغلادی ؟ بیلیم . شونی طویدم یانکیز :  
 — آه برکره کلوب کورسه یمندن بابا کیز ! ..

کنديسندن بويوكده بايراغى وار !  
 چكىدى ماضى دينن او دور ملال ،  
 هايدى فتح ايت : سنگدر استقبال .

قوشور ال اله ويرمش ايكي قارداش ؛ برينك  
 ياشى بش يوقسهده، وار آلتى قدر ديكرينك .  
 باقيور آرقه لرندن دايا نوب دكنكنه  
 خيلى دوشكون بر آدام :  
 قيز او نه ؟ دوشدگمى ينه !

سكا بيك كره ديدم قوشمه ، ياواش كيت ، يارامااز !  
 هادى قالق آغلامه . . سوزديكلسهك اولمازمى براز ؟  
 سيلكيوير اوستنى احمد ، باقيوير آغلاماسين .  
 آغلامام آغا بابا . .  
 -- آرتق يتيشير ، اوينامايك .

سوكدى باقدم كه همان بر آلاى اطفال اوتهدن ،  
 اونصل موكب شادى ، اونه عالم ، كورسهك !  
 هرچوجوق بر قوجه مان بايراق ايدنمش ، كليور ؛

## حریت

-- ایکی کون صکره --

بیاض انتاریسیله قار کبی قیز ،  
صانکه جنتدن اینمه زاده حور ؛  
یا سحر پاره در که پراندر  
دوش نازنده بر سحابه نور .  
قوشانوب بر نطق حریت  
کز ییور خاکدانی دورا دور !  
هاله دار ایلینجه بدری شفق  
بو قدر دلنشین اولور آنجق .

یاشو اوغلان ، شو طوس طویاج آفاجان  
که فضالر کلیر سرورینه طار ؛  
طاشیور صانکه صیغمیور قابنه . .

اوه دوندم ، بوتون او فاجعه‌لر  
 کلدی قارشیمده طوردی صبحه قدر .  
 دوندی دیده‌مده بیک خیال الیم !  
 اوتدی بینمده بیک فغان یتیم .  
 آغلاسون ایگله‌سین‌ده بر مظلوم ،  
 اوله‌یم سیره ساده بن محکوم !  
 یالکیز بنی‌یم فقط جانی ؟  
 کیم چیقوب « یامایک ! » دیمشدی ، هانی ؟  
 صوصدی هر کس طوینجه فریادی ،  
 کیمسه‌جک‌لر یرندن اوینامادی .  
 سسی حتی قیصیلدی قرآنک ،  
 صوصدی کویا صداسی مولانک !  
 صوص ! اوصوصماز : ندای ته‌دید ،  
 دیکله باق نردن انعکاس ایتدی :  
 آرناووداقدده کورله‌ین طوپ‌لر  
 کلیور ایشته پای‌تخته قدر !

آيول ، يارين ده سزك خانمانكز سونهك . .  
 نه وار صيچان كېي اولرده شيمديدن سينهك ؟  
 يازيق سزك كېي ار ككلرك قيافته . . .  
 — يتيشدى يايغارهك آرتيق . . چكيل قادين اويگه !  
 آتك شو قالناغى كيتسين ، طيقك همان ايچرى ،  
 — پاشام ، باييلدى قادين .

— آكلامام او حيلهلى .  
 ديمك كه بكليلم كلسون عالمك كيفى . .  
 ساعت اوچ اولدى ، كچيككك ، اوموزلايك حريفى .

رفيق عمرى كيدركن جنازه حالنده ،  
 سريلىدى ، قالدى قادين آشان لالنده .  
 بنمده بيتدى نهايت تحملم ، تابم ؛  
 بوشاندى سيل دموعم ، بوشاندى اعصابم .  
 اوتاندم آغلایهرق ، آغلادم اوتانمايهرق !  
 ديوردى سانكه او بچاره قارشيدن :

— آلقاق ،

دمين كركدى حيت ! هم آغلامق نه ديمك ؟  
 فغان ايدرسه قادين ، صوصدورور قوشوب اركاك .

سورو كايوب طورويورلر . . .  
— دفع اول قادين ، آدامى

اورونجه اولدورورمها ! بنم شاقم يوقدر .  
— چكىل خانم ، پاشالاف ديككه مز ، اورورمى ، اورور .  
بيليرميسك اونى ! شوكتما ب افندمرك  
برنجى بنده سيدر . . .

— هاى يتشمه سين پامپن !  
— «سوروڭ!» ديمش ، او كا شوكتلينك اراده مى وار .  
— سوروم سوروم سورونك تز زمانده آچاقلر !  
ياسن ، زباني قياقتى ، غول يباني پاشا ،  
آلهى يومرو باشك بركله يدى سيورى طاشه !  
ييلان باقىشلى شبك ، بر باقك شونك كوزينه !  
قازيق بويگدن اوتان . . تو ! حريف سنك يوزيگه !  
صاقين محله ده ار كك برامايك ، كوتوروڭ .  
صاييله ويرمديلر ، اويله ، پوسته پوسته سوروك !  
باقك شوحيده ده ، طورمش ييقيق دييور اويمى !  
طورونلرم يا حريف ، آچ قالب ديلنسين مى ؟  
محله مزده ده چيت يوق ، نه اولدى قومشولره ؟  
صوصوبده قورتوله جق صانكه هپسى عقلى صيره .

« سنك بواشته يوزك ، آل : » ديوپ او يوزسزه طاق .  
 اوجاق سوپوركهسى ، لکن سوپورميور ، ييقيور ؛  
 نه دنسه بيتديكي يردن جنازه لر چيقيور !  
 بوداق دليكلري طرزنده آچده چيفته اويوق ؟  
 بويوكجه بهله قدر آلنك آز آلته صوق .  
 بيليرميسك چالي آلتنده كيزلي اينلر اولور :  
 ييلان صباح چيقار ، آقشام اوصولجه حق صوقولور ؟  
 بيق او قيوده يتشمش ديكن يمشلي چالي ؛  
 آغيزده اين كي اصلا كورونميور ، قاپالي .  
 بو شكل موخشي ممكنسه بر دوشون شويله ،  
 پاشام ديدكلري اعجوبه ايشته عينيله !  
 بلنده سيف « صداقت » النده بر قامچي ،  
 فريق سترهسي آلتنده كورديكيم اوماجي ،  
 ضيای بدر منيرك ايچنده ، ياربي ،  
 طوروردي سينه ايمانه كيتمش عقده كي !  
 سما ، زمين بوتون انوار ايكن او پيس كولكه  
 جبين پاكنه ليك نه پايدار لكه !

— قوزوم ، فصل پاشاسك ، كورميورميسك ؟ قوجه مي

آجیقلی ، کوکسی سقط قویورک ، دیدیکله میک ؛  
 کناهدر ایتیک اوغل ، عیدر ایله میک .  
 افندی کیم ، اونه بیلسین ؟ بیلیرسه هم نه چیقار ؟  
 کیلار جیسیله اوزاقدن براز خصملنی وار .  
 کچنده قومشوی کورمش ، دیمش سلام سویله .  
 دیک آلمانیه جق تکرینک سلامی بیله !  
 کوپک سورور کبی انسان سوروکه نیرمی آیول ؟  
 — قادین ، چکیل دو کر م ها ! صوقوله ، هایدی دفع اول !  
 — حریف براق ، دیورم .. طوردی ایشته باق نفسی .  
 — نه دیر لایوب طورویور ؟ صوصدورک جام شوپسی !  
 دیمز می سزه بن هر زمان که « دغدغه سز »  
 یاپک ؟ اشک کبی سز هیچ لاف آ کلاماز میسکز ؟  
 — قادین ، پاشام ، نه یاپارسک ؟

پاشام می ؟ زرده پاشا ؟  
 شو قورقولق کبی دیم دیک طوران حریفی ؟ یاشا !  
 تصور ایت : ایکی آرشون قازیق قدر بر بوی ؛  
 کتیرده اوستنه قالپاقلی بر کمیک قفا قوی .  
 اوجاق سوپور که سی شکننده بر صقال یاپه رق ،

طویولماسونمی براز صوکره باشقه بر آجی سس ؟  
 عجب نه وار ؟ دییه رک قوشدی اوکجه دن هرکس ،  
 فقط کیدنره باقدم که قالدیروب طابانی ،  
 بوجاق بوجاق قاجیور : قاج بیلیرمیسک آمانی !  
 قیصیلدی قارشیکی اولرده موملرک هپسی ،  
 قیصیلدی صانکه بوتون بر محله نک نفسی !  
 کسیلدی نغمه قرآن ، کسیلدی نغمه ساز ؛  
 زمان زمان طویولان ساده بر رقیق آواز .  
 نیچون قاجیشدی اهالی ، نه وار که یار بی ؟  
 یاواش یاواش صوقولور آ کلارم نه در سبی .

نه منظره یدی آلهی او کوردیکم صحنه !  
 بش اون حریف یابیشوب بر فقیرک اللرینه  
 سور و کلیور ؛ اوتهدن بر قادین دیور :

— براقیک !

قوجه نه یادی ؟ نه در جرمی بیکنه آدامک ؟  
 زواللینک بویوک اولادی اولدی عسکرده ؛  
 ایکنجی اوغلی ده سور کون یمنده بر یرده .

شعاع محرقی آلتنده، کوندوزین، شمسک  
 یانان آلینلر ایچون بر حیات اولور لمسک ..  
 آچیقدی پنجه لر ؛ صاغلی صوللو هر اودن  
 کلیردی دورلو صدالر ، آجیقلی بعضا شن .

— باق آنه ، آی دده باق باق !

— آمان ده ماشااا

دکیرمی طابله قدر وار ..

— صوصکدی عایشه ، کناه .

— الهی تیزه تحفسک ، نهدن کناه اوله جق ؟

— کناه دیدم یا ، براق شیمدی ..

— هایدی سنده بوناق !

— بوناق، موناق دیمه بالله چاربارم المی ..

آشیفته لر سزی .. آخر زمان توکلی می !

اولک برنده نواساز برکوزل عودی ؛

برنده جذبه فزا برصدای داودی

تلاوت ایتمده قرآن ؛ کلوب کچنلر سه

آیاقدی ایرکیلیور انجذاب ایدوب اوسسه .

او طور مق اوده اولومدن بتر ، دیدم : بلکه ،  
 چیقار طیشارده کزرسم بر آز نفسله نیرم ؛  
 اپی ده یورغونم اما کلنجه دیکله نیرم .  
 بزم مسامره میدانی یایلا تومسکیدر ؛  
 اوزاق چکر سده بویراز طوتار ، یازین اییدر .  
 کیوب آیاغمی چیقارکن صویام یتشدی هله ..  
 امین اولوب کیده م ، چونکه ، ویرمهك ال اله .  
 اودر جهانده بنم یارجان معتمد ؛  
 وقور ، خاطری مرعی ، وفالی ، چوق ده نهدم .  
 بزم سوقاقلری تخمین ایچون دیک که : قویو !  
 طوغار شهرده کونش ، یوکسلیر مناره بویی ،  
 اداره قندیلی قارشیمده کوز قییار حالا ؛  
 غروب ایکندی بی بولماز ، لیال هپ یلدا !  
 نصلسه بدرك او اقشام نگاه سیمینی ،  
 ثرصد ایتک ایچون صانکه اولرك ایچنی ؛  
 دیکلیدی صفحه میناده سمت راسمزه .  
 طاوانسز اولره ، یارب ، نه خوش بر آویزه !  
 طور ای سراج ازل ، کیتمه اولدینگ یردن :  
 براز شو صحنه دیجوری او قشاسون شعلهك .

دوشوردك ملتك اك قهرمان اولادینی یأسه ..  
 نه ملعونسك كه رحمتلر اوقوتدك روح ابلېسه !  
 دكل كابوسك آرتیق ، دور دولت انتباهكدر .  
 كل ای نازنده حریت كه جانلر فرش راهكدر .  
 امیندر موقعك : اك پاك وجدانلر پناهكدر .  
 سراپا ملك عثمانی مؤید تختكاهكدر .  
 سریر آرای اقبال اولكه : برملت سپاهكدر .  
 — برکون اول —

بزم محلهیه پویراز قیشینده اوغرایاماز ؛  
 اریر اریر آقارز سمتزده کلدیمی یاز !  
 بهاری کورمه یز اما لطیف اولوردیرلر ..  
 چیچکله نیرمش آغاجلر ، یشیله نیرمش یر .  
 دیمك شعورصده اوت بیتسه نوبهار اوله جق ..  
 نه وار کیدوب یاقه جقلرده دمکذار اوله جق ؟  
 فصولی درده چیقارماز بزم سوقاقلریمز ؛  
 قوراق ، چامور ، ایکی موسم طانییر آياقلریمز !  
 منجمك ، برکت ویرسون ، اسکی تقویمی  
 خبر ویرر بزه ، موسم شهرده گلشمی ؟  
 صیجاق ، زیاده صیجاق برکیجهیدی ؛ باقدمكه :

اوتانماز میدیکز بر، صایسه لر ظالمه مظلومی ؟  
 سز، ای انسانلق استعدادینک دنیاده بحرومی ،  
 سمالردن ده یوکسک طوتدیکز بر ظل موهوومی ! »

اوبرقاج خیمه خلقندن جهانگیرانه بردولت  
 چیقارمش ، برزمان دنیایی لرزان ایله مش ملت ؛  
 زمان کلسونده کورسون بویله دنیالر قدر ذلت ،  
 اوتوزاوچ ییل دوام ایتسون، باشندن کیتسون نکبت..  
 بو بر عبرتدر اما اولمایه ییق بویله بزعبرت !

سما یما ایکن رایانمز طوتدک ذلیل ایتدک ؛  
 مفاخر بکله یین آبادن اولادی خجیل ایتدک ؛  
 نه عالی قوم ایدک، حیف که سن کلدک سفیل ایتدک ؛  
 بوتون امید استقبالی آرتیق مستحیل ایتدک ؛  
 رذیل اولدق.. سن ای کابوس خونی، سن رذیل ایتدک !

حمیت غمز ایدن برپاک آلین هر کیمده کوردکسه ،  
 « بو برجانی ! » دیدک سوردک ، یا محکوم ایلدک حبسه .  
 موکل ایلیوب جاسوسی هر وجدانه ، هر حسه ،

## استبداد

قارده شىم مدحت جاله

يىقىلدىڭ ، كىتىڭ اما ئى مەلۇت دور استبداد ،  
براقدىڭ مەلەتەڭ قەلبىدە چىقماز بىر مەلۇت ياد !  
دىيور اجدادىمىز مەقبەرلەردىن : « ئى سەفەل احمەد ،  
ئىچون بىكار جە مەمۇم اولدور رەكن ھەركەن جەلاد ،  
خروشايتىزدى ، مەنبۇخانىھ اولسون ، كىم سەدن فرىاد ؟

اوتوز مىليون اھالى ، اوچ شەقەنك بويە مەھكۇمى  
اولوب چەكسون ھەكۇمەت نامنە بىر بار مەشئۇمى !

اوسعدیلر ، اوحافظلر ، اوفردوسی ، اورازیلر ،  
 غزالیلر ، اوقطب‌الدین ، اوسعدالدین ، اوقاضیلر  
 یتشدیرمش ؛ اوحیامک ، او برچوق شمس عرفانک  
 ضیاسندن تنور ایلش ؛ اقلیمی دنیانک ،  
 بوکون مقهور نادانیسیدر بر فرقه حیدودک !  
 نهدر پنهان اولان اسراری بیلیم بونده معبودک ؟  
 خایر ، معبوده ارجاعنده یوقدر بونلرک معنی :  
 یاتاقلق ایله مز جانی یه - حاشا - برزمان مولی .  
 شهامت پرورا ، شاها ! زمان ، بیدادی قالدیرماز ؛  
 خطا ایتمکده سک شاید دیورسهک « کیمسه آدییرماز . »  
 بواسطه آرتیق برنهایت ویرکه : استقبال  
 قارا کلک دیرلر اما ایشته پک میدانده : اضمحلال !

خراب اولمازمی، قبرستانه دونمشکن بوتون ایران ؟  
 اوت ، ایرانی قبرستانه دوندردک ، هلاک ایتدک ؛  
 کفن یابدک کرییان امیدى چاک چاک ایتدک !  
 « بوتون دنیا ایچون برداملهقان چوقدر ، دیولر، سن  
 شومعصوم امتک سلر آقیتدک خون پاکندن!  
 یوزکدن پرده تمکینی آرتیق قالدیروب آتدک :  
 نه ماهیت ، نصل فطرتدهسک ، دنیايه آکلاتدک !  
 لواءالمحمد حریت ایکن اسلام ایچون غایت ،  
 یازیق ، پامال استبدادک اولدی اويله بررایت .  
 قازاق جلب ایلوب تا روسیه دن ساداتی چیکنتدک؛  
 یزیدک روحی شاد اولسون.. امینم چونکه شادایتدک !  
 شهامت کوستروب بیکلرجه بیت اللهی باصدیردک ،  
 شجاعت عرض ایدوب برچوق رجال اللهی آصدیردک!  
 نه اللهدن حیا ایتدک ، نه پیغمبردن عار ایتدک :  
 دویردک کعبه علیای دینی ، خاکسار ایتدک !  
 حماست بروران قومی طوتدک بربر اولدوردک ،  
 عموماً شرقی آغلاندک ، عموماً غربی کولدوردک ..  
 خایر، هیچ برکولن یوق، صیزلیورغربکده وجدانی،  
 کوروب اجساد مظلومینه مشهر خاک ایرانی !

اسلافك - بوكون دوشونورسك - دكل ايكن  
 طوپراق طولان دهنلری فریاده مقتدر ،  
 حالاسنك بوولوله نختك نهدر؟

« ریاست بدست کسانی خطاست :  
 که از دستشان دستها برخداست.»  
 سعدی

بومدهش ولولهك ایرانی داثم ایكله دیر صانمه.  
 « مظفرسك ! » دین سسار بوتون خائدر، آدانه .  
 ظفریاب اولدینك کیمدر ! دوشون برکره، ملت می؟  
 عدالت ایسته یین برقومی اورمق غالییت می؟  
 نصیبك یوقیدر برپارچه اولسون آدمیتدن؟  
 نصل آدیرمیورسك یوکسلن فریاده ملتدن؟  
 امین اول بونجه مظلومك یورکلردن قویان آهی  
 تپه کدن ایندیرر البته برکون لعنة اللهی !  
 صیغمنش اولدینك شوکتسرای ظلمی بك محکم  
 خیال ایتمکده سك .. لکن نه بارولر ، نه مستحکم  
 پناه بی امانلر ، هیبت قهار مطلقه ،  
 کوکندن دوریلوب برآنده یکسان اولدی طوپراقله!  
 او ، برچوق مملکت ویران ایدوب یاپدردیك، ایوان

فریاد واپسینه دکمز بوولوله . .  
 مضحک کلیر نگاه تماشامه هائله !  
 بیک ملکی ، ملتی یوق ایدن پنجه فاک ،  
 یرشخصی شبهه سز ابدی قیلماق کرک .  
 ماضی که ایشته مقبره لر ماوراسیدر ،  
 ملتیرک حظیره زائر جداسیدر ،  
 عطف ایلسهک نگاهکی قعر ظلامنه :  
 ملتیره کوزک ایلشیر نعش نامنه !  
 دارالرك اوناصیه تارمارینی ،  
 اجدادیکک عظامنی ، چوکمش مزارینی  
 پیش نگاه عبرتکه آلدده بردوشون ...  
 چوقدر بورتبه دغدغه برقبضه خاک ایچون !  
 اقلیم لر آلاں اومعظم ناپولیونک  
 برحفره در قازاندینی شی . ایشته باق اونک  
 اک صوک سریری مقبره ماتمیسیدر ،  
 عقربلرک ندیمی ، ییلانلر انیمسی در !  
 یرقالماش سراى معلا که باق اوتان :  
 ماتمسرایرله طولو ساحه وطن !  
 امرجه نامطاعی بودنیایی رام ایدن

دندان غیظ و قهره شبیه استخوانلری  
 یاد ایلسون مظلالمکی تا ابد سنک ،  
 ای جبهه سی کتابه سی بیک قانی مدفنک !  
 ای بر خیاله تحفه قیلان بیک حقیقتی ،  
 ای آهنین ایله قازوب قبر ملتی ،  
 نور حیات افقلرینی مرج و مرج ابدن ،  
 لیلک شدید ظلمتنی روحه مرج ایدن !  
 انوار مهر فکری سن ای خاکسار ایدن ،  
 میتلرک عظامی کبی تارمار ایدن !  
 ای هادمی سراچه ماتم فشانلرک !  
 رخس عقور ظلمکه پامال اولانلرک !  
 کلغنجه مزاری میدر تاج دولتک ؟  
 طوتمشسه ده عوالم افکاری شهرتک ،  
 ظن ایتمه که حکومتکک افسریله در ..  
 سعدیلرک مزارچن بر سریله در .  
 سعدیلرک مزاری ، اوت ، بر آووج تراب . .  
 تختکسه بر جهان که سنک آسمان مأب !  
 لکن اوقبره بنجه فدا تخت و افسرک . .  
 مقبر کزین اولوب ده سکوت ایله یینلرک

## عجم شاهي [۱]

« بمردي که ملک سراسر زمین  
نیزد که خونی چکد بر زمین . »  
سعدی

کرز کران ظلمکی ای قانلی ناصیه ؛  
ایوان زرجداریکه آص زینتک دییه !  
آل قانلی برکفنه طونات خیمه کاهکی ،  
جانلرله یاق مشاعل ماتم پناهکی !  
مقبرلرک حقیرئ مظلم دهانلری ،

[۱] بومنظومه یی مدحت جمال ایله برابر یازمشدق . برنجی  
پارچه اونک ، ایکنجی پارچه بندر .

طویولدی . . آه نه نازنده در سرود امید !

شادر وانك ، كوری آلتنده صاقلایان ، صاچاغی  
 دلینمه مشمی ؟ بولوطدن جوشوب كلن یاغمور ،  
 اوتقبه دن اوزانوب برسیجیم کبی آشاغی ،  
 زواللی کشکولی باقدم یاواشجه قامچیلایور .  
 طویونجه کور، بونی برجوش مرحمت صاندی،  
 اوزاندی کشکوله، هیهات، ایشته آلداندی :  
 مورارمش اللری بوش چیقدی، ساده ایصلاندی !

کورور شدائد ایامه قارشی دوشنده  
 سپر وظیفه سنی لیمه لیمه برعاجق .  
 فقط او ستره بی بابی هرخروشنده  
 آچارده دست عنادیه روزکار ، آرتیق  
 کورک صاقیندینی عریان وجودی میدانه  
 چیقار ، کوکس کرر امواج برف وبارانه !

کچنده چارشی ایچندن چیقنجه باقدم که :  
 چامورلی طاشلره یا صلاشمش ایکلیور سائل .  
 حصیردی شیلته سی آلتنده همده پک اسکی ،  
 شادروان اولماسه اوستنده یوقدی برحائل .  
 طویولموردی اوزاقدن نیكده شیمدی سسی .  
 یاقیندن آنجق ایشتم اوواپسین نفسی !

او کندی کندینه او فلرمی یوقسه ایکلرمی ؟  
 نه دیکله یین ، نه طوران وار . . باقوب کچر هرکس .  
 مزاردن عکس ایدن آوازی کیمسه دیکلرمی ؟  
 زواللی ، اولمه که باق ، ناله تظلمی کس !  
 فقط طورک . . یینه کشکولده برطنین مدید

برر نوای بشارت ، برر پیام و داد ؛  
 برر صدا که : نیک سینه چاک اینیه  
 قاریشما یوب ، یالکز دم طوتاردی صانکه اوکا !  
 بوسس ، بومنظره غایت حزین کلیردی بکا .

محیطی هپ متوالی لیال دورادور . .  
 صباح یوق اونک آفاق تار عمری ایچون !  
 یوزنده خنده آمیدی آ کدیرر برنور  
 کورولمور ! اومکدر ، الیم چهره بوتون  
 کشف بربولوط آلتنده پرده پوش ملال . .  
 کچن زمانی قارا کلق ، قارا کلق استقبال !

نصل حقیقت یلدا ؟ حیا تی کیت اوکاصور :  
 بولور نظرلری دنیایی پرده پرده ظلام !  
 بلایی کورمیور اما بوتون بلا کورویور ،  
 بوکائنات سفالتده ایلدکجه دوام .  
 آرار بولندیغی یلدا یی تناهیده  
 زواللی برچیقه جق یول صباح آمیده !

## کورنیزن

لنده ، نوحه ماتم قدر آجیقلی صدا  
ویرن ، براسکی قامیش ؛ قولتوغنده بریدیجی ؛  
شو کور دیلنجی ، باقاردم ، اولنجه ناله سرا ،  
طوروبده مرحه دیکلرین کلوب کیدیجی ،  
اوکنده بوینی بوکمش زواللی کشکولنه  
آتاردی بش پاره ، اونلق دکسه باریینه .

قیریق سازيله ایدرکن زمان زمان فریاد ،  
کلردی کوشنه اونلقلرک طنینيله

امل مشعل كشك ، برره‌ها همراهك اولمشكن ،  
 تحاشی ایله مزسك سینئه دیجوره کیرمکدن .  
 کلوب برکون تجلی ایتسه ماهیات مصنوعات ،  
 تحریدن کچر ، بردم قرار ایلر میسك ؟ هیهات !  
 طوتار ماهیت صانع ، او اك هیبتلی ماهیت  
 اولور آتشن آرامك ، آرتیق طورمه جولان‌ایت !  
 توقف یوق سنکچون ، دائمی برسیره تابمسك ..  
 نه‌زیرا حاله راضیسك ؛ نه‌مستقبله قانمسك !  
 طورورکن بویله بی‌پایان ترقیزار قارشیکده ؛  
 فصل دیرسك یا «يك محدود بر جرم» طوتارسك ده ؟  
 ملکلردن بویوك ، هم چوق بویوك تجلیه مظهرسك :  
 تکالیفك امانتگاهیسك ، برباشقه جوهرسك !  
 حیاتك اکسیك اولمازکن آغیر بیک باری آرقه‌گدن ؛  
 اولوملر ، قورقورل صولت ایدرکن هپسی بریاندن ؛  
 شدائد اقتحام ایتمکده مدهش برمکانته ،  
 یولگدن قالمایوب دائم کیدرسك . . هم نه‌سرعتله !  
 سنك برنسخه کبرای خلقت اولدیغك البت  
 تجلی ایتدی آرتیق ؛ طور ، دوشون او یله یسه بر حکم‌ایت :  
 فصل اولق کرکدر شمدی افعالك که ، همپایهك  
 بهائم اولماسین ، قدرك ملائکدن معززکن ؟

یورورسك سدّ راهك اولسه حتی آهینن اللر .  
 یقار باروی استبدادی بر آسوده تدیرك ؛  
 سمالردن اینن تأییدیسك کویا که تقدیرك !  
 تحریدن اوصانمازسك ، تعالیدن تعالی یه  
 آتیلد قجه ، آتیلسم شیمدی ، دیرسك ، باشقه آتی یه !  
 سنك اك شانلی ایامکده ، اك مسعود حالکده  
 بر استقبال دورادور واردر هپ خیالکده .  
 او استقباله درشوقك ، اودر معشوق وجدانك ،  
 اوقدسی نشوئه نك شیدای بی آرامیدر جانك .  
 اوشوقك دائم الجاسیله سیرك اضطراریدر ؛  
 ترقی میلی آرتیق فطرتکده روح ساریدر !  
 بوتون اسرار خلقتدن خبردار اولق ایسترسك ،  
 بوغیستان هیچا هیچدن قور تولق ایسترسك !  
 معادك ، مبدئك ، حالك که اوچ مدهش معمار ..  
 طورور ادوار مستقبل کبی قارشیکده هپ حاضر .  
 قوشارسك بونلرك سودای ادرا کیله طورمازسك ،  
 حقیقتدن ولو برشمه طویمازسهك اوطورمازسك .  
 سرائر پرده پوش ظلمت اولسون وارسین ایسترسه ..  
 دوشورمنز دوشدیکك یلدا ی حرمان روحکی یأسه :

مصغر جرمك اماغايه صنع آلپسك !  
 بوحیثیتله پایانك بولونماز ، بی تناهیسك !  
 ادیب قدرتك بیت القصید شعری اولمشسك ؛  
 حکیم فطرتك بر آکلاشیلماز سری اولمشسك .  
 اسیرکدر طبیعت ، دست تسخیرکده در اشیا ؛  
 سنك احکامك منقادیدر ، محکومیدر دنیا .  
 بولو طلردن صواعق صیدایدر عرفان چالاك ؛  
 یرك آلتنده معدنلر بولور نقاد ادراك ،  
 دکیلر بسترکدر ، طالعهلر کهواره نازك ؛  
 نه در طاغلر ، سپایما سنك شهبال پروازك !  
 هوا ، بر رفر سیال حکمکدر که بردمده  
 اولور دمساز آوازك بوتون اقطار عالمده .  
 دایانماز پیش اقدامکده مانعلر ، مزاحملر ؛  
 قاجار سن رزمکاه عزمه کیردجه مهاجملر .  
 قارا کلقلرده کزسهك شبچراغك فکر حکمتدر ،  
 که هر اشراقی برسومنز ضیای سرمدیتدر ؛  
 صوسنر چوللرده قالسهك بدرقهك الهام سعیکدر ،  
 که هر خطوه کده ایلر سایه کستر واحهلر ظاهر .  
 نه زندانلر اولور حائل ، نه منفازلر ، نه مقتلار . .

## انسان

« و تزعم انك جرم صغير ،

وفيك انطوى العالم الاكبر . »

امام علی

خبردار اولما مشك كندی ذاتكندن ده حالاسن ،

« محقر بروجودم ! » دیرسك ای انسان ، فقط بیلسهك ..

سنگ ماهیتك حتی ملکلردن ده علویدر :

عوالم سنده پنهاندر ، جهانلر سنده مطویدر !

زمینلردن ، سمالردن ظاشارکن فیض ربانی ،

اولور قلبك تجلیزار نورانور یزدانی .

اوکا آنجق یابه جق : بش وقت آبدسته نماز .  
 خسته لاندیم ، باقه جق کیمسه جکم یوق ؛ عنان  
 کیجه کوندوز قوشیور ایش دییه ، بیلام نه زمان  
 الی اکمک طوته جق ! ایشه ساعت بلمکده اوچ  
 کوریورسک دهاکلز .. یالکزلق پک کوچ .  
 بعضی برهفته کچر اوغرایان اولمزیانمه ؛  
 کیمسه سزک بوسفر طاق دیدی آرتیق جانمه !  
 --- سنی برترلته یم صیم صیقی اورتوب بوکیجه !  
 آچیلیرسک ، صانیرم ، ترله مش اولسه کایجه .  
 اختیار ترله یه طورسون کومولوب یورغانه ..  
 آتهرق بنده کنیش برکبه منغال یاننه ،  
 باشلادم اویقو تحرینه ، لکن نه کزر !  
 صیزمشم بر آرالق نه یسه یورولمش ده مکر .  
 اورتلق آچش اویاندم . دیدم ، آرتق کیده یم .  
 اوکجه اما شوقیر آدمی ممنون ایده یم .  
 برده باقدم که : تک اونلق بیله یوقمش کیسه ده ؛  
 مهرم بوینی بوکمش طورویورمش ساده !  
 اوزمان قوپدی ایچمدن شو تحسر ابدی :  
 یاحیتسز اوله یدم ، یاپارم اولسه ایدی !

— اخلامور ویردی دمین قومشو.. بوله ییق شونی، بر..

— سن اوطور، بن آرازم ..

— اولسه ایچردک ایدر ..

آها بولدُم، آرامق ایسته مز اوغلم، کیتمه ..

بنده برقارنی کنیش جزوه کچیردم اُمه،

باشلادم قایناده رق ویرمه یه فنجان فنجان،

آزیجق کلدی بزم اختیارک بکزینه قان.

— شیمدی آکلات باقالم، نهیدی سنک خسته لنگ ؟

نزله اولدک صانیرم، چونکه بوقیش پک صالغین.

— محمد آغانک اوی آقش. اونی آقطار مق ایچون

طامه چیقدم، صوغوق آلدَم، اولیور اون بش کون.

نه ایشک وار کیره میدلرده آ سرسم دیسه که !

اختیارلقمی نه در، شاشقینم اوغلم بوسنه.

هادی آقطار مایه یم .. کیم کتیریر ا کمکمی ؟

اوطوروب کورکی، نامرده ال آحق اییی ؟

کیم قازانمازسه بودنیاده برا کمک پاره سی :

دوستنک یوزقاره سی ؛ دشمننک مسخره سی !

یوقسه یتش بشی کچمش بر آدام ایش یاپه ماز ؛

آرالار کن قولاغم طویدی فقیرک سسنى :

--- زده قالدك ؟ بنى هیچ یوقلامادك اولادم !  
 حقیلسك ، بنده قباحت که خبر یوللامادم .  
 بیلیرم چوقدر ایشك ، صوکره بزم یول پك اوزون ..  
 هله دیککن آزیجق ، آکلاشیلان یورغونسك .  
 برکت ویرسون آتش قویدی دمین قومشو قادین ..  
 اوشویورسهك اشیویر مانغالی ، اش اشد ایشین .

اوطه نك لوشغنى قسوت ویریور پك باقدم ،  
 شوقتریانسه ، دیوب بر قوطو کیریت چاقدم !  
 هله صوگ کبریتی طوتمده یاقیندن یوزینه ،  
 سرمه چکمش کبی نور ایندی مومك کورکوزینه ،  
 اوزمان نیم آچیلوب پرده ظلمت ، ناکاه ،  
 کوردی بر صحنه عربان سفالت که نکاه ،  
 شاعر اولسه مینه تصویری اولور بنجه محال :  
 اوپریشانلغی درپیش ایده من چونکه خیال !  
 چکه رك دیزلرینك اوستنه براسکی عبا ،  
 سورونوب مانغاله یاقلاشدی بزم سیفی بابا .

یورون کورلره دوندم ، او نه دهشتدی هله !  
 صوپام آرتیق بکا هم کوز ، هم آیاق ، هم آلدی . .  
 نه یالان سویلیهیم قلبمه خشیت کلدی .

هله یاربی شکر ، قارشیدن اوچ دانه فئر  
 کچور . . صاپمایه رق طوغرو یورورلرسه اکر ،  
 کیدرم آرقه لرندن . . یولی بولدم ذاتاً .  
 یولی بولدم ، دیورم ، کلش ایکن حالا بن !  
 ایشته قارشیمده بزم یار قدیمک یوردی !  
 باقلم وارمی ایشیق ؟ یوقسه محقق او بودی .  
 قاپنک اورته یرندن اوجی دکنکلی بر ایپ  
 صارقیدیلش اوله جق ، بر اونی بولسه مده چکوب  
 آچیویرسه م . . ای اما قاپی ذاتاً آراق . .  
 غالباً بر چیقان اولمش . . نه مه لازم ، آرتیق  
 کیره رم بن دییه رک کندیمی آتدم ایجری ،  
 آیاغمدن چیقاروب لاستیکی کچدم ایلری .  
 صاغه دوندم ، آزیجق کیتمه دن اوج بش باصاماق  
 مردیون کلدی که زورجه یدی براز طیرمانمق !  
 صوله دوندم ، اوطه نک اسکی شایاق برده سنی

گاه بر سقۃ چو كوك خانه نك آلتنده قوشار ؛

گاه بر معبد فرسوده نك اوستندن آشار ؛

وقت اولور بك صاپا يرلرده ، باقارسك ، طولاشير ؛

صوكره اك قورقولى اشخاصه چكينمز صاناشر ؛

كيجه نك ستره يلداسنى چكمش ، عريان ،

صوقولوب بر صاچاغك آلتنه كويا اويويان

خانمان يوقسولى بيكرجه سفيلان بشر ؛

سى ديمش يووالر ، خاكه سريش اولر ؛

قوجه سندن بوشانان بر سوري نسوان ذليل ؛

لانه سندن آتيلان بر آلاى اطفال سفيلى ؛

لجه ظلمت ايچندن قاباران مزبله لر :

اوى صرتنده ، سوقاقلرده كزن عائله لر !

كيجه رهزن ، صباح اولمازى باقارسك ، سائل !

سرسرى ، دربدر ، آواره ، حرامى ، قاتل ؛

نه قدر منظره لر وارسه نظر سوز ورذيل ،

بكا كوسترمه دن اولمازدى بزم كور قنديلى !

يا او بچاره ده رحمت صويى نوش ايله ريك ،

ختم انفاس ايدويور مزى همان « جيز ! » ديه ريك ؟

او زمان سامعه نك ، لامسه نك سوقيه

— دها اعلا، قالیکز :

تزه کز کلدی ، بو آقشام دکلز بز یالکز .

صویا بر الده ، قیریق جاملی فئر بر الده ؛

بوشانان یاغمور ایلیکلرده ، چامور تا بلده !

ایکی اوچ یوز سنه اول دوشه نن قالدیریمک

جانبجا یادنهایسی اولوب ، باستونمک

نادرا یوقلایه رق بولدینی احجار رمیم

اوزرندن سه که رک خیلی زمانلر کیتدم .

دها سیر کلشیویر مز می او طاشلر کیده رک ؟

دوشدی آرتیق بزه کوللرده سباحث ایتمک !

یا قاموزلر یاپه رق هرا یکی یاندن فزم ،

زورق آسا یوزو یوردق ، او یوزر ، بن یوزرم !

چوقی یوزدک ، بیله مم ، طوبراغی بولدق نه یسه ؛

فزم باشلادی اطرافنی تک توك حسه .

واقعا بن ده یورولدم ، او فقط پک یورغون . .

باقیوردم دها غمخورلنی اوستنده اونک :

کاه اولور ، کور کبی چارپار صیواسز بر دیواره ؛

کاه اولور ، مرده شعاعانی دوشر بر مزاره ؛

## سینی بابا

کچن آقشام اوه ککدم . دیدیلر : سینی بابا  
خسته لائمش ، یاتیورمش .

— نه سی وارمش عیجا ؟

— بیلمه یز ، اوغلی خبر ویردی کچرکن بوصباح .

— کاشکی بن اوده اولایدم .. اسف ایتدم ، واه واه !

بر فتر یوقی ، ویرک .. زرده صویام ؟ قیزچابوق اول ..

کچیکیر سه م قالیرم بکله میک .. زیرا یول

هم اوزون ، هم ده باتا قدر ..

طوتمشه بدایتده اکر عزمنی محکم ،  
 ار کچ بوله جق سعی ایله دلخواهنی البت .  
 زیرا بوشونزار تجلیده ، حقیقت ،  
 توفیق . تحری یه ، تحری او کا عاشق ؛  
 عزمکده امل لازمیدر ، غیر مفارق .  
 اولسونده امل عزم و تحری یه مقارن ؛  
 توفیق ظهور ایله مسین صوکره . . . نه ممکن !  
 بعضاً ایکی اوچ خیت اولور رهزن امید ..  
 انسان اوزمان ایتلیدر عزمنی تشدید .  
 یأسک صوکی یوقدر ، او کا بر کره دوشرسهک  
 خسرانه دوشرسک ، چیه مزسک ابدیاً !  
 محکوم اوله رق یأسه شو بیچاره پدرده ،  
 اولادینی شاید او قارا کلک کیجه لرده ،  
 واز کچمش اولایدی آرامقندن ، نه بولوردی ؟  
 البت بری جانندن ، بری جانندن اولوردی ! . .

آواره پدر ، زده بولورسك اونى ! دیركن . .  
 كوردم كه جكر يارمسنك طومش الندن ،  
 لبريز مسرت كليور بزله طوغرو ،  
 طاشمشده كوزندن آقيور صانكه سرورى !  
 ياقلاشدى شتربانه نهايت ، ديدى يكدن :  
 « اولادىمى بولدم . . نصل اما ؟ اونى بيلسهك . .  
 قارشيمده نه كورسهم ، او ! ديدم كچمدم اصلا .  
 آلداتسده تخمينى بيكلرجه هيولا ،  
 عزيمده فتور ايله مدم ، ياسى براقدم . .  
 مادام كه دنيادهدر البت بوله جقدم . .  
 قوملرده يوزوب ، ظلمتك اعماقنه طالدم ؛  
 هپ روح كسيلدم . . نه بوغولدم ، نه بونالدم .  
 توفيق الهى ايدوب اك صوكره عنايت ،  
 كوردم كوزيمك نورينى قارشيمده نهايت . »

امعان ايله باقسهق اوليور ايشته نمايان ،  
 سعدى بزه كوسترمده برمسلك عرفان :  
 بر غايه مقصوده شتاب ايله ين آدم ،

## عزم

سعدی ، اوبزم شرقزك روح كالی ،  
بر درس حقیقت ویریور ، ایشته مالی :

« وقتیه بش اون قافله صحرا ده بولوندق ؛  
كوندوز یورودك هپ ، کیجه بر منزله قوندق .  
باقدم که بر آدم قوشیور خاسر و خائب ،  
چوللرده .. مکر ایلش اولادینی غائب .  
بیچاره کیدوب خیمه لرك هپسنه صورمش ،  
« اوغلم ! » دییه برطاش بیله کورمشسه باش اورمش .

یاد ایلیم جکمیسک که بیلیم ؟  
 دنیا دینیلن بوسجن ماتم  
 حالا بکا دار امتحاندر ..  
 قورتولدم ایشته آن بو آندر !

ای یار عزیز غمکسارم ،  
 محو اولدی خدا بیلیر قرارم ،  
 صار صیلدی اولانجه اصطبارم ،  
 بیزار بیکده روح زارم !  
 کیتدک، بنی کیمسه سز براقدک ،  
 یاقدک بنی حسرتکله یاقدک !

دم شیمدی دم سعادتکدر :  
ارواح، ندیم حضرتکدر .

توفیق اوله رق یولکده همراه ،  
آشده شو فضای تاری ناکاه ؛  
تا فجر بقاده اولدک آگاه ...  
حالا کیدیورسک الله الله !  
پروازیکه یوقیدر تناهی ؟  
ای طائر کلشن آلهی !

هرکل دیی مدفن خیالک ،  
هرغنججه کتابه کمالک ؛  
هریرده نهان اولان جمالک ،  
هریرده عیان اولان مالک ؛  
هریرده کوروغمیورسک اما ؛  
هریرده بدایعک هویدا !

ای سن که حریم حقه محرم  
اولدکده یابانچیک اولدی عالم ؛

اولوردی دست تسلی مدار لطفکله  
 سرشک ایچنده یوزهن چهره لر بر آنده بسیم ،  
 ایدردی جود مراحم نمود فیاضک  
 خزان اولسه بوتون اهل فاقهیه تقسیم .  
 او بر جهان فضائلدی ، محو اولوب کیتدی ..  
 نه در ؟ نیچوندر آلهی بوانقلاب عظیم ؟

ای یاد کزین احترامی ،  
 روحده حیاتنک دوامی ؛  
 ای لمعه فیضنک تمامی ،  
 صبح ازلینک احتشامی ؛  
 آمالکه طار کلنجه ناسوت ،  
 اقبالکه سینه آچدی لاهوت .

باقازده بودار ابتلایه ،  
 روحک جان آتاردی اعتلایه ؛  
 اک صوکره اونور عرش پایه  
 یوکسلی جوار کبریایه ..

سنك پيكده فقط قالدی بیک امید عقیم !  
 یاریم عصرده اویانمش چراغ فیضه باقك :  
 برآنده اولدی سونوب پرده پوش خاك رمیم !  
 تصور ایلیه مزدِم که آنسزین طورسون  
 فلاح امت ایچون چارپینان اوقلب رحیم !  
 تخیل ایلیه مزدِم که سیردن قالسون  
 محیط شرقده جولان ایدن اوفکر حکیم !  
 ردای خاکه بوروندك سن ای سراج ادب ،  
 فقط اولمه که یادمده در .. زوالی عدیم !  
 طوروب مزاریکك اوستنده آغلادجه سحاب ؛  
 کلوب باشکده اینن ایلدجه روح نسیم ؛  
 اینوب ملائک رحمت جهان بالادن ،  
 حریم قبریکه ایتدجه هرزمان تعظیم ؛  
 بهار وقتی چیچکلرده یاد انفاسك  
 مشام جانہ طویوردجه بیک لطیف شمیم ؛  
 دوزر خیالک اک محترم حریمنده  
 سنك او طیف لطیفک ای آشنای قدیم !  
 مصاب اولان یالکز عائله کمیدر ؟ هیات ،  
 براقدك آرقده بیکلرجه خانمانی یتیم !

عیان اولور اوزمان قارشیمزده علم روح ،  
 دوشوب کیدر کوزیمزدن بوتون قیود بدن !  
 برر ترانه الهام اولان نشاندیکی  
 کمال وجد ایله تکرار دیکلرم ... ، دیرکن ،  
 بوکون امللریمک هپسی سر نکون اولدی ..  
 مکرسه اولمایه جقمش نه برکلن ، نه کیدن !  
 مکر آچیلمایه جقمش مؤبدآ آرتیق  
 او پرده رده حقائق ، او عقدملر ، اودهن !  
 یازیق ده یوکسله رک مطلعنده ایتدی قرار  
 او لمعه لمعه سنوحت .. همده پک ایرکن !  
 نیچون غروب ایدیوردک سن ای ستاره شرق ،  
 هنوز کالکی درک ایتمه دن زواللی وطن ؟

شوصوک زمانده ضیاعک قدر ضیاع الیم  
 اصابت ایتمدی آفاق شرقه ، ابراهیم !  
 اگرچه ملتک امیدگاه اقبالی  
 اولان بشاون بویوک آدم ، بشاون وجود کریم  
 برربر هدر اولمشدی سندن اولجه ..

دیمك، كورونمیه جكسك الى الابد بكا سن ،  
 دیمك، اوزاقدەسك ای یار مهربان بندن !  
 حیاتە سن بنی ربط ایلش ایکن ، شیمدی  
 عجب نصل یاشارم سویله آه سنسز بن ؟

« كونك برنده كلیرسك ده اسکی عالملا  
 دوام ایدرینه برلکده او یله شاطر ، شن ..  
 بوکیرودار معیشتدن ال چکر، آراز  
 سنکله سینئه عزلته کیزی برما من ..  
 قاریشمایز شو جهانك نبود و بودینه هیچ ،  
 نصلکه بونجه زماندر قاریشماق ذاتاً !  
 اوزاقدە عکس ایده طورسون اوهای وهوی مهیب ..  
 سکون ایچنده بز ای دوست ، یکروان ، یکتن ،  
 دوام ایدر کیدرز هر زمانکی آهنکه ،  
 دوزر محیطمز اوستنده هپ سنک نغمهك ..  
 بیان عقده کداز کله مهمات شئون  
 یاواش یاواش آچیلوب بروضوح اولور روشن .  
 ورای پرده قدرته کیزله ن رازك  
 اوکنده فیض بیانك آچارده بیک روزن ،

شکوفه زارده کویاکه آغلیور ازهار .  
 سنک صحیفه ذاتک ، سنک مالک ایکن  
 بوتون جهان بدایعده منجلی آثار ،  
 صمیم روحی برجوش و بی قرار ایدیور  
 بوکون اوسینه خلقتده ایکلین اشعار !  
 محیط شیمدی شبستان اغترابکدر :  
 بوکون اویانمیور آرتق اوانازنین اسحار !  
 سن ای سهاری اشراق ایدن ضیای ازل ،  
 بوخاکدانی براقدک پیکده ظلمتزار !  
 کریلدی برابدی پرده بینمزده ، سنک  
 آچیلدی پیش جلالکده عالم دیدار .  
 جهان جهان طولاشیرسک فضای لاهوتی ،  
 نصلکه یادحزینک کزر دیار دیار !  
 حیات وارسه سنک سرمدی حیاتکدر ،  
 عذاب ، یوقسه ، بوفانی حیات ولوله دار .  
 سکونی زرده بولور آه قلب مهجورم ؟  
 درون سیننده بیک هر ج و مرج دائم وار !

شتا ، پیگده خروشان قیامت کبری ،  
 ربیع ، خاطره شعر لایزالکدر .  
 خلاصه ، نظره امعانمک اوکنده جهان  
 سنک صحیفه ذاتک ، سنک مالکدر .

سنک خیال صیبحک - که برزمان ای یار ،  
 ایدنجه لیلہ روحمدہ بیک امل بیدار ؛  
 قیاس ایدردم آچیلمش صباح استقبال -  
 بوکون بولو طلرک آلتندہ ایله مکده قرار !  
 غریب ، شام غریبان قدر حزین اولیور ،  
 نکاه رقتمک قارشیسندہ فجر بهار .  
 برر برهنه قدید مہیبی آکدیریور  
 حیات حله سبزنده جلوه کر اشجار .  
 بوتون بوساحه خضرا ، بنودمیده چمن  
 یشیل بر اورتونک آلتندہ برعمیق مزار !  
 صماخ جانمہ بیک اخروی صدا کلیور  
 نشیدہ لر او قویورکن غصون ترده هزار .  
 تموج ایلیہرک کوزلرنده ژاله نور

زمین ، زمان بکا یاد آور جالکدر .  
 بوتون جہاتہ عکس ایلہین ہمالکدر ،  
 اثیر، سانکہ بر آیینہ جلالکدر !  
 نجوم لامعہ زبا رقات عرفانک ،  
 لیل، احاطہ اشیادہ کی کمالکدر .  
 سحر او ناصیہ دن بر نشان فیضا فیض ،  
 شفقہ دالغہ لانان رنگ رنگ آکدر .  
 علو کعبی تصویر ایدر نکامدہ  
 سما اولانجہ وضوحیہ بر مثالکدر .  
 جبال، ہیکل صاحب وقار عزمکدر ،  
 صخور، خفتہ دشمن اولان خصالکدر .  
 بولوط یمین لائی نثار جود کدر ،  
 کونش مفکرہ مردم اشتعالکدر .  
 طلوع ، لوحہ رنگین ابتسامکدر،  
 غروب ، صفحہ غمکین انفعالکدر .  
 ہوادہ موجہ لیر سانحات قدسیہک ،  
 ریاح، روحی پر جوش ایدن مقالکدر .  
 چندہ جلوہ لر ایلر بہار دیدارک ،  
 صبا نوید امید آور وصالکدر .

## مرحوم ابراهیم بك

[ ابراهیم بك مرحوم كه طبابت بیطریه علماسنددر ،  
 خاك ياك شرقك یتشیدردیكى نوادر عرفان و فضیلتك بریدر .  
 مرحومی یاقیندن طانیانلر دوت سنه اولیكى فجیعه ارتحاللك ملت  
 ایچون نه الیم برضیاع ، حكومت ایچون نه عظیم برخجات اولدیغنی  
 تسلیمده تردد ایتزلر . شرقك ، غربك بدایع علم و فنی طویلایوب  
 حافظه سنه طولودورمش ؛ محفوظاتی محاکاتیه ، مشهوداتیه  
 شایان حیرت بر صورتده توسیع ایتش ؛ شرقك هر طرفنی  
 دفعات ایله طولاشمش ؛ غربك اك مدنی ممالکینی کورمش  
 کزمش ؛ السنه شرقیه ایادیاتیه بیلیر ؛ فرانسز ، روس  
 لسانلرینی حقیقه اوکرنش اولان بو بویوك آدم فطره  
 محویه عاشق ، اشتهاره دشمن اولماسهیدی ؛ امینم كه ،  
 حكومت سابقهك او سابقهلی رجالی یوزندن غربا خسته  
 خانه لرنده اولن ، اويله بر حکیم ذوقونو طانیق ایچون  
 قارئین کرام بنم کبی بر عاجزك دلالتنه مفتقر قلم از لردی ! ]  
 دونن محیط نکاهمده یال وبالکدر ،

بوتون خیالم او فوق الحیال حالکدر .

ظلام حیرت ایچنده شاه ایدرکن امید ،

اوکنده رهبر اولان مشعلهم خیالکدر .

سما کزین اوله رق کیتدك ای الهی نور ،

بیکنده شیمدی افقدن کچن ظلالکدر !

بو کائنات سنك خاطره گله هپ لبریز :

قادرین قیافتی آلمی کبی — طورور مہوت ؛  
 یانندہ قومشو قادرینلر خروشه آمادہ ،  
 ا کرچہ اورتہدہ دونمکدہ بر مہیب سکوت .  
 کیرنجہ بن اوطہدن ہپی قالدیلر آیاغہ ،  
 قزیلہ آنہسی میخلیدیلر فقط یاتاغہ !

دیدم : نہدر بوسنک یاپدینک ، دوشونسہ کہ بر . .  
 براق شو خستہ بی آرتیق برازدہ کندیسنہ .  
 نہچارہ ، حکم قدر عاقبت ظہورہ کلیر ،  
 جنازہ شکلنہ کیرمکدہ بویلہ فائدہ نہ ؟  
 سنک بویاپدینک اللہہ قارشى عصیاندر ؛  
 اصل فلاکتہ صبر ایلینلر انساندر . . .

شو یولدہ باشلایان آوارہ بر طلاقناہ ،  
 دوام ایدوب کیدہ جکدم بو اسکی حکمتدہ .  
 نہ اولدی ، خستہ یہ بر شیمی اولدی ، آ کلادم . .  
 او بہت ایچندہ کی قیزدن کمال شدناہ  
 شو صیحہ قوپدی کہ حالا صباخ دہشتدہ :  
 نہ طاش یورکلیسکز . . . آہ کیتدی اولادم ! . .

بوصوك اميدى ده شايد كيدرسه دردى كې ،  
 زواللى كندىنى وقتندن اول اولدورم جك .  
 چيقوب ده كور هله بر كره شيمدى سلمايي . .  
 نه حاله قويدى فلك سوديكك او سياني !

صباحلين ديلي ، باقدم ، براز آغيرلاشيور . .  
 مليل مليل باقيور شيمدى بلبل اولادم ! . .  
 نه ظالم علت ايتش : برچوجوقله اوغراشيور . .  
 او اولماسه يدي ده بن كاشكي خسته اولسه يدم .  
 شكاييت اولماسين اما تحملم بيتدي . .  
 كناهه كيرمه ده يم طور مشم ده باق شيمدى !

نه منظر يدي كه بر قوش قدر اوچان او ملك  
 طور وردى بي حركت ، قول قاناد قيميلدا ميور !  
 كوزنده نور نظر تيتريور همان سونه جك . .  
 دودا قده ناطقه طونمش ؛ قولاق سوز آ كلا ميور !  
 تراب رنكنه كيرمش جيين سيميني ؛  
 اولوم مرارتي طويدم او پنجه لبلريني !  
 باشنده آنه سي — ماتم تجسم ايتش ده

علاج ییوب ابی اولق ، او بر تجلیدر .

کسیلدی قارده شک آرتق یمکدن ، ایچمکدن ؛  
لاقیردی دیکه میور ، کندینی هلاک ایدیور .  
او ، خسته دن دها شایان مرحت . . کورسه ک . .  
دیدکجه « آننه ، چوجقندن امیدى کس . . کیدیور ! »  
تلاش ایچنده قالب بوسبوتون شاشیرماده یم .  
اگر یتشمسه امداده یوقى قومشو خانم . . .

— کورونمیور ، هانی همشیره زرده در ؟ کلین .  
بنم سوزم نه قدر اولسه باشقهدر ، بلکه  
براز بولوردی تسلی . . .

— فصلده سویلر سین !  
لاقیردی کار ایدجک کیم ؟ طویارمی هیچ بریکی ؟  
قولای بر ایشمی ؟ سنک آننه اولدیغک وارمی ؟  
چوجوق او حالد ایکن آننه سوزدن آکلارمی ؟

بو هم قاچنجی فلاکت ؟ بشنجی ! یاربى ،  
تمام بشنجی سفردرکه قیز اولوم کورجک ؟

دیوبده یاصلانیویردم . فقط بزم بو حضور  
 بش اون دقیقه یا ایتمش ، یا ایتمه مشدی دوام . .  
 بر اُسکی قومشو کلوب : « والدہک سلام ایدیور ،  
 دیورکه : خسته آغیرلاشدی ، طورماسین ، آقشام  
 همان بزم اوه کلسین . » دینجه طاوراندم ،  
 او آشیانه غمکینه طوغری یوللاندم .

صاریلدی بوینه آنهم کیرنجه ، بن ایجری .  
 دیوردی آغلایه رق : .. کورمه ، عاکفم ، چوجوغی !  
 سنک دکل ، یدی قات ایلرک یانار جکری ،  
 اولوم دوشکری اوستنده کورسه یاوروجوغی .  
 شکر ، بوکون آزیحق فرقلیدر ، دیوردق دون . .  
 او پنبه پنبه یاناقلر کیرچ کسیدلی بوکون !

فلان هکیم ، دیدیلر . کلدی ، باقدی ، آکلمادی .  
 خایر ، فلان دها بر آکلایشلیدر ، دیدیلر .  
 مکر یالان یره چیقمش او سرسمکده آدی !  
 براق که آکلاسه لر وارمی چاره هیچ ؟ نه کزر !  
 هکیم علاجلری ، اوغلم ، بوتون تسلیدر .

## سالمی

« همشیره زاده مدر . درت  
باشنده اولدی . »

بوتون کون ایشته بوغوشدم ، برازده دیکلنسه م . .  
یارین ده عینی مزاحمه اوغراشوب ظوره جق  
د کلمی بم ؟ بکا اویله یسه شیمدی پک الزم :  
فراغ ایچنده دوشونمک ، دماغی یورمایه رق .  
حیات ، جنک معیشت ؛ جهانسه معرکه در ؛  
زمان زمان بوسکونلر برر متارکه در .

ای نشوه ، خارك اولماسهیدی !  
 بیدارك ایکن اویانماسهیدم ؛  
 دنیا وارمش اینانماسهیدم !

ای یار وفا کزین جانم ،  
 ویردیه ملال داستانم ،  
 معتادک اولان عنایتکه  
 صوصدورمه بوروح زاری ، دیکه !  
 هپ ولوله حیات دینسه ،  
 دوشمز بوزواللی روح، یأسه .  
 اولمازسه زمین ، زمان مساعد ؛  
 فریادینه آسمان مساعد !  
 کوندر بکا سنده نهیسه دردک ..  
 یادکده می برزمان نه دیردک ؟  
 مستقبلی آنایوب خیاله ،  
 کل بز طاله لم بو حسیحاله !  
 ادوار حیات پرده پرده ..  
 الله بیلیر نه وار ایلرده .

قالقار، كزرم غريب و تنها ،  
 بر ير بولورم سكونت آرا .  
 فوقده سهای انجم آلود ،  
 پيشمده ردای لیل ممدود ؛  
 يادمده نشاند كمالك ؛  
 قارشيمده خيال يال و بالاك ؛  
 آزاده قيود ماسوادن ،  
 بی غائله خوفدن ، رجادن ؛  
 بر بزم فتوح آچاركه وجدان :  
 لبريز صفای عشق اولور جان .  
 تصوير دكل اوزوقی ، حتی  
 ممكن اوله ماز تصور اصلا !  
 يارب اونه فيض جوش برجوش !  
 يارب اونه ليله ضياپوش !  
 يارب اونه جلوه جلوه انوار !  
 يارب اونه لمعه لمعه دیدار !  
 يارب اونه انجمن ، نه عالم !  
 يارب اونه محفل معظم !  
 ای لیل ، نهارك اولماسهیدی ..

محرّاقی ده زاهرات انجم !

هر صبح کلیر نسیم دلجو  
 دوشنده شمیم ناز کیسو .  
 ایلر یکیدن هوای دیدار  
 بر نفخه ایله بنی هوا دار !  
 سودا کسلیلر بوتون سویدا ،  
 کویا آچیلیر نقاب لیلا :  
 کهواره دلدۀ نائم آمید  
 ایلر اویانوب فغانی تشدید .  
 صوصدور مق ایچون او طفل زاری ،  
 قالقار آرام لیال تاری !

ای لیل، وقارینک مثالی ،  
 یاخود بکا قارشی انفعالی !  
 وقتاکه ایدر رواق دیجور  
 آلتندۀ یاتان جهانی خمور ؛  
 اطرافده قالمایجه بر فرد ،  
 همراهم اولور خیال شبکرد ،

حوَلنده ندای « ماعرفناك ! »  
 ای شاعر رازدان ملهم ،  
 بن رازیكه اولماسه مده محرم ،  
 حیران كالكم .. بیانك  
 کویا که خطا بیدر خدانك !

ای صبح ازل جبین صافی ،  
 انواریکك اولماز انکسافی .  
 یلداي عدم جهانی آلسه ،  
 اشباح بوتون ظلامه طالسه ،  
 حالا کور و نور او روح الارواح  
 بر جو منیر ایچنده سباح !  
 ای صفحهٔ وجهی آیت نور ،  
 جبهه کده مال کون مسطور ؛  
 چشمکده مین سرمدیت :  
 سونمز ابدی سراج قدرت .  
 لاهوت ایله آشنا نکاهك ،  
 اجرام شهود انتباهك !  
 هر دم لمعان ایدر او مردم ،

ای نور مینی کبریانک ،  
 سینم اوله مازی آسانک ؟  
 کوکلرمی بوتون قرارگاهک ؟  
 هیچ یرلره اوغرامازی راهک ؟  
 ای طائر ناز سدره پرواز ،  
 قلبمده اوله یدک آشیانساز ؛  
 برباشقه ترانه کوش ایدردک ،  
 روحم کبی سن ده جوش ایدردک .  
 یادمده طوران نشاندکن  
 دائم جذبات ایچنده یم بن .  
 ویردجه درونه وجد او آهنگ ،  
 دنیا نظرمدنه تنک اولور تنک !  
 آزاده سی بوسبوتون قیودک ،  
 برشعر سما زمین سرودک !  
 برشعر روان که : جوی جاری  
 فیضیه بهار عمره ساری .  
 برنغمه که : روحدر ، لنددر ؛  
 قرآن کبی راسخین ایچوندر .  
 برناله که : شوقسوز ادراک

## حسب حال

ای بلبل ترزبان عرفان ،  
دمبسته نوالرکله وجدان .  
هم صفوت روح اولان او آواز  
اولدجه حریم جانده دمساز ،  
پامالم اولور بوتون عوالم ؛  
لاهوته قدر چیقار خیالم .  
اشواقمه طار کلیده ابعاد ،  
ایلر فکرم فضالر ایجاد !

هایدکدی مینی مینی ماشاالله  
قاووشورز انشاالله ... »

فقط بو لوحه خندانه قارشى ، پك ياشلى  
بر اختيار قادينك قونتوغنده ، كور قاشلى ،  
اوزونجه صاجلى كوزل بر قيز آغليوب طورويور .  
كان كچن ، بونچون آغليور ، ديبوب صورويور .  
— يتيم آيول . . بكا اولاد بلاسيدر بو آجى .  
چوجوق دكلى ؟ « صالنجاق ! » دييور ..  
— صالنجاقجى !

قوزوم ، براز بوده بينسين .. نه وار ثوابكه صاى..  
يتيم سوينديره نك عمرى چوق اولور ...  
— هاى هاى !

همان او قيزده صالنجاقچينك مروتنه ،  
قاتيلدى آغلامايان قيزلرك شطارتنه .

اوبك اوبك يره چو كمش كومورچكن دوه لر ..  
 فراغ بال ايله بردن كويش كتي رمه ده لر .  
 قوشان ، كزن ، اوطوران ، مانيلر دوزوب چاغيران ،  
 داووللي زورنالي « دانس ! » ايلين ، جوشوب باغيران  
 بو كائنات سرورك ايچنده كيز دجه ،  
 چو جوقلرك طرفنده يدي اك چوقا كلنجه .  
 كوزلجه سوسلنهرك دست ناز مادرله ،  
 برر چيچنك كي نوار اولان بېكلرله  
 كليردي صفحه موج عيده باشقه حيات . .  
 بوتون سرور وشطارتدي كورديكم حركات !  
 اونر پارميله براز ساللا نيردي لر .. ديركن  
 طوروردی « ياندی ! » صداسيله توركولر بردن .  
 — آبول ، دمین ده ايامشدی آ ! حریف سن ده ..  
 — یکی قیزم ، آزیحق فضله ساللارم بن ده .

« دكيز طالغەسز اولماز ،  
 كوكل سوداسز اولماز .  
 ياري كوزل اولانك  
 باشي بلاسز اولماز !

دیور: «قوزوم، کیره جک وارسه، طور ماسین کیرسین.»  
 باغیرمادن سسی بیتمش آیاقلی براعلان .  
 «آلیک کوزم، بوکا دیرلر ...» صداسی هریاندن .  
 آلتتریکجیلرک کیفی پک یولنده هله :  
 کلن یاپیشماده بر مطلقا اوصاپلی تله .  
 ترازیلردن آدام اکسیک اولمور؛ بریسی  
 ایندجه بینمهده آرتیق اونکده همشهریسی :  
 «حق اوقه چونکه بوقنطار .. فرنک اجادی غرام  
 دکل ! درملری درت یوز، حسابده شاشماز آدام.»  
 — محله ییم نهده قایماق !  
 — شفالیدر معجون !

سیمیدمی ایستدک اغا ؟

— یوقش اونلغ، طورسون.  
 اوباشده: قوسقونی قوپمش اکرلی دلدلر ،  
 بوباشده: پالیدی می دوشمش سمرلی بلبلر !  
 بالونجیلر ، حاجی یاتمازجیلر ، فیریلداقلر ،  
 خروس شکرلری ، جیوجیو اوتن اویونجاقلر ؛  
 صاغکده آتلی قارنجه ، صولکده تخت روان ؛  
 اوککده برسوری چکچک ، تپه کده چفته قولان .

دیدم که : « فاتحه جیقه هم یاواشجه ، بریآده  
 طوروب اوعلی سیر اینسه مده میدانده ،  
 زیارت ایتسه امای صوکره دن .. خوش اولور .  
 بوتون کون اوده او طور مق نه اولسه پک بوش اولور . »  
 بو آرزوی تنزه کانه آرتیق بن  
 طورور مییم ؟ نه کزر ! فیرلادم همان اودن .  
 کلک ده بایرامی فاتحه سیر ایدک ، زیرا  
 خیاله ، خاطره صیغماز اوهرج وهرج صفا !  
 قوجاقد کز دیریلن برقاریش جوجوقلردن  
 طوتک ده ، تا دده من دملرندن آرتنه قالان  
 برر عصر یاشامش قدخیدکانه قدر  
 بویوک کوچوک بوتون افراد بلده ، بوی بوی ، وار !  
 آدیم باشنده قورولمش بشیک صالنجاقلر ،  
 ایچنده داربوقه ، دفله زیللی شاقشاقلر .  
 براز کیدک : قوجه مان برچادیر .. اوکنده بوتون  
 چولوق جوجوق برر اونلق ووروبده گیرمک ایچون  
 نوبته بکله شیورلر . عجب ایچنده نه وار ؟  
 « جاپونیادن کلن ، انسان صوراتلی برجاناوار ! »  
 کچیک : صبره یله چادیرلر . اوکنده هررینک

فردای سکون پروریدر سال جدالک ،  
 نو مید دوشن قلبه امید آور جاندر .  
 هیجای معیشتده کی فریاد مهیبک  
 دنیا ده بر آ ز دیندیکی آن وارسه بو آندر .  
 صبحنده بهارک شو صباحت بولنور می ؟  
 باق چهره غبرایه : فصل شن ، نه جواندر !  
 هر سینه ده بر قلب مسرت ضربانده ،  
 هر قلبده بر عالم اشواق نهاندر .  
 رقصان اولیور جنبش دوشیله عناصر ،  
 کویا که بوتون صدر زمین پر غلیاندر .  
 اشباحی ده جوشان ایدیور فیض مینی ،  
 یارب بو فصل روح عوالم سریاندر !  
 بایرامده کلیر یاده ، خوش خاطر لر که :  
 بیک عمره ویرلر ، او قدر قدری کراندر .  
 هیدل بکا داثم کور و نور لوح کریمی :  
 ماضی طفولیتیمک یاد بسیمی .

برنجی کون هوا برپارجه نامساعدی ؛  
 ایکنجی کون آچیلوب ، صوکره پک کوزل کیتدی .

## بایرام

آفاق بوتون خنده ، جهان باشقه جهاندر ؛  
بایرام نه قدر خوش ، نه عطار تلی زماندر !  
بایرامده کولر چهره معصوم صباوت ،  
آمید چو جوق صورت صافده عیاندر .  
هر جبهده بر نور مجرد لمعانده ؛  
هر دیدهده بر روح دمام جولاندر .  
آلام حیاتک ایکی قات بو کدیکی اجساد  
فیضنده کی تأثیر ایله آسوده رواندر .

براز کچنجه اوسسلر بوتون خموش اولدی ،  
 دمنسکی محشر بر جوش سایه پوش اولدی .  
 جوجوق قادینه برابر چکیلدی عالمه ،  
 کومولدی کیتدی مزارلق سکون دایمه .

کفن بدوش بقای نهاییه اجسادك ،  
 او ، دهری هیچه صایان ، کاربان اجدادك  
 آقین آقین کچهرک پیشگاه عزتده ،  
 — محیط خوف ورجان مقام حیرتده —  
 قیام عجزینی سیر ایلدم .. نه ده شتمش  
 سجود خلقتی کورمك حضور قدرتده !

بومرج و مرج قیامت نمونه حاکم اولان  
 خطیب عالم علوی نهایت اولدی عیان :  
 کوزم، اوزاقده کی بزم دقنك آباق اوجنه  
 چوکوب زیارت ایدن، برجوجوقله برقادینه  
 ایلیدشدی . صوکره برآز یاقلاشنجه ، ایدن ایی  
 نظامر ایلدی : باقدم ، چوجوق « تبارك » بی  
 کمال وجد ایلله از بر تلاوت ایلهمده ؛  
 یاننده آنه سی کوزیاشلریله دیکله مهده .  
 زمینه رعشه ویررکن نشاند ملکوت ،  
 نه منظره یدی الهی اومقبر مبهوت ؟  
 چوجوق حیاته ، او مقبرده موته برلوحه ؛  
 تضاد قدرتی کور : باق شو لوح ذی روحه !

حضور ایچنده آغاجلر ، سکون ایچنده زمین .  
 بوتون اویو کسلن امواج ، اوبی نهاییه دکیز ،  
 درین براویقویه طالمشدی ، هر طرف سس سز .  
 یاواش یاواش آچیلوب پرده لقای محیط ؛  
 حریم روحی طولدوردی کبریای محیط .  
 فقط بو بسته لاهوت نردن عکس ایدیور ،  
 که « الذی خلق الموت والحیاة . . . » دییور ؟  
 نه در صمیم سکوننده بویله برفریاد ؟  
 نشیده خالقلک ، اما کیم ایدیور انشاد ؟  
 زمان زمان ایده رک یو کسلن ترانه خروش ،  
 ایننه باشلادی ناکاه کائنات خموش !  
 اوسرویلر متهیج جماعت کبری  
 کسیلدی . . . هر بریسندن طویولدی عینی صدا .  
 مقابر ایگله دی ، طاشلر برر لسان اولدی .  
 کتابه لرده او طاشلرله همزبان اولدی .  
 کورنجه زنده بوتون محشر هیولایی ،  
 مزاره روح ویرن نفخ پاک مولایی ،  
 خیاله طالدم ؛ اوفسحتسرای دورادور  
 کوروندی دیده مدهوشه برجهان نشور !

نه‌های وهوی معیشت حریم خا کننده .  
 بوکائات حضورك فضای صامتی  
 کورونجه ، عمر پریشانك مرارتی  
 ولو بر آن ایچون اولسون آتوب خیالمدن ،  
 اوزاقلا شیر کیدرم ماسوایه آرتیق بن .  
 شو ماسوی ده نیلن قید عقده بر عقده  
 قیریلادن اوله ماز روح بردم آسوده .  
 فقط قیریلق ایچون بویله بر زمین ایستر ..  
 زمین دکل یالکز ، قلب آهنین ایستر !

کچن صباح ایدی ایوبه طوغری چیقمشدم .  
 آشوبده سورینی شهرک آتجه برقاج آدیم ،  
 افق ده کیشدی ، اوکمدن چکیلدی اسکی جهان ؛  
 کوروندی قارشیده فسحتسرای قبرستان .  
 فقط او برقوجه دریای سرمدیت ایدی ،  
 که هر حظیره سنکینی موج منجمدی !  
 کنارده طورمایه رق کیدرم ائک درین یرینه ؛  
 اوطوردم آرقه می ویردمده طاشلرک برینه .  
 ودای صمته بورونمش بوتون یسار ویمین ،

اويله فياض اى زمين معرفت مايهڭ سنك :  
سايه كاهڭدن چيقاركن روح اولور هر تن سنك !

اى مزارستان ، نهان قعر كده يوز بيكارجه ماه ؛  
فيشقيران خاك ريميكندن بوتون نور نكاه !  
نازينلر يال وبالنلار نشان هر بر كياه ..  
سرويلر مولايه يوكسلمش برر برجسته «آه»  
حفره لر مولادن اينمش اك امين برخوابگاه .

اى شبستان ، اى عدم ، اى پرده پرده كبريا ،  
سنده در اّميدلر : سندن طوغار فجر بقا .  
هر حجر پارهڭ اوقور بيك شعر لاهوتي ادا ؛  
هر نشيدهڭ روحى ايلر سرمديت آشنا .  
بندن اى خاك سماوى بيك سلام اولسون سكا .

\*  
\*  
صيقنجه روحى كاهى مطالبيله حيات ،  
اولور يكانه مسيرهم محله اموات .  
محيط ولوله دارنده زندكائينك ،  
فراغ دائمي يوقدر حيات ثائينك .  
نه لوث حرص ومذلت زمين پا كنده ،

سندن استمداد ایدر فریادی یاسک ، خیتک .  
 بر ییقین کوز نوریسک ، یاخود مخمر طینتک  
 روح با کندن حوشان کوز یاشلرندن ملتک !

شانلی بر تاریخیسک : ماضی\* ملت سنده در .  
 وارسه عبرت سنده در ، حکمت ده البت سنده در .  
 دور استیلا طورور یادگده ، دولت سنده در .  
 چونکه حریت ، حماست سنده ، غیرت سنده در ؛  
 زندگی ذلتدر آرتیق ، بنجه عزت سنده در !

ای عدمله وارلغک سرحدی ، اقلیم صلاح !  
 باشلرنده سرمدی بر سایه ، بر مشفق جناح  
 اولماسهک بیوایه لر نردن بولورلر انشراح ؟  
 ظل ممدودکده وار آسوده بر رنک فلاح ؛  
 لیل دورا دوریکه اولسون فدا یوز بیک صباح !

جوهرک ، طوبراق دکل ، پک باشقه بر معدن سنک .  
 آم بیلمز لرکه اوستکدن کچر لرکن سنک ،  
 بیک دماغک لبیدر هر ذره خاکگدن سنک !

## مزارلق

باقه قبرستانك آنجق ساحه مدهوشنه ،  
طورده بر مدت قولاق ویر ناله خاموشنه !  
قلبي هیچ بکزر می باق سیمای هیبت پوشنه ؟  
کیم پایلمشسه حیاتك سیل جوشا جوشنه ،  
جان آتار ، بر کون کلیر ، یورغون دوشوب آغوشنه !

ای مزارستان، نه عالمسك، نه علوی فطرتك !  
سنده پنهان الله کزین اولادی انسانیتك ؛

— جهنم اول سنى خنزير اوروسپو ، كيت : بوشسك !  
 — بن آ كلادم ايشى : سن قومشو ، ايجه سرخوشسك !  
 يىلتىكيز شونى ياهو !

— ايايشميك !

— براقىك !

حريف آيىلدىمى ، بىلەم ، دوشوب بايىلدى قادىن !

بو حالی کورمه دن اول کوزم يومولسه يدي !  
 جريف ، شو حالمه باق ، مرحمتلى اول آزيحق . . .  
 براق او زيقچى ، ايچدكلرك يتر آرتيق .  
 افنديلر ، اغالر سزده بر نصيحت ايدك ،  
 سزكده بلكه وار اولاديكنز . . .

— حبسن ، نه ديدك ؟

— براق ، كوبك اوغلى قادين اما چال چكه يمش ها !

— بنمكى چوق دها فضله يدي .

— ايمه !

— البت يا !

اونك ايچون بوشادم . سن ايشتمدكمى حليم ؟

— قادين لاقيرديسى كيرمز قولاغمه ذاتى بنم .

سنك قادين ديديكك عادتايابوج كيدير :

بر آز وقت طاشينير ، صوكرمه دن ده كيشديريلير .

قادين بو سوزلري دويماز ، تظلم ايلردى ؛

حريف مزار طاشى طوريله ساده ديكردى .

آچيلدى آغزى نهايت ، آچيلماز اولسه ايدى !

طاشوب دو كولدى ايچندن شو لعنت ابدى :

دېمشرکه قلفه : د سکز آبدړ آلامد هله بن  
نه هفتعلق ، نه ده آياق . . . سنك باباځ اوله جق  
قارجي ، اوغلي ايجون آز پسونده طوتسون اوشاق !  
قوغولدم آنه ! ديوب آغليور زواللي چوجوق ..  
نه ياپسون آنه سي ؟ دنياده بر كوونديكي يوق !  
او باري بر آدام اولسونده قالماسين جاهل ،  
دېمشم اولمادي . . لکن قباحث اونده دكل :  
او هر صباح اوقويوردي كورول كورول جوزيني ؛  
آيرميوردي كتابدن نه اولسه هيچ كوزيني .

اوچ آقشام اولدي كه يوقسك . نجيب : بابام زرده !  
بن ايستم اوني مطلق ، ديمزمي ؟ باق درده !  
صولر قاراردى ! بو ساعته ده هيچ كزرمي قادين ؟  
او ، سرخوشك بري ؛ طوت كيم سوقاق سوقاق آرادك ..  
نصل بولورسك آياوروم ؟ يارين كلير بلكه ،  
ديدم . فقط چوجوغك طورميوردي . باقدم كه  
آوتمه نك يولي يوق ؛ قومشونك حسين اغاي  
آلوب دولاشماده يم ياتسو وقى دنياني .  
آنام بنم كي اولاد طوغورماز اولسه يدي ،

اوت ، سن ايل قايسنده سورون ايشك يوقسه ؛  
 كتير بو سرخوشه يوتسون ، كتير پاره ك چوقسه !  
 زواللى بن .. جاماشير ، تخته ، هر كون اوغراشده ،  
 صوكنده بر پاره لر يوق ، ال الله باش باشده !  
 او تخته لر ، جاماشيرلرده كچدى : يوق حالم ..  
 آياقده ساللا نيشم زورله در خدا عالم !  
 چاليشماڭ ، نى هپ بونجه ييل چاليشديرڭ ؛  
 او ياوروجقلى چيلاق ، سفيل آليشديرڭ .  
 بيلير محله لى كيم آلدینگ زمانده نى ،  
 چهيز چيمنله دوناتمشدى بك بابام اويكى .  
 نه اولدى شيمدى او اشيا ؟ صاتوب قمارده يدڭ ؛  
 اوت ، قمارده يدڭ ، همده قارشيلرده يدڭ !  
 قيزك يتشدى ، آلان يوق . نصل اولوركه ؟ سوران  
 « شو سرخوشك قيزى عفت دكلى ؟ واز كچ آمان ! »  
 دين قادينلره « بك طوغرى ، بك ... » ديبوب كيدييور .  
 بو سوز زواللى نى بيلسه ك نه دولو انجيدديور !  
 بنم كوزل ملكم ، هيچده طالعك يوقش :  
 آناك بنم كچي سرسم ، بابا كسه بر سرخوش !  
 نجيبده مندرى قولتوقده كلدى مكته دن ..

- اونك بى دالغەسى اولمى كرك : تونل كچيور .  
 — موروڭ ، قاچىڭى قىدە ؟ شىمىدىڭ سىزارىڭ ھا !  
 — سىزارىڭ مىس كېيىر ، ياتمامىش آدم دىكل آ .

ياواش ياواش قىلار ، كىلەر قىزىشمىدى ،  
 آغىز ، بورون ، ھە سىلر بوتون قارىشمىدى ؛  
 دىكىلدى آغىزىڭىز ، باقىم ، آچىق طوران قاينىڭ ،  
 قىرالىڭىز بر آدم ، ياندىڭىز برىدە قىلدىڭىز .  
 بىش اون دىقە سورىڭىز برىدە سورىڭىز ،  
 قىلدىڭىز كىردىڭىز اوڭلىتىڭىز منڭىز .  
 كوزىڭىز ابر تاڭر ، يوزىڭىز خون ھىجىب ،  
 ھىجىبىڭىز رەشە ناچار ياس ھىجىبىڭىز خراب ،  
 توجە ايلەركىڭىز سوكرەڭىڭىز كان بابايە :

- دىمىڭ ، شىنەلى آرتىق چولوق چوچوق بورايە !  
 آيول ، نەدر بوسىڭىز يىدىڭىز ؟ اوتان آزىڭىز ..  
 آناڭىڭىز ، بىرە ، يومورجاڭىڭىز دە آچ قالدق ؟  
 نەلىڭىز ، نە كىچ ، كىچە كوندوز ھىجىب زىبار سادە ؛  
 ساقىڭىز دوشونىڭىز چوچوقلر ھىجىب نە ىر اودە ؟

- آراتدی کندینی اوستهك .. دینچه دیندسین ! —
- حسن به ! سنده نصل نازلی نازلی سویلرسین ؟
- نه در اوتور کو .. آمان باشقه یوقی ؟ هاه ، سویله !
- عمر ، نه نازلانیورسك ؟ برازده سن سویله .
- نوازل اولشم احمد ، براق ، سسم یوق هیچ ..
- سسك می یوق ؟ آچیلیر شیمدی : برامام صوینی ایچ !
- یارین نه ایشده سك عثمان ؟
- نه ایشده سم .. بوزاده !
- دیمتری چورباجی ، طولدور ! نه طورمشك اوراده ؟
- او کیم کان ؟
- بابا عارف .
- صقاللی ، کل باقلم ..

یاناش !

- سلام علیکم .
- اوطور براز چاقلم ...
- دیمتری ، هی ، پاره-سز کلدی صانمه ، ایشته پاره !
- ای آ کلاشق آ قوزوم ...
- صار به یولداشم جیغاره ..
- آمان بزم بابا عارف صوسز موسز ایچیور !

ایچنده برماصه ، یاخود جوار تابوتلقدن  
 آتیلمه چوق اولو کورمنس آجیقلی برتنشیر !  
 یاننده خورده سی چیقمنش برأسکی بوسکی سدر .  
 سقط ، باجاقسنز اون اون بش حصیرلی اسکمله :  
 قیریق دوکوک شیشه لر ، برده چنقو تپسیله  
 بش اون قدح ، ایکی اوج دستی .. صوآره تزکاهلق  
 ایدن یان اوستنه دوریله کیرلی برصانیدیق .  
 سونوک سونوک یانیور رافده ایسلی برلامبا ..  
 اوکنده برکومه : فس ، تاکیه ، خرقة ، صالطه ، عبا  
 قیمیلدانوب طورییورکن ، سفیل برصحبت ،  
 بوایسلی ظلمته ویرمکده بوسبوتون وحشت :  
 — قوزوم دیمتری ، بوآقشام براز زیادهجه ویر ..  
 — زیاده ، آکلادق اما یا ایچدیگک شیشه لر ؟  
 — چپزه رسک ..

— اویله می ؟ لکن سیلمیور چتله !

باقک تاوان تبشیردن کورونمز اولدی ...

— هله !

— بزم پشین پاره مز .. آلمادگمی دون غروشی ؟

— آیول ، توکندی مزه ک .. باری قوی براز تورشو .

سونوب کیتیش اوجاقلر یوکسلیر کویا غبارندن !  
 کیرن بر کره نادمدر حیات مستعارندن ؛  
 چیقان آواره در آرتق جهانک کاروبارندن .  
 دوکولش آبرولر بادهٔ پسمانده حالنده ..  
 امل برمنکسر پیمانده در صف نعالنده !  
 بوغولش روح انسانی شرابک موج آلنده .  
 نمایان ملعت ساقینسک چیرکین جمالنده ؛  
 نه ماضی وار ، نه آتی باق شو عیاشک خیالنده ..  
 طوتوب برزهر آتشناک دست بی بجالنده ،  
 زوال عمری بکار هم شهابک تا کمالنده !  
 مرارت انطباع ایتمش جبین انفعالنده ..  
 درین برالنوانک سینۀ زرد ملالنده  
 اودر آنجق هویدا سرنوشت بی مألنده ،  
 مؤتبد برده نسیان نظرهٔ سنکین لالنده .

جانم صیقیلدی دون اقشام ، سوقاق سوقاق کزدم ؛  
 صوکنده بریره صاپدم که اوکجه بیلمزدم .  
 بیتینجه برصیره او ، صوکرده برده ویرانه ،  
 دیکیلدی قارشیمه برخان قیلیقلی میخانه :  
 باصیق طاوانلی ، قارا کلک ، سفیل بر دکان ؛

## میخانه

خروشان باد سفلیت درویندن ، کنارندن ؛  
کریزان روح علویت حریمندن ، جوارندن -  
چیقار بیک ناله نومید خاک رعه دارندن ؛  
ایتر بیک ظلمت مقبر فضای شب نثارندن .  
کلیر فریادلر ابکم طوران هر سنک زارندن :  
بیقیلمش خائمانلر سانکه چیقمش ده مزارندن .  
دهان حسرت آچمش رخته دار اولمش جدارندن !!  
چو کر بردود ماتم تیتره یین قندیل تارندن :

ایستر ییه جک شی ، کیه جک شی ، یاقه جق شی ..  
 بیک دورلو حوائج دها وار بونلره درپی !  
 آواره بشر ایشته بوبارار جهانده  
 هر کون یکی برکار پشندن جولانده .  
 مقصد بو قدر دغدغه دن بریاشامقدر ..  
 لیکن بونک آلتنده نه مقصد اوله جقدیر ؟  
 هیئات ، اونی انراک ایچون اعمال خیاله  
 یوق وقتی : بوتون دملری موقوف جداله !  
 انسان که اونک روح ابله انسانلی قائم ،  
 دائم اولیور جسمنک آمالنه خادم ؛  
 کاسه یدی اکر روحنی اعلا یه ده نوبت ،  
 آکلاردی نه در ، بلکه ، حیاتنده کی غایت .  
 بر آکلادیغم وارسه شودر : خالق عالم ،  
 خلقت قالیویرسون ، دییه بر عقدۀ مبهم ،  
 طالذیرمه ده انسانلری حاجات حیاته ،  
 دوندرمه ده اذهانی بوتون باشقه جهاته .  
 عمرک اوته دن برق سوارانه شتابی ،  
 عیشک بریدن لازم بجد و حسابی ،  
 کوسترمه ده دنیا یه ، نه در مقصد خالق ..  
 « کیمن کیمه شکوی ایدم بزده شاشیردق ! »

امواج سرابيله ، وحوشيله بوادی ،  
 هر خطوه عزمنده اولور یاسنه بادی .  
 فوقده سهاوانك اواجرام مهیبي ؛  
 پیشنده زمينك اوتمايل عجیبي ؛  
 بچاره بی مدهوش ایده رك هر نفسنده .  
 مضطر براقیر منعدم اولق هوسنده .

لكن بو هوس برهوس دیگره مغلوب :  
 انسان یاشامق حرص جیلیسنه مجلوب .  
 هر دوره سی بردور عذاب اولسه حیاتك ،  
 راضیسی دكلدر ینه بردورلو مماتك ؟  
 عمر اولسه ده بیكلرحه شداند ایله مشحون ،  
 انسان یاشامقدن ینه ممنون ، ینه ممنون !  
 آرتق نهیه موقوف ایسه تأمین بقاسی ،  
 یالکز اوکا مصروف اولور آواره قواسی .  
 طورماز بوغوشور بونجه مهاجره رغماً ،  
 دوشمز او مساعی ده نیان سیفی الذدن .  
 چیللا قدر او ، ایستركه صوغولرده ایصینسون ؛  
 برطام چاته رق هر کیجه آلتنده یارینسون .

یاد ایتسون آزادہ لکک نامنی کیمسہ .  
 انسان کہ حیقار پردہ مکتوم عدمدن ،  
 تاصحنہ ہستیدہ ظہور ایتدیکی دمدن ،  
 اکالہ قدر فاجعہ دور حیاتی ،  
 آتلاتمہ یہ محکوم نہ مہلک عقبائی !  
 ظن ایتہ اولوم شخصنہ بر کرہ مهاجم ..  
 بیک کرہ اولور کونده اودشمنلہ مزاحم .  
 آوارہ بشر ساحہ غبرایہ دوشونجہ ،  
 اطرافنہ بیکلر جہ دواہی اوشوشونجہ  
 میدانمی بولور راختی استبانی جلبہ ؟  
 باشلار اوچیلیز قوللری دنیا ایلہ حربہ !  
 قاینار کونشک آتشی محراق سرندہ  
 قارلر بوز اولور نہی بدن بی سپرندہ .  
 مدہوش نکاھندہ کوپوردکجہ دکیزلر ؛  
 پینتدہ بوتون دالغلر اوتدکجہ مکرر ؛  
 ساحلدن اوزاقلاشمق ایچون طی مراحل  
 ایلر .. اوئی بیلر کہ اوزاقلر دھا صائل ؛  
 طاغلر اونہایتسز اولان سلسلہ سیلہ ،  
 اورمانلر اودنیایی طوتان وتولہ سیلہ ؛

## چکیمه بلایی

« عمر کرائیبه درین حرف شد :  
ماچه خورم صیف ، چه پوشم شتا »

سعدی

طقسان سنه لك ممره شو سوز لرله نهایت  
ویرمکده .. نه عالم بوجدلکاه معیشت !  
قورقونچ اولیور بویله حقیقتلری ، کرچک ،  
سعدی کی برعصر فضیلتدن ایشتمک .  
سعدی اوقدر فلسفه سیله ، هنریله ،  
فکرنده کی حریت فوق البشریله ،  
اسبات معیشت ده نیان قیده کیرسه ،

حیاتی بر ییغین آلام اولان زواللی قادین ،  
 حصیردن اورتوسی دوشنده حفره دن ایندی ..  
 این روحی ده ایلک دفعه دیندی ، هم ابدی !

بوتون بو خاطر لر بنده کریه خیز ملال  
 اولنجه طور مادم آرتق ، قیام ایدوب در حال ،  
 — یوزمده عالمه نفرین ، ایچمده شوق ممات ؛  
 کوزمده ایچ یوزی دهرک : ییغین ییغین ظلمات ! —  
 او طور دیغم او مقسی محملدن آریلدم .  
 بو پرده بیتدی می ؟ هیات ! آتامد بر آدیم  
 که روحی ایله مسین بویله بیک فجیعه خراب !  
 حیات نامه ، یارب ، نهدر بودور عذاب ؟

— نه چاره ! قسمتی بر بویه کونده ، اولم کمش .  
 — یاننده یمسه ده یوقش . . آمان براق نه یسه . .  
 أجل کلنجه ها اولمش ، ها اولماش کیمسه !  
 — طوقوز غروش بو حصیر ، سز ، سکز و یرک هایدی . .  
 بازارلق ایتمه لم بر غروش ایچون شیمدی !

حصیر بو کولدی ، اوموز لاندی ، طالدی بر سوقاغه ؛  
 سوقولدی کیم بیلیر اوردن ده هانکی بر بوجاغه .  
 آچیلدی بر اولو صاقلانق اوزره سینه سنه ؛  
 قایاندی کتم عدم هیئتیه صوکره ینه !  
 بش اون فقیره اولوب باردوش استقال ،  
 حضور لالنی بر نوحه ایتمه دن اخلال ،  
 سکون ایچنده اوزاقلاشدی آشیانندن .  
 کچنجه سورینی شهرک ، اوزاتدی سروستان  
 عرب یولجی بی توقیفه بیک بوکولمز قول !  
 اوموزدن ایندی حصیر ، یوقدی چونکه آرتیق یول !  
 مزارچینک او کورک یوزلی دست لاقیدی  
 اعانه سیله نهایت مزاره یاصلاندی .  
 هجوم محنت پیدر پدیه دنیا تک ،

— اوزاتمه کورایشمی !

— اوغول ، چابوق . . بکا تیراق . . اوقونمش اولمالی ها !

بزم چوجوق ، آدی باتسین ، ییلانجق اولمش . .  
— یا ؟

— سوبك قدر یوزی هوت طاغی کسیدلی !

— واه واه واه !

— خانم ، کچر ، نفس ایتدیر . .

— کچرمی ؟ انشاء الله .

— بی یکرملک پاکت اما صباحکی توزدی بوتون . .

— آیول ، هپ ایچدی کمز توز . . بوزولدی اسکی توتون !

— افندی عمجه ، ساقیز ویر . . برازده بال مومی کس .

— قیزم ، پاره یله اولور ها ! پشینجی باو هر کس .

بشر اوزر پاره لر هپسی یاقلاشوب دلیکه ،

سوزولدی لر اورادن بر کیلیدی چکمجه یه .

ایچه فاصله دن صوکره کلدی باشقه بری :

— کنیشجه بر حصیرك وارمی ؟ نه یسه هم دگری ،

جنازه صارمق ایچوندر ، اذیت اتمه صاقین !

محلّه مزده بش آیدر یاتان اوخسته قالدین

بوکون صباحین آرتق جهانندن آل چکمش . .

### حصیر

بچنده ، یایلا جوارنده بر اوفاق جولان  
بهانه سیله ، بزم اسکی آشنالردن  
بر عطارک آزیحق کیتمک ایستهدم یاننه ،  
که هر زمان بی دعوت ایدردی دکاننه .  
براز صاحبدهن سوکره سوکدی مشتریلر :  
— ویر اورادن اون پارملق زنجفیل ، چورک اوتی ، بیبر .  
کچنکی بش پاره بور جمله اون بش ایتمدی ؟  
— سیلیک بویکر میلک آلام . .

« لیس الانسان الا ماسی » دیرکن خدا ،  
 آ کلامام هیچ مسکنتدن سن نه بکارسک دها ؟  
 طاوران آرتیق کاربانک آرقه سندن طورمه ، قوش !  
 محو اولورسک بر دقایقه کچسه حتی بویله بوش .  
 منزل آملشردده یورغون ، بلکه سندن بی مجال !  
 بلکه یوق ، البته اویله ! سن نه ایتمشدک خیال ؟

شویله کوزدن کچسه بر خلقت تماشا خانه سی :  
 چیقم یور بر ذره فعالیتک بیکانه سی .  
 آسمانی ، خاکدانی جمله موجودات ایچون  
 قور تولیش یوق سعی داتمدن ، ترقیدن بوکون !  
 یر چالیشسون ، کوک چالیشسون ، سن صیقلمازسه ک او طور !  
 بونلرک حقننده بیلیم بر بهانه ک وارمی ؟ طور !  
 ماسوی ، بر شیمیدر ، بوش طور میور خالق بیله :  
 باق تجلی ایلیور بیک شأن کونا کون ایله !  
 یوق ، اکر حالا صیقیلماق بیل میورسه ک خلقتدن ؛  
 باری ، اللهک قولی ، اللهدن اولسون اوتان !

فوج فوج آققده انسانلر بوتون مستقبله .  
 نهر فیضا فیض انسانیتک آهنگینه  
 اویمادن قابل دکلدر دوشمه مک برانگینه !  
 منزل مقصوده وارمارسک اویاتمازسه ک اگر ..  
 وارمی باقی یوللرده هیچ بیدار اولاندردن اثر ؟  
 ایشته آتیدر او سرمنزل دینن آرامگاه ؛  
 کاربان اقوام ؛ چول ماضی ؛ عطالت سدّ راه .  
 طورمه ، ماضی بزمغیلاتزار دهشتناکدر ؛  
 کیت که ، آتی قورقوسزدر ؛ هم نه قدسی خا کدر !  
 چوق شداند اقتحام ایتمک کر کدر ، طوغرودر ..  
 وهله آواره برسیاحی یوللر قورقودور .  
 قورقو ، لکن ، عزمی تحکیم ایله مک ایجاب ایدر :  
 قورتولورسک شد رحل ایتمشده کیتمشسه ک اگر .  
 چونکه دوشمشسک حیاتک - از قضا - فیفا سنه ،  
 کیتمه ک ایجاب ایلور تا منزل اقصاسنه .  
 دوشمه مک مادام الکدن کله مش اول سنک ،  
 اوله دن اولسونمی ، ای مسکین ، بوچوللر مدفک !  
 اتحار ایتمک دکلسه یولده طورمق ، کیتمه مک ،  
 آسماندن رفرف ایندیرسین دیمکدر بر ملک !

طورمش ، دیوردی ، برده اویاندم که ، ساربان :  
 « قالدق ای زواللی یولجی ، اوزاقلاشدی کاربان !  
 اویقوم بنمده یوق دکل اما بودشتزار  
 آرامگاه اولورمی که بیک دورلو قورقو وار ؟  
 سرمنزل مرامه واریر طورمایوب کیدن ؛  
 یوقدر نجات امیددی بوچوللر کچیللمه دن .  
 هیات ، یولده بویله دوشن اویقو دردینه ،  
 هپ یولجیلر کیدرده قالیر کندی کندینه ! »

وقعه هیچ برشی دکدر ؛ حقایسک . لکن دوشون ،  
 باشقه بردستور حکمت وارمی ، انصاف ایت ، بوکون ؟  
 وارمق ایسترسهک - دیور سعدی - اکر برمقصده ؛  
 طوتدیغک یوللر توکنمکدن معرّی اولسهده ؛  
 شد رحل ایت ، طورمایوب کیت ، یولده قالمقدن صاقین ؛  
 مردصاحب غزم ایچون نهمش اوزاق ، نهمش یاقین ؟  
 هانکی مشکدرکه همت اولسون آسان اولماسون ؟  
 هانکی دهشدرکه انساندن هراسان اولماسون ؟  
 عبرت آل ارباب اقدامک باقوب آثارینه ؛  
 طاغ دایناماز ازلرک طاغلر سوکن پیکارینه ؛  
 برمنوم سس دکل یریر خروشان ولوله :

طور مایه لم !

سعدی دیورکه : « بر کیجه بز کاربان ایله  
آهسته سیر ایکن یولمز دوشدی بر چوله .  
سرعتله طی ایچور اویابان وحشتی ،  
هپ یولخیلر فدا ایده رک استراحتی ،  
کیتمکده لردی . بر آراق بنده مشیه تاب  
هیچ قلامشده دوشمشم آرتیق زبون خواب .  
آواره بر پیاده بی بکرمی قافله ؟  
ناچار شدت رحل ایده جک تا بر حله .

اون او چ ياشنده بوروشمش جين صافي ، يازيق !  
 او آنده مكاتب رشديه دن طابورله چيقان  
 برآلیدن متجاوز جوجوق كه ، منتظماً  
 كچركن ايلديلر اختياري وقفه كزين . .  
 حسنله قارشيلاشيركن بوسخنه اولدي حزين :  
 اوت ، بو ياورولرك هپسي ، پر سرود شباب ،  
 ايدر طوروردی برر آشیان نوره شتاب .  
 برآزدن اوینایه حق هپسي بونلرك ، نه آبي !  
 فقط حسن ، باباسندن قالان او پيس كوفه يي ،  
 — كه آزمك ايستدی كورمكله رهكذارنده —  
 الى الابد چكه جك دوش اضطرارنده !  
 او ، يوك دكل ، قدرك برجزاسی معصومه . .  
 يازيق ، كنهی نه در ، بيلمه ين شو محكومه !

کومورجیلر قاپسندن کیرنجه بز ، دومر  
 قیزک مراقنی جلب ایتدی ، دائمده ایدر :  
 اویامری یومرو بدن ، اوپ اوزون بویون ، اوباجاق ،  
 او آرقه سنده کی بوسکول که قویروغنی اوله جق !  
 حقیقه کوره جک شی دکللی یا ؟ دیرکن ،  
 دونجه آرقه مه ، باقدم : بش اون آدیم کریدن .  
 بلنده اکللیجه بر شال ، باشنده آبانی ،  
 بر اورته بویلی ، کولر یوزلی پیر نورانی ؛  
 یاننده قوس قوجه مان برکوفه یله برچوجو جاق ،  
 یاواش یاواش کلیورلر . فقط تصادفه باق :  
 چوجوق ، بنم او صباح کوردیکم زواللی یتیم ..  
 فصلده منظره ، غایتله جانکداز وائیم !  
 جیلیر باجاقلرینک دیزدن آلتی چیر چپلاق ..  
 بر ایجه مینتانه آلتنده تتره یور ، طونه جق !  
 آیاقده قوندوره یوق ، باشده وارمی فس ؟ نه کزرا  
 دوکوملی آلتنک اوستنده ساده بر چنبر .  
 نفس دکل او صولوقلر ، برر اینن مدید !  
 نظر دکل او باقیشر ، برر بکای شدید :  
 بوبر آیاقلی سفالت که یالن آیاق ، باش آجیق ؛

يَتِيم بَراقايه رِق بَسليوب بويوتمليست .

— کوفه يله اويله می ؟

— های های ! نه دن بوسوزلکن ؟

قوزوم ، عییمی چالیشمق ، کناهمی یوک طاشیمق ؟

عیب دیلنجیلک ایتک ، طوتار ایکن آل آیاق .

— نه طوغری سویلدی ! اوپ اوغلم عمجه کک آلی...

— اونوتدک اويله می ؟ بایرامده قومشونک کلینی :

« حسن ، دایم یاتی مکتبلرنده ضابطدر ؛

سنکده ذهنک آچیق . . سویله مش اولایدق بر . .

قویاردی مکتبه . . طور سویله یم . « دیمشدی هانی ؟

اوقوتمه سنده حمال یاپ بویاشده شیمدی بنی !

سوز آکلادم که اوزون ، همده پک اوزون سوره جک ؛

بنسه واردی او کون برچوق ایشلرم کوره جک ؛

براقدم اونلری ، صاپدم یوقوشلی بر یولدن .

نه اولدی شیمدی عجب ، کیم بیلیر ، زواللی حسن ؟

بزم چوجوق یاراماز ، اوده دیگلنوب طورماز ؛

کچنده فاتحه چیققدق انکندی اوستی براز .

باباڭ كيدنجه ديمك قالدى عادتا او كسوز !  
 اونكله بسليله جكسك آناكله قاردهشكى .  
 بېكميسك دها او كره نمدكى سن ايشكى ؟  
 ديدم كه بنده : - آيول ديكله آنهكك سوزيني . .  
 فقط جوجوق بكا حايقيردى اكشيدوب يوزيني :  
 — صقاللى ، يوقى ايشك ؟ كيت ، جهنم اول شورادن !  
 نه دير لانوب طورويورسك صباحلين اورادن ؟  
 بنم ايچم يانيور : طاغ قدر بابام كيتدى . . .  
 — باباڭ يرنده آدامدن نه ايستدك شيمدى ؟  
 آدامجىز سكا باق حال ديلنجه سويلركن . . .  
 — براق خانم ، اوچوجوقدر ، قصوره باقام بن . .  
 سنك آدك نه در اوغلم ؟

— حسن .

— حسن ديكله :

ضررلى سن چيقه جقسك بوتون بو حدتله .  
 بنمده ياندى ايچم آ كلاينجه درديكزى . . .  
 فقط ، باباڭ سكا اصهارليوبده كيتدى سزى .  
 او ، بونجه ييل چاليشوب آلتنك تريله سنى  
 نصل بويوتدى ؟ بوكون ، سنده كندى قاردهشكى ،

آمده بر قوجه دکنک ، اونگله یوقلایه رق ،  
 اوکم آطه یسه باصوب ، یوق ، دکیزسه آتلایه رق ،  
 — آیاقده طورمایه آل بر لکیله غیرت ایدن ،  
 لسان حال ایله اما رکوعه نیت ایدن —  
 اوساخورده ، خراب اولرک صاچاقلرینه  
 سیغینمش او یله کیدرکن ، همان آیاقلرینه  
 دلیلک قوجه بر شی طاقیلدی .. باقدم که :  
 کنیشجه بر کوفه یاتمقده ، هم اپی اُسکی .  
 بو بر حال کوفه سیمش .. عجب کیمک ؟ دیرکن ؛  
 اون اوچ یاشنده قدر بر چوجوق کلوب اوته دن ،  
 کریلدی تکمه یی ایندیردی او یله بر کوفه یه :  
 تکر مکر کوفه بیتاب دوشدی تا اوته یه .  
 — بنم بابام سنک آلتکده اولدی، سن حالا  
 قورومله یات سوقاغک اورتہ سنده بویله دها !  
 او آنده قارشیکی اودن بر اورتہ یاشلی قادین  
 کوروندی : — اوح بنم او غلم ، کل ایتمه قیرمه صاقین !  
 نه ایسته دک کوفه دن یا وروم ؟ آغزی یوق، دیلی یوق،  
 باباک سکز سنه قوللانندی .. هم ده دیردی که : «چوق  
 او غورلی بر کوفه در ، قالمادم همان یوکسر .. »

## کوفه

بش اون کون اولدی که، معتاده انقیاد ایله بن  
صبحلین چیقویر مشدم اودن ایرکندن .  
بزم محله ده استانبولک کناری دیمک :  
سوقاقلرنده کزلمز که یوزمه بیلیمه رک !  
آدیم باشنده درین بر بحیره طالعہ لایر ،  
صولر قاراردیمی ، آرتق کلن کلیر طایانیر !  
بر آلدہ اوللی قندیل ، بر آلدہ اسقاندیل ،  
سلامتک یولی انسان ایچون بو ، باشقه دکل !

بونلر بشرک ايشته اڭ آواره غريبي .  
 مؤمنلره امداده يتيش مرحمتکله ،  
 ملحدلره لکن دها چوق مرحمت ايله :  
 کمر اهل کدرکه عمی لیلنه طالمش ،  
 بر رهبر اولور نجم امل یوقده بونلمش !  
 سنسڭ بوشبستانه سورن اونلری ألبت ،  
 سندن طوغه جق طوغسه ده بر فجر هدايت .  
 ملحدده سنڭ ، قلب موحده سنڭدر ؛  
 الحاد ايله توحيد نه در ؟ منشأی هپ بر .  
 اويله یسه نه دندر بو تفاوت آره یرده ؟  
 اسباب تخالف نه در افکار بشرده ؟  
 یارب، بو سرائر کون اولورده آچیلیرمی ؟  
 بر لیل مؤبد اوله رق یوقسه قالیرمی ؟  
 هر ذرده آهنگ جلالک طویولورکن ،  
 هر نغمه ده بیکلرجه لسان ناطق اولورکن ،  
 جلوه گنده کی اسرار فصل قالمده مظلم ؟  
 أی نور الوهیتنک ظلی عوالم !

لکن بو سفیلان بشردن کیمنک ، وار  
 قلبنده بر آمید که انجم کبی پارلار :  
 ایماندر او جوهر که الهی نه بیوکدر . . .  
 ایمانسز اولان پاسلی یوره ک سینده یوکدر !  
 مؤمن- که بیلیر کوردیکی یکروزه جهانک  
 فوقنده نه عالمیری وار صبح بقانک ؛-  
 بیک جان ایله البت چکه جک ایتسهده بالفرض ،  
 هر آنی حیاتک اوکا بیکلرجه بلا عرض .  
 فرداده کی اذواقی او ایتدجه تأمل ،  
 ایلر بو کون آلامه فصل اولسه تحمل ..  
 بر ملحدی لکن کیم ایدر تسلیه هیهات ؟  
 صیغماز اونک آفاقه فردای مکافات !  
 عندنده سماوات وزمین بر قوجه بوشلق ،  
 فریادینی کوش ایلیه جک کوش کرم یوق !  
 الجای تصادفله شو « بوش ! » عالمه دوشمش ؛  
 اطرافنه بیکلرجه شداند کلوب اوشمش .  
 هر لحظه بوغوشمقله کچوب دورحیاتی ،  
 بر شی اوله جق غایه خسروانی : مماتی !  
 وارلقدن اونک ایگیلیرک اولمه نصیبی !

« یوق عادل مطلق ! » دییه جک یأس ایله وجدان !  
 یردن چیقیور کوکله بیک آه شرر بار ،  
 کوکله ایدیور ساده چیقان ناله یی تکرار !  
 بر یانده یانار لانه سی بیک خانه خرابک ،  
 بر یانده سوزر لمعه سی ملیونله شهابک !  
 قالمش آلی بوکرنده فلاکتزده مادر ؛  
 اولادینی کومش قاره طور اقلره ، ایگلر !  
 آغلار بریدن بر سورو آواره طالع ،  
 نانپاره ایچون ایلیه رک عرضی ضایع .  
 بوکمش اورادن بوینی بیکلرجه یتیم ،  
 مأوی آرییور عائله لر لانه پریشان !  
 مظلوم شکایتده ، ندامتده ستمکار ؛  
 خونابه مقتوله غریق اولمه ده خونخوار !  
 بیماری ، فلاکتلی یی ، عریانی ، سفیلی ،  
 مفلوجی ، عملمانده یی ، مسکینی ، ذیلی ،  
 غدار یی ، جفا دیده یی ، محکومی ، أسیری ،  
 هیات ، شوپایانسر اولان جم غفیری  
 تشهیر ایله شهرت قازانان صحنه دنیا  
 کلزمی الهی سکا بر قانلی تماشا ؟

بر صحنه ديمك علامه بك طوغريد ر البت ،  
 آنجق كوروان وقع لرك هېدى حقيقت .  
 هم اوبله وقايع كه تماشاسى حزيندر ،  
 آهنگ طربسازى بوتون آه وانيندر !  
 زيرا ايدرك بونجه سفالزده فرياد ،  
 واويل صدا سيله طولار سينه ابعاد .  
 يارب، بو يوركلرده كى سس دينيه جكمى ؟  
 سندن دها بر امر سكون اينيه جكمى ؟  
 هر آن ايدييورسك بزي مقهور جلالك ،  
 قربان اوله يم يوقى تجلى جمالك ؟  
 سندنسه اكر چكديكمز بونجه دواهى ،  
 كيمن كيمه فرياد ايدلم سويله انهي !  
 لايسته بيكلرجه سؤال اولسه ده قربان .  
 انسان بو معماره دهشته نكهبان .  
 بر شخصه اسير اوله يي بر قوسقوجه ملت ،  
 مكر گله مى يارب صانيور كندينه دولت ؟  
 دنيايى ياقوب ييقمايه بر سيف تعدى  
 امر گله مى يارب ايدور بويله تصدى ؟  
 ظالمه قهر ك او قدر ويردى كه ميدان :

ای روح فضا کرد، کرانسیر حریمک ،  
 ای ناطقه، دمبسته اسرار عظیمک ؛  
 مقصود بو خلقتدن اکر معرفتکسه ؛  
 وارمشی او مدهش کورونن غایته کیمسه ؟  
 بر صحنه میدر یوقسه بو عالم نظرگده ؟  
 بر صحنه که ملیارله اویون وار اوزرنده !  
 بر صحنه که هر پرده سی ترتیب مشیت ؛  
 اشخاصی ده بازیچه آواره قدرت !  
 جانیلری ، قاتللری میدانہ سورن سن ؛  
 جانیده کی ، قاتلده کی جرأت ینہ سندن !  
 سنسک یارادان، باشقه دکل، ظلمتی ، نوری ؛  
 سنسک ویرن الهام ایله تقوایی ، فجوری !  
 ظالمده تعدی یه اولان میل نه دندر ؟  
 مظلوم نیچون اولمه ده اوندن متنفر ؟  
 عاقل نره دن کوردی بو جدی حرکاتی ؟  
 احق نه دن او کرندی آداب حیاتی ؟  
 بر فاعلک اجباری بوتون کوردیکم آثار !  
 جبری دکل . . اولسه هم الهی نه صوچم وار ؟

هر موجه سیدر بریم بی ساحل آثار !  
 فرمانگه محکوم ازلیت ، ابدیت ،  
 ای پادشه عرش کزین صمدیت .  
 ابداع بدیعك - که جهانلرله بدایع  
 میدانه کتیرمش - بزه ای خالق مبدع ،  
 مبهم فصل اولماز که ؟ عدمدن دکل اثبات ،  
 بر ذره موجودی یوق ایتک بیله هیات ،  
 قابل اوله ماز چیقسه ده بیک دست مخرب .  
 یارب ، بو فصل عالم لبریز غرائب !  
 سر حد ازل بدأ حدود ملکوتك ،  
 پهنای ابد غایه سخن جبر وتك .  
 حکمك که تحکم ایده مز سیرینه بر شی ؛  
 بر آنده بو پایانسز اولان جوتی ایدر طی .  
 بر آن ، دیهرک ایلشم بیلیمهرك ، باق ،  
 تقیید زمانله سنی ای فاطر مطلق !  
 باقی بی بشر هر نه قدر ایلسه تنزیه ،  
 فانی ایجابی ایدر کندینه تشبیه !  
 اطلاقه فصل یول بوله بیلسون که تفکر ؟  
 اشباحی کورور ایلر ایکن روحی تصور !

برشوق ایله لاهوته قدر یوکسلیم دیر .  
 لکن نصل اولسون که بومعراجہ مظفر ؟  
 ناسوت محیطنده هنوز چالقالانیرکن ،  
 بردست تجرّ دایانوب کوکسنه بردن ؛  
 مدهوش و محقر سریلیر اسفل خاکه !  
 باشلار اورادن نادم اولوب باغیرینی چاکه .  
 یالکیز اومی ؟ بیک فکر سماوی بوزمینده  
 بیتاب تحری قاهره آه وانینده !  
 اشباحه می قربک اوله جقدر جولانکاه ؟  
 ارواح بوتون مندهش « شم ردناه ! »  
 صنعکده کی اسرارہ تعالی بزه ممنوع  
 اولمازی ، ردا پوش طورورکن دها مصنوع ؟  
 خورشید ازلدن نصل ایسترکه خبردار  
 اولسون دها برذرہ نی درک ایتمین افکار ؟  
 ای نامتناهی سکا نسبت ایله محدود ،  
 محصور محیط قدرکدر نه که موجود .  
 دیباجه اوصافکی آلاز بوتون ابعاد ،  
 اعداد ایده من سلسله فیضکی تعداد .  
 عمان شئونک که برر موجید راعصار ،

توحيد

ياخود

فرياد

ای نور الوهیتک ظلّ عوالم ،  
ظلك بيله اسرار ظهورك کي مظلم !  
کرسی جلالک - که سهارله زمینلر  
بر نقطه قدر صحن محیطنده طوتاریر -  
ادراکک ایدر غایه آمیدی خیت . .  
یارب، او نه دهشتدر، الهی ، او نه هیئت !  
جولاننه یتز کي پهنای عوالم ،  
کاهی سنی بولمق ایچون آواره خیالم

براقيرلرى اكر كىتمەمش اولسەم عجباً !  
 طوغرىدر ، كىتملىم ... قوشديرىكز بر عربە .

صوك صنفدن ايكى وجدانلى رفيقك قولنە  
 دايانوب چىقدى اويىچارە سفالت يولنە .  
 آتەرق آرقەيە بر لمحۋ لبريز الم ،  
 اونى تبعيد ايدەجك پايطونە ياقلاشدى « ورم ! »  
 طوتدى بىندىردى چوجوقلر صارەرق ھىرىنى ،  
 اوپدىلر كرىۋ ماتم دوكەرك كوزلرىنى :  
 — چكىوير طوغرىجە استاسيونە ...

— يوق يوق ، بنى تا ،  
 كوتور استانبونە بر ىردە براق كە : غرىبا ،  
 — كىمسەنك اونلرە آلدىرمدىنى بر صىرەدە —  
 اوزانوب اولمەيە بر شىلتە بولورلر اورادە !

قاردهشم وار ، اوده لکن بکا دیکمش کوزینی :  
 سانکه آتیده کی موهوم رفاهم کیده رک ،  
 اونی چالقاندینی خسرانلر ایچندن چکه جک !  
 قاردهشم ، قوردیفک آمالی ده ویرمکه اولوم ،  
 بنی کوم حفره منسینه ، آتیگی ده کوم !  
 هانکی بردردم ایچون آغلایهیم ، بيلمیورم .  
 دوکدیکم یاشلری معذور کورک : مغدورم !  
 او قدر سعی بلیغک بوسفالتی صوکی ؟  
 بری اولجه اکر سویلس اولسهیدی بونی ،  
 چالیشوب عمریمی چیلغینجه هبا ایتزدم ،  
 بن بو مستقبله ماضیمی فدا ایتزدم !  
 مرحمت بيلمهین انسانلره باق ، یاربی ،  
 قوغیورلر بنی بر سائل آواره کبی !  
 — سنی برک ره قوغان یوق ، بو سوزک پک حقسز .  
 « ایسته م ، یوللامایک . » دیرسه ک اکر ، قال ، یالکز ...  
 خسته سک ...

— هم ورم ! سویله ، نه وار صاقلایه جق ؟

— یوق جانم او یله دکل ...

— او یله ، یا هرکس احق !

بويله برخسته يني كوندرمه ده مکتب معذور .

— بر مبصر چاغيرك .

— بويورك افندم .

— بكا باق :

خسته نك كيتمسي هر حالده موافق اوله جق .

« سكا تبديل هوا توصيه ايتمش دوقتور .

كز مش اولسه ك آچيليرسك .. » ديه برفكريني صور .

« ايسته م ! » دير او ، فقط ديكله مه ، اقناعه چاليش :

كيم بيلير ، بلكه ده بيجاره چوجوق آكلامامش ؟

— شيمدى تبديل هوا وارمى بنم ايستديكم ؟

براقك حاله آرتق بنى راحت اوله يم !

اوچ بوچوق ييل بكا قاتلاندى بو مکتب ، اوچ كون

دها قاتلانسه قيامتى قوپار ؟ هم نه ايجون

بنى بيللرجه باريندير مش اولان بر يردن ،

« اوله جكسك ! » ديه قوغمق ؟ بو قوغولمقدر . بن

كيمسه سز بر چوجو غم ، زده كيدر ير بولورم ؟

ايمه ييك ، صوكره سوقاقلرده قالير محو اولورم !

آنام اولمش ، بابامك بيلميورم هيچ يوزيني ؛

— فصل ایتدك دوقتور ؟

— ایدم جك يوق، چوجوق آرتق يوله كیرمش، کیدیور!  
 صول طرفدن رنهك ذروه سی تکمیل چورومش ،  
 خسته لق سیر طبعیسی آلمش یورومش .  
 دور نالنده کی آتاری او ملمون مرضك  
 وار تماميله ، دكل هیچ بری اکیك عرضك .  
 بوتون اعراض ، شقیقه ، زفیريله ...

— یتر !

خسته نك چهره سی میدانده یا ! انسانده مکر  
 اولماسین حس ده نیلن شی .. اودكل، لکن بز  
 بونی « تبدیل هوا » دیرده فصل کونده ریرز ؟  
 شورده اوچ بش کونی وار .. کوندرم : یولده اولور ..  
 « کیت ! » دیمك، هم، دوشونورسه ك نه بویوك برذلدر!  
 هادی کوندرمیه لم .. وارمی فقط امکانی ؟  
 کیمه درد آکلادیرز ؟ بولسه ك آ درد آکلایانی !  
 — سوزیکز طوغری مدیر بك؛ نه یاپوب یایلی؛ تك  
 بو چوجوق کیتملیدر . چونكه یاشارسه بك بك .  
 دها برهفته یاشار ، صوکره سرایت ده اولور ،

اویاناقلر ایکی صولغون کله دوئمش، بی تاب !  
 او دوداقلر موراروب قاولامش آرتق دریمی ؛  
 اوزامش صاچ کبی کیرپیکلرینک هر بریسی !  
 قفا بر یوک کسلوب بویننه ، چوکمش باغری ؛  
 ایکی دکنک کبی یوکسلمش اوموزلر یوقاری .  
 — اوطور اوغلم ، سنی دقتلیجه بردیکلیهلم . . .  
 صویون اولجه فقط . .

— سز صوییکز ، یوق حالم !  
 صویدی بیچاره بی اوچ بش کیشی بردن ، او زمان  
 آلدی برهیکل عریان سفالت میدان !  
 بومیک کولچه سنک دیکلنه جک برجهتی  
 یوقدی . ظنمجه طیبیک جوشه رق مرحتی ،  
 « باقاسق خسته بی نومید ایدرز بلکه . » دییه ،  
 چوجوغک کوکسنه یاقلاشدی براز دیکله مهیه :  
 — اوکسوراوغلم .. نفس آل .. آله نفس .. اولدی ، کین ؛  
 باقهیم نبضکه .. اعلا .. سکا یاوروم ، قوده ئین  
 یازهیم ؛ اوکسوریورسک ، او ، کسر پک آیدر ..  
 آرسینیق حبلری آل ، سویلرم اجزاجی ویرر .  
 هادی کیت کندیکه آبی باق ...

او زماندن بریدر ضعیف تراید ایدیور ؛  
 شهله طوغروسی کیتدکجه تأید ایدیور .  
 اویقو یوقش ؛ کیجه هپ اوکسوریورمش ؛ آتاشک  
 اولیورمش آزیحق دیندیکی ...

— بن ذاتاً ایشک ،

بر آی اول بیلوردم نه وخیم اولدیغنی . .  
 بکا اخطاره نه حاجت ، آبکم ، شیمدی بونی ؟  
 مع مافیه یکیدن برباقالم دقتله :  
 حکمی قطمی ویره بيلمک ایچون اولماز عجله .  
 — چاغیرک خسته بی کلکسین .

قایینک پرده سنی

آچهرق کیردی او ائنده دوزلتوب فسنی ،  
 براوزون بویلو چوجوق .. لکن او برلوحه ایدی !  
 اویله برلوحه رقت که اونو تمام ابدی .  
 رنکی اوچش یوزینک ، کوزلری چوکمش ایچری ؛  
 الما جقلا ایکی باشدن چیقیورمش ایلری .  
 اوشاقاقلر کوچهرک جبهه بی یاندن صیقمش ؛  
 فیلامش آلنی ، طامارلرده برابر چیقمش !  
 بت بکنز کول کبی اولمش اوچهرق نور شباب ؛

### خسته

« وقعه حلقه‌لی زراعت مکتب‌نده پشمندی »  
— بجه ، دوقتور، اونى سز برصويه‌رق دیکلیکیز ؛  
خسته‌لق چونکه دکل اویله اهمیتسز :  
ساده بر نزله صدریه‌می علت ؟ نرده !  
چوجو غك حالى فنا لاشدی شو صوك کونلرده .  
اون کون اول عملیاته چیقارکن طلبه ،  
اوده کلشدی ؛ فقط یولده نوبتلر غلبه  
ایدرك ویرمدی بیچاره‌یه بردم راحت .  
دیدم : « اوغلم، نه‌یه کلدك؟ هادی کیت مکتبه، یات ! »

سایه طوغری او طاغرده آجدی الریخی .  
 او آنده قویدی یورکلردن او یله بر فریاد ،  
 که روح ایلجه جک تا ابد او دهشتی یاد !  
 کسیلدی بر آراق ایگله یین حزین آواز ...  
 نه اولدی عرشه قدر یوکسلن او سوز و کداز ؟  
 او جوش صفوت وجدان ؟  
 اوت ، خروشه کلوب بحر رحمت سبوح ،  
 قلوبه ایندی سعادنده بر الهی روح :  
 روح اطمینان .

نماز بستر . او زمان قالقه رق او پیر کزین ،  
 آلیر چوجوقلری ، اوغلان فنار چکر اوکده .  
 کلوب دوشر اوه یورغون ، دالار پک آسوده  
 درین بر اویقویه ...

دیرکن بو خاطرات لطیف

چکیلدی اصلنه ، آرتق حقیقتک او کشف  
 لقاسی باشلادی قارشیمده جلوه ایله مهیه ؛  
 زمانده قالمادی ذاتاً خیالی دیکله مهیه :

صاغم ، صولم ، اوکم ، آرقم خشوعه مستغرق  
 ظلال آدم ایکن ، بر صدا بلند اوله رق ،  
 سکونی دیکله یین آذان مستی چینلادی ؛  
 او کائنات خضوعی یرندن اوینادی !

صفوف آیاقده مسلسل جبال ولوله دار  
 کبیدی . هر بریسننن طویولدی سینه فکار  
 برر اینن تضرع ، برر نیاز حزین

که قلب رحمتی صیرلاتدی شهه سز او اینن !  
 اکیلدی صوکره اوطاغلر حضور عزتده ؛  
 کوروندی صوکره او طاغلر زمین خشیتده !  
 عنایتله خدا قالدیرنجه هر برینی ،

سکز یاشنده قدردم . بابام کلیر : « بو کیجه  
 سز کله جامعه کیتسهك چوجوقلر ایرکنجه .  
 کیدرسه کز کلیك اما نمازده اوصلو طورك ؛  
 مهامکز یارامازلقسه ایشته او ، اوطورك ! »  
 دیوب آلردی برابر بنمله قارده شمی .  
 کیرنجه جامعه حاليله قویوریر پشی ،  
 نماز قیلاردی . بن آرتق قالنجه آزاده  
 نه عاشقانه قوشاردم حصیرلر اوستنده !  
 خیال اوتوز سنه اولکی حالی پیشمدن  
 کچیردی ، باشلادم آرتق یاننده کورمه یه بن :  
 بیاض صاریقلی ، تمیز ، یاشجه اللی بش آنجق ؛  
 وجودی زنده ، فقط صاچ ، صقال زیاده جه آق ؛  
 مهیب یوزلو بر آدم : ادب کزین نماز ؛  
 یاننده بر کوچوجك قیزجغزله پك یاراماز  
 یشیل صاریقلی براوغلان که : باشده پوسکول یوق .  
 امامه سنده فسك باغلی ساده بر بونجوق !  
 صاریق همان بوزولور ، صوکره شویله بر طولانیر ؛  
 بر آز چکر ، ینه رایت مثالی طالغه لانیر !  
 قوشار قوشار طورده ماز ، عاقبت دینیر « آمین »


زمینی اولیان بر جلوۂ فیاضی حاویدر .

بر انفلاق صفادرکه یارجامدر ،  
 صباحی پک سوه رم ، اک کوزل زمانمدر .  
 ردای لیلی هنوز آچامشدی دست سما ،  
 صبادہ خواب سکوندن آیلماشدی دہا ،  
 فضای روحده عکس ایتدی ، الصلا پرداز  
 مؤذنک دم نخموری ، بر حزین آواز .  
 ایچمدہ جوشہ کلوب لہ لہ استغراق ،  
 اذان او قوندیمی بیلیم ، آچیلمدن آفاق ،  
 ظلامی سینہ یہ چکمش یاتان سوقاقلردن .  
 کمال وجد ایله کچدم ، اوکمدہ بر میدان  
 کوروندی ، فاتحہ کلشدم آکلادم ، آزیحق  
 کیدنجه جامعہ باقدم کہ بکلیور اویانیق !  
 صوقولدم آرتق اونک سینہ منورینہ ،  
 او طوردم اوکدہ کی مقصورہ جکلرک برینہ .  
 فضای معبدک انجم نما مشاعلنی ،  
 او لمعہ لمعہ دیزیلش ضیا قوافلنی  
 کورونجه کلدی چوجوقلق زمانلرم یادہ ..  
 نہلر دوشوندم او ساعتدہ بیلسہ کز اورادہ !


اوروزنلر ، نظرلردن نهان دیداره مستغرق ،  
 برر کوزدرکه صیریلش اوکندن پرده اسرار .  
 بوقدسی معبدك اوستنده تابان فوج فوج ارواح ،  
 بوعلوی قبه نك آلتنده جوشان موج موج انوار .  
 تجسد ایله مش کویا که صبحك روح غمخوری ؛  
 سهادن یاخود اینمش خاکه ، سینارنك اولوب ، دیدار !  
 طبیعت پرده پوش ظلمت اولمش ، خوابه طالمشکن ،  
 او ، کویا قلب نورانیسیدر لیلک ، طورور بیدار .  
 اوت برقلبدر ، برقلب جوشا جوش عاشقدر ،  
 که جوفندن دمامد یوکسلیر بیک ناله اذکار .  
 نمایان جبهه سندن صدر اسلامك معالیمی :  
 اوصدرک فیض انفاسیله کویا بریغین احجار ،  
 قیام ایتمش ، علودینه برتمثال نور اولمش ؛  
 نصل تمثال نور اولماز؟ شوپک ساکن طوران دیوار ،  
 عصرلر کچدی حالا باطلک یش هجومنده  
 کوکس کرمکده در برکره اولسون اوله دن ییزار .  
 بو بر معبد دکل ، معبوده یوکسلمش عبادتدر ؛  
 بو بر منظر دکل ، دیداره واصل موکب انظار .  
 سهادن اینمه مشدر ، شبهه سز ، لکن سهاویدر :

## فاتح جامعی

یاتارکن یرده الحاديله حشر اولمش سفیل افکار ،  
یاروب ادواری یوکسلمش بومدهش هیکل اقرار .  
سپهرنک ضلالت بربولوط شکنده ماضیلر ،  
قچار پیرامنندن بولایوب برلظه استقرار ؛  
ضیاریز حقیقت برسحر طورنده مستقبل ،  
کلیر فوقندن ایلر سرمدی بیکلرجه نور ایثار .  
در آغوش ایتمک ایستر نازنین بزم لاهوتی :  
قول آچش هرمناری صانکه برامید جراتکار !



بكا صور سوکيلي قاره ، سكا بن سويليه يم :  
نه هويته شو قارشیکده طوران اشعارم :  
بريغين سوز که ، صميمي آنجق هنري ؛  
نه تصنع بيليرم ، چونکه ، نه صنعتکارم .  
شعر ايجون « کوز ياشي » ديرلر ؛ اوني بيلم ، يالکز ،  
عجزيمک کريه سيدر نجبه بوتون آثارم !  
آغلارم ، آغلاده مام ؛ حس ايدرم ، سويليه مم ؛  
ديلي يوق قلبمک ، اوندن نه قدر يزارم !  
اوقو ، شايد سکا برحسلي يورک لازمه ؛  
اوقو ، زيرا اوني يازدم ايکي سوز يازدمسه .



اولاد محمد علی به


یادگار و دادمدر

ناشری

PL  
248  
A.46A17  
1888  
V.1-6

سیل الرشاد کتبخانه سی صاحبی  
ح . اشرف ادیب

نومرو : ۱۷



1030579

Hkif, Mehmet  
Şafahāt

# صَفَاحَات

برنجی کتاب

محمد عاکف

26.10.1962  
Beyanıt  
A. H. K.

ایکینجی طبیی



725

---

22450

PL  
248  
A46A17  
1888  
v.1-6

Akif, Mehmet  
Safahat

PLEASE DO NOT REMOVE  
CARDS OR SLIPS FROM THIS POCKET

---

UNIVERSITY OF TORONTO LIBRARY

---

